



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines


Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>




379



0
6

QB
351
. W58

377



0
6

QB
351
.W58





PRÆLECTIONES
PHYSICO-MATHEMATICÆ
CANTABRIGIÆ
In Scholis Publicis Habitæ.

QUIBUS

Philosophia Illustrissimi NEWTONI Mathematica

Explicatius traditur, & facilius demonstratur:

COMETOGRAPHIA etiam HALLEIANA

Commentariolo illustratur.

A GULIELMO WHISTON, A.M.
Et Matheseos Professore *Lucasiano*.

In Usum Juventutis Academicæ.

CANTABRIGIÆ,

Typis ACADEMICIS.

LONDINI, Impensis BENJ. TOOKE Bibliopolæ,
juxta Medii Templi Portam, in vico vulgo vocato
Fleet-street. A.D. M. DCC. X.

CONFIDENTIAL JAN 1971

ALL INFORMATION CONTAINED HEREIN IS UNCLASSIFIED

DATE 11-11-2001 BY 60322 UCBAW

EXCEPT WHERE SHOWN OTHERWISE, THIS DOCUMENT IS UNCLASSIFIED

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

DATE 11-11-2001 BY 60322 UCBAW

Hist. & sci.

Bonin

8-2231
30809
Philosophia Mathematica.

PRÆLECTIO I.

ABSOLUTIS olim pure Astronomicis, ad Operis nostri partem alteram, *Philosophiam* nempe Cl. Newtoni *Mathematicam* accedendum. In animo enim est Viri istius longe Maximi vestigia premere, & præcipua ejusdem nobilissimaque inventa Philosophica, faciliori methodo exponere; ut ita tandem Philosophia Newtoni plane divina pluribus, & vel in mathesi mediocriter versatis innotescat; nec intra privatos summorum Geometrarum parietes amplius delitescat. Prius autem quam quisquam egregia hæc & prorsus admiranda Philosophiæ Naturalis theoremata aggrediamur, præter aliqualem Geometriæ, Arithmeticæ & Astronomiæ notitiam, necessarium est omnino ut cum veras *Motuum leges*, tum imprimis curvarum linearum quas *Sectiones Conicas* appellamus, naturas & primarias proprietates non ignoret. Visum est ergo in eorum gratiam qui Prima tantum Geometriæ, Arithmeticæ & Astronomiæ Elementa perlegerunt, tam *Conicas Sectiones*, quam nuper demonstratas *Motuum leges* paucis attingere atque illustrare; ne forte quispiam harum rerum penitus ignarus in Cl. Newtoni inventis intelligendis frustra laboraret. Quod enim ad primas motuum & collisionum leges attinet, in iis stabiliendis tam miseris erravit modis Cartesius, falsæque reflexionum Regulas orbi tam audacter tradidit, ut præjudiciis inde exortis tollendis vacare operæ pretium haud immerito videatur. Quod vero *Sectiones Conicas* spectat, Pauci adeo ex iis, inferioris nimirum subfellii Mathematicis, in quorum gratiam provinciam hanc suscepi, earum indolem aut

B

pro-

proprietates capiunt, ut nisi hisce subvenire sit animus in cæteris laboriose tradendis operam plerumque atque oleum sim omnino perditurus. Etenim Cum Cl. Newtonus in eo totus sit, ut omnes Systematis nostri Planetas atque Cometas in aliqua sectionum conicarum moveri demonstret, perquam jucundum, quin & admodum necessarium erit curvarum harum generationes atque naturas contemplari paululum atque prælibare. Ut ergo, missâ aliâ præfandi circuitione, Elementa Conica paucis explicare, & ob oculos, omiſſis tamen hic loci eorundem demonstrationibus, ponere valeam, nonnulla huc spectantia e conicorum scriptoribus, præsertim vero è Clarissimo D. De la Hire mutuò accipere, & pro demonstratis hic loco assumere, non pigebit. Quanquam autem curvæ istæ lineæ per meras in plano delineationes & constructiones, uti fiet inferius, exhiberi possint, tamen quia Geometræ tam antiqui quam neoterici per Coni Sectiones easdem plerumque exposuerunt, & quia istæ curvæ nullo alio modo simul omnes & semel ostendi queant, atque etiam quia mutua singularum habitudo & cognatio quædam vix in altera explicandi forma adeò liquido innotescat, ob hæc, inquam, & hujusmodi rationes Curvarum harum naturas primo per Coni Sectiones, deinde verò per meras quoque in plano delineationes, sine Cono, ostendere operam dabo.

Si sumatur punctum quodvis extra planum, in quo descriptus est circulus, & per hoc punctum immobile recta linea ad utrasque partes puncti immobilis in infinitum producta peripheriæ circuli circumducatur, Superficies ortæ ex motu rectæ singulæ dicuntur *Superficies Conicæ*, Utræque vero infernæ & supernæ conjunctim dicuntur *Superficies ad verticem oppositæ*: Punctum immobile utriusque superficiei commune dicitur *Vertex*: Circulus est *Basis*, & solidum a superficie conica & circulo basi comprehensum, & in infinitum, si placet, producendum, vocatur *Conus*: cui simile etiam & æquale


ex

Ex altera parte verticis generatur. Linea recta a Coni vertice ad circuli basis centrum *Axis Coni* dicitur; qui quidem *Axis*, si modo sit plano circuli basis perpendicularis, *Conus Rectus* dicitur; sin minus *Conus Obliquus*, vel *Scalenus*. Jam verò si planum utcunque positum, modo non transeat per ipsum verticem, secet superficiem conicam, vel superficies ad verticem oppositas, planum illud *Planum Secans* audit, & aliud planum per verticem transiens, & plano secanti ubique parallelum *Planum Verticale* dicitur: Curva linea quam superficies conica in plano secante describit nuncupatur *Sectio Conica*; quæ quidem *Sectio* diversa est pro diversa plani secantis, in quo describitur, ad Conum inclinatione. Sin Planum secans utrasque conicas superficies ad verticem oppositas simul secet, orientur in Plano Secante binæ curvæ lineæ similes & æquales, quæ *Sectiões* vel *Hyperbolæ Oppositæ* dicuntur. Si itaque Planum Secans eo modo ad superficiem Conicam inclinetur, ut planum verticale, eidem parallelum, superficiem conicam, sive potius superficies ad verticem oppositas tangat, Curva Linea in plano secante descripta dicetur *Parabola*. Si verò ea sit plani secantis ad superficiem conicam inclinatio, ut planum verticale eidem parallelum sit extra conum, ita nempe ut non tangat superficiem conicam, Planum Secans utrumque conum secabit, & curva linea in plano secante genita dicetur *Ellipsis*. Sin ea demum sit plani secantis ad superficiem conicam inclinatio, ut planum verticale eidem parallelum conum secet, curva illa linea in plano secante descripta dicetur *Hyperbola*. & quia fieri non possit ut planum secans unam tantum superficiem secet, quin necesse est ut superficies utrasque ad verticem oppositas simul secet, binæ illæ curvæ lineæ similes & æquales *Hyperbolæ Oppositæ*, vel *Sectiões Oppositæ*, uti jamjam notavimus, appellabuntur. Si itaque Planum secans & verticale ita simul sibi semper parallelos circumagantur,

ut Verticale nunc basin secet, nunc superficiem Coni tangat, nunc extra conum sit positum, liquet a superficie conica varias *Hyperbolarum* species, *Parabolas* varias, varias demum *Ellipsium* species in plano secante delineatum iri. Liquet insuper qualis & quam arcta sit inter omnes hæc lineas cognatio. Si enim sectio sit basi parallela, vel etiam in cono scaleno subcontrarie posita, erit *Circulus*: qui itaque inter sectiones conicas, utpote *Ellipsium* extrema, merito numeratur: unde mutata gradatim plani secantis inclinatione orientur infinitæ *Ellipsium* Species; donec tandem inclinatio evadat conì lateri parallela, ubi *Ellipsium* extrema evadit *Parabola*: Mutatâ verò ulterius tantillum plani secantis inclinatione, exurget *Hyperbola*; cujus infinitæ erunt species, pro varia plani verticalis intra conum inclinatione. Ita ut *Ellipsium* ultimæ hinc in circulum, illinc in *Parabolam*; *Parabola* hinc in *Ellipsin*, illinc in *Hyperbolam*; & *Hyperbolarum* ultimæ hinc in *Parabolam*, illinc in lineam rectam definant. Verumenimvero quia difficilior forsitan non paucis apparitura sit Conica hæc curvarum regularium explicatio, visum est singularum naturas ex facili quadam in plano delineatione, cum Cartesio & aliis, qua possum perspicuitate ulterius exponere.

Ut *Ellipseos* ergo generationem & indolem rite capiamus, sint *H* & *I* duo puncta, vel clavi paxillive: his punctis circumponatur funiculus *BHI*: deinde immisso digito vel clavo funiculus æqualiter tensus maneat, dum circumagatur digitus vel clavus a motûs incipientis puncto *B* donec in orbem rediens ad idem punctum *B* iterum revertatur. Describetur hac puncti *B* revolutione curva linea, quam *Ellipsin* dicimus: quæ in eo tantum a circuli delineatione differt, quod *Circulus* circa centrum unicum, *Ellipsis* autem circa bina puncta tanquam centra describitur; quæ si, evanescente punctorum distantia *HI*, in unum coeant, elliptica curva hæc evadet perfecte circularis. Quo autem major est pun-

punctorum centralium distantia HI , manente nimirum funiculi longitudine, eo longius hæc figura a circulari recedet; & quo minor est distantia ista, ad circulem accedet magis; ita ut pro diversa distantia HI , ad funiculum BHI , vel ad lineam DK eidem funiculo æqualem, ratione diversæ ellipsium species describantur. At si funiculi longitudo eadem proportionem minuatur vel augeatur quâ minuitur vel augetur punctorum centralium H & I distantia, describentur quidem Ellipses diversæ, sive diversarum magnitudinum omnes, sed quæ




*fimiles omnino sunt futurae, seu ejusdem speciei. Unde perspicuum est Ellipses non magnitudine tantum, sed & specie innumeras esse, & a circulo ad lineam rectam extendi: Sicut enim coeuntibus punctis *H* & *I* Ellipsis evadit circulus, ita ad distantiam ipsius funiculi dimidiam recedentibus, Ellipsis fit linea recta, coalescente*

utroque latere. Hinc etiam apparet unamquamque ellipsin speciem non minùs distare ab alia qualibet, quàm distat omnium ultima hinc a circulo, illinc a rectâ lineâ. Patet quoque ex hac delineatione quod, si ex aliquo puncto pro arbitrio in peripheria elliptica electo, ut B , duas rectas ad duo puncta centralia agamus, hasce duas lineas BH & BI simul sumptas maximæ ejus diametro DK æquales fore, atque proinde earum summam semper dari. Quod sane ipsa constructio probat: Pars enim funiculi ab I ad B extensa, & inde ad H replicata eadem est omnino quæ porrecta ab I ad K , vel ad D inde itidem recurrit ad I vel ad H ; ita ut DH sit æqualis IK , & HD una cum DI (sive HB cum BI) toti DK sint æquales.

Præcipuarum vero in Ellipsi linearum Nomina, & palmarias ejus proprietates hoc loco addemus; quo aliqualem saltem hujus curvæ longe nobilissimæ notitiam nacti, motus planetarum cælestes postea melius intelligamus. Cùm enim jam constet *planetas* omnes, & admodum verisimile sit omnes *cometas* in Ellipsibus circa Solem motus suos peragere, uti in sequentibus demonstrabitur, ideo majori cura Ellipseos naturæ contemplandæ est incumbendum, quò veram coelorum Astronomiam, cursûsque planetarum & cometarum varios rectius percipere valeamus. $DFKR$. est *Ellipsis*: C ejus *centrum*: Puncta H & I sunt ejus *Foci*, sive *Umbilici*, DK est *Axis Major*, seu *Transversus*, sive *Diameter Principalis*, sive etiam *Latus Transversum*: FR est *Axis Minor*: Omnes lineæ rectæ per centrum C transeuntes sunt *Diametri*: Omnes lineæ rectæ ad peripheriam ellipticam terminatæ, & à Diametro quâvis bifariam divisæ dicuntur *Ordinate*, vel *Ordinatum applicatæ* ad istam diametrum. Sic MG per centrum transiens est *Diameter*, & PK ab eadem bifariam divisæ ejusdem *Ordinatum* vel *Ordinatum applicatæ*. Pars Diametri cujusque inter ejus verticem & ordinatam intercepta ut $M\mu$ dicitur ejus *Abscissa*: Linea à Diametri vertice ipsius ordina-

dinatis parallelas ducta, ut $\eta\theta$ est Ellipseus in isto ver-
tice *Tangens*: Diameter alterius Diametri ordinatis paral-
lela ejusdem dicitur *Diameter Conjugata*, & ordinatas



fua priori diametro parallelas habet. Sic diametri GM
& VT sunt sibi invicem Conjugatæ, & ordinata PK
B 4 dia-

diametro VT , & ordinata KE diametro GM est parallela. Ordinata per focorum utrumvis ad axem majorem MA in figura prima dicitur *Latus Rectum* Principale, vel *Parameter* Axis majoris.

Palmarie Ellipseos Proprietates sunt hæ:

(1.) Diameter quælibet ut MG omnes ordinatas suas sibi invicem parallelas, ut KP , AB , ST , ad peripheriam ellipticam utrinque terminatas bifariam dividit.

(2.) Axium Ordinatæ sunt axibus ipsis perpendiculares: Sed Diametrorum reliquarum ordinatæ sunt ad diametros suas obliquæ, & in diversis speciebus eo magis obliquæ, paribus ab axe distantibus, quo ratio axis majoris, ad minorem est major; & in eadem ellipsi eo magis obliquæ, quo diametri sunt ab axibus remotiores.

(3.) Duæ tantum dantur diametri conjugatæ sibi invicem æquales; quarum Vertices æqualiter ab axium verticibus distant. Sic Diameter VT est diametro GM conjugata & æqualis, ubi nempe VF est æqualis MF , & VD æqualis MK .

(4.) Harum duarum diametrorum inter se æqualium & conjugatarum angulus obtusus PCM erit major, & acutus PCG erit minor omni alio angulo a diametris reliquis inter se conjugatis comprehenso.

(5.) Si sint lineæ μP & νB semiordinatæ ad diametrum quamvis MG ; Quadratum semiordinatæ μP est ad Quadratum semiordinatæ νB ut est rectangulum $M\mu \times \mu G$ nempe sub partibus diametri factis ab ista ordinata, ad rectangulum $M\nu \times \nu G$ sub partibus diametri factis ab altera ordinata.

(6.) Latus Rectum vel Parameter diametri cujusque est post diametrum istam & eidem conjugatam tertia geometricæ proportionali. Hoc est in figura prima Parameter vel Latus Rectum diametri cujusvis DK est γ . Si sit ut Diameter DK ad conjugatam diametrum EF ita EF ad γ . Unde AM Ordinata per focum, lateri recto principali, ut prius, æqualis, est post-Axem majorem & minorem
tertia

tertia proportionalis. Axes enim sunt diametrorum inter se conjugatarum primariæ.

(7.) Quadratum semiordinatæ cujusvis ut MI in prima figura minus est Rectangulo ex abscissa quavis ut IK in Latus rectum Diametri suæ, sive quam $IK \times \gamma$. Et quadratum semiordinatæ $P\mu$ minus est Rectangulo ex abscissa $M\mu$ in latus rectum ad diametrum MG , pertinens. A quo defectu vel ~~indefinito~~ Oritur hujus sectionis nomen.

(8.) Si a puncto quovis B in figura prima ducantur ad focos lineæ rectæ BH & BI istarum summa axi majori æquabitur. Et si angulus IBH ab iis lineis comprehensus a lineâ rectâ ba dividatur bifariam, Linea rectâ ba est tangenti in puncto B , sive lineæ VB , hoc est, curvæ in ipso contactûs puncto perpendicularis.

(9.) Curvatura arcuum similium Ellipticorum quoad centrum Ellipseos est in diversis a centro illo distantii in quadruplicata istarum distantiarum ratione directe. Sic si CK sit ipsius CF dupla, erit curvatura in distantia maximâ K , ad curvaturam in distantia minima F , ut sedecim ad unum. Si CK sit ipsius CF tripla erit curvatura in K ad curvaturam in F ut 81 ad 1: Atque ita in reliquis; uti olim ostendetur.

(10.) Curvatura autem arcuum ellipticorum quoad focum est in diversis distantiiis a foco isto in simplici distantie ratione directe; Sic si HD sit dimidia ipsius HK erit curvatura quoad focum H ad D , curvaturæ quoad eundem focum ad K etiam dimidia; & sic ubique. Et ita quoque res se habet in parabola & hyperbola.

(11.) Distantia corporis in Ellipsi circa focum H revolvantis ab isto foco est omnium maxima in puncto K , omnium minima in puncto D , & mediocris in punctis E & F ; & distantia ista mediocris HF est semiaxi majori DC vel CK æqualis: ut ex ellipseos genefi est apertissimum-

(12.) Subtensa evanescens anguli contactus, distantia a foco parallela, ad æquale a distantia ista intervallum perpendiculare, in eadem Ellipsi, quin & Parabola & Hy-

Hyperbola semper manet data five invariata. Sic si dZ semper detur, erit & gd in distantia infinite parva semper data.

(13.) Area Ellipseus est ad aream circuli circumscripti ut axis minor ad majorem; & ita sunt inter se partes correspondentes quælibet ut: MIK , mIK ; & Ordinatæ ad axem majorem ut MI dividuntura peripheria elliptica ut M in eadem semper ratione; ita ut MI sit ad mI in eadem ratione data, nempe, in ratione axis minoris ad majorem. Neque aliter de circulo Ellipsi inscripto est ratiocinandum.

(14.) Parallelogramma omnia circa diametros Ellipseus conjugatas descripta, & Ellipsin comprehendentia sunt ubique æqualia. Sic Parallelogrammum aCy est æquale Parallelogrammo aZy : & sic ubique.


(15.) Si linea recta per focorum alterum semper transiens ita moveatur ut area elliptica ab eadem descripta sit tempori proportionalis, motus angularis lineæ rectæ ab altero foco ad priorem in curva ducta erit fere æquabilis. Sic fane in delineatione Ellipseus superius allata, si ita lineæ HB motus angularis esset temperatus, ut pro reciproca distantiae ratione acceleratus vel retardatus aream DHB tempori proportionalem descripsisset, Motus angularis KIB circa focum alterum I esset fere tempori proportionalis, & proinde sine notabili acceleratione vel retardatione tantum non æquabilis; hoc est ubi Ellipsis a Circulo non admodum recedit.

Feb. 7. 170 $\frac{1}{4}$.

II.

UT jam ab Ellipsi ad Parabolam transeamus, Sit DI linea recta infinita; eique sit etiam linea recta infinita IL perpendicularis. Accepto jam in linea DI puncto quovis ut F , divisâque bifariam lineam FI in puncto T , Punctum illud T erit *Vertex principalis* figuræ

guræ, & descriptionis initium. Capiatur filum duplex
PH, hoc est, filum vel funis ex filis vel funiculis binis,



æquali juxta se tensione positis, conflatus: utriusque funiculi extremitas punctis F & I affigatur eâ lege, ut funiculus uterque, ex quibus funis integer componitur, in partes duas distinctus, & hac illac æqualiter extensus, lineam FI exacte adæquent; ita ut filorum partitio vel vertex ipsi puncto medio T directe supereminet, punctumque T proinde ipsi filorum partitioni vel aper-

turæ

turæ subfit. His ita præparatis, Descriptoris manus quæ fili partem integram tenet, hac illac versus partes dextram & sinistram ita moveatur, & ita funiculus duplex se aperiat, ut pinnula vel stylus per aperturæ punctum curvam lineam describat. Observandum est autem eo modo fila esse continuo movenda ut, extremitate unâ L lineam rectam IL semper occupante, filum PL sit lineæ IL perpendiculare; vel, quod eodem redit, ut sibi ipsi & lineæ DI maneat ubique parallelum; & ut altera fili extremitas puncto F immobili semper affixa adhæreat. Continuetur utrinque hujusmodi motus in infinitum, & inde orietur curva linea quam *Parabolam* dicimus. Cujus Curvæ lineas præcipuas & proprietates notissimas hic loci paucis explicabo. $gPiT'sRx$ est peripheria Parabolæ: ID ejusdem *Axis*, sive *diameter principalis*: F *Focus*, seu *Umbilicus*: punctum T *Vertex principalis* parabolæ: ih *Ordinatum applicatum* ad axem per focus; lateri recto principali æqualis. Omnes lineæ rectæ ut in vel RZ axi parallelæ sunt *diametri*, utpote quæ ordinatim applicatas, tangentibus parallelas, ut ih & KT bifariam dividunt, & dicuntur *Diametri ad vertices* quibus terminantur ut T , i pertinentes.

Palmariæ Parabolæ proprietates sunt hæ:

(1.) *Diameter* quævis, vel linea recta axi parallela omnes lineas ordinatim applicatas, hoc est, tangenti in verticis puncto parallelas bifariam dividit.

(2.) *Axis Ordinata* sunt axi perpendiculares; sed *diametrorum reliquarum Ordinata* sunt ad diametros suas obliquæ; & eo magis obliquæ quo diametrorum verticibus a vertice Parabolæ primario magis distant.

(3.) *Latus Rectum* vel *Parameter* ad diametrum quamvis pertinens, est post abscissam quamvis & semiordinatam suam tertia geometricè proportionalis. Hoc est, *Latus rectum* diametri in vel verticis i est T si fit ut abscissa iq , ad semiordinatam qk , ita semiordinata illa qk ad T .

(4.) *La-*

(4.) *Latus rectum principale*, five ad axem pertinens est *Ordinatæ* per focum *ib* æqualis; & est distantia minimæ a vertice principali *FT* quadrupla.

(5.) *Latus rectum* ad verticem vel diametrum quamvis pertinens est distantia verticis istius a foco etiam quadruplum: sic *latus rectum* verticis *s* est ipsius *Fs* quadruplum, atque ita ubique.

(6.) Distantia verticis vel puncti cuiusvis in parabola a foco est distantia minimæ a linea *LL* axi perpendiculari, & lateris recti principalis quadrante a vertice Parabolæ distante, ubique æqualis. Sic ex ipsa constructione liquet lineam *FP* esse lineæ *PL* æqualem.

(7.) Quadratum semiordinatæ cuiusque ut *qk*, æquale est rectangulo ex verticis ejusdem Latere recto ut *T*, & abscissa *iq* Diametri ad eundem verticem pertinentis. Et ex æqualitate ~~omnium~~ vel comparationis in hac figurâ inter rectangulum istud & semiordinatæ quadratum, absque defectu vel excessu, oritur hujus sectionis Nomen.

(8.) Ob datum itaque in quavis diametro *latus rectum*, sunt abscissæ ut semiordinatarum quadrata, five in semiordinatarum ratione duplicata: Sic *TF*, est ad *TG*, ut *iF* quadratum ad *gG* quadratum; & sic quoque est *iq* ad *ir* ut *qT* quadratum ad *rt* quadratum; & ita ubique. Unde quoque ubi axis abscissa est lateri recto principali æqualis, five distantia a vertice quadrupla, erit semiordinatæ suæ æqualis.

(9.) Angulus a tangente quavis & linea a foco comprehensus est æqualis angulo ab eadem tangente & diametro quavis, vel etiam axe comprehenso. Sic anguli *LiF* & *pin* sunt æquales. Unde sane, quod obiter est notandum, Omnes lucis radii in partem superficiæ a convolutione parabolæ circa axem genitæ concavam axi parallelis incidentes a superficie ista paraboloidæ in focum *F* reflectentur, & ardorem vehementissimum generabunt: a quâ quidem proprietate *foci* nomen figuræ hu-

hujus umbilicus meruit: & idem nomen similibus punctis in Hyperbola & ellipsi communicavit.

(10.) Parabola, sicut & Hyperbola, spatium non claudit, sed in infinitum protenditur.

(11.) Curva Parabolica ad parallelismum cum diametris suis semper magis & magis in infinitum tendit; sed ad eundem pertingere nunquam potest.

(12.) Si duæ parabolæ eodem axe & vertice principali describantur, erunt axi communi ordinatæ in data ratione a parabolis resectæ; & areæ ab iisdem axe, ordinata, & curvis comprehensæ erunt in eadem data ratione ad invicem.


(13.) Spatium quodvis Parabolicum intra curvam & ordinatam comprehensum est ad parallelogrammum ex eadem basi & altitudine in ratione sublesquialtera five ut 2 ad 3. & ad spatium externum in ratione dupla five ut 2 ad 1. Sic qIT est ad qII ut 2 ad 3. & ad iIT ut 2 ad 1. Unde Parabolæ Quadratura facillima oritur.

(14.) Distantia inter axis verticem & tangentis curvæ intersectionem est æqualis axis abscissæ ad ejusdem ordinatam ex puncto contactus applicatam. Sic TI est æqualis TF ; & ita ubique.

(15.) Omnes Parabolæ sunt similes vel ejusdem speciei; quemadmodum omnes circuli.

(16.) Si per occursum duarum contingentium agatur diameter. Hæc diameter bifariam dividet conjungentem tactus. Quæ Parabolæ proprietates etiam Ellipsi & Hyperbolæ est applicanda.


Ut jam a Parabola ad Hyperbolam transeamus: Sit Regula vel baculus IB satis longus, sint I & H puncta centralia, focus Ellipseos correspondentia, quibus clavi infigantur: Annexâ jam extremitati longi baculi vel regulæ resti baculo duplo breviori, altera ejus extremitas perforetur, & ita clavo I immittatur; nodus autem vel foramen in altera restis extremitate clavo alteri immittatur: Posito jam digito aut stylo in puncto B , ubi mutuo junctæ



junctæ sunt regula & restis, descendat digitus vel stylus dum restis regulæ arcte juncta, & velut agglutinata teneatur; qua opera prout digitus vel stylus deducitur, regula etiam circa clavum I continuo rotante, describetur a puncto B sive anguli HBI vertice lineæ curvæ *Hyperbolæ* dictæ pars $XB D$. Et postea, conversâ in alteram partem regula, eaque ad T prolata, eodem prorsus modo altera pars Hyperbolæ TD describetur. Præterea, Si descriptor nodum vel foramen suæ restis transferat in clavum I , & regulæ extremitatem in clavum H , aliam Hyperbolam SKT priori omnino similem & æqualem & ad verticem oppositam describet. Sed si regula & clavis non mutatis, longiorem tantum restis admoveat, Hyperbolam alterius speciei designabit: & si adhuc paulo longiorem, adhuc alterius, donec ipsam regulæ duplæ æqualem reddens, rectam lineam loco Hyperbolæ describat. Deinde si Descriptor clavorum distantiam mutet eadem prorsus ratione qua mutat differentiam quæ est inter funis & regulæ duplæ longitudinem, Hyperbolas ejusdem quidem speciei describet, sed quarum partes similes magnitudine different: Et tandem si æqualiter augeat longitudinem restis & regulæ, manente earum differentiâ, & clavorum intervallo, non aliam aut speciem aut magnitudine Hyperbolam describet, sed majorem solummodo illius partem.

Attamen fatendum est non paucas Hyperbolæ proprietates ex alio quodam generandi modo melius innotescere: Eum itaque, antequam ad hujus figuræ nomina & proprietates deveniam, declarare non pigebit.

Sint LL & MM . Lineæ rectæ infinitæ, in angulo quovis se interficantes ad punctum C : A puncto quovis, ut D , vel e , ducantur primis lineis parallelæ Dc , Dd vel ec , ed ; quæ cum lineis primo ductis constituent parallelogrammum, ut $Dc Cd$; vel $ec Cd$: Concipe bina parallelogrammi latera ut Dc , Dd vel ec , ed ita hac illac moveri ut parallelissimum eundem semper servant



vent, & ut areæ æqualitatem pariter servant; hoc est, esto *Dc* vel *ec* semper parallela *MM*; & *Dd* vel *ed* semper parallela *LL*: & area cujusque parallelogrammi sibi semper sit æqualis, Ut eadem ratione latus unum augeatur qua diminuitur alterum: Hoc pacto punctum *D* vel *e* Curvam lineam, intra angulum a lineis primis comprehensum, describet; quæ eadem plane est *Hyperbola* quam prius & per Coni Sectionem, & per delineationem Cartesianam descripsi. Et pariter, In angulo ad Verticem opposito similis & æqualis *Hyperbola* describetur; modo parallelogrammum *CcKd* prioribus æquale eodem cum prioribus modo moveri supponatur. Quæ sane *Hyperbola* simul *Sectiones Oppositæ* vel *Hyperbola Oppositæ* nuncupantur.

In utraque figurâ *DK* est *Axis Transversus*, vel *Diameter Transversa* *Hyperbolæ*, vel *Sectionum Oppositarum*: Punctum *C* centrum: Puncta *H* & *I* foci. In figura autem secunda Lineæ omnes per centrum *C* transeuntes, ut *ih*, sunt *Diametri*. Si autem in angulis sequentibus *LCM MCL* etiam *Hyperbolæ* describantur, *Sectiones* istæ *Sectiones Sequentes* dicentur: & si distantia Verticis primarii istarum *Hyperbolarum* a communi omnium centro *C*, ut *Cξ* vel *Cγ*, sit æqualis semitangenti *Kν* vel *Kω* in vertice harum primario, *Sectiones* vel *Hyperbola Conjugatæ* dicentur: & omnes simul figuræ *Systema Hyperbolicum* audient: *ih* est *Ordinata* ad Axem, per focum, Lateri Recto principali, vel *Axis Parametro* æqualis: *Diameter Indeterminata*, sive *Sectionum sequentium*, quæ ordinatis diametri cujusvis determinatæ, sive *Sectionum priorum* est parallela, ejusdem dicitur *diameter conjugata*: & ordinatas suas priori diametro parallelas habet.

Palmarie Hyperbolæ & *Sectionum Oppositarum* *Proprietates* sunt hæc,

(1.) *Diameter* quævis vel linea recta per centrum transiens omnes ordinatas suas sibi invicem parallelas, & ad peripheriam *Hyperbolicam* utrinque terminatas bifariam dividit.

(2.) *Axis*

(2.) Axis Ordinatæ sunt axi perpendiculares; Sed Diametrorum reliquarum Ordinatæ sunt ad diametros suas obliquæ; & in diversis speciebus eo magis, paribus ab axe distantius, obliquæ, quo ratio angulorum sequentium est ad Hyperbolarum angulos major; & in eadem Hyperbola eo magis obliquæ quo diametri sunt ab axe remotiores.

(3.) Si sint Lineæ quævis ut Hh & Qs semiordinatæ ad diametrum quamvis KD , Quadratum semiordinatæ Hh , est ad quadratum semiordinatæ Qs ut rectangulum $KH DH$, ad rectangulum $KQ DQ$: Atque ita Quadratum bn , ad Quadratum aK , ut rectangulum $ib hb$, ad rectangulum $ia ha$: & sic ubique.

(4.) Latus rectum vel Parameter diametri cujusque est post diametrum istam & eidem conjugatam (vel tangentem suam ipsi æqualem) Tertia geometrice proportionalis: Hoc est Parameter vel Latus rectum diametri cujusque ut DK est γ , si sit ut DK Diameter ad sibi conjugatam $\zeta\gamma$, vel ei æqualem $\omega\gamma$, ita conjugata ista $\zeta\gamma$ vel $\omega\gamma$ ad tertiam γ . Et Latus Rectum principale est ordinatæ ad axem per focum æquale, & est minimæ foci a vertice distantia plusquam quadrupla.

(5.) Quadratum Semiordinatæ cujusvis ut Qr majus est rectangulo ex abscissa DQ in latus rectum diametri suæ, ut γ : Et pariter Quadratum semiordinatæ bn majus est rectangulo abscissæ ib in latus rectum diametri hi . A quo excessu sive $\epsilon\pi\epsilon\rho\epsilon\lambda\eta\varsigma$ oritur hujus sectionis nomen.

(6.) Si a quovis hyperbolæ puncto ut B , in figura priori, ducantur ad focum utrumque lineæ rectæ, ut $BH BI$, harum rectarum differentia æquabitur axi DK ; uti ex delineatione facile constare poterit.

(7.) Si angulus HBI a lineis ad focos ductus comprehensus bifariam dividatur a linea recta EB ista linea recta erit Hyperbolæ tangens in puncto B .

(8.) Lineæ rectæ hyperbolæ includentes LL & MM sunt hyperbolarum Asymptoti, sive tales ad quas utrinque

trinque magis magisque accedit Curva, sed eas nunquam possit attingere, vel nunquam cum iisdem coincidere.

(9.) Variæ sunt Hyperbolarum species pro varia anguli asymptotis comprehensi LCM magnitudine: Manente vero isto angulo species hyperbolarum manebit, sed pro magnitudine parallelogrammi describentis variæ hyperbolæ magnitudine diversæ orientur: Si vero angulus abasymptotis comprehensus sit rectus, Hyperbola dicetur æquilatera, vel rectangula, & Latera recta omnium diametrorum erunt diametris suis (ut fit in circulo) ubique æqualia: & hyperbolarum eodem axe descriptarum, in variis asymptotorum angulis, lineæ rectæ axi perpendiculares erunt in proportionem data ab omnibus resectæ, & spatia pariter a rectis seu ordinatis, axe productæ, & curvis inclusa in eadem ratione data.


(10.) Si distantia ab hyperbolæ centro in asymptoto accipiantur in ratione geometrica; ita ut CI CII $CIII$ CIV CV CVI sint continue proportionales geometricæ; & ab istis punctis ducantur alteri asymptoto parallelæ lineæ I 1 II 2 III 3 IV 4 V 5 VI 6 : erunt spatia I 2 II 3 III 4 IV 5 V 6 inter se æqualia. Atque adeo si Asymptotos ista CM secundum rationem numerorum omnium, naturali serie se invicem superantium divisa supponatur, erunt spatia ista numerorum omnium Logarithmis proportionalia.

Feb. 14. 170 $\frac{1}{4}$.

III.

EXpositis jam sigillatim lineis curvis quas Sectiones Conicas vocamus, Videamus paulo quid ex mutua omnium comparatione elucebit, & quænam sit inter singulas cognatio, qualis differentia & habitudo mutua, paucis consideremus.

Sit ergo A punctum, circuli $FXBT$ centrum, &
Focus



Focus communis omnium sectionum: [Et est quidem Focus cujusque sectionis quasi centrum quoddam; & axi ordinatim applicata per Focum transiens, sive Latus Rectum cum circuli diametro per ejus centrum transeunte in plerisque magis congruit quam axis ipse sectionis:] Sit Punctum *F Vertex principalis* omnium sectionum: Sitque *FXBY* Circulus, cujus figuræ, utpote Ellipsium extremæ centrum cum focus coalescit: erit *XY* Latus rectum, si ita loqui liceat, circuli, per communem focum vel centrum transiens, & reliquis diametris æquale: Sit *FGHI* Ellipsis minus curva ad verticem *F* quam circulus, cujus focus remotior est *C*: Diameter Principalis sive Axis major *FH*: Axis minor *GI*: Latus rectum principale *ef*; nimirum distantiae verticis *F* ab isto foco *AF* plusquam duplum, nec tamen quadruplum: Notandum autem aliam etiam Ellipsin circulo in *F* magis curvam oriri posse; sed circa punctum *A* tanquam focorum remotiorem descriptam. Post Ellipsin autem majorem Ellipseos, centro in infinitum abeunte, oritur sectio conica *LdFcK*, quam *Parabolam* dicimus; quæ est sane Ellipseos infinite longæ dimidium; cujus axis est infinitus *FH*, & Latus Rectum Principale *cd* est distantiae verticis a foco *AF* quadruplum. Hujus Parabolæ curvatura in vertice *F* est adhuc minor quam ea Ellipseos. Sequitur demum Hyperbola *MiFLN* Cujus parameter, sive Latus rectum principale *il*, distantiae verticis a foco *AF* plusquam quadruplum: Cujus curvatura in vertice *F* est adhuc minor quam est ea Parabolæ: & quæ aucto in infinitum angulo *TEV* ab asymptotis comprehenso, & asymptotis in unam rectam *OP* desinentibus, in infinitum minuetur, donec ipsa hyperbola cum asymptotis suis in lineam Rectam axi perpendicularem tandem abeat. Unde notandum (1) Sectiones Conicas esse per se curvarum linearum regularium & congenerum systema, & Unam in alteram, ubi in infinitum augetur vel minuitur, perpetuo mutari. Ita circulus diminuta vel aucta tantil-


lum

lum curvatura, in Ellipsin abit; Ellipsis autem centro ejus in infinitum abeunte, & curvatura eo pacto diminuta vertitur in Parabolam: Cujus curvatura si tantillum mutetur, exurget Hyperbolarum prima, quarum species cum sint innumeræ per curvaturam gradatim diminutam emergent omnes, donec evanescente curvatura hyperbola, ultima in rectam lineam axi perpendicularem definat. Unde patet omnem regularem & circulo congenerem curvaturam a circulo ipso, figurâ omnium maxime æquabili, usque ad lineam rectam, esse curvaturam conicam, five Sectionem Conicam, & vario nomine pro diversis curvaturæ gradibus insigniri. Notandum (2.) Latus Rectum Circuli esse distantie a vertice duplum, Latera Recta Ellipsium omnes inter duplam & quadruplam rationes obtinere, pro variis earundem speciebus: Latus Rectum Parabolæ cujusque esse distantie istius exacte quadruplum. Latera tandem Recta Hyperbolarum omnes ultra quadruplam rationes obtinere; pro variis nempe earundem speciebus. Notandum (3.) Diametros omnes se interfecare in Circulo & Ellipsi in figuræ Centro intra Sectionem; at eo longius a vertice in Ellipsi quo illa a circulo in diversum longius abit: In Parabola Diametros omnes esse inter se & axi parallelas: In Hyperbola autem Diametros omnes se interfecare extra Sectionem, in communi centro Sectionum oppositarum. Notandum (4.) Eam esse in omnibus hisce figuris curvaturæ focum respicientis rationem, ut pro distantia a foco aucta vel diminuta, curvatura etiam in eadem ratione augeatur vel diminuat. Quamquam enim propter obliquitatem tangentium curvatura plerumque in minori a foco distantia videatur major, & in majore minor, tamen Curvatura vera per subtensæ anguli contactus a distantie ratione differentiam definienda, est e contra in majori distantia major, & in minore minor, & in ipsa distantie auctæ vel diminutæ ratione major minorve; uti prius

annotavimus, & ut in fequentibus plenius patebit. Atque hæc de Sectionibus Conicis.

Cum autem & lineæ Cycloidis dictæ usus aliqualis futurus fit, ejus descriptionem paucis etiam dabimus.

Si super recta linea AE provolvi concipiatur Rota five circulus $ABCD$. donec punctum ejus A , in quo dictam lineam tangit, eidem rursus post revolutionem integram occurrat in E , Emetietur Circulus Genitor $ABCD$ lineam AE peripheriæ suæ æqualem, punctum A vero motu suo composito describet lineam Curvam AFE , quæ Trochoïdes five Cyclois appellatur: Cu-



jus lineæ longitudo est diametri circuli genitoris quadrupla, & spatium Cycloidale, quod curva hæc & recta subtensa AE comprehendunt, est areæ circuli genitoris triplum. Cujus pars quævis a vertice æstimata, ut FI , est chordæ circuli Fb ubique dupla, cujus quoque tangens quævis ut GIH est eidem chordæ Fb ubique parallela.

Expositis jam Sectionum Conicarum, quin & Cycloidis natura, Generatione, & primariis affectionibus; Motuum Leges veras, tum vulgo notas, tum a Cl. Newtono primitus repertas trademus. Et in inventis Newtonianis five hic loci five deinceps proponendis, ipsissima viri maximi verba, ubi visa sunt per se clara satis & perspicua, usurpabimus; ita tamen ubique ut quæ obscuriora videntur & difficiliora facilius explicare & demonstrare, atque omnibus palam facile conetur.

DEFI-

DEFINITIONES.

CORPUS sive Materia est substantia extensa, solida, vel impenetrabilis, per se quidem ad motum vel quietem indifferens, iners, & passiva; Motus verò qualiscunque, & figurarum formarumque omnium capax. Materiam substantiam *extensam* dico, quod partem aliqualem spatii extensi occupat: *solidam* vel *impenetrabilem* dico, non quod a spatio, vel forte a substantiis aliis incorporeis penetrari nequeat; sed quod omni alii materiæ sit impenetrabilis; & ideo rei *solidæ* nomen vel maxime mereatur: Materiam *ad motum vel quietem per se indifferentem* dico; non quod motum æque ac quietem rem plane negativam vel privativam existimem, sed quod corporis moti æque ac quiescentis notio sit pariter facilis atque familiaris: Materiam *per se inertem* dico atque *passivam*, quod nihil actionis vel *impetûs* vel *adversitatus*, aut in ejus natura aut affectibus unquam percipimus; quin e contra ex omnibus motuum phænomenis meram ejus inertiam ubique colligimus: *Motus vero qualiscunque & figurarum formarumque omnium capax* dico, quod quotidiana mundi phænomena, & experimenta infinita talem ejus indolem & naturam demonstrant. Tempus, Spatium, Locum, & Motum, tanquam res omnibus notissimas vix opus est ut *definiamus*: Ad tollenda tamen præjudicia quædam, convenit cum Cl. Newtono quantitates hæc in *Absolutas* & *Relativas*, *Veras* & *Apparentes*, *Mathematicas* & *Vulgares* distinguere, & ita quodammodo *describere*; quod ordinis & methodi gratiâ sequentibus definitionibus fiet.

(2.) Tempus Absolutum, Verum, & Mathematicum est *Æterna & Æquabilis Duratio*, ex partibus ordine immutabili sibi succedentibus composita.

In se enim, & natura sua æquabiliter fluit, absque relatione ad externum quodvis. Nec enim pendet tempus

pus absolutum a motu rerum, nedum a quiete; nec quidem ab earum existentia: Sive enim res quævis existat, sive non existat; sive res existens moveatur sive non moveatur, perinde est in hoc casu. Fluit Tempus æquabiliter, utcumque res quævis aliæ se habent.

(3.) Tempus Relativum, Apparens, & Vulgare est *Sensibilis* & externa quævis Durationis, sive per motum sive per methodos alias *Mensura*; sive accurata sit illa mensura, sive inæquabilis; quâ vulgus vice veri Temporis utitur; Ut Hora, Dies, Mensis, Annus. Mundi vel Systematis cujuscvis a principio ad finem perseverantia, &c.

Tempus Absolutum a Relativo distinguitur in Astronomiâ per æquationem temporis vulgi. Inæquales enim sunt dies naturales, qui vulgo tanquam æquales pro mensura temporis habentur. Hanc inæqualitatem corrigunt Astronomi, ut ex veriori tempore mensurent motus cœlestes. Possibile est ut nullus sit motus æquabilis quò tempus accurate mensuretur; Accelerari & Retardari possunt motus omnes; sed fluxus temporis absoluti mutari nequit. Eadem certe est duratio vel perseverantia existentiae rerum, sive motus sint celeres, sive tardi, sive nulli. Proinde hæc a mensuris suis sensibilibus merito distinguitur, & ex iisdem colligitur per æquationem Astronomicam. In hoc enim incubuere Astronomi, ut ex inæqualibus corporum cœlestium motibus, motum circa aliquod centrum æquabilem reperiant; unde etiam durationem æquabiliter fluentem facilius & accuratius mensurent.

(4.) Spatium Absolutum, Verum, & Mathematicum est penetrabilis, indiscerpibilis, immobilis, sibi ubique similis, æterna, & infinita Extensio.

Nunquid hujusmodi Extensum a Corpore diversum reverà existat necne alia est quæstio: Hoc saltem ab omnibus sanis concedendum, hanc esse communem Spatii apud omnes notionem, atque adeo esse inter definitiones reponendum. Sicut enim Geometræ Circulum,

Tri-

Triangulum, Quadratum, &c. primo in limine definiunt; an autem extent vel existare possint hujusmodi figuræ parum laborant; Ita Spatii aliqualis descriptio erat præmittenda, ne de verbis his aliqua postmodum oriretur: Ut ita deinde nunquid hujusmodi spatium a materia distinctum revera existat commodius disputetur.

(5.) Spatium Relativum (quod & *Locus*, ut opinor, non raro dicitur) est spatii Absoluti Mensura, seu dimensio quælibet mobilis, quæ a sensibus nostris per situm suum ad corpora definitur, & a vulgo pro spatio immobili usurpatur.

Ut dimensio spatii subterranei, aerei, vel celestis, per situm suum ad Terram definita. Idem sunt spatium Absolutum & Relativum specie & magnitudine, sed non permanent Idem semper numero: hoc est, Si cubiculi cujusvis spatium contentum seu cavitatem designamus, quocunque moveatur cubiculum Cavitas seu spatium intra ejus parietes inclusum ejusdem semper erit naturæ, propter spatii naturam sibi ubique similem; & ejusdem magnitudinis, propter datam continentis magnitudinem. Non vero idem semper manet spatium numero; Ex motu enim cubiculi mutabitur illud perpetuo. Eodem modo, Si terra motu annuo circa Solem revolvat, Spatium aeris nostri, quod relative & respectu terræ idem semper manet, hoc est, ejusdem est naturæ & quantitatis, nunc erit una pars spatii absoluti, in quam aer transit, nunc alia; & sic absolute & reipsa mutabitur perpetuo. Ut vero partium temporis Ordo est immutabilis, sic etiam est Ordo partium spatii: Moveantur hæc de locis suis, & movebuntur, ut ita dicamus, de se ipsis. Nam Tempora & Spatiâ sunt sui ipsorum, & rerum omnium quasi Loca: In tempore quoad ordinem successionis, in spatio quoad ordinem sitû locantur universa: De illorum essentia est ut sint Loca; & Loca primaria moveri absurdum est. Hæc sunt itaque absoluta Loca, & solæ translationes de his locis sunt absoluti Motus. Verùm, quoniam hæ partes,

tes spatii videri nequeant, & ab invicem per sensus nostros distingui, earum vice adhibemus mensuras sensibiles; ex positionibus enim & distantis rerum a corpore aliquo, quod ut immobile spectamus, definimus loca universa. Deinde etiam & omnes motus æstimamus cum respectu ad prædicta loca, quatenus corpora ab iisdem transferri concipimus. Sic vice locorum & motuum absolutorum relativis utimur: nec incommode in rebus humanis. In rebus autem Philosophicis abstrahendum est a sensibus. Fieri enim potest ut nullum reverà quiescat corpus, ad quod loca motusque hoc modo referantur.

(6.) Locus Absolutus est pars Spatii absoluti quam corpus occupat.

(7.) Locus Relativus est pars Spatii relativi quam corpus occupat. Dicimus Locum esse *Partem spatii*, non *Situm corporis*, vel Superficiem ambientem, uti nonnulli eum definierunt. Nam solidorum æqualium æqualia semper sunt Loca; & eadem materiæ quantitas eandem semper Spatii quantitatem possidet; qualiscunque sit figuræ vel densitatis. Ut ex. gr. sphæræ & cubi ejusdem magnitudinis absolutæ æqualia erunt loca, quæ adimplent & adæquant, licet superficies ambientes ob figurarum & proinde superficierum dissimilitudinem sint inæquales; atque ita in omnibus. Motus etiam Totius idem est cum summa motuum omnium Partium; hoc est translatio Totius de loco suo eadem est cum summa vel aggregato translationum Partium omnium de locis suis: adeoque locus Totius idem cum summa locorum Partium; & propterea internus & in corpore toto. Situs verò proprie loquendo quantitatem non habent, nec majores & minores dicuntur, neque tam sunt loca quam affectiones locorum.

(8.) Motus Absolutus est Translatio corporis vel substantiæ cujusque de loco absoluto, vel spatio immobili, in locum absolutum, vel spatium aliud immobile.

(9.) Motus Relativus est Translatio Corporis de loco relativo, vel spatio mobili, in locum relativum vel spa-

spatium aliud mobile: Sive Translatio corporis de vicinia corporum ambientium in viciniam aliorum; sive demum Translatio corporis de situ inter alia corpora proprio in alium situm.

Sic in navi quæ velis passis fertur Relativus corporis Locus est navis regio illa in qua corpus versatur; seu cavitatis totius pars illa quam corpus adimplet, quæque adeo movetur una cum navi: Et Quies Relativa est permanfio corporis in eadem illa navis regione, vel parte cavitatis. At Quies Vera est permanfio corporis in eadem parte spatii illius immoti in qua navis ipsa, una cum cavitare sua, & contentis univerfis movetur. Unde si terra vere quiesceret, corpus quod relative quiescat in navi, moveretur verè & absolute ea cum velocitate qua navis movebatur in terra.

Sin Terra quoque moveatur, Orietur verus & absolutus corporis motus partim ex terræ motu vero in spatio immoto; partim ex relativis motibus, tum navis in terrâ, tum corporis in navi; Et ex his motibus relativis oriatur corporis motus relativus in terrâ. Ut si terræ pars illa ubi navis versatur moveatur verè in Orientem cum velocitate partium 10010; & velis ventoque feratur navis in Occidentem cum velocitate partium 10; Nauta autem ambulet in navi Orientem versus cum velocitatis parte una: Movebitur Nauta vere & absolute in spatio immoto cum partibus velocitatis 10001 in Orientem, & relative in terra Occidentem versus cum velocitatis partibus novem.

Feb. 28. 1704.

IV.

Definitiones nonnullas Philosophiæ Newtonianæ præmittendas nuperrime proposuimus. Nunc autem Scholium Generale definitionum ultimam & penultimam spectans superaddemus.

Scholium Generale. Distinguuntur Quies & Motus Absoluti & Relativi ab invicem per eorum proprietates,

tates, causas, & effectus. Quietis Absolutæ proprietas est quod corpora verè quiescentia quiescunt inter se: Ideoque cum possibile sit, ut corpus aliquod in regionibus fixarum aut longe ultra quiescat absolute, sciri autem non possit ex situ corporum ad invicem in regionibus nostris utrum horum aliquod ad longinquum illud corpus datam positionem servet, quies vera ex horum situ inter se definiri nequit. Motûs absoluti Proprietas est quod partes quæ datas servant positiones ad tota participant motus eorundem totorum: Nam gyrantium partes omnes conantur recedere de axe motûs, & progredientium impetus oritur ex conjuncto impetu partium singularum: Igitur motis corporibus ambientibus moventur quæ in ambientibus relative quiescunt. Et propterea motus verus & absolutus definiri nequit per translationem e vicinia ambientium corporum, quæ tanquam quiescentia spectantur: Debent corpora illa ambientia non solum tanquam quiescentia spectari, sed etiam vere quiescere: Alioquin Inclusa omnia præter translationem e vicinia ambientium participabunt etiam ambientium motus veros, & sublata illa translatione non vere quiescent, sed tanquam quiescentia solummodo spectabuntur. Sunt enim ambientia ad inclusa, ut totius pars exterior ad partem inferiorem, vel ut cortex ad nucleum: moto autem cortice nucleus etiam absque translatione de vicinia corticis, ceu pars totius unà movetur. Præcedenti proprietati affinis est quod moto loco relativo moveatur unà locatum; adeoque corpus quod de loco moto movetur participat loci sui motum. Sic si quis in navi dum velis passis fertur huc illuc obambulet, motus respectu terræ vel litorum major est vel minor prout in eandem partem cum navi vel in partem contrariam tendit: Si vero consistat in certa navis parte, participat motum navis, & eadem cum eâ celeritate progreditur: Si in eandem atque navis partem tendat, quoad terram celerius quam navis ipsa movebitur; si in contrariam, tardius: Et ita de motu in ipsa terrâ, si terrâ moveatur,

tur, ratiocinari oportet. Igitur motus omnes qui de locis motis fiunt sunt partes solummodo motuum integrorum & absolutorum; & motus omnis integer componitur ex motu corporis de loco suo primo, & motu loci hujus de loco suo, & sic deinceps usquedum perveniat ad locum immotum; ut in exemplis supra memoratis patet. Unde motus integri & absoluti non nisi per loca immota definiri possunt: Et propterea motus hosce absolutos ad loca immota, relativos verò ad loca mobilia infra referemus. Loca autem immota non sunt nisi quæ omnes ab infinito in infinitum datas servant positiones ad invicem, atque adeo semper manent immota, spatiumque constituunt quod immobile appellamus.

Causæ quibus motus veri & relativi distinguuntur ab invicem sunt vires in corpora impressæ ad motum generandum. Motus verus nec generatur nec mutatur nisi per vires in ipsum corpus motum impressas. Cum enim Materię pars quævis sit iners & merè passiva, sine vi aliunde impressâ moveri nequit, nec deturbari e statu suo potest sine vi aliqua quæ statum mutet. At motus relativi, quales solum agnoscit Cartesius, generari & mutari possunt absque viribus in corpora ipsa impressis. Sufficit enim ut imprimantur in alia solum corpora ad quæ fit relatio, ut iis cedentibus mutetur relatio illa in qua, horum quies vel motus relativus consistit. Sic quidem ad motum fixarum stellarum relativum sufficit, secundum Cartesium, terram solum circumrotari; & ad terræ quietem sufficit quod in Vortice Solari delata eadem materiæ subtilis partes ambientes habeat, licet unâ cum illis quotannis eclipticam perlustret, & circa Solem absolute moveatur. Rursus, Motus verus a viribus in corpus motum impressis semper mutatur: at motus relativus ab his viribus non mutatur necessario. Nam si eadem vires in alia etiam corpora, ad quæ fit relatio, sic imprimantur, ut situs relativus conservetur, conservabitur etiam relatio, in qua motus relativus iste consistit. Ut si systema corporum modo quocunque inter se moveatur,

&c

& vis æqualis in æquales systematis partes secundum lineas parallelas agat, licet vis ista motum verum cujusque partis reapse mutet, relativum tamen non mutabit: æqualiter enim & per lineas parallelas agendo situs & motus partium relativi inter se iisdem manebunt qui prius. Mutari igitur potest motus omnis relativus, ubi verus conservatur; motuum scilicet corporum aliorum mutatione; & conservari, ubi verus mutatur; ut in exemplo nuperrime allato videre est: & propterea motus verus in ejusmodi relationibus minime consistit.

Effectus quibus motus absoluti & relativi distinguuntur ab invicem sunt vires recedendi ab axe motus circularis. Nam in motu circulari nude relativo hæ vires nullæ sunt: In vero autem & absoluto majores sunt vel minores pro quantitate motus. Si pendeat situla a filo prælongo, agaturque perpetuo in orbem, ita ut vasis fundum semper horizonti parallelum maneat, & axis motus sit eidem perpendicularis, donec filum vel funis a contorsione admodum rigescat; Dein impleatur aqua, & una cum aqua quiescat; Tum vi aliqua subitanea agatur motu contrario in orbem, uti prius; & filo se relaxante diutius perseveret in hoc motu; Superficies aquæ sub initio plana erit, & horizonti parallela, quemadmodum ante motum vasis: At postquam vi in aquam paulatim impressa effecit vas ut aqua etiam sensibilibus, ad instar vorticis, revolvī incipiat, recedet ipsa paulatim e medio, ascendetque ad latera vasis figuram concavam induens, ut experientia monstrabit; & incitatiores semper motu ascendet magis & magis, donec revolutiones æqualibus cum vase temporibus peragendo quiescat in eodem relative. Indicat hic ascensus conatum recedendi ab axe motus. Licet enim recessio ab axe motus sit per se axi perpendicularis, cum tamen vas ibidem vim cohibeat, imprimetur in particulas proximas, & ubi datur locus evadet sensibilis: Et quoniam motus vere circularis major erit in particulis aquæ a centro remotissimis, utpote iis primo & potissimum a vase communicatus; propter

ter majores circulos celeritatemque majorem versus circumferentiam, partes remotiores a centro recedent magis: Ideoque Oritur iste aquæ ascensus ex motu vero circulari, & per conatum hunc recedendi a centro innotescit & mensuratur. Qui quidem motus verus circularis est hic loci motui relativo omnino contrarius. Initio enim, ubi maximus erat motus relativus in vase, quod immota penè aqua solum gyrabatur, & per consequens aqua ipsa contenta quoad vas celerrime in partem contrariam movebatur respective, sine vero motu; Tum fane temporis motus ille relativus nullum excitabat conatum recedendi ab axe: Aqua non petebat circumferentiam ascendendo ad latera vasis, sed plana manebat; & propterea motus illius circularis verus nondum sensibiliter inceperat: Postea vero simul ac aquæ motus relativus decrevit, ascensus ejus ad latera vasis indicabat conatum recedendi ab axe; atque hic conatus monstrabat motum illius circulem verum, perpetuo crescentem, ac tandem maximum factum ubi aqua quiescebat in vase relative. Igitur conatus iste non pendet a translatione aquæ respectu vasis ambientis, (dum illud solum reverà movetur, & motus tantum relativus aquæ immotæ exinde affingitur.) Et propterea motus circularis verus per tales translationes definiri nequit. Unicus est corporis cujusque revolventis motus verè circularis, conatus unico tanquam proprio & adæquato effectui respondens: motus autem relativi pro variis ad varia corpora relationibus; situque, prout hoc vel illud respicit, diverso, innumeri sunt, & in omnes partes simul tendunt; atque relationum ad instar effectibus veris omnino destituuntur, nisi quatenus de vero illo & unico motu participant. Unde & in systemate eorum qui cœlos nostros infra cœlos fixarum in orbem revolvunt, & planetas secum deferre, Planetæ & singulæ cœlorum partes, quæ relative quidem in cœlis suis proximis quiescunt, moventur verè: Mutant enim positiones suas ad invicem, ob diversas revolutionum periodos, secus quam

fit in vere quiescentibus; unaque cum cælis delati-participat eorum motus, & ut partes revolvantium totorum ab eorum axibus recedere conantur.

Igitur quantitates relativæ, quas jamjam a veris distinximus, non sunt eæ ipsæ quantitates quarum nomina præ se ferunt; uti spatium intra cubiculi parietes contentum, stellarum motus diurnus, &c. sed earum mensuræ illæ sensibiles (veræ an errantes) quibus vulgus loco mensuratarum & verarum quantitarum utitur. At si ex usu sunt definiendæ verborum significationes, per nomina illa Temporis, Spatii, Loci, & Motûs, proprie intelligendæ sunt hæ mensuræ, & sermo erit insolens & pure mathematicus, si quantitates mensuratæ vel veræ hic subintelligantur. Proinde vim inferunt Sacris Literis qui voces hæc de absolutis quantitatibus mensuratis ibi interpretantur, ut ii qui ex quiete terræ & motu Solis in Scripturis assignato de vero mundi systemate, contra evidentes Philosophiæ & Astronomiæ rationes, disputare solent; ut & ii, si qui ideo insaniant, qui eò quod *tempus non amplius futurum* prædictum fuerit, ideo & ipsam æternam durationem seu tempus absolutum in nihilum abiturum colligunt. Neque minus contaminant Mathefin & Philosophiam qui quantitates veras cum ipsarum relationibus & vulgaribus mensuris confundunt.

Motus corporum veros cognoscere & ab apparentibus actu discriminare, est quidem difficillimum; propterea quod partes spatii illius immobilis, in quo corpora vere moventur, non incurrunt in sensus. Causa tamen non est prorsus desperata: Nam suppetunt argumenta, partim ex motibus apparentibus, qui sunt motuum verorum differentiæ; partim ex viribus, quæ sunt motuum verorum causæ & effectus. Ut si globi duo ad datam ab invicem distantiam, filo intercedente connexi, revolverentur, circa commune duorum gravitatis centrum; innotesceret ex tensione fili conatus globorum recedendi ab axe motûs, & inde quantitas motus circularis computari posset. Deinde, si vires quælibet æquales in æternas,
hoc

hoc est, sibi e diametro oppositas, globorum facies ad motum circulare augendum vel minuendum simul imprimerebuntur; hoc est, si alterum in partem unam, alterum in contrariam simul impelleretur, ex aucta vel diminuta sibi tensione augmentum vel decrementum motus circularis innotesceret. Et inde tandem inveniri possent facies globorum, in quas vires imprimi deberent ut motus maxime augeretur, id est, facies posticæ, sive quæ in motu circulari sequuntur. Cognitis autem faciebus quæ sequuntur, iisque per consequens quæ sunt oppositæ & præcedunt, cognoscetur determinatio motus. In hunc modum inveniri posset & quantitas & determinatio motus hujus circularis in vacuo quovis immenso, ubi nihil extaret sensibile & externum, quo cum globi conferri possent. Si jam constituerentur in spatio illo corpora aliqua longinqua datam inter se positionem servantia, qualia sunt stellæ fixæ in regionibus nostris; sciri quidem non posset ex relativa globorum translatione inter corpora utrum his an illis tribuendus esset motus, uti nos in Terra per motum quemvis stellarum fixarum apparentem determinare non possumus, num eæ vel terra ipsa revera moveatur: At si attendetur ad solum, & inventum esset tensionem ejus illam ipsam esse quam motus globorum requireret, concludere liceret motum esse globorum; & tum demum, ex translatione globorum inter corpora determinationem hujus motus colligere. Cum enim ex tensione sibi constaret motum istum esse vere globorum, & non corporum longinquorum; per ista corpora ut immota jure jam spectata facile determinabitur motus globorum, tum quoad velocitatem, tum quoad directionem. Et hac quidem ratione annuum telluris motum, utpote vi centripetæ in Solem exacte proportionalem, colligimus; & fixarum quietem ex annuo telluris motu facile quoque colligimus. Cognitis itaque telluris motu & fixarum quiete, facile est annui motus velocitatem & directionem ex stellis fixis exinde deducere. Quo autem pacto

motus veri ex eorum causis, effectibus, & differentiis apparentibus sunt colligendi; & contra, quopacto ex motibus seu veris seu apparentibus eorum causæ & effectus colligendi sunt, fusius in sequentibus docebitur.

(10.) Quantitas materiæ est mensura ejusdem orta ex ipsius densitate & magnitudine conjunctim.

Aer duplo densior in duplo spatio quadruplus est. Et si vas cubicum aerem contineat, qui deinde in cubum minorem compressione reducatur, densitas in minore cubo, erit ad densitatem in majore, ut major cubus ad minorem; sive in ratione laterum cubicorum triplicata reciproce: distantiaque particularum aeris similium similiterque positarum erit in ipsa laterum cubicorum ratione reciproce. Idem intellige de nive & pulveribus per compressionem vel liquefactionem condensatis; & par est ratio corporum omnium quæ per causas quascunque diversimodè condensantur. Medii interea, si quod fuerit, interstitia partium libere pervadentis hic nullam rationem habemus. Hanc autem materiæ quantitatem, ex densitate & magnitudine conjunctis æstimandam, sub nomine *corporis* vel *massæ* in sequentibus passim intelligimus. Innotescit ea per corporis cujusque pondus: æqualis enim hujusce materiæ quantitas, qualis demum cunque sit, æqualiter semper in terram gravitat, ponderique est ad amissum proportionalis; uti per experimenta pendulorum accuratissime instituta constat: prout in sequentibus docebitur. Unde sane, ut hoc obiter annotemus, certum est, aut nullum medium æthereum corporum poros permeare, aut saltem, si quod sit, cum nullatenus gravitet, nec corporum motum obstat, illud pari cum corpore vel materia priorè censu haberi non debere; imò nec propriè loquendo corporis vel materiæ nomen mereri. Sed de his olim plura occurrent explicanda.

(11.) Quantitas motus est mensura ejusdem orta ex velocitate & quantitate materiæ conjunctim.

Motus totius est summa motuum in partibus singulis; adeoque in corpore duplo majore, æquali cum
veloci-

velocitate, duplus est; & duplâ cum velocitate quadruplus. Quantitas igitur materiæ est rectangulo densitatis in magnitudinem ductæ æqualis; & Quantitas motûs est rectangulo velocitatis in materiæ quantitatem ductæ æqualis. Unde sanè vires machinarum omnium facillime deducuntur: Nam ubicunque in machinarum æquilibrio corpus majus est, ibi corporis istius erit tantò minor celeritas; & ubi corpus minus est, ibi corporis istius tanto major erit celeritas; ita ut quantitas motûs ex corpore in velocitatem suam ducto sit semper utrinque æqualis; uti inferius pluribus dicitur.

(12.) Materiæ Vis insita est potentia resistendi qua corpus unumquodque, quantum in se est, perseverat in statu suo vel quiescendi vel movendi uniformiter in directum per lineam rectam.

Hæc vis proportionalis est suo corpori, neque differt quicquam ab inertia massæ, nisi in modo concipiendi: per inertiam materiæ fit ut corpus omni de statu suo vel quiescendi, vel in motu semel incepto pergendi difficulter deturbetur: Unde etiam hæc vis insita nomine significantissimo *Vis Inertiæ* dici possit. Exercet verò Corpus hanc vim solummodo in mutatione statûs sui, per vim aliam in se impressam facta; estque exercitium ejus sub diverso respectu & Resistencia & Impetus: *Resistencia*, quatenus corpus ad conservandum statum suum reluctatur vi impressæ; *Impetus*, quatenus corpus idem vi resistentis obstaculi difficulter cedendo conatur statum ejus mutare. Resistencia quidem quiescentibus, & Impetus moventibus propriè loquendo tribuendus videtur; & Impetum quemcunque, ubi corporum alterum quiescit, ex moti corporis viribus positivis, potius quam ex quiescentis negativis lubentius deduxero.

(13.) Vis impressa est actio in corpus exercita ad mutandum ejus statum vel quiescendi vel movendi uniformiter in directum.

Consistit hæc vis in actione solâ, neque post actionem permanet in corpore: Perseverat enim corpus in statu

omni novo per solam vim inertię. Est autem Vis impressa diversarum originum; ut ex ictu, ex pressione, ex vi centripeta.

(14.) Vis centripeta est qua corpus versus punctum aliquod tanquam ad centrum trahitur, impellitur, vel utcumque tendit.

Hujus generis est gravitas, quā corpus tendit ad centrum terrę; vis magnetica, qua ferrum petit centrum magnetis: Attractio vel Tensio fili ad lapidem in fundo circumactum retinendum. Eiusdem etiam generis est vis illa, quęcumque sit, quā Planetę perpetuo retrahuntur a motibus rectilineis, & in curvis lineis revolvuntur. Est autem Vis Centripetę Quantitas trium generum; *Vis Absoluta*, *Vis Acceleratrix*, & *Vis Motrix*.

(15.) Vis Centripetę quantitas *Absoluta* est ejusdem mensura major vel minor pro efficaciā causę eam propagantis a centro per regiones in circuitu: Uti virtus magnetis major in uno magnetem, minor in alio; major in majori, ceteris paribus, minor in minori: attractio seu tensio fili major in gyratione majoris lapidis, minor in gyratione minoris; & major in ejusdem lapidis gyratione celeriori, minor in tardiori. Et more non absimili facile fuerit concipere gravitatem corporum in Solem paribus distantis majorem esse posse quam in Terram aut Planetam quemvis, propter ingentem nimirum corporis solaris magnitudinem, uti deinceps explicabitur.

(16.) Vis centripetę, centrum quodvis respicientis, quantitas *Acceleratrix* est ipsius mensura in diversis a centro distantis, velocitati proportionalis, quam dato tempore generat.

Uti virtus ejusdem magnetis (cujus proinde quantitas absoluta non mutatur) major in minori distantia, minor in majori: Vis gravitans in superficie telluris paulo major circa polos, & paulo minor circa æquatorem; uti inferius patebit: Major quoque in superficie terrę; in majoribus vero a centro distantis multo minor; quemadmodum infra ostendetur. Vis autem hæc gravita-

vitatis Acceleratrix in æqualibus a centro telluris distantis est undique eadem, propterea quod corpora omnia cadentia, gravia an levia, magna an parva, fluida an solida, sublata nempe aeris resistentiâ, æqualiter acceleret. Omnia enim corpora in tubis vacuis cadentia eadem spacia eodem tempore ubique descendunt: quod ipsum quoque ex corporum quorumcunque pendulorum in eodem circulo vel cycloide simul oscillantium motu clarissime demonstratur.

(17.) Vis centripetæ quantitas *Motrix* est ipsius mensura proportionalis motui, quem dato tempore generat.

Ut pondus majus in majori corpore, minus in minore; inque corpore eodem majus prope terram, minus in cælis. Hæc vis est corporis totius centripetentia, pressio, conatus, vel propensio in centrum; & corporis *Pondus* dicitur. Innotescit autem semper per vim ipsi contrariam & æqualem quâ descensus corporis impediri potest, Vis ergo centripeta *Absoluta* centralis cujusque corporis est major aut minor, prout corpus centrale est majus aut minus, aut saltem magis aut minus potens & efficax: Vis *Acceleratrix* est ea ipsa vis perpetuo decrescens crescente distantia, & crescens decrescente distantia: Vis vero *Motrix*, seu ipsum Pondus, oritur ex vi acceleratrice in corpus ducta. Unde, data vi centripeta absoluta, erit in dato corpore vis motrix, ut vis acceleratrix; & data vi acceleratrice ut Corpus. Hæc autem virium quantitates brevitatis causa nominare licet vires *Motrices*, *Acceleratrices*, & *Absolutas*; & distinctionis gratia referre ad corpora, ad corporum loca, & ad centrum virium; nimirum, vim *motricem* ad corpus, tanquam conatum & propensionem totius in centrum, ex conatibus & propensionibus omnium partium compositum: & vim *acceleratricem* ad locum corporis, tanquam efficaciam quandam de centro per loca singula in circuitu diffusam ad movenda corpora, quæ in ipsis sunt; & vim *absolutam* ad centrum vel corpus centrale, tanquam causâ aliqua præditum, sine qua vi-

vires motrices non propagantur per regiones in circuitu; five causa illa sit corpus illud centrale, (quale est Magnes in centro vis Magneticæ, vel Terra in centro vis gravitantis;) five alia aliqua quæ non apparet. Mathematicus saltem est hic conceptus, & nobis impræsentiarum sufficiens: Nam virium causas & sedes physicas jam non expendimus. Est igitur Vis acceleratrix ad vim motricem, ut celeritas ad motum; Oritur enim quantitas motûs ex celeritate ducta in quantitatem materiæ; & vis motrix ex vi acceleratrice ducta in quantitatem ejusdem materiæ: Nam summa actionum vis acceleratricis in singulas corporis particulas est vis motrix totius: Unde juxta superficiem terræ, ubi gravitas acceleratrix, seu vis gravitans in corporibus universis eadem est, gravitas motrix seu pondus est ut corpus: At si in regiones ascendatur, ubi gravitas acceleratrix fit minor, pondus pariter minuetur, eritque semper ut corpus in gravitatem acceleratricem ductum. Sic in regionibus, ubi gravitas acceleratrix duplo minor est, pondus corporis duplo vel triplo minoris erit quadruplo vel sextuplo minus. Porro impulsus & attractiones eodem sensu acceleratrices & motrices nominamus. Voces autem attractionis, impulsus, vel propensionis cujuscunque in centrum indifferenter & pro se mutuò promiscuè usurpamus; Has vires non physicè sed mathematicè tantum considerando. Unde Caveat Lector, ne per hujusmodi voces cogitet nos speciem vel modum actionis, causamve aut rationem physicam alicubi definire; vel centris, quæ sunt puncta mathematica, vires verè & physicè tribuere; si fortè aut centra trahere, aut vires centrorum esse dixerimus. Hactenus Definitiones Philosophiæ Newtonianæ præmittendas exhibuimus: *Axiomata*, five *Motuum Leges* in terminum proximum differemus.

Feb. 28. 1704.

Axi-

V.

Axiomata sive Motuum Leges.

(1.) **C**ORPUS omne perseverat in statu suo quiescendi vel movendi uniformiter in directum, nisi quatenus a viribus impressis cogitur statum illum mutare.

Projectilia perseverant in motibus suis nisi quatenus a resistantiâ aeris retardantur, & vi gravitatis impelluntur deorsum: Trochus, cujus partes cohærendo perpetuo retrahunt se a motibus rectilineis, non cessat rotari, nisi quatenus ab aere aut ab inæquabili superficie, cui insistit, retardatur. Majora autem Planetarum & Cometarum corpora motus suos & progressivos & circulares in spatiis minus resistantibus factos conservant diutius. Hæc quidem motûs regula, omnium maxime fundamentalis, est sanè ex materiæ inertis & passivæ naturæ evidentissima. Si quis enim corpus aliquod quiescens sine vi aliqua impressa moveri, aut corpus motum sine vi aliqua resistente momento temporis quiescere supponeret, non sine stupore illud & miraculi instar natura duce haberet; cum viribus externis ad motum sive generandum sive sistendum opus esse non possit non existimare.

(2.) Omnis motus per se est rectilinearis, sive in plagam certam determinatus.

Hoc ex ipsa motûs naturâ sequitur; cum motus sine ejusdem in plagam aliquam determinatione concipi nequeat. si autem semel in plagam aliquam directus intelligatur, perseverabit, ex lege prioris, corpus secundum eandem rectam moveri, donec vires impressæ ab ista directione deturbent.

Si quando autem per curvam lineam corpus moveatur, necesse est ut curvatura ista ex viribus extraneis perpetuo impressis oriatur; atque adeo simul ac vires illæ extraneæ cessant, corpus per curvam etiam moveri cessabit,

fabit, & per rectam lineam, curvam in puncto virium cessantium ultimò tangentem, sive secundum directionem suam ultimam rectilinearem, movebitur. Sic sane in lapide a funda circumactò res se habet. Quamprimum enim lapis a funda liberatur, non pergit in circulo quem prius descriperat, sed per circuli tangentem abit: & vi gravitatis cum vi projectili jam composita, lineam Parabolicam describit; uti olim demonstrabitur.

(3.) Omnia corpora in gyros acta conantur a centro motus sui recedere; & quò gyratio est celerior, eò magis ab isto centro recedere conantur.

Cum enim Corpora per se tendant ad motum rectilinearem, sive per curvatum, quas describunt, tangentes; & cum omnes tangentium partes a centro motus longius absint, quam partes curvarum, ad quas retrahuntur a viribus centripetis, perspicuum est conatum istum secundum tangentes abeundi corpora ab isto centro perpetuo retrahere, & esse conatui contrario, sive vi centripetæ sustinenti & æquipollenti ad amissum æqualem.

(4.) Mutatio motus proportionalis est vi motrici impressæ; & fit secundum lineam rectam quâ vis illa imprimitur.


Si vis aliqua motum quemvis generet, dupla duplum, tripla triplum generabit; sive simul & semel, sive gradatim & successive impressa fuerit. Et hic motus, quoniam in eandem semper plagam cum vi generatrice determinatur, si corpus antea moveatur, motui ejus vel conspiranti additur, & velocitatem auget; vel contrario subducitur, & velocitatem minuit; vel oblique oblique adijcitur, & cum eo secundum utriusque determinationem componitur: Si itaque cum eo aliquantulum conspiret, velocitatem aliquantulum adaugebit; si ei aliquantulum opponatur, eandem aliquantulum diminuet: sin ei ad angulos rectos occurrat, velocitatem in linea prima spectatam nullatenus aut adaugebit, aut diminuet.

(5.) Acti-

(5.) Actioni contraria semper & æqualis est reactio: Hoc est corporum duorum actiones in se mutuo, siue sint impulsus, siue attractiones, semper æquales sunt, & in partes contrarias diriguntur.

Quicquid premit vel trahit alterum, tantumdem ab eo premitur vel trahitur. Si quis lapidem digito premat, premitur & huius digitus æqualiter à lapide. Si equus lapidem funi alligatum trahat, retrahetur etiam & equus æqualiter in lapidem: nam funis utrinque distensus eodem relaxandi se conatu urgebit equum versus lapidem, ac lapidem versus equum; tantumque impediet progressum unius, quantum promouet progressum alterius. Si corpus aliquod in aliud impingens motum ejus vi sua quomodocunque mutaverit, idem quoque vicissim in motu proprio eandem mutationem in partem contrariam, vi alterius, ob æqualitatem nempe pressionis mutue, subibit. His actionibus æquales sunt mutationes non *velocitatum*, sed *momentum*; scilicet in corporibus non aliunde impeditis. Mutationes enim velocitatum in contrarias itidem partes factæ, quia motus æqualiter mutantur, sunt corporibus réciproce proportionales. In attractionibus rem sic breviter ostendimus. Corporibus duobus quibuscumque *A* & *B* se mutuo trahentibus concipe obstaculum quodvis interponi, quo congressus eorum impediatur. Si corpus alterutrum *A* magis trahitur versus corpus alterum *B*, quam illud alterum *B* in prius *A*, obstaculum magis urgebitur pressione corporis *A*, quam pressione corporis *B*; proindeque non manebit in æquilibrio: Prævalebit pressio fortior, facietque systema corporum duorum & obstaculi moveri in directum in partes versus *B*, metumque in spatiis liberis semper accelerato abire in infinitum; quod est absurdum, & legi primæ contrarium. Nam per legem primam debet systema perseverare in statu suo quiescendi vel movendi uniformiter in directum; proindeque corpora æqualiter urgebunt obstaculum, & idcirco æqualiter trahentur in invicem. Vel si nullum ad-

adfit obstaculum res eodem modo se habebit; nam motus fortior debiliorem in occurfu vincet, & utrumque corpus in eandem partem, aucta semper celeritate, perget. Unde aut nulla in corporum systemate, ubi lex prima obtinet, quale est systema Solare, datur corporum attractio; quam tamen infra dari satis demonstrabimus; aut est mutua semper in partes contrarias, & utrinque æqualis. Rem tentavit Cl. Newtonus in Magnete & Ferro. Ubi hæc in vasculis propriis sese contingentibus seorsim posita in aqua stagnante juxta fluitabant, neutrum propellebat alterum, sed æqualitate attractionis utrinque sustinebant conatus in se mutuos, ac tandem in æquilibrio constituta quiescebant. Sic etiam Gravitas inter terram & ejus partes mutua est & æqualis. Si Globus terræ *HEFGKI* in partes duas inæquales per lineam



GE dividatur, Gravitas partis *EGF* in terram reliquam æqualis crit gravitati terræ reliquæ in hanc partem: Id quod hocce Argumento convincitur. Nam concipe terram planis parallelis in partes tres *EGF HKI EGKH* secari; quarum *EGF* & *HKI* sibi mutuò æquales sint, & parti mediæ *EGKH*

incumbant. Et manifestum erit quod pars media *EGKH* pondere proprio in neutram partium extremarum propendet, sed inter utramque in æquilibrio, ut ita dicamus, suspenditur, & quiescit. Pars autem extrema *HKI* toto suo pondere incumbit in partem mediam, & urget illam in partem alteram extremam *EGF*; ideoque vis qua summa partium *HKI* & *EGKH* tendit versus partem tertiam *EGF*, æqualis est ponderi partis *HKI* & *EGKH*, id est, ponderi partis tertiæ *EGF*. Igitur si terra plano quovis *EG* in partes duas *EGF*
EGI

EGI fecetur, vis quâ pars major *EGI* tendit in partem minorem *EGF*, æqualis est vi quâ pars minor *EGF* tendit in maiorem *EGI*; hoc est, pondera partium in se mutuo sunt æqualia; & nisi pondera illa æqualia essent, terra tota ponderi majori céderet, & ab eo fugiendo abiret in infinitum. Quod, ut prius, est absurdum, & Legi primæ contrarium.

(6.) Si corporum duorum æqualium elaterii expertium, alterum motum alteri quiescenti occurrat, in occurſu utraque cum dimidia moti corporis velocitate in eandem partem simul progredientur.

Corpus enim in motu positum in occurſu eouſque de motu ſuo alteri quiescenti communicabit, donec eâdem cum ipſo celeritate abeat. Dum enim corporis in motu positi velocitas major est velocitate quiescentis, impellet ipſum, & ulterius accelerabit; quamprimum autem quiescens æquali velocitate abeat, ultra impellere non potest, ſed unâ comitabitur. Cum ergo corporis prioris motus in duo æqualia corpora jam diſiſus ſupponatur, neceſſe eſt ut velocitas utriusque communis ſit prioris dimidia.

(7.) Si corpora duo æqualia, elaterii expertia, eadem velocitate ſibi mutuò directe occurrant, ambo poſt collisionem quieſcent.

Quantum enim alterum progreditur, tantum ab altero repellitur; & æquales motus quantitates in partes oppoſitas tendentes ſeſe mutuò omnino adæquabunt; & ſe invicem tollent: unde cum nulla jam ſit novi motus cauſa, corpora utraque omnino quieſcent. Perit ergo motus in hoc caſu, nec eadem ejuſdem ſemper quantitas in mundo manet; quod voluit Carteſius.

(8.) Si duo corpora inæqualia, elaterii expertia, ſibi mutuò eâ velocitate occurrant, ut quantum corpus alterum magnitudine ſuperet, tantum ab altero celeritate vincatur; ſeu ſi velocitates ſint corporibus reciprocæ, utraque poſt occurſum, ut prius, quieſcent.

Cum enim quantitates motus in partes contrarias directi

recti sint in hoc casu utrinque æquales, se mutuo ut prius omnino destruent, & peribit motus, ut in casu prioris.

(9.) Si corpus motum in quiescens impingat (utraq; autem elaterii expertia intelligantur) utcunque sint mole & materiæ quantitate inæqualia, utraq; post occursum communi velocitate, in easdem partes ferentur; ut in Lege sexta; & velocitas communis tantum minuetur, quantum corpora utraq; simul sumpta corpore prius moto sunt, majora. Cum enim motus universus prioris distributus jam in duo intelligatur, velocitas tantum minuetur, quantum materiæ movendæ quantitas augetur.

Corollarium. Datis itaque corporibus, dabitur una & velocitatis moti corporis ante occursum, ad communem velocitatem, motorum post occursum ratio. Nam ut Corpora utraq; simul, ad Corpus motum, ita, Corporis moti velocitas ante occursum, ad communem duorum velocitatem post occursum.

(10.) Si corpora duo, elaterii expertia, inæqualia, æquali autem velocitate in partes oppositas mota, sibi mutuo occurrant, quantitas motus post occursum in utroque simul erit tantum motuum priorum differentia. Quantitas enim, motus ex utraque parte minor æquali quantitati motus ex parte altera æquivaleret, eamque ut prius destrueret; relinqueretur itaque post occursum, sola motuum differentia, tanquam unica motuum post occursum causa. Atque idem erit casus, ac si corpus, ubi major erat, motus quantitas cum ista motuum differentia in alterum quiescens impingat, & eodem calculo post occursum æstimanda.

(11.) Si corpora duo, elaterii expertia, æqualia, in æquali velocitate in easdem partes moveantur, post occursum manebit eadem motus quantitas, vel summa; velocitas autem communis erit dimidia velocitatis prioris utriusque simul sumptæ.

Excessus enim velocitatis in utrumque corpus æqualiter distribuetur; & proinde utrumque corpus mediocri velocitate post occursum simul abibit.

(12.) Si

(12.) Si duorum corporum, elastici expertum, inæqualium, majus assequatur minus, communis velocitas post occursum major erit dimidia summa velocitatum. Contra vero eveniet si corpus celerius motum altero ponatur minus: tum enim communis velocitas postea erit ista dimidia summa minor.

• Nam si corpora æqualia essent, communis velocitas post occursum, ut jam vidimus, esset isti dimidiæ summa æqualis. Si ergo inæqualia ponantur, necesse est ut major minorve velocitatis quantitas pro celerioris corporis magnitudine aut parvitate oriatur.

Corollarium. Datis itaque utriusque corpora velocitate & magnitudine ante occursum, facile fuerit communem utriusque velocitatem post occursum calculo ubique indicare. Est enim, ut Semissis Summæ corporum, ad corpus minus, ita Semissis Summæ motuum ad velocitatem communem post occursum. Exempli gratia, sit Corpus insequens corporis præcedentis & magnitudine & velocitate duplum: erit ergo Semissis Summæ corporum corporis minoris sesquialtera, & Semissis Summæ motuum ad minoris motum ut $2\frac{1}{2}$ ad 1. Unde, per auream regulam, velocitas communis post occursum, erit ad velocitatem minoris ante occursum, ut $\frac{2}{3}$ vel $1\frac{2}{3}$ ad unitatem. Nam $1\frac{1}{2} : 1 :: 3 : 2 :: 2\frac{1}{2} : \frac{2}{3} = 1\frac{2}{3}$. Si corpus insequens sit ad corpus præcedens ut 7 ad 3; & si velocitas corporis insequentis sit ad velocitatem præcedentis ut 13 ad 2. Erit Dimidium summæ corporum = 5. Corpus minus = 3. Motuum Summæ Dimidium $48\frac{1}{2}$. Ergo erit communis velocitas post occursum, ad velocitatem minoris antea ut $29\frac{1}{3}$ ad 2. five $14\frac{2}{3}$ ad 1. Nam $5 : 3 :: 48\frac{1}{2} : 29\frac{1}{3} :: 14\frac{2}{3} : 1$.

Scholium. Hæ sunt veræ motuum Leges in corporibus aliquantulum cedentibus, quæ se non restitunt, seu nulla vi Elastica donantur; quæ forte perfecte duris, modo non sint Elastica, etiam convenient. *Elasticorum* autem corporum, quæ eadem vi se restitunt qua comprimuntur, quæque proinde perfecte *Elastica* dici debent,

Regulæ seu leges motus sunt a prioribus plane diversæ ; quas itaque seorsim tractare & exponere oportebit. Cum autem corporum horum collisiones, phænomena & difficiliora & insigniora exhibeant ; & cum Vir summus Cl. Hugenius easdem tractatu peculiari posthumo exponere & demonstrare aggressus sit, neque tamen sine magnis ambagibus longæque rationum & figurarum pompa, pro antiquorum Geometrarum more, absolverit, Libet Elasticorum Corporum Leges motus secundum Hugenii ordinem tradere, & ejusdem propositiones singulas breviori, &, ni fallor, magis naturali methodo demonstrare : ita ut vel ipsi Tyrones harum legum certitudinem & originem physicam aliquatenus intelligant. Esto itaque Corporum perfecte Elasticorum Lex motus prima & generalis.

(13.) Si Corpori perfecte elastico quiescenti aliud æquale corpus occurrat, post contactum hoc quidem quiescet ; quiescenti verò acquiratur eadem quæ fuit in impellente celeritas. Corpus enim impellens motus sui semissem impulsu directo, absque elaterii consideratione, quiescenti ex motus lege 6^a, communicabit : & pari cum eodem passu incedere incipiet ; & propter elaterium vi communicatæ par, motus semissem alium eidem communicabit ; unde motus in integrum communicatus erit motui impellentis priori æqualis. Et cum necessum sit ut quantum impingens aut agendo aut reagendo, hoc est, aut mero impulsu, aut vi elastica in quiescens transferat tantum de motu suo amittat, sequitur corpus impellens amisso motu suo progressivo quiescere debere, dum corpus quiescens motum illius lucratur.

Coroll. (1.) Si Corpus majus in minus incurrat, non quiescet prius, sed solummodò tardius movebitur ; & quiescens majorem velocitatem quidem, sed minorem motus quantitatem, quam in impellente fuerat, lucrabitur.

Coroll. (2.) Si corpus minus in majus incurrat non quiescet prius, sed regredietur ; & quiescens minorem velocitatem quidem, sed majorem motus quantitatem, quam in impellente fuerat, lucrabitur.

Coroll.

Coroll. (3.) Si corpus in motu positum in corpora plura sibi contigua & quiescentia incurrat, omnia quiescent præter ultimum; quod pari, majori, minorive celeritate cum impellente movebitur, prout scilicet corpus impellens corpori ultimo sit æquale, majus, minusve. Hæc corollaria ex hac lege motus, sua quasi sponte sequuntur; nec proinde peculiari demonstratione admodum opus esse videtur.

(14.) Si corpora duo æqualia perfecte elastica inæquali celeritate lata se mutuo impellant, sive in partes easdem, sive in contrarias tendant, post contactum permutatis invicem celeritatibus ferentur. Nimirum si in partes easdem tendant, dempta utrinque celeritate utrique communi, relinquetur sola celeritatum differentia, tanquam unica mutationis in conflictu causa; & cum ex lege priori omnis ista velocitas tardiori communicari debeat, sequitur quod & corpus impingens excessu isto sit necessario multandum, & corpus tardius motum excessum istum sit lucraturum; hoc est, aliis quidem verbis sed eodem sensu, sequitur quod post contactum permutatis invicem celeritatibus moveri debeant. Neque Hæc Lex multo aliter in casu secundo, ubi corpora in partes diversas lata, & sibi contrarie incurrentia ponuntur; est demonstranda. Dempta enim utrinque velocitate utrique communi, quæ post conflictum in partes contrarias tendet, & velocitatem utriusque priorem non mutabit, restabit, ut prius, velocitatis differentia, tanquam unica mutandæ velocitatis causa: quæ itaque juxta legem priorem a velociore in tardius in integrum transferetur: unde ut prius, sequetur corpora etiamnum post contactum permutatis celeritatibus pergere debere.

(15.) Corpus quodcumque quamlibet magnum, a quocumque corpore quamlibet exiguo, & qualicumque celeritate impactu movetur. Hæc Lex motus est sane axioma per se manifestum, nec demonstrationis indigens.

E

(16.) Quo-

(16.) Quoties duo corpora perfecte elastica inter se colliduntur, eadem est mutuo respectu discedentibus celeritas quæ fuit appropinquantibus: Sive verbis aliis sensu eodem, eadem est utriusque *velocitas*, non *absoluta*, sed eadem *velocitas* discedendi *respectiva* quæ fuit appropinquandi. Continet quidem hæc lex præcipuum etiam reliquarum motuum legum fundamentum; & hac methodo demonstrabitur. De æqualibus corporibus liquet propositum ex lege penultima, jamjam demonstrata: manent enim eo in casu ipsæ celeritates veræ & absolutæ, permutatis tantum sedibus; atque adeo ut celeritas discedendi respectiva eadem sit quæ fuit appropinquandi est necessum. De inæqualibus res sic conficietur. Si corpus majus assequatur minus, aut quiescens, aut saltem tardius motum, communicabit quidem de motu suo corpori quiescenti, vel tardiori; sepositâ etiam elaterii consideratione; nec tamen quiescet: & dum inter communicandum una cum quiescente vel tardiori perget non cessabit & impulsu directo, & reactione elastica quiescens vel tardius illud corpus accelerare, donec eadem velocitate a se recedat qua prius motui suo obstiterat, & elaterium suum compresserit; hoc est, qua ipsum ad alterum appropinquarat. Hanc sane celeritatem corpus majus minori necessario imprimet; sed majorem imprimere nequit, (licet corpus minus per se sit majoris capax: quam primum enim corpus quiescens vel tardius motum velocitatis gradum impulsui sive velocitati respectivæ priori parem fuerit lucratum, effugiet illico; neque impulsum quemvis ulteriolem sustinebit aut morabitur. Si autem corpus minus assequatur majus, aut quiescens, aut tardius motum, fieri nequit ut corpus minus integrum velocitatis suæ excessum quiescenti vel tardiori imprimat: (illud enim eo tantum casu fit ubi corpora sunt æqualia, ut in lege 13^a & 14^a jam vidimus.) Perit autem inter communicandum motus velocioris excessus, etiam sepositâ elaterii consideratione: Et dum eo pacto unâ progrediuntur

diuntur corpora, posterius in prius eousque reaget, donec eadem velocitate respectiva separentur, quā prius accesserant; Eatenus enim, nec ultra vires illæ elasticæ, impulsui pares, possunt; aut potius eatenus corpus minus reactionem patietur, nec ultra, prout in casu priori. In iis autem Corporibus quæ sibi mutuo inæquali utrumque velocitate occurrunt, demenda est utrinque velocitas utrique communis; utpote quæ velocitates *easdem* sed mutatis sedibus post conflictum generabit; tum autem relinquetur tantum velocitatum differentia, tanquam unica mutandæ velocitatis causa: quæ sane non cessabit & agendo & reagendo, corpora eadem celeritate respectiva a se invicem separare, quā prius accesserant. Rei cardo in eo ubique vertitur, ut Vires Elasticæ motui impresso ubique pares effectum suum integrum atque illibatum, nec ultra, ubique fortiantur. Quod aliter fieri non potest quam si velocitas recedendi respectiva; velocitati accedendi respectivæ ad amussim correspondeat.

(17.) Si duo corpora perfecte elastica eadem celeritate singula ad occursum revertantur, quā ab impulsu resilierunt; singula post alterum impulsu eandem acquirant celeritatem quā ferebantur ad occursum primum. Ob datam enim inter collidendum ictus vel conflictus magnitudinem, utpote velocitati respectivæ datæ parem, datur una rectangulum quoddam; cujus factores duō sunt distantia a puncto concursus, & prima, & ea ad quam primo conflictu est reversum utrinque; si itaque rectangulum illud datum dividamus per distantiam primam tanquam *divisorem*, distantiam secundam, tanquam *quotum* obtinebimus: Sin per distantiam secundam, tanquam *divisorem*, dividamus, distantiam primam, tanquam *quotum* obtinebimus: & ita in perpetuum. Unde sequitur distantias istas dato tempore descriptas, sive velocitates accedendi & recedendi sibi mutuo respondere, & se invicem consequi.

(18.) Corporibus duobus sibi mutuo occurrentibus, five elasticis, five non elasticis, non semper post impulsus eadem motus quantitas in utroque simul sumpto conservatur, quæ fuit ante; sed vel augeri potest vel minui. Hanc motus legem, quæ contra Cartesium directe militat, è lege 7^a. prius deduximus, quoad corpora non elastica; & ex lege penultima de elasticis etiam sequitur. Cum enim motus quantitas ex celeritate in materiam ducta æstimetur; & cum in corporibus utcumque inæqualibus, & inæquali celeritate motis, ita tamen res se habeat, ut velocitatum summa five velocitas respectiva maneat data, quantitas motus erit admodum inæqualis, prout corpus majus aut minus majorem velocitatis respectivæ integræ partem lucratur aut minorem; ut ex motuum calculo etiam mox instituendo clarius patebit.

(19.) Si corpus perfecte elasticum majus minori quiescenti occurrat, minorem ei velocitatem dabit quam duplam suæ. Cum enim post impulsus corpora eadem celeritate respectivâ a se invicem discedere debeant, quæ ad invicem accesserant, hoc est in casu præsentis, quæ corpus majus ante impulsus motum esset; si Velocitas quiescentis evaderet dupla velocitatis incurrentis, oporteret incurrens, post motum quiescenti communicatum, eadem celeritate sine ulla ejusdem jactura pergere quæ prius. Quod est absurdum.

(20.) Si corpora duo perfecte elastica sibi ex adverso occurrant, quorum magnitudinibus celeritates contraria ratione respondeant, utrumque eadem qua accessit celeritate resiliet. Cum enim Vires quæ ex mero corporum impulsu sine elaterii consideratione oriuntur, sint utrinque æquales, se mutuo ex Lege 8^a sustinebunt & destruent: Restabunt itaque solæ vires elasticæ; quæ cum sint utrinque & inter se, & motibus prioribus omnino æquales, æquales ex utraque parte motus generabunt. Atque adeo corpus utrumque eadem qua accesserat prius celeritate post occursum resiliet.

Scho-

Scholium. Problema. Datis corporibus duobus inæqualibus perfecte elasticis sibi directe occurrentibus, quorum utrumque, vel alterum tantum moveatur, dataque utriusque celeritate, vel unius si alterum quiescat, invenire celeritates quibus utraque post occursum ferentur. Fiat nimirum ut Summa Corporum, ad duplum corporis secundi, ita celeritas accedendi respectiva data, ad celeritatem alteram. *Differentia* inter hanc ultimo repertam celeritatem, & celeritatem corporis primi ante impulsus, (vel uno casu earum *summa* ubi nempe corpus primum in motu præcedit) dabit celeritatem corporis primi post occursum: qua celeritate ex integra celeritate respectiva data ablata, residua erit celeritas secundi post occursum. Regula autem hac methodo demonstratur. Velocitas primi post occursum erit velocitatis primi ante occursum, & velocitatis integræ respectivæ differentia, ubi corpora æqualia ponuntur; ita ut summa corporum sit duplo corpori secundo æqualis; ut ex lege 14. liquet. Patet itaque omnem differentiam, hoc est, motum corporis primi post occursum, à differentia summæ corporum & dupli corporis secundi oriri, eidemque proinde esse proportionalem. Quod illud ipsum est quod supponit præsens analogia.

Ex. gr. Moveatur Corpus primum dextram versus celeritate partium sex, & secundum in partem contrariam celeritate partium quatuor; sit etiam Corpus primum corporis secundi quadruplum: Erit igitur velocitas respectiva accedendi ante occursum partium decem $6 + 4 = 10$; & Corporum summa erit partium 5: Erit ergo ut Summa Corporum = 5 ad duplum corporis secundi = 2. Ita Velocitas respectiva integra = 10. ad $\frac{2 \times 10}{5} = 4$: Cujus velocitatis & velocitatis primi ante occursum differentia = 2. dabit velocitatem primi post occursum. Unde celeritas secundi post occursum erit partium 12. *Q.E.I.*

Sin corpus alterum quiescat, ejus celeritas post occursum ex analogia priori immediate innotescet. Nempe si corpus majus in exemplo priori immotum ponatur, motus ejus ex hac analogia invenietur immediate. Nam ut Summa Corporum = 5. ad duplum corporis secundi = 2. Ita velocitas respectiva integra = 4. ad velocitatem secundi post occursum = $\frac{2 \times 4}{5} = \frac{8}{5}$ sive $1\frac{3}{5}$. Dif-

ferentia enim inter celeritatem primi ante occursum quippe nullam, & celeritatem hanc, erit ipsa celeritas primi [post occursum, & per consequens velocitas secundi erit partium $\frac{8}{5}$ sive $2\frac{2}{5}$.

(21.) Celeritas quam corpus majus perfecte elasticum dat minori quiescenti perfecte elastico, ad eam quam simili velocitate minus imprimit quiescenti majori, eandem habet rationem quam majoris magnitudo ad minoris magnitudinem. Ob datam enim in utroque casu velocitatem respectivam, & datam etiam corporum summam erit calculus in utroque casu similis, viz. Ut Summa Corporum data, ad velocitatem respectivam datam; ita duplum corpus majus, vel duplum minus ad velocitatem quaesitam. Sunt ergo velocitates ut corpora.
Q. E. D.

Scholium. Libet hic loci, corollarii vice, tria reliqua Cl. Hugonii Theoremata huc spectantia attexere, licet eorum demonstratio longior sit quam quæ hoc in loco afferri debeat: Tum quod per se nobilissima sint, tum quod ex calculo juxta problema nuper propositum administrato satis constare possint.

(1.) Duobus corporibus perfecte elasticis sibi mutuo occurrentibus id quod efficitur ducendo singulorum magnitudines in velocitatum suarum quadrata simul additum ante & post occursum corporum æquale invenitur; si videlicet & magnitudinum & velocitatum rationes in numeris lineisve ponantur.

(2.) Si quod corpus perfecte elasticum majori vel minori quiescenti obviam pergat, majorem ei celeritatem

tem dabit per interpositum corpus mediæ magnitudinis perfecte elasticum itidem quiescens, quam si nullo intermedio ipsi impingatur: Maximam vero celeritatem tum conferet, quum corpus interpositum fuerit medium proportionale inter extrema.

(3.) Quo plura corpora perfecte elastica interponuntur inter duo inæqualia perfecte elastica, quorum alterum quiescat, alterum moveatur, eo major motus quiescenti conciliari poterit: Maximus autem per unamquamque interpositorum multitudinem ita conferetur, si interposita cum extremis continuam geometrice proportionalium seriem constituent.

Notandum autem ex postremis duobus per Autoris calculum constare, Quod si corpora centum ex ordine dentur in proportionem dupla, incipiatque motus a maximo, erit *celeritas* minimi ad celeritatem qua movebatur maximum proxime ea quæ 14.760.000.000 ad 1. Si vero a minimo motus incipiat, augebitur in universum *motus quantitas* secundum rationem proxime quæ 1. ad 4.677.000.000.000. Unde sane in casu priore mirandum *velocitatis*, in posteriore magis mirandum ipsius *quantitatis motus* augmentum consequitur.

Quæ autem (ut hoc tandem moneam obiter) Cl. Hugenus de omnibus corporibus, aut saltem de omnibus perfecte duris asseruit, nos tantum de omnibus perfecte elasticis, cum Cl. Wallisio & Newtono asseruimus & demonstravimus. Neque aliter certe aut intelligi aut affirmari debent. Motuum enim Leges quæ corporibus reliquis non elasticis congruunt, aliæ plane sunt plerumque, & ab hisce satis diversæ; prout ex ante dictis abunde constare potest: atque adeo cum elasticorum legibus sunt minime contaminandæ. Quæ autem corpora imperfecte elastica spectant, è Cl. Newtono in sequentibus tradentur. Sed Manum de tabula.


VI.

MOTUUM Leges in corporum tum durorum tum elasticorum collisionibus observatas in prioribus absolvimus; restat jam ut reliquas motuum leges Philosophiæ Newtonianæ Præsternendas aggrediamur. Estoque itaque,

(22.) Corpus omne viribus conjunctis diagonalem parallelogrammi eodem tempore describet, quo latera separatim.

Si corpus *A*, dato tempore, vi sola *AB*, secundum lineam *AB* impressâ ab *A* ad *B*. Et vi sola *AC*, secundum lineam *AC* impressâ, ab *A* ad *C*: compleatur parallelogrammum *ABDC*, & vi utraque simul impressâ corpus eodem dato tempore feretur ab *A* per lineam diagonalem ad *D*. Nam quoniam vires hæ simul impressæ non sunt sibi invicem oppositæ, se mutuo nequaquam tollent, sed motum

quendam inter utrumque quasi intermedium generabunt. Etenim cum vis posterior *AC* secundum lineam *AC* ipsi *BD* parallelam & æqualem agat, hæc vis nihil mutare debet velocitatem



accedendi ad lineam illam *BD* a vi priore genitam: Accedet igitur corpus eodem tempore ad lineam *BD*, siue vis posterior imprimatur siue non; atque adeo in fine illius temporis reperietur alicubi in lineâ illâ *BD*. Eodem argumento cum vis prior *AB* secundum lineam *AB* ipsi *CD* parallelam & æqualem agat, hæc vis nihil mutare debet velocitatem accedendi ad lineam illam *CD*, a vi posteriore genitam. Accedet igitur corpus eodem tempore

pore ad lineam CD , five vis prior imprimatur, five non ; atque adeo in fine illius temporis reperietur alicubi in linea illa CD . Et idcirco Corpus in fine illius temporis in utriusque lineæ BD & CD concursu D ut reperitur est necesse. Porro, cum idem omnino eadem prorsus ratione de punctis innumeris ddd , &c. in eadem diagonali linea satis demonstrari possit, liquet corpus ex conjunctis hisce viribus lineam rectam diagonalem semper describere debere. *Q.E.D.*


Coroll. (1.) Datis viribus velocitas ex earundem conjunctione orta erit eo major quo directiones virium primarum *conspirant* magis, five, quo angulus BAC est minor; & eo minor quo directiones istarum virium sibi invicem magis *opponuntur*, five, quo angulus BAC est major: Velocitas autem utriusque directionis secundum lineas parallelas AC , BD & AB , CD ad lineas BD & CD aliasve quasunque eisdem parallelas accedendi nullo modo ex harum virium conjunctione mutatur, sed semper manet invariata; uti ex propositionis hujus demonstratis patet.

Coroll. (2.) Linea eadem diagonalis AD ex binarum virium innumerarum conjunctione describi potest. Sic si loco vis prioris AB supponatur alia AE , & loco posterioris AC supponatur alia AF , & perficiatur parallelogrammum $AEDF$, linea AD existente communi diagonali, Corpus ex hisce viribus conjunctis eandem lineam AD describet quam prius ex aliis descripserat; uti ex hac propositione constat: Et par est ratio de binis quibuscunque viribus quibus latera parallelogrammi cujuscunque cujus AD est diagonalis describi debuerunt.

Coroll. (3.) Datis itaque tum magnitudine tum directione viribus datur una linea describenda, parallelogrammi nempe diagonalis; sed data linea descripta, five diagonali, non illico dantur vires & directiones quibus ista diagonalis describeretur. Ratio in promptu est; quoniam datis parallelogrammi lateribus, & incluso angulo, datur una ipsum parallelogrammum, atque adeo paral-

parallelogrammi istius diagonalis : Sed data linea longitudine & directione tanquam diagonali, non tamen exinde datur parallelogrammum ; cum eadem linea versus eandem plagam extensa parallelogrammorum innumerorum diagonalis esse possit. Ut enim latera parallelogrammi data, sine dato angulo incluso, nullam certam diagonalem determinant, ita & diagonalis data sine angulis hinc inde eidem adjacentibus datis Nulla certa latera determinare potest.

Coroll. (4.) Ubi vires primariæ BA , BD æquantur inter se ; & angulum ABD graduum 120 gr. comprehendunt, velocitas ex conjunctis viribus eadem erit quæ ex alterutra seorsim : & virium directiones solæ mutantur ; triangu-



enim ABC & BCD in hoc casu erunt æquilatera, & Rhombum component ; & diagonalis proinde BC utrivis Rhombi lateri AB aut BD æqualis erit.

Coroll. (5.) Ubi vires primariæ sunt æquales, & angulus a lateribus inclusus est rectus, velocitas ex viribus conjunctis erit velocitati ex alterutra seorsim incommensurabilis ; nimirum ut quadrati diagonalis ad ejusdem lateris ; ideoque nullis numeris explicanda.

Scholium. Quæ de veris motibus & velocitatibus in hac propositione & ejusdem corollariis dicta sunt, etiam viribus quibuscunque sive ad motum conatibus sunt applicanda. Sic si Corpus A in figura priore a duabus viribus eam inter se rationem quam lineæ AC & AB habentibus & secundum directiones earundem linearum datas impelleretur, premeretur, attraheretur, aut quoquo modo tenderet, licet propter obstacula aut alias causas motus
revera


revera non statim sequeretur, impulsus aut vires ex istis conjunctis viribus ortæ, secundum directionem lineæ diagonalis *AD* tenderent; & velocitas generanda per istam lineam *AD* exponi deberet. Ut ex sequentibus facilius intelligetur.

(23.) Vires & Motus quicunque in vires & motus innumeros resolvi; & vicissim ex viribus aut motibus quibuscunque obliquis Vires directæ & motus rectilineares innumeri componi possent.

Sic sane in figurâ priore eadem est motûs linea & directio sive componatur ex viribus *AB AC*, sive ex viribus *AE, AF*, sive etiam ex unico motu per eandem lineam *AD* impresso primario oriatur. Et vicissim motus quivis per rectam *AD*, licet forte ex vi simplici recta impellenti oriatur, considerari tamen potest quasi ex binis sive *AB AC*, sive *AE AF* aliisve innumeris similibus esset composita; cum idem omnino motus ex binis istis sequeretur. Nec aliter de motibus adhuc magis compositis erit ratiocinandum. Consideratis enim primo binis viribus & linea diagonali ex istis inter se conjunctis describenda; deinde, istis binis viribus ad unicam eo pacto reductis, adhibeatur vis tertia & cum eadem jungatur, hinc oriatur motus per alteram parallelogrammi cujusdam secundi diagonalem, & ita porro de vi quartâ, quintâ, &c. in infinitum. Neque aliter sane vis quævis directa, ubi opus, in plures resolvi potest. Quæ sane Virium Compositio & Resolutio adhibetur frequentissime, & abunde ex Mechanicâ confirmatur; uti jam cum Newtono ostendemus.

Si de rotæ alicujus centro *O* exeuntes radii inæquales *OM, ON*, filis *MA, NP*, sustineant pondera in æquilibrio, & quærantur vires ponderum ad rotam movendam; per centrum *O* agatur recta linea *KOL* filis pondera sustinentibus perpendiculariter occurrens in *K* & *L*; centroque *O*, & intervallorum *OK, OL* majore *OL* describatur circulus occurrens filo *MA* in *D*; per *O* & *D* agatur recta *OD*, cui sit perpendicularis *DC*,
&

& eidem parallela AC ; compleaturque parallelogrammum $DCAc$: Quoniam nihil refert utrum filorum puncta K, L, D . affixa sint vel non affixa ad planum rotæ, pondera idem valebunt ac si suspenderentur a punctis K & L , vel D & L ; eadem enim (sepositâ ipsius fili gravitate) ejusdem corporis est gravitas, ubicunque affigitur filum in eadem linea horizonti perpendiculari: Ponderis autem A vis tota gravitans exponatur vel repræsentetur per lineam AD , tanquam parallelogrammi cujusdam diagonalem: ut ex ratione istius diagonalis ad latus parallelogrammi, ubi virium altera nulla est, innotescat, Vis illa tota quam AD designat re-



solvi potest in vires binas innumeras, sed cum reliquæ a nostro proposito sint alienæ, resolvatur in binas Dc (vel AC) & DC ; alteram nempe secundum directionem radii DO protracti, alteram vero eidem radio perpendicularem. Harum virium Altera AC vel cD trahendo radium OD directe a centro, (tendit enim a D versus c in ipso radio protracto) nihil valet ad movendam rotam; Vis autem altera DC trahendo radium DO perpendiculariter idem valet ac si perpendiculariter traheret radium OL , ipsi OD æqualem: Cum vero rota ex hypothese quiescat in æquilibrio, erit Pondus P , ad


P , ad Pondus A , ut Vis DC , ad Vim DA . Tota enim vis ponderis P trahit radium OL perpendiculariter, & ita integram vim suam confert ad rotam movendam: Sed Ponderis integri A per lineam AD expositi pars illa tantum quæ per DC exponitur trahit radium OD , ipsi OL æqualem perpendiculariter: alterâ parte secundum radium CO tendendo plane deperditâ: Pars illa itaque DC solummodo confert ad movendam rotam. Cum itaque, ob æquilibrium utrinque suppositum, Vis integra ponderis P æquivalet cuidam tantum parti Ponderis A , nempe DC , liquet tanto majus esse debere Pondus A quam pondus P , quanto diagonalis DA est major quam latus DC . idque propter corporis A a perpendiculari DC declinationem. Est ergo ut Pondus A , ad Pondus P , ita DA , ad DC : hoc est, ob similia triângula ADC , DOK , ut OD vel OL ad OK . Pondera itaque A & P quæ sunt reciproce ut radii in directum positi OL & OK , idem utrinque valebunt, & sic in æquilibrio consistent. Atque hæc sane est Libræ, Vectis, & Axis in Peritrochio proprietas notissima & fundamentalis, & ex hac virium resolutione facile demonstratur. Sin Pondus alterutrum sit majus quam in hac ratione, vis ejus fortior prævalebit, & ad movendam rotam sufficiet. Quod si Pondus \ast Ponderi P æquale partim suspendatur filo $N\ast$, partim incumbat plano obliquo $\ast G$, agantur NH , $\ast H$, prior horizonti, posterior plano $\ast G$ perpendicularis; & compleatur parallelogrammum $\ast NRH$. Et si vis integra ponderis \ast deorsum tendens exponatur per lineam NH , hæc resolvitur in vires $\ast N$, RN . Et si filo $\ast N$ perpendicularare esset planum aliquod $\ast Q$, secans planum alterum $\ast G$ in lineâ ad horizontem parallela, & pondus \ast his planis $\ast Q$ $\ast G$ solummodo incumberet, urgeret illud hæc plana $\ast Q$, $\ast G$ perpendiculariter, nimirum planum $\ast Q$ vi $\ast N$, & planum $\ast G$ vi RN : Ideoque si tollatur planum $\ast Q$ ut pondus tendat filum, quoniam filum sustinendo pondus jam vicem præstat plani sub-

sublati, tendetur illud eadem vi $\ast N$ quâ planum antea urgebatur : Unde tensio fili hujus obliqui, erit ad tensionem fili alterius perpendicularis PN , ut $\ast N$, ad NH : Ideoque si pondus \ast augeatur in ratione NH ad $N\ast$ sustinebit pondus A , & rota non movebitur: Unde si pondus \ast , sit ad pondus A , in ratione reciproca minimarum distantiarum filorum suorum AM PN a centro rotæ, seu ut KO ad OL , & etiam in ratione directa NH ad $\ast N$, hoc est, rationes utrasque simul conjungendo, ut rectangulum KO in NH ad rectangulum OL in $\ast N$, pondera æqualiter valebunt ad rotam movendam; atque adeo se mutuo sustinebunt in æquilibrio; ut quilibet facillime experiri potest.

Coroll. (1.) Hinc via nova aperitur omnia pondera minoræ ex unico dato pondere mensurandi. Si enim planum $\ast G$ perfecte politum ad varios inclinationis gradus gradatim collocetur, idem pondus \ast vel P diversis quibuscunque ponderibus se minoribus æqualebit; in ratione nimirum lineæ $\ast N$ ad HN . Atque adeo si tabella conficiatur rationes linearum $\ast N$ & HN ad quoscunque inclinationum gradus exhibitura, facile fuerit ex inclinatione plani $\ast G$ & unico dato pondere \ast vel P omnium corporum corpore \ast vel P minorum ut A pondera examini subjicere & determinare.

Coroll. (2.) Hinc etiam corporum in planis quibuscunque inclinatis descendantium vel reclinantium velocitates vel pondera licet æstimare: Sit AB planum inclinatum, & f corpus per illud planum descendens, vel in illud recumbens; exponatur vis gravitatis integra per lineam df horizonti perpendicularem, & resolvatur illa vis integra in binas vires fe & fg , quarum altera fe sit plano inclinato perpendicularis, cui itaque ferendo istud planum adæquate sufficit; altera fg secundum planum inclinatum parallelis posita, quæ itaque motui citando, vel ad motum saltem conatui vel ponderi procurando sine impedimento impenditur: Est ergo motus vel pondus in plano inclinato, ad motum vel pondus

in plano ad horizontem perpendiculari, ut latus fg ad lineam diagonalem fd : hoc est, ob triangula similia fgd & ABC , ut AC ad AB , sive ut anguli BAC




radius ad secantem; quæ est propositio in Mechanicis notissima.

Coroll. (3.) Hinc etiam vis cunei innotescit. Si CCA cuneus, a malleo ictu directo impulsus: exponatur vis integra ictûs per lineam DA ; & resolvatur illa in binas vires DQ & DR ; quarum altera DQ sit ligni findendi faciei CA perpendicularis, atque adeo ad eandem faciem amoliendam directe disposita; altera verò DR sit eidem faciei parallela, atque adeo ad directe progrediendum disposita; & idem de altero Cunei dimidio DAC intelligatur: erit itaque amolitio obicis secundum lineam DQ , ad progressum virium deorsum secundum lineam DR , ut DQ ad DR ; hoc est, ob similia triangula DQA DCA , ut DC ad DA ; sive, computatis etiam alterius partis viribus, ut CC ad DA ; quæ est etiam notissima cunei

cunei proprietas : & in mechanicis receptissima. Vel etiam, Si hanc rem cum Newtono absolvere placuerit ex prius demonstratis, Habebit in figura penultima pondus $\ast Q$ incumbens rationem

Cunei inter corporis fissi facies internas, & inde vires cunei & mallei innotescunt; etenim vis quâ pondus $\ast Q$ urget planum $\ast Q$, est ad vim quâ idem, vel gravitate sua, vel ictu mallei impellitur secundum lineam horizonti perpendicularem, ut $\ast N$ ad



NH ; atque ad vim qua urget planum alterum $\ast G$ ut $\ast N$ ad NR . Sed & vis Cochleæ aliquo modo per similem virium divisionem colligi potest, quippe quæ, ex sententia Newtoni, cuneus est a vecte impulsus.

Scholium. Usus itaque hujusmodi motus compositionis & resolutionis latissime patet, & late patendo veritatem ejus evincit, cum pendeat ex jam dictis Mechanica tota, ab Authoribus diversimode demonstrata; ex hisce enim facile derivantur vires machinarum, quæ ex rotis, tympanis, trochleis, Vectibus, radiis volubilibus, nervis tensis, & ponderibus directe vel oblique ascendentibus, cæterisque potentiis Mechanicis componi solent; ut & vires Musculorum ad animalium ossa movenda.

Octob. 23. 1704.

VII.

(24.) **Q**UANTITAS motus quæ colligitur capi-
endo summam motuum factorum ad ean-
dem partem, & differentiam factorum ad contrarias
non mutatur ab actione corporum inter se.

Etenim actio eique contraria reactio æquales sunt, per
motus Legem quintam; adeoque, per Legem quartam,
æquales in motibus efficiunt mutationes versus contra-
rias partes: Ergo si motus fiunt versus eandem partem,
quicquid additur motui corporis fugientis subducetur
a motu corporis insequentis, sic ut *summa* maneat ea-
dem quæ prius. Sin corpora obviam eant in eadem li-
nea, æqualis erit subductio de motu utriusque, adeo-
que *differentia* motuum factorum in contrarias partes
manebit eadem. Ut si corpus *A* sphæricum sit triplo
majus corpore sphærico *B*, habeatque duas velocitatis
partes; & *B* sequatur in eadem recta cum velocitatis
partibus decem; adeoque motus ipsius *A*, ex veloci-
tate & magnitudine conjunctim ortus, sit ad motum
ipsius *B* eodem modo æstimatum, ut senarius numerus
ad denarium: motuum ergo summa in eandem plagam
est partium sedecim. In Corporum itaque *A* & *B*
concurfu si corpus *A*, pro varia Elaterii quantitate, lu-
cretur motus partes tres, vel quatuor, vel quinque, corpus
B amittet partes totidem; adeoque perget corpus *A*
post reflexionem cum partibus novem, vel decem, vel
undecim, & *B* cum partibus septem, vel sex, vel quinque;
existente semper summâ partium sedecim ut prius; uti
in corporibus aut non omnino, aut saltem minori gradu
elasticis semper eveniet. Sin corpus *A* lucretur partes
novem, vel decem, vel undecim, vel duodecim, adeo-
que progrediatur post occursum cum partibus quindecim,
vel sedecim, vel septendecim, vel octodecim,
Corpus *B* amittendo tot partes quot *A* lucratur, vel
progredietur cum una parte, amissis partibus novem; vel
quiescet amisso motu suo progressivo partium decem; vel

regredietur cum una parte amisso motu suo, & (ut ita dicam) unâ parte amplius, vel regredietur cum partibus duabus, ob detractum motum progressivum partium duodecim; &c. Atque ita summæ motuum conspirantium $15 + 1$, vel $16 + 0$, atque etiam differentiarum contrariorum $17 - 1$ vel $18 - 2$, semper erit partium sedecim, ut ante concursum & reflexionem. Quod in corporibus perfecte elasticis eveniet; uti ex legibus motus de iisdem prius expositis, & ex infra dicendis de imperfecte elasticis satis intelligi poterit. Cognitis autem motibus quibuscum corpora post reflexionem pergent, invenietur cujusque velocitas post eandem reflexionem, ponendo eam esse ad velocitatem ante reflexionem, ut motus post, ad motum ante. Ut in casu ultimo, ubi corporis *A* motus erat partium sex ante reflexionem, & partium octodecim postea, & velocitas partium duarum ante reflexionem, invenietur ejus velocitas partium sex post reflexionem, dicendo, juxta regulam auream; ut motus partes sex ante reflexionem, ad motus partes octodecim postea, ita velocitatis partes duæ ante reflexionem, ad velocitatis partes sex postea. Cum enim motus quantitas oriatur ex velocitate & magnitudine conjunctim, in dato corpore motus quantitas ex velocitate sola æstimabitur, atque adeo quantitas motus & velocitatis erunt sibi invicem directe proportionales. Quod si corpora non sphærica, vel diversis in rectis moventia incident in se mutuo oblique, & requirantur eorum motus post reflexionem, cognoscendus est situs plani a quo corpora concurrentia tanguntur in puncto concursus; dein corporis utriusque motus distinguendus est in duos, unum huic plano perpendicularem, alterum eidem parallelum; motus autem paralleli, propterea quod nullo modo sibi adversantur, corporibus in se invicem secundum lineam huic plano perpendicularem agentibus, retinendi sunt iidem post reflexionem atque antea; & motibus perpendicularibus mutationes æquales in partes contrarias tribuendæ sunt, sic ut summa conspirantium


itaque planum per OM illud a quo corpora sphaerica A & B in puncto concursus tanguntur; & motus obliqui per diagonales AE & BE utrinque in binos distinguuntur, AE nimirum in AG & AC , & BE in BO & BD , quorum motuum alteri AG & BO vel CE & ED sunt plano occurfus perpendiculares, quibus itaque solis tanquam directe sibi invicem oppositis & in partes directe contrarias EC & ED tendentibus omnis motuum mutatio in occurfu est referenda; alteri vero AC & BD , vel GE & OE sibi invicem paralleli, & in puncto occurfus in eandem penitus plagam EM tendentes, adeo non sibi invicem contrariantur ut potius directe conspirare sint censendi, atque adeo retinendi sunt iidem post reflexionem atque antea. Quare sit EI æqualis ipsi EG , & EM æqualis ipsi EO ; & ut motuum mutationes in partes contrarias factas, & juxta lineam CD dirigendas æstimemus, calculum ineamus secundum motus legem vigesimam, è Cl. Hugenio mutuo acceptam. Fiat itaque ut Summa Corporum A & $B = 4$, ad duplum corporis $B = 2$. Ita celeritas accedendi respectiva CD partium 12: (Nam ob triangula similia AGE BOE , AG sive CE , est ad BO sive ED , ut $AE = 2$, ad $EB = 10$; atque adeo $AE + EB = 12$) ad dimidium ipsius $CD = CF = 6$. Et differentia inter hanc celeritatem partium 6, & celeritatem corporis A ante impulsu partium 2, $= 4$, exhibebit celeritatem qua corpus A post occursum movebitur: qua celeritate ex integra celeritate respectiva ante occursum ablata, $12 - 4 = 8$, restat corporis B post eundem occursum celeritas. Sit ergo EN partium 4, & EL partium 8, & perfectis parallelogrammis $ENHI$ & $ELKM$, ductisque diagonalibus EH & EK , corpora A & B eodem tempore quo ad occursum per diagonales AE & BE prius properabant, post occursum ad puncta H & K per diagonales EH & EK regrediendo pervenient; & erit motus corporis $A = 4 \times 3 = 12$ partium; & motus corporis $B = 8 \times 1 = 8$

= 8 partium, quorum motuum differentia est partium quatuor, quæ etiam erat motuum ante occursum differentia. Quapropter in hoc casu quantitas motus quæ colligitur capiendo differentiam motuum factorum ad partes contrarias non mutatur ab actione corporum inter se: atque adeo in corporibus oblique impingentibus valet hæc regula æque ac in iis quæ directe impingunt. Ex hujusmodi autem reflexionibus oriri etiam solent motus circulares corporum circa centra propria: Sed hos casus in sequentibus non opus est ut consideremus: & nimis longum esset omnia huc spectantia demonstrare.

Lemma ad Legem motus 25^m.

SI rectæ duæ positione datæ AC, BD ad data puncta A & B terminentur, datamque habeant rationem ad invicem, & recta CD qua puncta indeterminata C, D junguntur secetur in ratione data in K , dico quod punctum K locabitur in recta positione data.


Concurrant enim rectæ (si non sint parallelæ) AC & BD in puncto E ; & in BE capiatur BG , ad AE ,



ut est BD , ad AC : Sitque FD æqualis EG . Et erit EC , ad GD , hoc est, ad EF , ipsi GD ex hypothesi æqualem, ut AC , ad BD , adeoque in ratione datâ; &

propterea dabitur specie triangulum EFC , (ex datis nimirum angulo CEF , & laterum EC , EF circa eundem angulum ratione.) Secetur CF in L in ratione illa data, & dabitur etiam specie triangulum EFL (ob datam laterum circa datum angulum EFC rationem) & proinde punctum L locabitur semper in recta EL positione data. Junge LK ; & ob datam FD , utpote ipsi EG datæ æqualem; & datam rationem LK ad FD , eam nempe CK ad CD , dabitur LK . Huic æqualis capiatur EH ; & erit $ELKH$ parallelogrammum. Est enim LK ipsi FD parallela, & per consequens ipsi EHE ejusdem lineæ protractæ parti parallela, & ex hypothesi æqualis: Locatur ergo punctum K in parallelogrammi latere positione dato HK . *Q.E.D.* Si rectæ AC , BD sint inter se parallelæ, punctum concursus erit infinite distans, hoc est nullum; & omnes lineæ EC , EL , HK , ED erunt inter se parallelæ. Quo in casu hoc Lemma ita demonstramus. Jun-

gantur puncta, lineas AC & BD datam rationem habentes, terminantia lineis AB , CD ; & protractis junctentibus donec concurrant, puta in Q , per punctum K lineam CD in ratione data dividens ducatur HK , ipsis AC & BD parallela: Dico punctum K locari in recta HK positione data. Ubicunque enim sumuntur puncta C & D in lineis AC & BD , linea eadem puncta conjungens ad idem punctum Q tendet, ut in punctis c & d , & linea jungens cd in data illa ratione secabitur a linea HK : Est enim ex hypothesi & in hac figura Ac ad Bd ut AC ad BD :



BD: Est etiam ex hac hypothefi & in hac figura *ck* ad *cd* ut *CK* ad *CD*: Unde liquet & in hoc cafu punctum *K* femper locari in recta pofitione data. *Q. E. D.*

Coroll. (1.) Si puncta duo progrediantur uniformi cum motu in lineis rectis, & distantia eorum dividatur in ratione data, punctum dividens locabitur in recta pofitione data; & punctum illud, ut *K*, movebitur uniformiter in ifta linea recta. Nam ob celeritatem utriusque puncti uniformem & æquabilem Lineæ motus ut *AC* & *BD* quas fimul defcribunt erunt femper in ratione data, nimirum in ratione celeritatum utrinque æquabilium: Unde liquet è jam demonftratis punctum *K* in linea recta *HK* femper ferri. Quod vero uniformiter & æquabili motu feratur, hoc modo demonftrabitur: *HK* femper eft æqualis *EL*, & *EL* eadem ratione crefcit ac crefcunt ipfi proportionales *EC* & *EF* lineæ, quæ iis *AC* & *BD* per quas corpora fimul moyentur funt ex prius dictis etiam proportionales. Est itaque *EC*, ad *EF*, ut *AC*, ad *BD*; unde cum iftæ lineæ ex motus æquabilitate crefcunt uniformiter, etiam *EL* & ei æqualis *HK* iisdem proportionalis uniformiter etiam crefcet; five, quod perinde eft, punctum *K* motu æquabili & uniformi per lineam *HK* feretur. *Q. E. D.* Et pariter in cafu fecundo ubi lineæ motus parallelæ ponebantur. Nec opus eft ut in re facillima verba addamus. In loco etiam folido fimili fere demonftratione Lemmatis veritas colligetur, demittendo nimirum ad planum termedium per punctum quodvis *K*, & alterum in eadem ratione minimam linearum distantiam fecus & eidem distantie normale perpendicularares, & vice linearum motus in diverfis planis pofitarum adhibendo, lineas, perpendicularares dimiffas jungentes, & in eodem plano pofitas, ut demonftratio in hac pofitione adhibita ifti cafui applicari poffit.

Coroll. (2.) Si puncta utraque in eandem partem progrediantur, etiam & punctum dividens in eandem partem progredietur: Si punctorum alterum in hanc, al-

terum vero in contrariam partem moveatur, punctum dividens aut in hanc aut in contrariam partem tardius movebitur; prout celeritatis majoris, aut a puncto K distantiae rationes postulaverint. Vel demum, si rationes istae sint æqualitatis, & in neutram partem prævaleant, punctum dividens in neutram partem movebitur, sed omnino quiescet. Unde in omni casu punctum istud dividens K aut quiescet, aut movebitur uniformiter in linea recta.

(25.) Commune centrum gravitatis systematis corporum ab actionibus corporum inter se, (sive attractiones sint, sive impulsus) non mutat statum suum vel motus vel quietis; & propterea corporum omnium in se mutuo agentium (exclusis actionibus & impedimentis aut externis, aut aliunde arcessitis) Commune centrum gravitatis vel quiescit, vel movetur uniformiter in directum.

Nam si duo corpora vel puncta ut C . D . progredientur uniformi cum motu in lineis rectis AC . BD , &

eorum distantia CD dividatur in ratione data; (uti linea per corporum motorum centra gravitatis semper transiens a communi utriusque gravitatis centro K , in ratione data, nimirum corporibus reciproca, dividitur) commune illud gravitatis centrum K aut quiescet, aut movebitur uniformiter in linea recta KH . Ergo si corpora quocunque moveantur uniformiter in lineis rectis, commune centrum duorum quorumvis vel quiescit, vel progreditur uniformiter in linea recta; propterea quod linea horum corporum centra in rectis uniformiter progredientia jungens dividitur ab hoc communi duorum gravitatis centro in ratione data. Similiter & commune centrum gravitatis horum duorum & tertii cujusvis vel quiescit, vel progreditur uniformiter in linea recta; propterea quod ab eo dividitur distantia gravitatis centri communis corporum duorum & centri corporis tertii in data ratione, corpori nempe & systemati duorum corporum reciproca: Nam commune gravitatis centrum duorum in recta uniformiter progreditur, atque adeo pari

pari ratione ac centrum cujusvis corporis est habendum. Eodem modo commune centrum gravitatis horum trium & quarti cujusvis vel quiescit vel progreditur uniformiter in linea recta; propterea quod ab eo dividitur distantia inter centrum gravitatis commune trium, & centrum gravitatis quarti in data ratione, corpori nempe & systemati trium corporum reciproca: & sic porro in infinitum. Igitur in systemate corporum, quæ actionibus in se invicem aliisque omnibus in se extrinsecus impressis omnino vacant, adeoque vel quiescunt, vel moventur singula uniformiter in rectis singulis, commune omnium centrum gravitatis vel quiescit, vel movetur uniformiter in directum. Porro in systemate duorum corporum in se invicem agentium, cum distantia centrorum utriusque a communi amborum gravitatis centro sint reciproce ut corpora, erunt motus relativi corporum eorundem sive ex attractione, seu vi centripeta; sive impulsu, seu vi centrifuga accedendi ad centrum illud vel ab eodem centro recedendi æquales inter se, & velocitas accessus vel recessus corporibus reciproce proportionales; hoc est distantis a centro gravitatis amborum directe proportionales. Unde ex istis actionibus augebitur vel minuetur distantia ab illo centro proportionaliter: Proindeque centrum illud a motuum æqualibus mutationibus in partes contrarias factis, atque adeo ab actionibus horum corporum inter se, sive se mutuo trahant sive fugent, nec promovetur, nec retardatur, nec mutationem patitur in statu suo quoad motum vel quietem. In systemate autem corporum plurium, quoniam duorum quorumvis in se mutuo agentium commune gravitatis centrum ob actionem illam nullatenus mutat statum suum, & reliquorum, quibus um actio illa intercedit, commune gravitatis centrum nihil inde patitur, distantia autem horum duorum centrorum dividitur a communi corporum omnium centro in partes, summis totalibus corporum quorum sunt centra gravitatis, reciproce proportionales; adeoque centris illis duobus

bus statum suum movendi vel quiescendi servantibus, commune omnium centrum gravitatis servat etiam statum suum; manifestum est quod commune illud omnium centrum ob actiones binorum corporum inter se nunquam mutat statum suum quoad motum & quietem. In tali autem omnium systemate actiones omnes corporum inter se vel inter bina sunt corpora, ubi nihil status centri gravitatis systematis mutatur; uti jam vidimus; vel ab actionibus inter bina compositæ, & propterea communi omnium gravitatis centro mutationem in statu motus sui vel quietis nunquam inducent. Nam si ab Actione *A* in *B* status centri gravitatis nihil perturbetur, & ab actione *C* in *B* nihil perturbetur; neque sane a conjunctis *A* & *C* actionibus in *B* status ille centri gravitatis perturbabitur. Quare cum centrum illud commune gravitatis ubi corpora non agunt in se invicem, vel quiescit, vel in recta aliqua progreditur uniformiter, perget idem, non obstantibus corporum actionibus inter se, vel semper quiescere, vel semper progredi uniformiter in directum; nisi a viribus in systema extrinsecus impressis deturbetur de hoc statu. Est igitur systematis corporum plurium lex eadem quæ corporis solitarii quoad perseverantiam in statu motus vel quietis. Motus enim progressivus seu corporis solitarii, seu systematis corporum ex motu centri gravitatis æstimari semper debet.

Octob. 30. 1704.

VIII.

(26.) **C**ORPORUM dato spatio inclusorum, & proinde motum ipsius participantium iidem sunt motus inter se sive spatium illud quiescat, sive moveatur idem uniformiter in directum, absque motu circulari.

Nam

Nam differentiarum motuum tendentium ad eandem partem, & summæ tendentium ad contrarias eandem sunt sub initio in utroque casu (ex hypothesi,) & ex his summis vel differentiis oriuntur congressus & impetus, quibus corpora se mutuo feriunt. [ex summis nimirum in corporum ad partes contrarias tendentium, & ex differentiis in corporum ad easdem partes tendentium occurribus.] Ergo per Legem 4. æquales erunt congressuum effectus in utroque casu, & propterea manebunt motus inter se in uno casu æquales motibus inter se in altero. Communis enim spatii corporumque inclusorum & uniformis motus in eandem plagam tendens, aut omnia æqualiter accelerando, ut in iis quæ in eandem cum spatio partem tendunt; aut quantum uni detrahit, addendo alteri, ut in iis quæ in partes contrarias tendunt, nullatenus mutabit occursum vires. Idem comprobatur experimento luculento; motus enim omnes eodem modo se habent in navi, five ea quiescat, five moveatur uniformiter in directum.

(27.) Si corpora moveantur quomodocunque inter se, & a viribus acceleratricibus æqualibus secundum lineas parallelas urgeantur, pergunt omnia eodem modo moveri inter se ac si viribus illis non essent incitata.


Nam vires illæ æqualiter, pro quantitibus movendorum corporum, & secundum lineas parallelas agendo, corpora omnia æqualiter quoad velocitatem movebunt; adeoque nunquam mutabunt positiones & motus eorum inter se.

Lemma ad Experimenta proxime memoranda.

Velocitas corporis penduli in puncto circuli descripti infimo est semper ut Chorda arcus quæ cadendo descriptit.

Esto angulus CAB rectus, C vel H mobile filo eodem CA vel HA a centro A suspensum, & per arcum CB vel HB descensurum; Dico quod velocitas Corporis C in puncto infimo B , est ad velocitatem corporis H in eodem puncto, five potius velocitas ejusdem corporis primo per arcum CB & deinde per arcum HB cadentis

cadentis, ut chorda CB , ad chordam HB . Est enim, ut mox demonstrabimus, velocitas
 * Per Coroll. 5. * corporis per arcum CB decidentis,
 Prop. 6. infra. in puncto infimo B , (qua nimirum
 corpus pergeret moveri secundum lineam rectam circulum in B tangentem, si in B filum relinqueret,) eadem atque ea quam haberet in puncto F , si perpendiculariter per CF decidisset. Et eadem ratione est velocitas corporis per arcum HB descendentis eadem atque ea quam haberet in puncto K si perpendiculariter per HK decidisset : [eadem nemper celeritate per spatia in-



ter parallela plana impressa, sive transitus per eadem plana sit perpendicularis, ut in corporibus cadentibus per lineas rectas horizonti perpendiculares; sive sit obliquus, ut in corporibus pendulis arcus circulares describentibus, uti inferius patebit plenius.] Est itaque Velocitas Corporis per arcum CB descendentis, ad velocitatem corporis per arcum HB descendentis, ut Velocitas corporis per CF decidentis, ad velocitatem

† Per Coroll. Prop. 4. infra. corporis per HK decidentis. Sed est † velocitas corporis per CF decidentis, ad velocitatem corporis per HK decidentis, in subduplicata ratione lineæ CF ad lineam HK , uti infra demonstrabitur : & est quoque * Chorda CB , ad Chordam


dama

dam HB , in eadem subduplicata ratione lineæ CF , ad lineam HK ; uti infra quoque demonstrabitur. Unde sequitur, Velocitatem Corporis per arcum CB descendens, ad velocitatem corporis per arcum HB , descendens, in puncto infimo B , esse ut est Chorda arcus CB , ad Chordam arcus HB . *Q. E. D.*

Corollarium. Hinc corrigendus est *Cl. Hugenii*, seu potius Editorum error, rationem velocitatis in puncto infimo B eandem esse ac ipsarum linearum CF & HK supponentium; cum sit in earundem tantum ratione subduplicata; uti jamjam ex ipsius Hugenii principiis demonstravimus.

De Vi Centrifuga.
P. 426, 427.

Scholium Generale. Veritas harum legum olim comprobata fuit a D^{no}. Christophoro Wrenno per experimentum pendulorum, coram Societate Regali; quod etiam *Cl. Mariottus* libro integro exponere mox dignatus est. Verum ut hoc experimentorum genus cum Theoriis ad amissim congruat, habenda est ratio non tantum vis elasticæ corporum pendulorum, sed etiam & resistentiæ aeris. Pendeant corpora A & B filis parallelis AC &



BD a centris C & D : His centris & intervallis æqualibus describantur semicirculi EAF GBH , radiis CA & DB respective bisectioni. Trahatur corpus A ad arcum EAF punctum quodvis R , & subducto corpore B demit-

demittatur inde, redeatque post unam oscillationem integram [ex itru & reditu compositam] ad punctum V . Est RV retardatio ex resistantia aeris. Hujus RV fiat ST pars quarta sita in medio, & sit RQ æqualis ipsi OV , & ST exhibebit retardationem in descensu ab S ad A quam proxime. Nam si in duplici tum ascensu tum descensu retardatio sit RV , erit retardatio in descensu uno vel uno ascensu ejus pars quarta; & cum arcus bini sint majores & bini minores quam arcus QA , resistantia aeris neque in arcubus maximis, neque in minimis sumenda est, sed in mediocri. Unde pars quarta ST neque ad punctum supremum R , neque ad infimum V , sed in medio inter utrumque est collocanda. Restituatur jam corpus B in locum suum: Cadat corpus A de puncto S , & velocitas ejus in loco reflexionis A absque errore sensibili, tanta erit ac si in vacuo de loco T cecidisset; corpore A altius paulo cadendo aeris resistantiam compensante: Exponatur itaque juxta Lemma jam demonstratum hæc corporis in puncto A velocitas per chordam arcus TA . Post reflexionem perveniat corpus A ad locum s , & corpus B ad locum k , sive elastica sint corpora, sive non. Tollatur corpus B , & inveniatur locus u a quo si corpus A demittatur, & post unam integram oscillationem ad locum r redeat, sit st pars quarta ipsius ru , sita etiam ut prius in medio: Et per chordam arcus tA exponatur velocitas quam corpus A proxime post reflexionem habuit in loco A : nam t erit ille locus verus & correctus ad quem corpus A , sublata aeris resistantia, ascendere debuisset. Simili methodo corrigendus erit locus k , ad quem corpus illud ascendere debuisset in vacuo. Hoc pacto omnia hujusmodi experimenta licet perinde experiri ac si in vacuo constituti essemus. Tandem ducendum erit corpus A in chordam TA , quæ velocitatem ejus exhibet, ut habeatur motus ejus in loco A proxime ante reflexionem; deinde in chordam tA , ut habeatur motus ejus in loco A proxime

A proxime post reflexionem; & sic corpus *B* ducendum erit in chordam *Bl*, ut habeatur motus ejus proxime post reflexionem, & simili methodo ubi corpora duo simul deribuntur de locis diversis, Inveniendi sunt motus utriusque tam ante quam post reflexionem, & tum demum conferendi sunt motus inter se, & colligendi effectus reflexionis. Hoc modo in pendulis pedum decem rem tentando, idque in corporibus tam inæqualibus quam æqualibus, & faciendo ut corpora de intervallis amplissimis, puta pedum octo, duodecim, vel sedecim, concurrerent, reperit semper *Cl. Newtonus*, sine errore trium digitorum in mensuris, ubi corpora directe sibi mutuo occurrebant, quod in partes contrarias mutatio motus erat æqualiter corpori utrique illata, atque adeo quod actio & reactio, juxta legem 3^{ta}. semper erant æquales. Ut si corpus *A* incideret in Corpus *B* quiescens cum novem partibus motus, & amissis inter collidendum septem partibus, pergeret post reflexionem cum duabus; Corpus *B* resiliabat cum partibus istis septem. Si corpora obviam irent, *A* cum duodecim partibus, & *B* cum sex, & rediret *A* cum duabus, redibat *B* cum octo; facta nimirum subductione partium quatuordecim utrinque. De motu ipsius *A* subducuntur partes duodecim, & restabit nihil; subducuntur aliæ duæ partes, & fiet motus duarum partium in plagam contrariam. Et sic de motu corporis *B* partium sex, subducendo partes quatuordecim, fient partes octo in plagam contrariam. Quod si corpora irant ad eandem plagam, *A* velocius cum partibus quatuordecim, & *B* tardius cum partibus quinque, & post reflexionem pergeret *A* cum quinque partibus, pergebat *B* cum quatuordecim, facta translatione partium novem de corpore *A* in corpus *B*; & sic in reliquis. *A* congressu & collisione corporum nunquam mutabatur quantitas motus quæ ex summa motuum conspirantium, & differentia contrariorum colligebatur. Namque error digiti unius & alterius in mensuris difficultati singula satis accurate.

curate peragendi est omnino tribuendus. Difficile erat tum pendula simul dimittere, sic ut corpora in se mutuo impingerent in loco ipso infimo *AB*; tum loca *s* & *k* notare ad quæ corpora ascendebant post concursum; sed in ipsis pilis, quibus utendum erat, inæqualis partium densitas, & textura alijs de causis irregularis errores aliquales ut inducerent erat necesse. Porro nequis objiciat regulam ad quam probandam inventum est hoc experimentum præsupponere corpora vel absolute dura esse, vel saltem perfecte elastica, cujusmodi nulla forte reperiuntur in compositionibus naturalibus, addimus quod experimenta jam descripta succedunt in corporibus mollibus æque ac in duris vel elasticis, nimirum a conditione duritiei vel elaterii neutiquam pendentia. Nam si conditio illa in corporibus non perfecte duris vel elasticis tentanda est, debet solummodo reflexio minui in certa proportionem pro quantitate vis elasticæ diminutæ. In Theoria Wrenni & Hugenii corpora absolute dura redeunt ab invicem cum velocitate congressus relativa: Sed cum Cl. Wallisio omnino dicendum hoc in perfecte elasticis tantum obtinere; & alias prorsus in corporibus non elasticis, sive mollibus, sive duris, quam in elasticis leges valere asserendum; prout ex olim expositis est abunde manifestum. Speciatim vero corpora illa solum quæ sunt perfecte elastica post collisiones mutuas redeunt ab invicem cum velocitate congressus, secundum motus Legem 16^m. eodem spectantem, prout in prioribus exposuimus. In imperfecte elasticis velocitas reditus minuenda est simul cum vi elastica, & in ejusdem diminutæ ratione, propterea quod vis illa elastica (nisi ubi partes corporum ex congressu læduntur, vel extensionem aliqualem quasi sub malleo patiuntur) videtur esse in se certa & determinata, faciatque corpora redire ab invicem cum velocitate relativa quæ sit ad velocitatem relativam concursus in data ratione. Id in pilis ex lana arte conglomerata & fortiter contracta sic tentavit Newtonus: Primum demittendo
pendula

pendula & mensurando reflexionem invenit quantitatem vis elasticæ; deinde per hanc vim calculo determinavit reflexiones in aliis concursuum casibus expectandas, & respondebant experimenta. Redibant semper pilæ ab invicem cum velocitate relativa quæ esset ad velocitatem relativam concursus ut numerus quinarium ad novenarium. Pilæ ex chalybe fere erant perfecte elasticæ, redibant enim propemodum cum velocitate concursus; aliæ ex subere cum paulo minore: in vitreis autem proportio erat ut quindecim ad sedecim circiter. Atque hoc pacto Lex quinta quoad ictus & reflexiones per Theoriam Wallisianam comprobata est: quæ cum experientia plane congruit. In attractionibus etiam obtinere hanc regulam, quod scilicet quantitas motus quæ colligitur capiendò summam motuum factorum ad eandem partem, & differentiam factorum ad contrarias non mutatur ab actione corporum inter se, breviter hoc in loco ostendebat Newtonus, cujus in hac causa ratiocinium olim sub Lege quinta expendimus; atque adeo idem impræsentiarum missum faciemus, & ad reliqua hic loci à Newtono observata accedemus. Ut itaque corpora in concursu & reflexione idem pollent quorum velocitates sunt reciproce ut vires insitæ, sive ipsa corpora, uti ex Lege 8^a. & 17^a. & Hugénii Propositione 8^a intelligi potest, sic in movendis instrumentis mechanicis agentia idem pollent, & conatibus contrariis se mutuo sustinent, quorum velocitates, secundum determinationem virium æstimatæ, sunt reciproce ut vires: Sic pondera æquipollent ad movenda brachia libræ quæ oscillante libra sunt reciproce ut eorum velocitates sursum & deorsum; hoc est, pondera si recta ascendant & descendunt æquipollent sibi invicem quæ sunt reciproce ut punctorum à quibus suspenduntur distantia ab axe libræ. Sin planis obliquis aliisve admotis obstaculis impedita ascendant vel descendunt oblique, pondera æquipollent quæ sunt ut ascensus & descensus, quatenus facti secundum perpendiculum, idque

adeo ob determinationem gravitatis deorsum, Simile
 in Trochlea seu Polyspasto vis manus funem directi
 trahentis, quæ sit ad pondus vel directæ vel obliquæ
 ascendens, ut velocitas ascensus perpendicularis, ad ve
 citatem manus funem trahentis, sustinebit pondus
 æquilibrio. In horologiis & similibus instrumentis, quæ
 ex rotulis commissis constructa sunt, vires contrariæ
 motum rotularum promovendum & impediendum
 sunt reciproce ut velocitates partium rotularum in quibus
 imprimuntur sustinebunt se mutuo. Vis cochleæ
 premendum corpus, est ad vim manus manubrium
 cum agentis, ut circularis velocitas manubrii ea in partem
 ubi a manu urgetur, ad velocitatem progressionis
 cochleæ versus corpus pressum. Vires quibus cuneus
 urget partes duas ligni filii, est ad vim mallei in cuneum
 neum, ut progressus cunei secundum determinationem
 vis a malleo in ipsum impressæ, ad velocitatem quæ
 partes ligni cedunt cuneo secundum lineas faciebus con
 perpendicularares: & par est ratio machinarum omnium.
 Harum efficacia & usus in eo solo consistit ut diminu
 endo velocitatem, augeamus vim, & contra. Unde
 solvitur in omni aptorum instrumentorum genere Pro
 blema illud decantatum, *Datum pondus data vi quæ
 que movendi*, aliamve datam resistantiam vi data quæ
 tulacunque superandi. Nam si machinæ ita formentur
 velocitates agentis & resistantis sint reciproce ut vis
 Agens resistantiam sustinebit, & majori cum veloci
 tum disparitate eandem vincet: Certe si tanta sit ve
 locitatum disparitas ut vincatur etiam resistantia omni
 quæ tam ex contiguorum & inter se labentium corpo
 rum attritione, quam ex continuorum & ab invicem se
 parandorum cohæsiione, & elevandorum ponderibus omni
 solet, superata omni ea resistantia vis redundans accel
 rationem motus sibi proportionalem partim in partibus
 machinæ, partim in corpore resistente producet. Cæ
 terum mechanicam tractare non est hujus instituti: Hic
 autem saltem ostendimus quam late pateat, quamque
 certum

certa sit lex motus quinta prius exposita. Nam si abstractum Agentis actio ex ejus vi & velocitate conjunctum, & resistentis reactio ex ejus partium singularum velocitatibus & viribus resistendi, ab earum attritione, cohesione, pondere, & acceleratione oriundis, erunt actio & reactio in omni instrumentorum usu sibi invicem semper æquales; & quatenus actio propagatur per instrumentum, & ultimo imprimatur in corpus omnie resistens, ejus ultima determinatio determinationi reactionis semper erit contraria.

Conollarium. Ex veris hisce motuum legibus jam satis illustratis & probatis, apparent plus satis crassi Cartesii de iisdem errores. Cujus leges motuum tantum abest quod cum veris legibus ubique congruant, ut potius è contra ab iisdem ubique fere discrepare deprehendantur. Nec mirum proinde, si in reliquis naturæ phænomenis pariter hallucinatus fuerit. Expositis jam motuum Legibus, ad Propositiones est deveniendum.

Novemb. 6. 1704.

IX.

PROPOSITIONES.

- I. **R**ATIO ultima tangentis & subtensæ seu chordæ ad arcum curvilineum eisdem competentem, ubi arcus quam minimus vel evanescens accipitur, est in ratione æqualitatis; hæc est tangens, arcus, & chorda in unam & eandem lineam desinant sive coalescant. Et idem de sinu est intelligendum. In figura præsentē sit *Ab* arcus circuli vel alterius curvæ quam minimus; sit *Af* tangens ejus, & *Ab* subtensæ; scire itaque velim, quanam sit harum linearum ad invicem ratio, si ad punctum *A* quam proxime sumantur, sive ubi punctum *b* cum puncto *A* quasi coalescit: & dico, quod arcus ratio

Corollarium. Si itaque demonstratum fuerit angulorum contactus subtenſas db DB eſſe inter ſe ſemper in ratione ſubtenſarum Ab AB duplicata, uti ſtatim demonſtrabitur, exinde quoque ſequetur eaſdem ſubtenſas evaneſcentes eſſe etiam in ipſorum arcuum conterminorum Ab AB vel ſinuum cb CB ratione duplicata, quoniam ſubtenſa Ab cum arcu Ab vel ejuſdem ſinu cb , & ſubtenſa AB cum arcu AB vel ejuſdem ſimul CB eo in caſu omnino coincidit & coaleſcit; uti jam oſtendimus.

II. Angulorum contactus in circulis Subtenſæ ſunt ſemper in duplicata ratione ſubtenſarum arcuum conterminorum.

Sint apud figuram eandem arcus duo quilibet AB & Ab ; ſubtenſæ anguli contactus, tangenti perpendiculares, DB & db (æquales nempe ſinibus verſis eorundem arcuum AC & Ac ;) ſubtenſæ ſive chordæ arcuum etiam AB & Ab : Hiſ arcuum ſubtenſis lineæ a puncto G ductæ GB & Gb erunt * perpendiculares, completantur rectangula $ADBC$ & $Adbc$. Eſt autem AB quadratum † æquale rectangulo AG in AC vel DB ; & pariter eſt Ab quadratum æquale rectangulo AG in Ac vel db . Atque adeo eſt ratio AB quadrati, ad Ab quadratum, eadem quæ rectanguli AG in DB , ad rectangulum AG in db , hoc eſt * eadem quæ lineæ DB , ad lineam db . *Q.E.D.*

Corollarium. Eſt itaque ſubtenſa anguli contactus quævis DB vel db æqualis chordæ quadrato, ad circuli diametrum applicato. Eſt enim ut AG ad AB , ita AB ad AC vel DB ; unde per auream regulam $BD = \frac{AB \times AB}{AG}$, ſive $= \frac{ABq}{AG}$. Et pariter AG ad Ab , ut Ab

ad Ac vel db ; unde $db = \frac{Abq}{AG}$. *Q.E.D.*

Coroll. (2.) In minimis lentium segmentis altitudines seu axes segmentorum AC & Ac eandem inter se rationem habere censendæ sunt quam

Vid. Fig. p. 84. basium five aperturarum Eb & RB , &c. quadrata. Eandem enim rationem habere AC & Ac ostendimus quam habent subtenfarum quadrata; & cum in arcubus perexiguis subtenfæ vel sinus eorumve dupla RB & Eb sint fere inter se in eadem ratione, sequitur & altitudines AC & Ac eandem fere rationem habere quam habent sinuum duplicorum RB & Eb , hoc est, aperturarum quadrata. *Q.E.D.*

Coroll. (3.) In angulis perexiguis excessus secantium supra radium sunt etiam ut subtenfarum vel sinuum, vel tangentium, vel etiam arcuum quadrata


Vid. Fig. p. 84. quam proxime. Excessus enim isti bf & BF in isto casu cum subtenfis anguli contactus bd & BD quasi coincidunt; atque adeo eandem fere cum iis rationem obtinent inter se. Sic sane apud secantium tabulas videre est quod posito radio circuli partium æqualium 10.000.000 excessus se-

cantis minutorum duorum primorum est partium duarum, & excessus secantis minutorum quatuor primorum est partium octo: unde secantis prioris differentia, est differentiæ secantis posterioris æqualis, & radii quadrupla; hoc est differentiæ ista se ut arcuum quadrata, & sic fere in reliquis.

Coroll. (4.) Subtenfæ evanescentes anguli contactus funt in ratione duplicata, & conterminorum sunt enim ex prius dicto, & ubique in ratione duplicata: Si autem ordinæ in arcus evanescent, hoc est, in infinite parvis coincidunt, & evanescent, ut supra dictum est, subtenfæ illarum ratione hoc in casu ipsorum arcuum quadrata.

Unde quod in hoc casu ex positionis per se subtenfæ evanescentes sunt æqualis quadrato anguli contactus, & applicati.

Coroll. (6.) Hinc colligitur nobile illud & fundamentale Newtoni, quin & Hugenii Theorema; Quod scilicet in circulari corporis motu vires centripetæ, five gravitates in centrum sunt ubique ut arcuum simul descriptorum, vel velocitatum quadrata, applicata ad circularum diametros vel radios. Describant nempe corpora B & b in circumferentiis circularum BD ad bd gyrationia simul, & eodem dato tempore, arcus quam mi-



nimos BD & bd : Quoniam sola vi infita describerent tangentes BC & bc hisce arcibus æquales, per legem motus primam, manifestum est, quod vires centripetæ sunt quæ perpetuo retrahunt corpora de tangentibus ad circumferentias circularum, atque adeo hæ sunt ad invicem in ratione prima linearum nascentium CD & cd ; hoc est, ut $\frac{BDq}{BG}$ ad $\frac{bdq}{bg}$; vel sumptis divisorum di-

mediis, ut $\frac{BDq}{BS}$ ad $\frac{bdq}{bS}$. & ob tempora periodica in arcuum simul descriptorum ratione reciproca, erunt vires illæ ut temporum periodicorum quadrata ducta in circulorum radios. Sin circuli sint inter se æquales, ob datas diametros, vires istæ erunt inter se ut ipsa arcuum simul descriptorum vel velocitatum quadrata, uti olim plenius ostendemus.

Prop. 10. infra.

Coroll. (7.) Præcedentis corollarii beneficio colligitur proportio vis centripetæ ad vim quamlibet notam, qualis est ea gravitatis. Nam cum vis illa quo tempore corpus percurrit lineam BC , five arcum eidem æqualem, impellat ipsum per lineam CD ; quod ipso motus initio æquale est quadrato arcus istius BD ad circuli diametrum applicato; & cum corpus omne vi eadem in eandem semper plagam continuata describat spatia in duplicata ratione temporum, uti illico

Prop. (4.) infra. demonstrabitur, vis illa quo tempore corpus revolvens arcum quemvis datum describit efficiet ut corpus idem recta progrediens describat spatium quadrato arcus illius ad circuli diametrum applicato æquale: adeoque est ad vim gravitatis ut spatium illud ad spatium quod grave cadendo eodem tempore describit. Exempli gratia ex pendulorum experimentis, & aliis etiam modis constat corpora quæcunque in loco vacuo pedes Anglicos 16, 14. scrupulo secundo ex vi gravitatis cadendo describere; scire velim quam rationem vires centripetæ, quibus Luna in orbita sua retinetur, habeant ad vim nostram gravitatis: quam ut obtinere queam arcus orbitæ Lunaris scrupulo secundo descripti quadratum per ejusdem orbitæ diametrum est dividendum, ut lineam quam Luna, si motu circulari abrupto tanquam grave descenderet, interea describeret, investigemus. Distantia Lunæ mediocris à centro Telluris est circiter semidiametri terrestris sexagecupla, five pedum Anglicorum 1257.696.000.

Ejus

Ejus proinde orbitæ circumferentia, si ad circulem reducamus, erit circiter pedum 7.897.834.380 : quam peripheriam cum Luna spatio mensis periodici, sive spatio 27 dierum 7 horarum & 43 scrupulorum primorum, hoc est, secundis scrupulis 2.360.580 conficiat, dividatur circumferentia 7.897.834.380 per scrupula secunda eidem competentia 2.360.580, & Quotus 3.346 dabit longitudinem arcus à Luna scrupulo secundo descripti, pedibus nempe Anglicis exhibitam; cujus quadratum 11.128.976 per diametrum 2.515.392.000 divisum exhibebit 100.443 partes pedis Anglici Centimillesimas, scrupulo secundo a Luna cadente describendas, & scrupulo primo 1611 pedes circiter; est ergo vis centripeta sive gravitas Lunæ ad vim centripetam corporum apud nos in superficie telluris ut 100.443, partes Centimillesimæ unius pedis ad 1611 pedes, hoc est, fere ut 1 ad 3.600. Atque adeo vis gravitatis versus terram ad Lunæ distantiam est pars tantum termillesima sexcentesima vis gravitatis apud nos.

III. Corporis, urgente quacunque vi uniformi accelerati, velocitates sunt inter se ut tempora quibus vis illa uniformis imprimitur; hoc est, duplo tempore dupla velocitas, triplo tempore tripla velocitas, quadruplo quadrupla obtinebitur. Si enim vis accelerans sit æquabilis & uniformis, ut hic supponitur, corpusque adeo sive prius quiescat, sive celeritate quacunque moveatur, & æquales perinde velocitatis gradus & augmentum æquale æquali tempore accipiat, manifestum est velocitatem corporis tempori esse ad amissim ubique proportionalem: si enim prima quavis temporis particula data certam quamvis velocitatem vis illa generare potuerit, consimilem certe & æqualem velocitatem secunda æquali temporis particula generare poterit; consimilem etiam & æqualem tertia æquali temporis particula generabit; atq; ita quarta, quinta, &c. temporis particula in infinitum. Unde in-

integra velocitas erit ubique ut temporis spatium quo vis illa generans corpori imprimitur. *Q. E. D.*

Corollarium. Cum itaque per experimenta constet, corpora quævis vi gravitatis accelerata velocitatis incrementa temporis proportionalia ubique sumere, liquet vim gravitatis uniformiter agere, atque corpora celerime descendencia æque afficere atque quiescentia: Unde corporum gravitas nulli aeris pressioni, vel ætheris impulsui, vel materiæ cujuscunque vis ad motum conatui mechanico ascribi debet. Omnes enim hujusmodi impulsus vel conatus corpus quiescens maxime urgerent, & quo celerius moveretur corpus, eo minus usque & usque urgere poterant, donec tandem celeritate genita impulsui generanti æquali facta, cessaret omnis impulsus, nec ulla motus acceleratio deinde sequeretur.

Lemmata ad Propositionem (4.)


(1.) **N**umeri impares sibi continuo additi numeros omnes quadratos conficiunt. Sic unitas est imparium numerorum primus, & etiam quadratorum numerorum primus: Si autem numerus ternarius qui est imparium secundus unitati addatur, conficietur quaternarius, quadratorum secundus; si porro numerus quinarium imparium tertius quaternario hactenus acquisito addatur, conficietur novenarius, quadratorum tertius, & ita in infinitum. Hujus Lemmatis haud ignobilis demonstrationem duplicem afferemus, alteram à Taquetio, è penu proprio alteram. Taquetius itaque sic

1	1	1
	2	
2	3	5
	4	
	5	
3	6	9
	7	
	8	
	9	
	10	
	11	
1	12	7
	13	
	14	
	15	
	16	
	17	
	18	
	19	
5	20	9
	21	
	22	
	23	
	24	
	25	

rem

rem conficit, est, inquit, in progressionē naturali imparium numerorum 1, 3, 5, 7, &c. summa tota æqualis quadrato numeri terminorum. Nam ex natura progressionis Arithmeticæ summa omnium terminorum æqualis est producto ex dimidio summæ extremorum in numerum terminorum ducto; atqui dimidia summa extremorum progressionis Arithmeticæ numerorum imparium ab unitate incipientium est par numero terminorum, (pergit enim ab unitate per binos, ubi terminorum numerus per singulos pergit) adeoque productum illud est quadratum numeri terminorum. Ergo est summa tota numerorum imparium ab unitate incipientium æqualis quadrato numeri terminorum. *Q.E.D.* Nos sic demonstramus. Sit *ac* vel *ab* unitas & *ad* uni-


*Arith. Pract. l. 5.
C. 1. Theor. 7.*



tatis quadratum; dico quod additio numerorum imparium 3, 5, 7, &c. necessaria est ad conficienda quadrata. *ab an as ax a A* numerorum omnium ab unitate procedentium, quadrato enim *ad* sunt utrinque à binis lateribus addenda quadrata, nempe *ed*

ed & df & per diagonalem ad verticem alterum quadratum ig est addendum, unde ad conficiendum quadratum *secundum* sive binarii numeri, addenda sunt quadrata tria, sive numerum imparem secundum. Deinde per omnes reliquos terminos augendi sunt numeri quadratorum additiorum binario, si quadrata reliqua sunt conficienda; tria nempe quadrata tribus prius additis correspondentia kj & lh & gq , sunt primo addenda, dein aliud quadratum hp , eo quod quadratum juxta diagonalem additum bina quadrata correspondentia superaddi semper requirit, cui ultimo est addendum alterum diagonale quadratum mo . Et ita ubique: Numero addendorum semper se invicem binario superante, quo quadrata ad ab an as , &c. omnia ab unitate cœpta perficiantur. Unde facile sequitur continuam numerorum imparium additionem omnes numeros quadratos generare. *Q.E.D.* Qui vero inductione quantum libet continuata contentus abibit, hosce demonstrandi modos satis tuto omittere poterit; quam faciliores sunt quam ut hic loci eisdem judicarem prætermittendos.

Lemma Secundum. Si corpus dato tempore à quiete gradatim & uniformiter discedat, atque eo pacto certam lineam describat, Idem corpus eodem dato tempore à celeritate ultimo acquisita uniformiter continuata lineam prioris duplam describet. Cum enim corpus à quiete discedendo certum velocitatis gradum augmentis æqualibus acquisiverit, linea ab eodem descripta erit in innumeras lineas gradatim à quiete majores dispescenda & si istæ lineolæ gradatim crescentes non in longum sed ad latera ordine disponerentur, triangulum quoddam $ab\Gamma$ componerent, aut saltem juxta indivisibilium methodum Cavallerianam componere censendæ sunt: Ubi punctum verticale trianguli a , punctum quietis, & basis Γb motus lineam ultimam designat, reliquæque lineolæ parallelæ diversæ velocitatis lineas quas corpus pertranfierat. Jam si lineam maximam



$1b$ designatam eodem tempore plenario adhibitam fuisse posueramus, sive à puncto a ad basim $1b$ à latere dispositam tot lineas maximæ æquales, quot prius gradatim majores disposueramus, composuissimus parallelogrammum, prioris nempe trianguli *duplum: *I. 41. *Elem.* Atque adeo motus uniformis quam à quiete gradatim acquisitus dato tempore est duplo major. Q. E. D.

IV. Lineæ quas corpora urgente vi quacunque uniformi describunt sunt in ratione temporum duplicata; hoc est, si tempora sint minuta secunda unum, duo, tria, quatuor, quinque, &c. & ita ubique; erunt lineæ totæ descriptæ inter se ut unum, quatuor, novem, sedecim, viginti quinque, &c. qui numeri sunt priorum quadrati.

Nam si corpus quodcunque urgente vi quacunque uniformi minima aliqua temporis particula, puta minuto uno secundo, lineam aliquam cadendo describat, secunda æquali temporis particula, ob vim priori æqualem etiamnum continuatam, lineam alteram priori æqualem describet; & ob motum prius gradatim acquisitum in integrum jam per æquale tempus continuatum lineam etiam prioris † duplam de- † *Per Lem. 2.* scribet; ex causis itaque utrisque inter se conjunctis lineam prioris triplam describet. Tertia vero temporis particula ob vim gravitatis etiamnum urgentem linea primæ æqualis describetur; & ob velocitatem prioris ad b duplam per tempus æquale continuatam describetur lineam, prioris ab eadem causa pro-

fectæ

fectas, dupla, hoc est, primæ quadrupla; & ita ex viribus conjunctis lineæ jam descripta erit primæ quintupla; atque ita porro lineæ à continua gravitatis impressione primæ semper æqualis erit addenda, & altera lineæ primæ æqualis ob velocitatem una parte continuo auctam, atque adeo duæ partes sive lineæ, primæ æquales, qualibet vice erunt addendæ; atque adeo lineæ integræ quavis successiva temporis particula descriptæ erunt numeris imparibus in perpetuum

* *Per Lem. 1.* designandæ. Cum itaque* numeri impares sibi additi quadratos omnes ordine conficiant, horum momentorum lineæ descriptæ simul additæ lineas integras momentorum, sive temporis particulas simul additas in ratione duplicata, sive in ratione quadrati numeri ad quadratum numerum necessario exuperantes conficient. Sic si minuto secundo corpora ex vi gravitatis ferantur deorsum per sedecim circiter pedes Anglicanos, uti experientia constat; duobus secundis per sexaginta quatuor pedes, & tribus per pedes centum quadraginta quatuor circiter deorsum ferentur.

Vel sic, ex mente Galilæi, in *Systemate suo Cosmico* propositio demonstrabitur. Æqualia tempora per lineas æquales *ab bc cd de*, & veloci-

Vid. Fig. p. 93. tas in fine primi temporis per lineam *bi* exponatur: Cum vero velocitas ista quam eo loci habet corpus cadens non simul & semel sed certo temporis spatio per lineam integram *ab* exposito, ex continua & uniformi vi accelerante gradatim acquisita fuerit, uti jam diximus, itaque necesse est, ut reliquos omnes minores velocitatis gradus attigerit prius quam velocitatem *bi* acquireret; unde priores istæ velocitatis gradus per lineas minores à partibus temporis *ab* lineæque *ib* parallelas ductas exponentur; & cum † velocitas cum tempore uniformiter crescat, lineæ istæ juxta indivisibilium methodum triangulum

lum ab i constituent & component. Tota itaque linea quæ ab omnibus istis velocitatibus simul junctis describetur, erit aggregato omnium istarum linearum, hoc est, ipsi triangulo ab i proportionalis; & per idem triangulum recte exponetur. Secundo vero tempore cum corpus jam acquisierit velocitatem lineæ b i proportionalem, & per eandem expositam, ea sola velocitate continuata describet lineam lineæ prioris duplam, & per parallelogrammum proinde ab i b vel b i kc trianguli ab i duplum exponendam; & insuper velocitate nova, ut prius, à vi perpetuo & uniformiter urgente orta describetur linea lineæ primæ æqualis; & proinde per æquale triangulum i k 2 exponenda; ergo si vim utramque simul addas tempore secundo, linea descripta erit prioris tripla; & per trapezium b i 2 c exponenda; & summa linearum primo & secundo tempore descriptarum, erit ad lineam primo tempore solo descriptam, ut triangulum ac 2 ad triangulum ab i; hoc est, in duplicata ratione laterum homologorum ac & ab tempora exponendum, sive ut temporum ipsorum quadrata. Pariter tertio tempore corpus celeritate hætenus acquisita, sive motus jam acquisiti mera permanentia, lineam per parallelogrammum c 2 nd exponendam describet; & vi addititia nova ex gravitate etiamnum uniformiter urgente orta lineam per triangulum 2 n 3 exponendam describet. Unde linea tertio tempore descripta erit primæ quintupla, & per trapezium 2 cd 3 exponenda; & summa linearum primo, secundo, & tertio tempore descriptarum, erit ad lineam primo tempore solo descriptam, ut triangulum ad 3 ad triangulum ab i, sive ut temporum ad & ab quadrata, & ita porro in infinitum. *Q. E. D.*

Corollarium. Cum ex prius demonstratis celeritas sit ubique tempori proportionalis, & cum lineæ à corporibus decidentibus descriptæ sint in temporum ratione duplicata, sive ut quadrata temporum, erunt etiam eadem lineæ in celeritarum ratione duplicata, sive ut quadrata velocitatum: Sic, exempli gratia, si duorum

corporum cadentium in terram velocitates ultimo acquisitæ sint inter se ut numerus binarius est ad unitatem, erunt casus altitudines inter se ut numerus quaternarius ad unitatem. Si unius velocitas sit alterius velocitatis tripla, erit ejusdem descensus altitudo, alterius altitudinis noncupla, & ita porro in infinitum.

Novemb. 13. 1704.

X.

V. **S**I corpus celeritate ea quam in fine descensus acquisivit sursum tendere cœperit, ad eandem altitudinem eodem tempore ascendet unde prius descenderat; & velocitatem suam æqualibus temporibus æqualiter amittet.

Nempe ex vi demonstratorum in propositione postrema velocitas semel acquisita ut $3d$ parallelogrammum, sive descendendo sive ascendendo, æquale prorsus semper describet; sed cum nova vis gravitatis in descensu adauget istud parallelogrammum triangulo $3m4$ & idem in ascensu æquali triangulo diminuit, liquet trapezium jam ascendendo describendum idem fore cum parallelogrammo in descensu prius descripto; $32cd$, atque ita porro: Unde lineæ descriptæ hisce trapeziis proportionales, & velocitates istorum trapeziorum basibus proportionales, erunt ubique datis temporibus eadem in ascensu quæ prius in descensu fuerant; donec tandem corpus ad punctum a ascensus ultimum eodem tempore pertingat, quò ab eodem prius descenderat. *Q. E. D.*


VI. Celeritates gravium super diversis planorum inclinationibus descendendo acquisitæ æquales sunt, si planorum elevationes sive altitudines perpendiculares fuerint æquales.

Sit EG linea horizonti perpendicularis, & EF li-

acq

nea ad horizontem in angulo quocunque inclinata, & fit GA ad EF perpendicularis; Dico quod corpus grave quodcunque eandem velocitatem acquireret per lineam inclinatam EF descendendo, quam casu perpendiculari per lineam EG acquirere posset. Est enim ex prius demonstratis vis gravitatis in plano obliquo

EF , ad vim gravitatis in perpendiculari EG , ut AB , ad AC , five, ob similia triangula ACB EFK , ut EG ad EF ; five etiam ob simile hisce triangu-



lum EGA , ut EA ad EG . Unde ob vires diversas erunt motus & velocitas corporis per EA in plano inclinato descendente, ad motum & velocitatem corporis per EG descendente, dato illo descensus perpendicularis tempore, ut EA ad EG , five ut EG ad EF ; & velocitas descendente per EA , ad velocitatem descendente per EF , in subduplicata ratione

EA ad EF , hoc est, in ratione EA ad EG . Est ergo velocitas corporis in puncto A ad velocitatem in puncto F , & ad velocitatem descendente perpendiculariter in puncto G , in eadem ratione, nempe lineæ EA ad lineam EG , vel lineæ

lineæ EG ad lineam EF : Unde æquantur illæ velocitates sibi invicem. *Q. E. D.*

Corollarium (1.) Dum corpus perpendiculariter casus describit lineam EG , corpus oblique eadem describit lineam EA , per perpendicularem GA determinatam.

Corollarium (2.) Tempus casus perpendicularis, æ tempus descensus obliqui, est in subduplicata ratione lineæ EA ad lineam EF ; five ut linea EA ad lineam EG , hoc est, in ratione altitudinis perpendiculari EG ad lineam obliquam EF . Unde quanto minime velocitas, ob vim diminutam, tanto augetur, ob tempus auctum; ita ut in eadem altitudine perpendiculari eadem usque maneat velocitas, qualiscunque sit casus inclinatus ad horizontem obliquitas.

Coroll. (3.) Tempora descensuum super planis diversimode ad horizontem inclinatis, sed quorum eadem est elevatio, five altitudo perpendicularis,

Vid. Fig. p. 97. sunt inter se ut planorum longitudines.

Est enim Tempus descensus per EH ad tempus descensus per EG , ex jam demonstratis, ut EF ad EG , & tempus descensus per EG , ad tempus descensus per EH , ut EG ad EH ; unde ex æquo erit tempus descensus per EF , ad tempus descensus per EH , ut EF ad EH . *Q. E. D.*

Coroll. (4.) Si ex altitudine eadem perpendiculari descendat mobile continuato motu per quotlibet, & quolibet plana contigua, puta EI IK KL utcunque inclinata, semper eandem in fine velocitatem acquirat: quæ nimirum æqualis erit ei quam acquireret cadendo perpendiculariter ex pari altitudine. Nempe ex Hugennii mente eadem erit cadentis velocitas juxta jam demonstrata ad punctum I , five per EI ,

Vid. Fig. p. 97. five per MI ; unde eadem etiam velocitas erit quoque pergendo per IK eadem nimirum quæ per NK , unde quoque eadem velocitas erit ad punctum K five per EI & IK five per MK , vel etiam per NK ; unde sequetur eadem veloci-

tas pergendo per KL , & ad punctum L , quæ esset si descensus esset per planum unicum NL , vel per duo MK & KL , vel etiam per tria EI IK KL ; eadem nempe ex jam demonstratis quam mobile cadens perpendiculariter ad punctum G acquirere potuit. *Q. E. D.*

Coroll. (5.) Hinc liquet etiam, ex ejusdem Hugonii mentem quod, per circuli circumferentiam, vel cycloidem, vel curvam quamlibet lineam descendente mobili, eadem semper acquireretur velocitas, si ab æquali altitudine descenderet: & quod ista velocitas tanta erit quantum corpus casu perpendiculari ex eadem altitudine acquirere debuit. Sunt enim curvæ lineæ quasi ex innumeris rectis compositæ; & cum vera sit propositio in perimetris rectilinealibus quocunque, vera etiam erit ubi numerata sunt infinitæ, hoc est, ubi in lineas curvas desinunt. *Q. E. D.*

Coroll. (6.) Hinc etiam liquet quod si grave à descensu sursum convertat motum suum, ascendet ad eandem unde venit altitudinem per quascunque planas superficies contiguas & quomodocunque inclinatas interferit. Nempe ut * prius, eadem erit

velocitas in puncto quovis K & I , * Prop. 5.
Vid. Fig. p. 97.
sive grave descendat, sive ascendat;


unde certe & idem erit velocitatis ascendentis vel descendens Limes sive terminus ad punctum E . Unde etiam si infinita fuerit planorum multitudo, hoc est, si superficies sit curva, mobile per hanc curvam quoque ad eam ex qua venit altitudinem nec ultra, assurgat.

Coroll. (7.) Si mobile cadat perpendiculariter, vel per quamlibet superficiem descendat, ac rursus impetu ex descensu concepto per quamlibet aliam feratur sursum, habebit ascendendo ac descendendo in punctis æque altis eandem semper velocitatem: & si superficies ascensus sit superficiei descensus similis & æqualis; æquali tempore ascendet quo prius descenderat. Hæc nempe adeo liquido ex jam demonstratis sequuntur, ut pluribus non sit opus.

Lemmata ad Propositionem septimam.

Lem̃ (1.) **S**I qua curva linea eo modo fit comparata, ut vim gravitatis pro longitudinis suæ ratione ubique sustineat; ita ut quo lineæ pars describenda sit major, eo & vires acceleratrices sint etiam in eadem omnino ratione majores; atque ut quo lineæ pars describenda sit minor, eo & vires acceleratrices sint in eadem pariter ratione minores, tempora descensus per istiusmodi curvam, sive arcus descripti sint majores sive minores, erunt sibi invicem semper æqualia. Velocitas enim dato tempore est ut vis motrix; si itaque linea describenda sit etiam ut eadem vis motrix, necesse est ut sit pariter ut velocitās; si autem motus velocitas sit ubique ut linea describenda, palam est lineam quamcunque sive parvam sive magnam eodem tempore describi debere. Quod autem Cyclois hujusmodi sit linea curva in sequentibus patebit. Est itaque.

Lemma (2.) Sit DAC femicyclois, DFA femicir-



culus genitor, & à puncto quovis B in cycloide ducatur linea BE basi DC parallela, occurrens semicirculo genitori in E ; ducatur chorda AE , & à puncto B in cycloide

cycloide linea BL chordæ AE parallela: Erit Linea BL cycloidis Tangens in puncto B .

Lemma (3.) Et AB arcus cycloidis erit æqualis duplæ chordæ AE . Hæc duo postrema Lemmata uti prius observatum *Vid. Wallis. Op. Vol. 1. p. 533. &c.* ex Elementis Cycloidis constant: & à Cl. Wrennio nostro aliisque demonstrata extant.

VII. In Cycloide, cujus axis ad perpendicularum erectus est, vertice deorsum spectante, tempora descensus quibus mobile à quocunque in ea puncto dimissum ad punctum imum verticis pervenit sunt inter se semper æqualia.

Sint arcus in Cycloide quicunque BA & OA , BL & ON tangentes in punctis B & O , iisque, per Lemma Secundum, respectivè parallelæ semicirculi genitoris chordæ EA & FA ; producat AF ad punctum K : Sunt itaque, per Lemma Tertium, lineæ describendæ à mobili nunc ad B , nunc ad O posito, ut chorda EA ad chordam FA : Est vero in eadem ratione vis secundum tangentem BL , eive parallelam EA , ad vim secundum tangentem ON , eive parallelam AF . Nam * ut quadratum * *Prop. 2. supra.* EA , ad quadratum FA , ita sinus versus EP , ad sinum versus FP ; vel ita KM ad FP ; vel ita KA ad FA . Est ergo Chorda AE inter Chordam AF & lineam AK media Geometricè proportionalis; atque adeo $AF : AE :: AK$. Sed ex prius demonstratis est vis gravitatis in plano AE , ad vim gravitatis in plano *Coroll. 2. Post Leg. Mot. 23. prius.* AF , ut AK ad AE ; hoc est, ut AE , chorda, ad AF chordam; atque ita ubique. Erat autem linea describenda modo ut eadem AE ad eandem AF ; atque proinde vis acceleratrix est ubique in eadem ratione atque linea describenda, & tempora descensus ex consequenti sunt ubique æqualia. *Q. E. D.*

Coroll. (1.) Si itaque integras alias semicycloides QRT QSC , prioribus AT & AC similes & æqua-

les, quarum vertex basin alterius ad puncta T & C contingunt efformemus, & corpus grave V filo QRV ipsi QDA five duplæ DA æquali à centro Q pendeat; & inter istas semicycloides QRT QSC agitur, grave pendulum ex fili QRV evolutione cycloidem integram primariam describet, uti ex Cycloidis affectionibus constat; & cujuscunque amplitudinis oscillationes usque ad omnium maximam per arcum TAC iisdem ad amissum temporibus conficiet; atque ita ut appensi corporis centrum oscillationis in ipsa curva TAC semper versetur.

Coroll. (2.) Cum oscillationes quævis in cycloide sint semper isochronæ, & cum oscillationes minimæ in arcu minimo circuli, cujus radius est QA , & in arcu minimo Cycloidis TAC , ob arcus circuli & Cycloidis in puncto imo, hoc in casu plane coincidentes, sint eadem; liquet tempus oscillationis cujusque in Cycloide æquale esse tempori oscillationis minimæ in circulo, cujus radius est diametri circuli genitoris duplus.

Coroll. (3.) Ob eandem etiam in puncto imo arcuum minimorum circuli & Cycloidis coincidentiam, erunt & oscillationes in circulo eo magis isochronæ quo arcus descripti sunt minores; ita ut in arcubus perexiguis pro isochronis haud immerito haberi possint.

Coroll. (4.) In horologiis itaque oscillatoriis, quæ longioribus utuntur pendulorum corporum filis vel retinaculis quibuscunque, tempora oscillationum ob arcus minores descriptos magis ad æqualitatem vergunt quam in iis quæ brevioribus filis utuntur; atque adeo horologia priora posterioribus sunt longe anteferenda.

Coroll. (5.) Tempora oscillationum per diversas Cycloides sunt in ratione subduplicata Cycloidum vel radiorum QA : five longitudines pendulorum sunt in ratione temporum duplicata: hoc ex

Prop. 4. prius.

prius demonstratis huic casui applicandis facile constare poterit. Sed notandum, idem etiam esse de temporibus oscillationum in circulis æque ac in Cycloidibus intelligendum: Sic sane quia

quia pendulum 39125 digitorum oscillationes quasvis in Cycloide, & minimas etiam in circulo tempore minuti unius secundi conficit, pendulum 157 digitorum oscillationes consimiles tempore minutorum duorum secundorum, & pendulum 353125 digitorum oscillationes consimiles tempore minutorum secundorum trium est confecturum.

Coroll. (6.) Cum tempora oscillationum quarumvis sint in sola Cycloide æqualia; & eo tantum nomine in arcubus minimis circularibus pro æqualibus habendæ quod circa punctum imum nec alibi arcus isti circulares cum Cycloidis arcubus fere coincidunt, dum alias arcus circulares majores ab arcubus majoribus Cycloidis satis longe discrepent & discedant, manifestum est pendula in diversis circuli arcubus majoribus oscillantia oscillationes minime isochronas obtinere, & eo minus isochronas qua major est arcuum descriptorum differentia. Sic sane, ex Hugenii calculo,

est tempus descensus per totum circuli *Horolog. Oscill.*
pag. 9.
quadrantem, ad tempus per arcum mi-

nimum, fere ut 34 ad 29, nimirum si oscillationes in vacuo peractas sine ulla aeris resistentia supponamus. Unde sane sequitur differentiam temporum in hoc casu ultra septimam temporis totius etiam majoris partem asfurgere, & proinde esse experimentis quibusvis satis sensibilem; si nempe temporis spatium 10 & 20, plurimumve oscillationum maximarum cum totidem minimarum temporis spatio conferamus.

Coroll. (7.) Quoniam constat per experimenta pendulorum & calculum inde initum quod oscillationes singulæ ex descensu & ascensu compositæ, ubi penduli longitudo est 96185 digitorum, quælibet nempe in cycloide & minimæ in circulo; spatio minutorum tertiorum 94125, five secundi unius & tertiorum 34125 peragantur; & quoniam ex Hugenii demonstratis Tempus hujusce oscillationis est ad tempus casus perpendicularis per diametrum circuli genitoris qua-

Horolog. Oscill.
pag. 57, 58. *Et*
De vi Centrifuga
Prop. 12.

druplicatam, five per longitudinem penduli duplicatam digitorum 193 $\frac{1}{4}$ hoc est, pedum Anglicorum 16 $\frac{1}{4}$, est circuli circumferentia ad diametrum duplicatam, five ut 94 $\frac{1}{2}$ minuta tertia ad 60 ejusdem generis minuta; five ad minutum secundum unicum. [Est enim ut 355 : ad 226 :: ita : 94 $\frac{1}{2}$: ad 60" = 1'.] Inde sequitur, quod unius secundi spatio corpus grave per 16 $\frac{1}{4}$ pedes Anglicos five 15 $\frac{1}{2}$ Parisienses vi gravitatis suæ descendet. Quæ sane descensus velocitas, et

Horolog. Oscill.
p. 155, 156.

pendulorum experimentis deducta, cum cadentium corporum experimentis Cl. Hugenio captis apprimè convenit; atque adeo pro velocitate descendentium corporum vera est indubie habenda.

Coroll. (8.) Data ergo corporis cadentis spatio unius secundi linea perpendiculari, datur una & linea, seu perpendicularis seu obliqua temporis spatio quocunque five majori five minori ex eadem gravitatis vi describenda: quippe quæ sit ubique in ratione temporis duplicata. Sic in directe cadentibus, ut temporis cuiusvis, puta minutorum secundorum decem, quadratum = 100 ad unius minuti secundi quadratum = 1. In erunt 1610 pedes Anglici minutis illis decem descripti, ad 16 $\frac{1}{4}$ pedes Anglicos unico minuto, uti jam vidimus, descriptos, atque ita ubique. Neque multo aliter in obliquis res se habet. Lineæ enim descensus in plano quolibet obliquo sunt etiam pari ac priores jure inter se ut quadrata temporum: id tantum interest, quod vis gravitatis continuo agens minuenda est hoc in casu in ratione lineæ perpendicularis ad obli-

quam; nempe EG ad EF , vel EA ad EG . Cum enim, uti antea ostendimus, corpus grave obliquum per lineam EA eodem tempore descendit quo perpendiculari

Vid. Fig. p. 97.
Coroll. (1.) Prop.
6. prius.

lare per lineam EG . Liquet vires motrices esse ubique in eadem ratione. Ponamus itaque corpus grave per planum adeo obliquum descendere, ut EG sit tertia tantum pars ipsius EF , vel, quod perinde est, ut EA sit tertia tantum pars ipsius EG ; Oportebit tantum gravitatis vim in eadem ratione diminuire, ita ut spatio minuti unius secundi corpus per lineam solum pedum 5137 descendere supponatur, & calculus ut prius in directe cadentibus administrabitur.

Novemb. 27. 1704.

XI.

VIII. PROJECTILIA omnia quæ non sunt horizonti perpendicularia Parabolas describunt, nisi quatenus per aeris resistantiam aliquantulum retardantur.

Sit enim corpus quodvis ad T positum, & tempore quovis dato vi projectionis horizontalis secundum tangentem Te tendat; ea nempe velocitate qua lineam horizontalem Ta dato illo tempore describeret, si modo nulla alia vi impelleretur: Accedat jam vis gravitatis & agat secundum lineam TK horizonti perpendicularem, aut secundum $al\ bm\ cn\ do\ ep$ ipsi TK parallelas; (Ob ingentem enim centri telluris, quo tendit vis gravitatis, distantiam, lineæ ad illud ductæ pro parallelis haberi debent) cum itaque vis projectionis motum secundum directionem suam Te vel secundum $FI\ Gm\ Hn\ Io\ Kp$ ipsi Te parallelas motum æquabilem & uniformem pariat; neque velocitas hujus motus secundum directionem primariam quicquam patitur ex vi gravitatis accessoria, uti olim ostendimus, Corpus in fine primi temporis reperietur alicubi in linea al , in fine secundi temporis alicubi in linea bm , in fine tertij in cn , quarti in do ,


Coroll. 1. Post
Leg. Mot. 22.

de, quinti in op lineis nempe istis æquali ubique intervallo inter se distantibus. Accedat jam vis gravitatis, & dum corpus vi sola projectili lineam Ta describeret, vi sola gravitatis per lineam quamvis TF vel al acceleretur, quoniam itaque ex hac vi gravitatis, si ea sola ageretur, corpus in fine primi temporis ad lineam Fl , accederet; & cum velocitas hujus motus deorsum pari ac prioris ratione nihil patiatur ex vi projectionis accessoria, reperietur etiamnum alicubi in linea Fl : Sit itaque al partis unius, bm partium 4, cn partium 9, do partium 16, ep partium 25, & ita porro in infinitum; nempe ut temporum sive distantiarum $Ta Tb Tc Td Te$

Prop. 4. prius. $Td Te$ quadrata: Li-

quet igitur ex prius demonstratis corpus in fine temporis secundi repertum iri alicubi in linea Gm , in fine tertii temporis in linea Fn , quarti in Fo , quinti in Kp , & ita porro in infinitum.

Necesse



Necesse est ergo ut projectile quovis tempore exeunte ex conjunctis viribus in linearum istarum intersectionibus reperiatur, nempe in fine primi temporis corpus in puncto *l* reperiatur, in fine secundi in puncto *m*, in fine tertii in *n*, quarti in *o*, quinti in *p*, & ita ubique. Quare cum ex natura hujusmodi motus compositi *TF*, sit ad *TG*, ut *Fl* quadratum, ad *Gm* quadratum, & ita in reliquis; & cum ex primaria Parabolæ proprietate abscissæ cujusvis diametri *TF* & *TG* sint etiam inter se ut quadrata semiordinatarum *Fl* & *Gm*, liquet puncta quævis *l m n o p* esse ad parabolam, cujus *TK* est Diameter principalis, & *TF TG TH TI TK* sunt abscissæ, & *Fl Gm Hn Io Kp* sunt semiordinatæ. Cum autem omnia hic demonstrata ad quamvis diametrum, ubi tangens est ad eandem utcunque obliqua, æque pertineat ac ad ipsum axem, ubi est ad eundem perpendicularis, liquet universaliter omnes omnium projectilium trajectories esse vere Parabolicas; nisi quatenus per aeris resistantiam aliquantulum retardantur. *Q. E. D.*

Coroll. (1.) Hinc artis Balisticæ fundamenta discere licebit: cum enim omnia projectilia secundum inclinationem qualemcunque emissâ Parabolæ aut majores, aut minores, aut saltem ejusdem parabolæ partem majorem aut minorem sint descriptura, nisi quatenus ab aeris resistantia retardentur; & cum aeris retardatio in arte balistica ob motus velocitatem & projectorum soliditatem sit nullius pene momenti; Palam est ex natura & proprietatibus Parabolæ artis hujus principia esse petenda. Usus hujus Corollarii latissime patet, & pluribus exemplis ex arte balistica desumptis in sequentibus illustrabitur. Esto itaque

Coroll. (2.) Data projectionis velocitate, quicumque sit elevationis angulus, dabitur una Distantia foci Parabolæ quam projectile describit à projectionis incipientis puncto. Sit *s* punctum projectionis, ubi projectile per tangentem *sv* vibratum in curva parabolica incipit incedere, & sit *ru* linea quovis dato tempore à *vi* projectili

projectionis velocitate diversæ Parabolæ, in diversis elevationibus describantur, erunt tamen earum omnium foci à vertice sive puncto motus incipientis æqualibus intervallis distantes, & proinde in circuli cujus centrum est in isto puncto, circumferentia positi. *Q. E. D.*

Coroll. (3.) Jactus itaque horizontalis longissimus est qui secundum lineam inter horizontalem & perpendicularem mediam, sive in angulo 45 graduum supra horizontem dirigitur. Nempe cum vertex principalis Parabolæ cujusvis à projectilibus descriptæ sit in summa projectilis altitudine, sub quo in ipso axe, focus figuræ *F* collocatur; cum ejusdem foci à vertice *s* distantia ex corollario postremo detur; cum etiam jactus horizontalis longissimus per ordinatam ad axem per verticem *s* transeuntem *eg* omnino mensuretur; tum certe jactus horizontalis erit longissimus ubi verticis *s* à foco distantia *sF* cum ordinata ad axem *sg* coincidit: Alias enim ob datam foci distantiam *sF* *sg* erit minor quam *sF* duplicata: Sed ubi coincidit *sF* cum *sg* erit *sg* ipsius *sF* dupla, atque adeo jactus horizontalis *sg* erit eo loci omnium longissimus, ubi *sF* distantia foci à vertice *s* cum *sg* coincidit; hoc est, ubi angulus *vsb* est semirectus: Angulus enim *vsF* à tangente *vs* & verticis *s* à foco distantia *sF* comprehensus æqualis semper est angulo *bsø*, ab eadem tangente *bs*, & Parabolæ diametro *so* comprehensus. Si itaque angulus *bsø* sit semirectus, erit etiam & *vsF* semirectus, atque proinde angulus *osF* erit rectus, & linea *sF* evadet *sh*, & cum ordinata *sg* coincidit, fietque ordinata *sg* jactus omnium longissimus.

Coroll. (4.) Cum itaque Parabolæ tangens eo solo in casu cum diametro angulum semirectum comprehendat, ubi eandem ad lateris recti principalis per focum transeuntis terminum contingit, patet jactum horizontalem longissimum quemvis intra curvæ parabolicæ partem supra latus rectum positam, existente foco in ipsa linea horizontali, esse comprehensum; & altitudinem sum-

mam

nam in hoc casu ab horizonte esse TF lateris recti principalis quadrantem.

Coroll. (5.) Si angulus elevationis à semirecto æqualiter deficiat, sive elevatio sit major sive minor, jactus longissimæ horizontalis æqualiter minuetur. Nimirum ob angulum rectum hso , & angulos $vsFosb$ semper sibi invicem æquales, eorum sive excessus supra rectum, sive defectus, à recto æquales æquabuntur angulo Psb , sive focus F sit supra lineam horizontalem sg , ut in elevatione majore, sive sit infra eandem, ut in minore. Datis autem angulo Fsb acuto, & recto Fhs , & latere Fs , datur unà latus sb axis semiorbitata, & sg ordinata jactus horizontalem determinans. Sic sane in projectionibus æque velocibus ubi anguli elevationis sunt graduum 40 & graduum 50 jactus horizontalis erit utrinque æqualis; & perinde in gradibus 30 & 60, in gradibus 20 & 70, & ita ubique, uti in arte balistica est notissimum.

Coroll. (6.) Distantiæ horizontales ex data velocitate genitæ in diversis elevationis angulis sunt ut angulorum tangentis & perpendicularis duplicatorum sinus recti. Nempe ut gs ubique ita est ejusdem dimidium hs : In triangulo autem rectangulo Fhs ob datum radium Fs , & angulum hFs , anguli tangentis & perpendicularis hso duplum, erit sb ubique istius anguli sinus rectus, adeoque erunt semper distantiae horizontales inter se ut sinus isti.

Coroll. (7.) Tempora jactus cujusque horizontalis ex data velocitate in diversis elevationis angulis sunt inter se ut angulorum elevationis sinus recti. Projiciatur corpus unum secundum angulum

Vid. Fig. p. 108, elevationis lcd , & alterum secundum
 111. angulum LAD ; dico quod tempus

quo corpus prius per arcum parabolicum cTl pertingit ad punctum l , in eodem cum puncto à plano horizontali situm, erit ad tempus quo corpus posterius per arcum AtL pertingit ad punctum L in eodem cum puncto

Coroll. (8.) Altitudines maximæ corporum data velocitate projectorum in diversis elevationis angulis sunt inter se ut quadrata sinuum rectorum angulorum elevationis. Nempe ut dl vel Δe quadratum ad Δi quadratum, ita altitudines maximæ dl vel Δe , ad DE .
Q. E. D.

Coroll. (9.) Altitudo omnium maxima corporum velocitate data projectorum, ubi nempe projectio est horizonti perpendicularis, est lateris recti in data velocitate semper dati pars quarta; nempe in hoc casu, parabola in rectam desinente, Vertex Parabolæ T cum foco F coincidit, & altitudo summa fit ipsi Fs lateris recti dati quadranti æqualis: atque adeo, quod obiter est notandum, longissimi jactus horizontalis semissis: uti statim demonstrabitur.

Coroll. (10.) Dato projectionis angulo, sed mutata projectileis velocitate; & altitudo summa, hoc est, Parabolæ vertex principalis, & jactus lon-

Id. Fig. p. 108. gissimus horizontalis, five ordinata sg , mutabuntur in duplicata velocitatis ratione. Pars prior ex prius demonstratis patet; cum altitudines linearum five ascensus five

Prop. 4. prius. descensus, sint semper in duplicata ratione velocitatum. Et ex hac parte propositionis sequitur etiam & altera; ob similitudinem enim omnium parabolarum, si altitudo Th mutetur in ratione velocitatis duplicata, etiam ob similes similium Figurarum partes utrobique descriptas, & reliquæ lineæ ut sh vel sg etiam in eadem ratione duplicata mutabuntur. Verum & Posterior corollarii pars ex natura Parabolæ etiam aliter facile deduci potest. Ponamus enim velocitatem esse duplo quam prius majorem, ergo quo tempore projectile prius lineam sv describeret, posterius lineam ipsius sv duplam describet; sed ob uniformitatem vis gravitatis linea vc five sr non mutabitur. Est ergo ut vc five sv data, ad lineam ipsius sv duplam, ita ista linea dupla ad lineam alteram, verticis
 latus

latus rectum; nempe lateris recti ad verticem istum prius pertinentis quadruplum: Unde quarta hujus lateris recti pars, sive sF erit quartæ prioris lateris recti partis sF etiam quadrupla; & ob triacula in utroque casu similia sFh sFh lineæ sh & sg ipsarum sh & sg erunt etiam quadruplæ; & ita in reliquis. Est ergo in velocitate duplo majore jactus horizontalis longissimus quadruplo major, in tripla velocitate noncuplus, & ita porro in infinitum. Imo vero generaliter est affirmandum, omnes Parabolæ lineas similes similiterque positas augeri semper & minui in duplicata velocitatis auctæ vel diminutæ ratione; ut ex hæcenus dictis satis constare potest.

Coroll. (11.) Longissimus jactus horizontalis cujusque Parabolæ est æqualis dimidio lateri recto ad verticem, latus rectum principale terminantem, pertinenti. Est enim in eo casu Fs æqualis sh ; sed Fs est lateris recti ad verticem dictum pertinentis pars quarta; & sg ipsius sh dupla, unde sg horizontalis jactus longissimus erit lateris istius recti dimidium.

Coroll. (12.) Hinc determinare licet jactum horizontalem longissimum cuicunque velocitatis gradui congruentem. Fiat nempe ut linea sr unico minuto secundo vi gravitatis descripta 1661 pedum Anglicorum, ad velocitatem projectilis sv vel rc pari tempore computandam, ita ista velocitas, ad numerum quartum, latus rectum verticis s in iisdem pedibus exhibiturum: Hujus numeri semissis longissimum jactum horizontalem dabit, uti ex superioribus est abunde manifestum. Sic si projectilis velocitas tanta sit ut minuto unico secundo pedes Anglicos mille peragrarè possit, fiat ut 1661: ad 1000 :: ita 1000 ad numerum quartum = 62.112, latus rectum verticis s in pedibus Anglicis designantem. Est itaque longissimus jactus horizontalis pedum Anglicorum 31.056; ultra quem terminum nihil attingi potest, sed intra quem locum quemvis assignatum attingere sequenti corollario docebimus.

Coroll. (13.) Problema (1.) Locum quemvis in plano horizontali assignatum, ultra dimidium lateris recti verticis s non distantem, ex data velocitate motu projectili attingere. Sit locus ille ad pedum Anglicorum 20.000 distantiam, & sit corporis projecti velocitas ea quam in postremo corollario posuimus: Ob datam itaque velocitatem, datur latus rectum verticis ubi projectile motum suum per curvam incipiet, ejusque proinde pars quarta, sive linea sF , pedum nempe 15.528: Est autem ex prius dictis sh pedum 10.000; ex hisca invenitur angulus hsF per hanc analogiam ut sh , ad sF , sive ut 10.000 ad 15.528, ita erit radius ad secantes anguli Fsh , per secantium tabulam inveniendi, graduum nempe $49^{\circ}.47'$; quo angulo ex recto ablato, aut ad rectum superaddito, dabitur angulorum aequalium vsF & osh summa; cujus dimidium Fsv vel osb angulum quem tangens vb cum perpendiculari sa comprehendere debet determinabit; nempe $90^{\circ} - 49^{\circ}.47' = 40^{\circ}.13'$ vel $90^{\circ} + 49^{\circ}.47' = 139^{\circ}.47'$; cujus angulus dimidius est vel $20^{\circ}.6'30''$ vel $69^{\circ}.53'.30''$; Proinde nempe elevationem mediocri aut majorem aut minorem adhibendam volumus; si itaque globulus plumbeus velocitate assignata in angulis assignatis projiciatur, parabolam requisitam est descripturus, & proinde locum assignatum petiturus, sine ulla alia à scopo aberratione quam quæ ab aeris resistentia perexigua sit oritura; quæque ob parvitatem fere contemni potest. Problema ergo solutum dedimus, & data velocitate scopum quemvis in plano horizontali non nimium distantem attingere docuimus.

Coroll. (14.) Problema (2.) Locum quemvis in plano horizontali assignatum ex data elevatione motu projectili attingere; scilicet ex data loci distantia sg & dato angulo hsv velocitatem sv determinare. Nempe sF quadruplicata dabit latus rectum ad verticem s pertinens: Ut ergo inveniat sv ducenda est vc vel sr in sf quadruplicatam, & inde orietur rectangulum quadrato

drato vs vel cr æquale; extracta itaque ex illo rectangulo radice quadratica, invenietur vs vel cr , semibrachinata illa quam projectile minuto unico secundo est descripturum. Exempli gratia: Esto objecti distantia sp pedum Anglicorum, ut prius, 20,000; & angulus hsu 69°. 53'. 30". Erit angulus Fsb vel osb graduum 20°. 6'. 30". & angulus Fsb graduum 49°. 47'. Unde è tabulis sinuum ratio lineæ sh ad Fs habebitur 10.000 ad 15.528: Unde dabitur Fs , & latus rectum verticis s pedum 62.172; quo numero in vt vel sr pedum 1611 ducto, orietur numerus rectangulus 1,000,000, cujus radix quadratica est 1000, numerum pedum lineæ sv exhibitura. Si itaque in angulo dato ea sit primaria projectilis velocitas, ut pedes mille spatio unius minuti secundi conficere possit, scopum g in curva parabolica sg positum attinget, nisi quatenus aeris resistentia perexigua motum projectilis aliquantulum retardare potuerit. Et eadem omnino esset computatio, si angulus Fsv vel osb graduum 69°. 53'. 30". positus esset, uti ex antè dictis in corollario postremo facile constare potest.

Coroll. (15.) Hinc etiam ex data elevatione, aut ex data velocitate etiam locum quemvis ut l extra planum horizontale positum projectili attingere possumus: Si nimirum in eadem Parabola, si opus est, producta, aliud punctum ut g in plano horizontali positum notemus; idem enim jactus qui ad locum g , etiam & ad locum quemvis alium in eadem Parabola situm ut l omnino pertinet.


Coroll. (16.) Velocitas corporis Parabolam describentis est ubique ut recta linea à Parabolæ vertice T ad semiordinatæ mediūm ducta, sive ut Tangentis pars inter punctum contactus m & axem ducta, hoc est, ut secans anguli elevationis supra horizontem. Linea nimirum dato tempore describenda, est ut diagona is parallelogrammi $mQRP$; cujus latus mQ semper datur, &

mP est ipsi bm duplicatæ, sive ipsi SG æqualis: Est igitur velocitas in puncto m , ad velocitatem projectilem originariam in puncto T , ut mR ad PR , sive ut Sm ad Gm : Et ita ubique. Est itaque velocitas in puncto quovis Parabolæ m , ad velocitatem in puncto quovis alio n , ut Tangentis pars Sm , ad Tangentis partē $X4$; utraque nempe inter æquidistantes diametros bm & TG sumpta; hoc est, ut angulorum elevationis secantes. *Q.E.D.*

Coroll. (17.) Est itaque minima omnium velocitas in Parabolæ vertice T ; & eo semper major velocitas quo distantia est ab eodem vertice major.

Coroll. (18.) Si itaque velocitates corporum in diversis angulis projectorum sint in ratione secantium angulorum elevationis supra horizontem, eandem, sive æqualem omnia Parabolam, hoc est, ejusdem vel æqualis Parabolæ partes describent; majores nempe ubi angulus elevationis est major, & minores ubi iste angulus est minor. Sin velocitates sint in alia ratione, diversas Parabolas, sive diversarum partes, ut describant, est necesse.

Decemb. 4. 1704.



XII

XII.

Lemma ad Propositionem (9^m) & sequentes.

CORPORUM in circulis gyrantium vires centripetæ causæ duplici sunt acceptæ referendæ, nimirum arcuum simul descriptorum curvaturæ, & motuum per eandem curvaturam velocitati. Nimirum cum omnis motus sit per se rectilinearis, & corpora per solam vim extraneam centripetam secundum arcus curvos circulares cieri possint, æquum est ut data velocitate curvaturam à vi sola centripeta genitam eidem vi centripetæ proportionalem statuamus. Proinde cum eo majores vires centripetæ ad eandem curvaturam generandam requirantur, quo velocitas projectionis sive motus æquabilis originarii est major, eo minores quo minor, æquum est etiam ut data curvatura vim centripetam, eidem velocitati proportionalem statuamus. Prout itaque fit in rectangulorum comparatione ut nimirum ex longitudinum & latitudinum rationibus conjunctis eorundem rationes veras determinemus, ita & in virium Centripetarum comparatione erit omnino faciendum, ut nempe ex curvaturarum & velocitatum rationibus inter se conjunctis earundem veras rationes dato quovis tempore definiamus. Esto itaque ratum, Quod virium centripetarum rationes ex curvaturarum & velocitatum rationibus conjunctis sunt ubique æstimandæ.

Scholium. Ut curvaturæ & velocitatis veras rationes recte intelligamus, Observandum est in angulis æqualibus minimis curvaturam esse ubique æqualem, si angulorum contactus subtensæ sint inter se ut radii vel distantia à centro; prout figurarum similium ratio omnino postulat: & si curvatura ab ea distantiarum ratione recedat, excessus aut defectus rationes pro veris curvaturæ excedentis vel deficientis rationibus in posterum computandis sunt habendæ. Velocitas autem ubique spectanda est quantum ad verum motum angularem

promovendum confert, atque adeo in linea radio ubique perpendiculari; five, quod eodem recidit, in arcu circulari minimo est æstimanda. Ubicunque enim directio motus est aut sursum aut deorsum, quanto velocitas augeatur, tanto semper curvatura minuitur, & è contra: quantitate quæ ex earundem conjunctis viribus oritur etiamnum minime mutata: quod probe est ubique observandum.

IX. Si mobilia duo æqualibus temporibus circumferentias integras inæquales *b d g e B D G E* motu æquabili percurrant, erit vis centripeta in majori circumferentia ad eam quæ in minori, sicut ipsæ inter se circumferentia, vel earum diametri, vel etiam radii directe. *Vid. Fig. p. 87.*

Ob datam enim utrinque curvaturam, integri nimirum circuli, erit vis centripeta in majori circumferentia ad eam quæ in minori ut mobilium velocitates, hoc est, ut Circulorum circumferentiæ, vel, quod eodem redit, ut eorundem diametri vel radii directe. *Q. E. D.*

Corollarium. Si tempora periodica Corporum in circulis gyantium æquentur, erunt tum velocitates, tum iidem proportionales vires centripetæ inter se ut circulorum circumferentiæ, diametri, vel radii directe, & vice versa, si vires centripetæ corporum in circulis gyantium sint inter se ut circumferentiæ, diametri, vel radii directe, erunt velocitates etiam in eadem ratione, & tempora periodica erunt ubique æqualia.

Coroll. (2.) Si corporis cujufvis centralis attractivi vires sint directe ut distantia ab eodem centro; corporum omnium circa illud corpus centrale in circulis gyantium, tempora periodica erunt æqualia. Et pariter de Ellipsis erit sentiendum, cum earum curvaturæ integræ sint circuli cujufvis curvaturæ integræ æqualis, & circumferentia inter circulorum hinc inde assumptorum circumferentias quasi intermedia. Unde ex æqualitate temporum periodicorum in circulis Ellipsis five majoribus five minoribus, haud difficile erit eandem temporum periodicorum æqualitatem etiam & ellipsis

intermediis circa eartum centra ascribendam intelligere.

X. Si mobilia duo in iisdem five æqualibus circulis gyrentur celeritatibus inæqualibus, verum utraque motu æquabili, erit vis centripeta celerioris ad vim centripetam, tardioris in duplicata ratione celeritatum, five ut arcuum simul descriptorum quadrata. Ob datam enim circumferentiarum æqualium in arcubus æqualibus curvaturam, simul cum velocitate crescente crescet etiam & curvatura in eadem ratione, & simul cum velocitate decrescen- te decrescet etiam & curvatura in eadem ratione: ergo vis centripeta ex curvatura & velocitate conjunctis æstimanda erit dato tempore in ratione arcus ad arcum simul descriptum, propter velocitatis rationem, & in eadem ratione ejusdem arcus ad eundem arcum simul descriptum, propter curvaturæ rationem: unde ex utrisque rationibus conjunctis erit, rectangulo ad quadratū reducto, vis centripeta in duplicata arcuum simul descriptorum ratione, five ut arcuum simul descriptorum quadrata. *Q. E. D.*

Corollarium. Cum tempora Periodica in æqualibus circulis sint velocitatibus reciproce proportionalia, erunt vires centripetæ in duplicata temporum periodicorum ratione reciproce, five ut temporum periodicorum quadrata reciproce, ita ut quo majus sit temporis periodici quadratum, eo minor sit vis centripeta; quo minus sit quadratum illud, eo major sit vis centripeta, atque ea in eadem ratione.

Coroll. (2.) Si mobilia plura circa plura corpora centralia attractiva ad easdem omnia distantias in circulis gyrentur, vires corporum centralium facile innotescunt, cum sint inter se ut temporum periodicorum quadrata reciproce: & velocitates etiam facile innotescunt, cum sint in ipsa temporum periodicorum ratione reciproca.

XI. Si mobilia duo in circulis inæqualibus æquali velocitate ferantur, erunt eorum vires centripetæ in ratione contraria circumferentiarum, diametrorum, vel radiorum, ita ut in minori circumferentia vis centripeta major existat, & in majore minor.

Ob datam enim velocitatem vires centripetæ dato tempore erunt ut curvatura arcuum æqualium, hoc est, ut circumferentiæ, diametri, vel radii circulorum reciproce. *Q. E. D.*

Coroll. (1.) Cum tempora Periodica in æquivelocibus sint inter se in eadem ratione ac sunt circumferentiæ describendæ, si tempora Periodica mobilium diversos circulos percurrentium sint directe ut circulorum circumferentiæ, diametri, vel radii, vires centripetæ erunt ut istæ circulorum circumferentiæ, diametri, vel radii reciproce: & vice versa, si vires centripetæ sint ut radii vel distantia reciproce, erunt Tempora periodica ut radii directe.

Coroll. (2.) Si corporis cujuscvis centralis attractivæ vires sint reciproce ut corporum distantia à centro suo, ita ut quo magis appropinquant corpora, eo vis centripeta sit major, & quo magis elongantur, vis illa sit minor, idque in eadem ubique ratione, erunt tempora periodica corporum ad diversas distantias positorum ut distantia illa directe, & eorundem velocitates æquales.

XII. Si duo mobilia in circulis inæqualibus velocitate inæquali quæ sit in subduplicata ratione circumferentiarum, diametrorum, vel radiorum ferantur, erunt vires centripetæ ubique æquales, nec in accessu vel recessu ullatenus aut auctæ aut diminutæ.

Ob majorem enim velocitatem in majori circulo eamque in subduplicata ratione circumferentiarum augendæ sunt in majori circulo vires centripetæ in eadem ratione. Et ob majorem curvaturam in minori circulo eamque etiam in subduplicata ratione circumferentiarum reciproce augendæ sunt in minori circulo vires centripetæ in eadem ratione. Liquet igitur vires centripetæ æquali ratione utrinque esse augendas atque adeo esse etiamnum utrinque æquales. *Q. E. D.*

Sit enim exempli gratia radius circuli majoris radii circuli minoris quadruplus, sive ut 4 ad 1, & sit velocitas in majore ad velocitatem in minore in subduplicata

radiatorum ratione, five ut 2 ad 1. Cum curvatura majoris sit ad curvaturam minoris in arcubus similibus æqualis, & in æqualibus reciproce ut radii, necesse est ut in arcu duplo, quem dato tempore velocitas dupla in majore describet, curvatura sit alterius dimidia: est ergo velocitas prioris mobilis ad velocitatem posterioris ut 2 ad 1, & curvatura posterioris ad curvaturam prioris ut 2 ad 1. Unde vis centripetæ quantitas in priore erit ad vis centripetæ quantitatem in posteriore ut rectangulum ex velocitate prioris & prioris curvatura conjunctim, five 2×1 . ad rectangulum ex velocitate posterioris, & posterioris curvatura conjunctim, five 1×2 . hoc est in ratione æqualitatis; & sic ubique.

Coroll. (1.) Cum tempora Periodica in hoc casu sint inter se in subduplicata ratione circumferentiarum, diametrorum, vel radorum, erunt temporum Periodicorum quadrata inter se ut circumferentiæ, diametri, vel radii. Si itaque temporum periodicorum quadrata sint inter se ut circumferentiæ, diametri, vel radii circulorum, erunt vires centripetæ in distantis omnibus æquales, & celeritates in ratione earundem circumferentiarum, diametrorum, vel radorum subduplicata. Et vice versa, si vires centripetæ sint in distantis omnibus æquales, erunt temporum periodicorum quadrata ut distantie vel radii; & velocitates etiamnum in earundem ratione subduplicata.

Coroll. (2.) Si Corporis cujusvis centralis attractivi vires centripetæ sint in omnibus distantis plane eadem, erunt velocitates in subduplicata ratione distantiarum; & temporum periodicorum quadrata inter se ut distantie illæ, vel diametri, vel circumferentiæ.

XIII. Si duo mobilia in circulis inæqualibus velocitate inæquali quæ sit in subduplicata circumferentiarum, diametrorum, vel radorum ratione reciproce, ita ut in majore circulo velocitas sit minor, & in minori sit major, idque in subduplicata eorundem radorum ratione reciproce, erunt vires centripetæ reciproce ut radorum, vel distantiarum quadrata.

Ob minorem enim in majori circulo curvaturam eamque in sesquuplicata ratione radiorum reciproca; & ob minorem etiam celeritatem in majori circulo, eamque in subduplicata ratione radiorum etiam reciproca, erunt vires centripetæ ex rationibus hæc conjunctis derivandæ in ratione radiorum reciproca duplicata, sive reciproce, ut quadrata radiorum. *Q.E.D.*

Sit enim exempli gratia radius circuli majoris radii circuli minoris noncuplus, sive ut 9 ad 1. & sit velocitas in majore ad velocitatem in minore in subduplicata ratione radiorum reciproce, sive ut 1 ad 3. Cum curvatura majoris sit ad curvaturam minoris, ut prius, in arcubus similibus æqualis, & in æqualibus reciproce ut radii, necesse est ut in arcu alterius partem solum tertiam adæquante, quem dato tempore velocitatis alterius triens solum describet, in majore sit alterius pars tantum vigesima septima sive ut 1 ad 27. Est ergo velocitas in circulo majore ad velocitatem in minore ut 1 ad 3, & curvatura in majore ad curvaturam in minore ut 1 ad 27. Unde vis centripetæ quantitas in majore erit ad ejusdem quantitatem in minore ut rectangulum ex velocitate & curvatura in majore conjunctim, sive $1 \times 1 = 1$, ad rectangulum ex velocitate & curvatura in minore conjunctim, sive $3 \times 27 = 81$. hoc est, ut radii minoris quadratum $= 1$. ad majoris quadratum $= 81$. Et sic ubique. Erunt etiam tempora periodica inter se ut 27, ad 1, hoc est, in radiorum 9 ad 1 ratione sesqui-altera; est enim 27, inter 9 & 81, media geometricæ proportionalis; atque adeo ratio 27 ad 1 continet rationem 9 ad 1 & ejusdem 81 ad 9 rationem dimidiatam, sive subduplicatam 81 ad 27. $[1 : 3 : 9 : 27 : 81 : \div]$ & sic etiam ubique.

Coroll. (1.) Cum tempora periodica in hoc casu sint inter se in sesquuplicata ratione radiorum, erunt temporum periodicorum quadrata inter se ut cubi radiorum. Si itaque temporum periodicorum quadrata sint inter se ut cubi radiorum, erunt vires centripetæ inter se
ut

ut radiorum quadrata reciproce, & velocitates in subduplicata ratione radiorum reciproca. Et vice versa, si vires centripetæ sint inverse ut radiorum vel distantiarum quadrata, erunt temporum periodicorum quadrata inter se ut sunt cubi radiorum; & velocitates etiamnum in radiorum ratione subduplicata reciproce.

Coroll. (2.) Si corporis cujuscvis centralis attractivi vires centripetæ sint in diversis distantiiis à centro suo ut distantiarum istarum quadrata reciproce, erunt corporum in diversis distantiiis gyrantium velocitates in subduplicata distantiarum ratione reciproce; & temporum periodicorum ratio duplicata erit rationi distantiarum triplicatæ æqualis, sive erunt temporum periodicorum quadrata inter se ut sunt cubi radiorum.

Coroll. (3.) Si motus sit in Ellipsi distantia inter maximam & minimam intermedia sumatur; & tum etiam in Ellipsis erunt temporum periodicorum quadrata ut radiorum Cubi inter se æque ac in Circulis.

XIV. Si duo mobilia in circulis inæqualibus inæquali celeritate, eaque in radiorum ratione reciproca ferantur, ita ut quo major est radius, diameter, aut circumferentia, eo minor sit velocitas; & quo minor, eo major sit velocitas, eaque in reciproca radiorum ratione, erunt vires centripetæ ut cubi radiorum reciproce.

Ob minorem enim in circulo majori celeritatem, eamque in ipsa ratione radiorum reciproca; & ob minorem etiam in circulo curvaturam, eamque in duplicata ratione radiorum reciproca, erunt vires centripetæ ex conjunctis istis rationibus derivandæ in ratione Radiorum reciproca triplicata, sive ut cubi radiorum.

Sit enim exempli gratia radius circuli majoris radii circuli minoris duplus, sive ut 2 ad 1. Et sit velocitas in majore ad velocitatem in minore reciproce ut radii, sive ut 1 ad 2. Erit dato tempore curvatura majoris ad curvaturam minoris ut 1 ad 4. Est ergo velocitas in minore circulo ad velocitatem in majore ut 2 ad 1, & curvatura in minore ad curvaturam in majore ut

ut 4 ad 1. Unde vis centripetæ quantitas in minore erit ad vis centripetæ quantitatem in maiore ut rectangulum $2 \times 4 = 8$, ad rectangulum $1 \times 1 = 1$, sive ut radiorum Cubi reciproce. Et sic ubique.

Coroll. (1.) Cum tempora periodica sint in hoc casu in duplicata ratione radiorum, si temporum periodicorum quadrata sint inter se ut quadrato quadrata radiorum, sive, quod perinde est, si ipsa tempora periodica sint inter se ut radiorum quadrata, erunt vires centripetæ inter se ut radiorum vel distantiarum Cubi inverse, & velocitates inverse ut radii. Et vice versa, si vires centripetæ sint inverse ut distantiarum Cubi, erunt tempora periodica inter se ut radiorum quadrata, & velocitates etiamnum ut ipsi radii inverse.

Coroll. (2.) Si corporis cuiusvis centralis attractivi vires centripetæ sint in diversis distantiiis à centro suo ut distantiarum istarum Cubi reciproce, erunt corporum in diversis distantiiis gyrantium velocitates in ipsa distantiarum ratione reciproca; & tempora periodica in duplicata istarum distantiarum ratione.

Coroll. (3.) Eadem omnia de temporibus velocitatibus & viribus centripetis quibus corpora similes curvarum quorumcunque similia, centraque similiter posita habentium partes describunt, consequuntur ex præcedentium ad circulos speciatim applicatorum demonstrationibus ad casus hosce applicandis.

Scholium. Cum Propositionis 13. casus in corporibus cœlestibus obtineat, nempe quod temporum periodicorum quadrata sunt inter se ubique ut distantiarum Cubi, & quod proinde vires centripetæ sunt ut distantiarum quadrata reciproce, & velocitates in distantiarum istarum ratione subduplicata reciproce; cum inquam hic casus in Systemate mundano isque solus ubique obtineat, uti seorsim colligerunt etiam nostrates Wrennus, Hookius & Halleius, & jam est apud Astronomos receptissimum, idem casus longe nobilissimus in sequentibus erit fusius & diligentius exponendus, dum reliquorum consequentiæ

levi


levi dumtaxat opera in transcurso attinguntur. Atque hæc impræsentiarum hæctenus. Reliqua in Terminum proxime futurum reservabimus.

Decemb. 11. 1704.

XIII.

XV. **A**RÆ quas Corpora in gyros acta radiis ad immobile centrum virium ductis describunt, & in planis immobilibus consistunt, & sunt temporibus proportionales, & dato tempore ubique æquales: motus nempe velocitate in distantia minore, & tarditate in distantia majore arearum descriptionem ita moderante, ut ex variis istis distantis dato tempore nulla spatiorum percursorum differentia unquam oriatur.

Dividatur enim tempus in partes æquales, & prima temporis parte describat corpus vi insita, sive motu projectili rectam lineam quamvis AB . Idem corpus secunda æquali temporis parte, si nihil impediret, & nulla alia vis



urget recta ad c pergeret, describens lineam Bc ipsi AB æqualem, adeo ut radiis ad centrum S ductis confectæ forent æquales areæ ASB , BSc . Verum ubi corpus ad punctum B venit agat vis centripeta, sive attractio sit sive pressio qualiscunque ad centrum S tendens, impulsu unico, qui sit ad motum projectilem ut linea quæ-

quævis Bg ad lineam Bc , impulsus hic novus efficiet ut corpus à recta Bc deflectat & in lineâ aliâ pergat,

* Per Leg. Mot. 22. *primus*. parallelogrammi nempe $BgCc$ diagonali BC , ita ut completa secunda temporis parte æquali corpus ad punctum C sit inveniendum, in eodem plano cum triangulo ASB . junge SC . & area radio à corpore ad centrum ducto descripta, hoc est, triangulum SBC æquabitur

areæ prioris, hoc est, † triangulo SBA , atque adeo triangulo primo SAB cui nempe ex prius dictis æqualis erat triangulum SBA . Simili argumento tertia æquali temporis parte corpus a C ad d vi projectili (quæ semel partem usque perseverat) pertingeret, ita ut lineâ Cd describenda lineæ CB nuperrime descriptæ foret æqualis. Sed si vis centripeta quæcunque priore aut minor aut major iterum agat ad punctum C , Corpus in fine tertii temporis reperietur alicubi in lineâ Dd ipsi SC parallela, & per parallelogrammi cujusdam $bDdC$ diagonalem CD ad punctum quoddam D pertinet, adeo ut triangulum SDC triangulo SdC , atque adeo reliquis triangulis SCB SBA inter se æqualibus sit æquale; pari jure, si vis centripeta successive agat in D . E . F . faciens ut corpus singulis temporis particulis æqualibus singulas rectas diagonales describat, jacebunt omnes hæ rectæ lineæ in eodem plano, & triangula SED SFE prioribus æqualia describentur. Æqualibus igitur temporibus æquales areæ in plano immoto describuntur: & arearum summæ quævis $SADS$ $SAFS$ sunt inter se ut descriptionum tempora. Augeatur jam numerus & minuatur latitudo triangulorum in infinitum, & eorum ultima periméter, polygoni lateribus in curvam definitibus, ADF erit lineâ curvâ, & ob vim centripetam jam continuam & indefinenter agentem, corpus perpetuo retrahetur à curvæ tangentibus, & areæ pari ac prius jure etiamnum in plano immobili descriptæ erunt semper temporibus proportionales. Q. E. D.

Coroll.

Coroll. (1.) Erit itaque velocitas corporis circa gyrationis centrum, secundum lineam radio perpendiculari affimata, in ratione distantiarum reciproca; alias enim arearum æqualitas nullo modo observari potest.

Coroll. (2.) Erit quoque velocitas corporis angularis circa virium centrum in duplicata distantiarum ratione reciproca. Nam cum vera velocitas sit in simplici distantiarum ratione reciproca, ut jam vidimus, & centri distantia eo major quo motus est tardior, & in eadem quæ ratione, liquet velocitatem angularem quoad virium centrum esse in duplicata distantia ratione reciproca.

Coroll. (3.) Ubi positio tangentis est ad centri distantiam sive radium perpendicularis, & motus projectilis velocitas vim centrifugam corporis centralis. vi centripetæ exacte proportionalem vel correspondentem efficit, corpus neque ad centrum appropinquabit, neque ab eodem recedet; sed motu circulari circa centrum illud perpetuo foretur.

Coroll. (4.) Ubi autem positio tangentis est ad radium obliqua, licet motus projectilis velocitas sit vi centripetæ proportionata & correspondens, vis illa centripetæ motum vel minimum descendente aliquantulum conspirando adaugebit; & vel minimum ascendente aliquantulum sese opponendo diminuet, donec motus ad augens vim centripetam tandem exuperet, & corpus prius descendens ascendat iterum; vel donec motus diminutus vi centripetæ tandem cedat, & corpus prius ascendens descendat iterum.

Coroll. (5.) Ex huiusmodi circumstantiis motus corporum circa centrum quodvis in Ellipsis gyrationum oriri debent. Nam etsi ad axem minorem Ellipseos, corpore centrali focum occupante; aut ad diametrum medio-rem eodem centrum occupante Corpus inter revolvendum supponatur situm, & velocitas motus projectilis vi centripetæ ad amissum eo loci correspondere etiam supponatur, tamen ob tangentium in iisdem locis positionem obliquam motus non circularis sed ellipticus orietur:

oriatur. Corpore nempe inter descendendum vires quibus postea ascendat paulatim acquirente; & inter ascendendum vires quibus prius ascenderat paulatim amittente, donec superante vi centripeta ad descendendum tandem cogatur. Atque ita perpetuo. Unde patet quo pacto ex eodem motu per obliquam lineam impresso oriatur motus ellipticus; dum idem motus per lineam perpendicularem impressus circuitum omnino circularem genuisset.

Coroll. (6.) In mediis non resistentibus & in loco vacuo si areæ descriptæ non sint describendi temporibus proportionales vires non tendunt ad concursum radiorum. Nam si eo tenderent areæ istæ necessario essent temporibus proportionales, contra hypothesin.

Coroll. (7.) In mediis omnibus si arearum descriptio acceleretur, vires non tendunt ad concursum radiorum, sed cum motu projectili conspirant magis: si arearum descriptio retardetur, plus nimirum quam ex medii resistentia, vires non tendunt ad concursum radiorum, sed motui projectili opponuntur magis.

XVI. Corpus omne quod movetur in linea curva, & radio ad punctum vel immobile, vel motu rectilineo uniformiter progrediens, ducto describit areas circa punctum illud temporibus proportionales, urgetur à vi centripeta tendente ad idem punctum.

CAS. (1.) Ob æqualitatem enim triangulorum ScB & ScB eadem basi SB descriptorum puncta C & c erunt * in linea Cc basi parallela; atque adeo figura $BcCg$ erit parallelogrammum, cujus Bc & Bg sunt latera vires exponentia, & BC diagonalis; urgetur itaque Corpus ad B positum vi Bg tendente ad S centrum virium; atque ita pariter in punctis omnibus $C.D.E.F.$ *Q.E.D.*

CAS. (2.) Et perinde est siue quiescat superficies in qua corpus describit figuram curvilineam; siue moveatur eadem una cum corpore, figura descripta, & puncto sui centrali S uniformiter in directum. Unde prioris casus demonstratio in hoc etiam valebit.

Scho

Scholium. Corpus urgeri potest à vi centripeta ex viribus pluribus composita, (uti exempli gratia vis gravium in terræ centrum ex viribus in omnes terræ particulas tendentibus composita est, ut postea constabit;) in hoc casu sensus propositionis est, quod vis illa quæ ex omnibus est composita, cum ad unam est reducta, tendit ad centrum virium.

Coroll. (1.) Cum itaque in planetarum primariorum Systemate Areæ radiis ad Solis centrum ductis sint semper temporibus proportionales, uti Astronomis est notissimum, urgentur Planetæ vi perpetua ad Solis centrum tendente: neque aliter de secundariis circa primarios suos, Saturnum nempe, Jovem, & Terram est ratiocinandum.

Coroll. (2.) Sicut velocitas diversorum corporum circa centrum virium, ubi vires illæ sunt ut quadrata distantiarum inverse, est in diversis circulis in subduplicata ratione distantiarum inversa, uti olim demonstravimus; ita ex hac & præcedenti propositione sequitur, quod velocitas ejusdem corporis orbitam quamvis eccentricam describentis, in diversis suis à centro distantis positi, qualicunque virium centripetarum lege, est ut ipsa distantia inverse, si nempe velocitas ista in arcu circulari aut in linea radio perpendiculari, ut prius æstimeretur: cujus diversæ velocitatis rationis causa est quod in diversis circulis areæ in isto casu non sint utrinque æquales, sed pro magnitudine distantie majores & in eadem magnitudinis ratione etiam majores; cum tamen in ejusdem corporis revolutione æqualitas arearum velocitatem distantie reciproce proportionalem omnino exigat. Sic sane si Planetæ duo in diversis circulis circa Solem revolverent, quorum circulorum Radii ratione quadrupla alter alterum excederet, Planeta remotior velocitate alterius tantum dupla ferretur: sin idem Planeta per Ellipsin valde excentricam cursus suos peragens nunc ad distantiam majorem nunc minorem, eamque, ut prius, in ratione quadrupla excedentem & deficientem

entem alterius vicibus collocetur, erit velocitas in ipsa distantiarum ratione reciproca, & in distantia minore alterius ad amissam quadrupla: & ita in distantis quibuscunque. Quod in Systemate quovis Planetario probe meminisse oportebit.

XVII. Corpus omne quod, radio ad centrum corporis alterius utcunque moti ducto, describit areas circa centrum illud temporibus proportionales, urgetur à vi composita ex vi centripeta tendente ad corpus alterum, & ex vi omni acceleratrice qua corpus alterum urgetur. Si enim primo quiescant planum & centrum virium in isto plano, erunt areæ temporibus proportionales; & si eadem celeritate corpora utraque per lineas parallelas accelerentur manebunt areæ temporibus etiam proportionales. Unde cum ex hypothesi manent areæ temporibus proportionales, manebit & vis centripeta earum causa, & vis acceleratrix ubique eadem communis celeritatis causa manebit.

Coroll. (1.) Si corpus quodvis radio ad alterum ducto describat areas temporibus proportionales, atque de vi tota, sive simplici, sive ex pluribus viribus composita, qua corpus prius urgetur subducatur vis tota acceleratrix qua corpus alterum urgetur, vis omnis reliqua qua corpus prius urgetur tendet ad corpus alterum tantumquam ad centrum.

Coroll. (2.) Et si areæ illæ sint temporibus quam proxime proportionales, vis reliqua tendet ad corpus alterum quam proxime.

Coroll. (3.) Et vice versa, si vis reliqua tendat quam proxime ad corpus alterum, erunt areæ illæ temporibus quam proxime proportionales.

Coroll. (4.) Si corpus, radio ad alterum corpus ducto, describat areas quæ cum temporibus collatæ sunt valde inæquales, & corpus illud alterum vel quiescat vel moveatur uniformiter in directum, actio vis centripetæ ad corpus illud alterum tendentis vel nulla est, vel miscetur & perturbatur ab aliis viribus. Et vis

tota ex omnibus, si plures sint, composita ad aliud sive immobile sive mobile centrum dirigitur, circum quod æquabilis erit arearum descriptio. Idem obtinet ubi corpus alterum motu quocunque movetur, si modo vis centripeta sumatur ea quæ restat post subtractionem vis totius agentis in corpus illud alterum.


Scholium (1.) Quoniam æquabilis arearum descriptio Index est Centri quod vis illa respicit qua corpus afficitur, corpus autem a vi ad hoc centrum tendente retinetur in curvilinea sua orbita: Et quoniam motus omnis circularis seu in orbem rediens recte dicitur circa centrum illud fieri cujus vi corpus de motu rectilineo retrahitur, & in orbita sua perpetuo retinetur: In sequentibus usurpabimus æquabilem illam arearum descriptionem, ut indicem Centri, circum quod motus omnis circularis, seu in orbem rediens in spatiis liberis peragitur.

Scholium (2.) Spectat propositio hæc 17^a & ejusdem corollaria ad verum mundi systema intelligendum. Quamquam enim motus omnes planetarii ex motu per tangentes projectili semel impresso, & vi centripeta perpetuo urgente sint derivandi, attamen centra illa ad quæ vires centripetæ tendunt & ipsa moventur una cum corporibus circumvolventibus. Sic sane circulationes Circum Saturniorum, Circum Jovialium, & Lunæ ex motu projectili singulis semel impresso, & ex vi centripeta in Saturni, Jovis & Telluris centra respective tendente oriuntur; licet ipsa interea centralia illa corpora cum satellitio suo universo moveantur una circa Solem, commune omnium planetarum primariorum centrum.

XVIII. *Problema.* Data tribus quibuscunque in locis velocitate qua corpus figuram datam, viribus ad commune aliquod punctum seu centrum tendentibus, describit centrum illud invenire.

Figuram descriptam tangant tres rectæ PT , TQV , VR in punctis totidem P , Q , R . concurrentes in T , & V .

Ad tangentes in punctis contractuum erigantur perpendiculara PA . QB . RC . velocitatibus corporis in punctis illis P . Q . R . a quibus eriguntur reciproce proportionalia. Id est, ita ut sit PA , ad QB , ut velocitas in Q , ad velocitatem in P . & QB , ad RC , ut velocitas in R , ad velocitatem in Q . Ad perpendicularorum terminos A . B . C . ad angulos rectos seu tangentibus parallelæ ducantur AD . DBE . EC . concurrentes in D & E .



Ducantur TD & VE in puncto S se interfecantes. A puncto E sint Er & Ev perpendicularis CR & BQ respective parallelæ. Et pariter a puncto D sint Dp & Dx perpendicularis AP & BQ respective parallelæ. Denique a puncto S sint Ss . St . Sq . iisdem perpendicularis respective parallelæ seu tangentibus perpendicularæ. punctum S erit centrum quæsitum.

Cum enim corpus revolvens, & in punctis P & Q successive, positum radiis ad centrum virium ductis æquali tempore æquales áreas, seu triangula minima æqualia semper describat; cum etiam triangula illa simul descripta sint ut velocitates

Per Prop. 15.
prius.

Scholl. post I,
41. Elem.

tes

tes five lineæ simul descriptæ in P & Q ductæ respective in perpendiculara à centro in tangentes PT QT dimissa. Erunt itaque perpendiculara illa ut velocitates reciproce, adeoque ut perpendiculara Dp & Dx directe. Sed propter triangula similia TDx TSi & TDp TSq . Ut est Dp ad Dx , ita est perpendicularum Sq ad perpendicularum Si . Et pari cum prioribus jure erit ut Ev ad Er , ita perpendicularum Si ad perpendicularum Ss . Et cum hoc in solo linearum TD & VE concursu S utrinque potest esse verum, quod necessarium est in hoc casu, liquet punctum S esse virium centripetarum centrum. *Q. E. D.*

Jan. 29°. 1704.

XIV.

XIX. **S**I Corpus moveatur in Ellipsi circa ejusdem centrum, erit vis centripeta directe ut distantia corporis ab eodem centro. Est enim curvatura ubique in arcubus similibus in quadruplicata ratione distantia: velocitas autem in ejusdem distantia ratione simplici inverse. Unde curvatura dato tempore descripta erit in duplicata ratione distantia, & velocitas in ratione simplici distantia inverse, & vis centripeta, excessu rationis curvaturæ supra velocitatis rationem in hoc casu æstimanda, erit directe ut distantia. *Q. E. D.*

Corollarium. Si Ellipsis centro in infinitum abeunte vertatur in Parabolam, corpus movebitur in hac parabola, & vis ad centrum infinite distans jam tendens evadet æqualis. Hoc est Theorema Galilæi, à nobis alia methodo demonstratum supra. Et si conicæ sectio Parabolica, inclinatione plani ad conum sectum *Prop. 8.* mutata vertatur in Hyperbolam, movebitur corpus circa Centrum in hujus perimetro, vi centripeta in cen-

trifugam versa, & vi illa centrifuga majori existente in minori distantia, minori vero in majori distantia; uti virium adeo contrariarum ratio omnino exigit.

Coroll. (2.) Si vis centripeta corporis cujuscvis attractivi sit directe ut distantia, ita ut in majori distantia attractio sit in eadem ratione etiam major, & in minori minor, Corpus movebitur in Ellipsi circa corpus centrale in ipso ellipsicos centro positum, aut forte in circulo in quem ellipsis intrare potest: scilicet pro tangentium situ, de quo prius, corpus aut in circulo aut in ellipsi movebitur.

Coroll. (3.) Et æqualia erunt revolutionum in figuris universis circa centrum idem factarum periodica tempora; uti olim quoque ostendimus.

XX. Si corpus moveatur in spirali, secante radios omnes in eodem angulo, vis centripeta erit reciproce ut cubus distantia a spiralis centro. Est enim in harum spiralarum diversis partibus curvatura arcuum similium æqualis, æqualium vero reciproce ut distantia. Sed dum corpora in spiralibus revolvunt erit ubique celeritas reciproce ut distantia, & inde etiam curvatura, dato tempore, reciproce in duplicata distantia ratione. Ergo vis centripeta ex curvaturæ & celeritatis rationibus conjunctis oriunda erit in triplicata distantia ratione reciproce, sive reciproce ut cubus distantia.

Corollarium. Si corporis cujuscvis attractivi vires sint in triplicata distantiarum a centro suo ratione reciproce, corpora omnia quorum motuum projectilium directiones non sunt ad radios perpendiculares cum velocitate quacunque exeuntia movebuntur in spirali, secante radios omnes in angulo dato: & si corpus primum ascendat, ascendet in infinitum; si descendat descendet ad centrum, temporis spatio ex areæ spiralis quantitate facile inveniendi.

Scholium. Si qua esset curva regularis cujus curvatura a quovis puncto centrali esset in duplicata distantia

stantiæ ratione directe, corpus quodvis in ea revolveret, si modo vires centripetæ ad punctum centrale essent inter se in ipsa distantiarum ratione reciproca. Nam si curvatura in æqualibus angulis sit ex hypothesi in duplicata distantiae ratione directe, erit curvatura dato tempore semper sibi æqualis in distantis omnibus; & cum velocitas sit semper ut distantia reciproce, erunt vires centripetæ, ex curvatura & velocitate conjunctis æstimandæ, ut distantia reciproce, & corpus in ista curva movebitur. *Q. E. D.*

Sic etiam, si qua esset curva regularis cujus curvatura à quovis puncto centrali esset in triplicata distantiae ratione directe, quodvis corpus in ea revolveret, si modo vires centripetæ ad punctum centrale essent in omnibus distantis æquales. Nam si curvatura in æqualibus angulis sit ex hypothesi in triplicata ratione distantiae directe, erit curvatura dato tempore semper ut distantia directe: & cum velocitas sit semper ut distantia reciproce, vires centripetæ ob æqualitatem rationum directæ & reciprocæ erunt ubique æquales, & corpus in ista curva movebitur.

XXI. Si corpus moveatur in Ellipfi circa ejusdem focum, vis centripeta erit ubique in duplicata ratione distantiae ab eodem foco reciproce.

Est enim uti olim notavimus in ellipsum & parabolæ & hyperbolæ partibus diversis quoad focum curvatura ubique in arcubus similibus directe ut distantia, & in partibus æqualibus semper æqualis. Est autem velocitas ubique in distantiae ratione reciproca. ergo in arcubus simul descriptis curvatura est reciproce ut distantia à foco, atque in eadem ratione reciproca est etiam celeritas: unde vis centripeta ex curvaturæ & celeritatis rationibus conjunctis æstimanda erit in duplicata ratione distantiae à foco reciproce. *Q. E. D.*

Coroll. (I.) Si corporis cujusvis attractivi vires sint in duplicata ratione distantiarum à centro suo reciproce, corpora omnia, saltem quorum motuum projectilium directio-

nes non sunt ad radios perpendiculares, cum quacun-
que etiam motus velocitate, movebuntur in Ellipsis, qua-
rum focos, hoc est, focorum alterum corpus centrale
occupabit, nisi motuum projectilium tanta sit velocitas
ut Ellipses in Parabolas aut etiam hyperbolas convertere
possit.

Coroll. (2.) Si corpus ex lege vis centripetæ hic af-
signata in Ellipsi circa focorum alterum gyretur, erit
tempus periodicum corporis in Ellipsi moventis, ad
tempus periodicum corporis in circulo, cujus radius est
inter distantiam maximam & minimam intermedius, sive
semiaxi majori æqualis in ratione æqualitatis. Cum enim
curvaturæ absoluta Ellipseos integra sit circuli curva-
turæ æqualis, & summa velocitatum absolutarum in pa-
ribus arcibus supra & infra mediocrem distantiam sit
semper ob motum in æquali arcu æqualiter mutatum
velocitati in circulo mediocri æqualis, liquet vim cen-
tripetam esse æqualem, & proinde tempora periodica
quoque esse inter se æqualia. Vel sic potius demon-
strabimus. Ponatur eadem in mediocri distantia velo-
citas absoluta, quæ est in circulo eadem semidiametro
descripto, erit tum ex Conicis angulus sive area descripta
in circulo, ad angulum sive aream in Ellipsi simul de-
scriptam, ut semiaxis major, ad minorem; & in eadem quo-
que ratione, ex Conicis, est area integra circuli ad aream
integram Ellipseos. Unde propter æquabilem arearum
descriptionem utrinque, erunt & utrinque tempora pe-
riodica inter se æqualia.

Coroll. (3.) Sunt ergo tempora periodica in Ellipsi-
bus inter se in ratione axium majorum sequialtera, æque
ac in circulis.

Coroll. (4.) Proinde dato axe majore, datur una tem-
pus periodicum.


Coroll. (5.) Cum eadem sit curvaturæ & celeritatis
ratio in Parabola atque Hyperbola respectu focorum
quam modo in Ellipsi observavimus, corpus pari ac prius
jure ex viribus in ratione distantiae duplicata reciproce
mutatis

mutatis movebitur in Parabola aut Hyperbola circa focum.

Scholium. Peractis jam faciliori methodo fundamenta-
lium Newtoni Propositionum demonstrationibus; liceat
mihi, coronidis loco, aliam Propositionis postremæ om-
nium longe nobilissimæ, & ad Systema mundanum maxi-
me accommodatæ demonstrationem, ad rigorem geome-
tricum magis compositam, qualem nempe eam è charta
MS Ipsius Newtoni olim acceperam, hic loci at-
texere.

Propositio. Si corpus quodvis versus Ellipseos focum
attrahatur, & si attractionis quantitas & ratio sit hujus-
modi ut corpus in perimetro elliptica revolvere efficiant,
erit attractio in distantia minima, ad attractionem in
distantia maxima, ad majorem nempe axem utraque, ut
quadrata distantiarum corporis in istis punctis ab Ellip-
seos foco reciproce.

Sit $AECD$ Ellipsis: A & C axis majoris extremi-
tates: F focus iste quo tendit vis centripeta: & AFE



CFD areæ illæ quas corpus radiis ad focum ductis æ-
quali temporis spatio describit. Sunt au-
tem areæ illæ inter se æquales, utpote
temporibus æqualibus proportionales,

Prop. 15. prim.

Hoc

Hoc est, rectangula $\frac{1}{2} AF \times AE$ & $\frac{1}{2} FC \times DC$,

Schol. post. I. 41.
Elem.

VI. 14. *Elem.*

sunt inter se æqualia; ex hypothesi
nimirum quod arcus AE & CD adeo
exigui sumuntur ut pro lineis rectis
tuto haberi possint. Ergo AE est ad
 CD ut FC ad FA . Supponamus jam lineas rectas AM &
 CN ellipsin in punctis A & C tangere, & lineolas EM &
 DN [in figura supplendas] esse à punctis E & D in tan-
gentes illas perpendiculares. Quoniam curvatura Ellip-
sium (si nempe eandem in genere spectemus, & in arcibus
æqualibus quoad ejusdem centrum) sit ad utramque ex-
tremitatem æqualis, Perpendicularia illa EM & DN erunt
inter se ut arcuum AE & CD quadrata.

Coroll. 4. Prop. 2.
supra.

Est ergo EM ad DN ut FC quadra-
tum, ad FA quadratum. Eodem au-
tem tempore quo corpus ex attractionis vi describet arcus
ellipticos AE & CD , ab A ad E , & à C ad D ; idem
absque illa attractione tangentes AM & CN arcibus
æquales descripsisset. Sunt ergo attractionum vires quæ
corpus è tangentibus ad curvam, nempe ab M ad E ,
& ab N ad D trahunt, & inter se ut lineolæ illæ, an-
gulorum contactus subtendentes, eodem tempore genitæ
 ME & ND . Est ergo Attractio in puncto A , ad
attractionem in puncto C , ut lineola ME , ad lineolam
 ND . Hoc est, ex jam demonstratis, ut FC quadra-
tum ad FA quadratum. Sive ut distantiarum qua-
drata reciproce. *Q. E. D.*

Hæc demonstratio solas respicit ellipsium extremita-
tes; quæ sequuntur eandem propositionem quibuscun-
que ellipsium partibus applicabunt.

Lemma. Si linea recta in puncto quocunque ellipsin
tangat, & si linea tangenti isti parallela ducatur per El-
lipseos centrum, quæ lineam tertiam per contactus pun-
ctum & focorum alterutrum ductam intersecet, pars li-
neæ istius tertiæ inter contactum & intersectionem po-
sita erit axis majoris semissi æqualis.

Sit $APCQ$ Ellipsis: AC axis major: O centrum:

Ff

Ff foci: P contactus punctum: OG linea tangenti parallela: & PG lineæ *Vid. Fig. p. 137.*

FP pars inter contactum & tangenti parallela. Dico quod PG est ipsi CO , five axis majoris semiffi æqualis.

Junge enim puncta Pf : & duc lineam fH ipsi OG parallelam. Et quoniam lineæ Ff & FH bisectione sunt in punctis O & G , erit AC summæ linearum PF & Pf , hoc est, summæ linearum PF & ex Conicis PH , five duplæ lineæ PG æqualis. Est ergo semiffis AC , hoc est CO , lineæ PG æqualis. *Q. E. D.*

Lemma Alterum. Linea recta quævis per Ellipseos focum alterutrum ad peripheriam ducta, se habet ad Diametrum Ellipseos lineæ eidem parallelam, ut eadem Diameter se habet ad majorem Ellipseos axem.

Sit $APCQ$ Ellipsis: AC axis major: $F. f.$ foci: O centrum: PQ linea quævis per focum F ducta: VOS diameter Ellipseos lineæ PQ parallela. Erunt $PQ. VS. AC ::$. *Vid. Fig. p. 137.*


Ducatur enim fp ipsi QFP parallela; quæ etiam Ellipseos perimetrum secet in puncto p . puncta $P. p$ junge linea Pp , lineam VS in puncto T secante. Duc lineam PR , quæ nempe Ellipsin in puncto P contingat, & diametrum VS productam in R secet. Erunt jam ex conicis $OT : OS : OR ::$. Est autem OT ipsarum FP & Fp , five FP & FQ semisumma: atque adeo OT duplicata ipsi PQ est æqualis. Est etiam OS duplicata ipsi VS æqualis. Et per Lemma jam demonstratum OR five PG duplicata ipsi AC æqualis est. Quocirca $PQ. VS. AC ::$. *Q. E. D.*

Corollarium. $AC \times PQ = VSq = 4OSq$.

Lemma Tertium. Si ab alterutro Ellipseos foco ad quodvis in ejus perimetro punctum ducatur recta linea FP : & ad punctum P Ellipseos tangens Px ; Et si isti contactus angulo subtendatur lineola xy lineæ PQ parallela; rectangulum subtensæ lineolæ, & ejusdem lineæ ad remotiorem perimetri partem productæ, est ad rectangulum majoris Ellipseos axis, & primæ lineæ ad

ad Ellipseos etiam perimetrum productæ, ut distantia perpendicularis inter subtenfam lineolam & lineam primam quadratum, ad axis Ellipseos minoris quadratum.

Est *AKBL* Ellipsis : *AB* axis major : *KL* axis minor : *C* centrum : *F, f* foci : *P* punctum quodvis in perimetro designatum : *FP* linea prima, per focum nempe *F* ad *P* ducta : *PQ* linea eadem ad Ellipsin producta : *Px* tangens : *xy* lineola angulo contactus subtenfa : *xI* eadem subtenfa ad remotiorem perimetri partem producta : *yz* distantia perpendicularis subtenfæ & lineæ primæ. Dico quod rectangulum *yzI*, est ad rectangulum *AB × PQ*, ut est *yz* quadratum,



ad *KL* quadratum. Est enim *VS* Ellipseos diameter lineæ primæ parallela, & *GH* diameter altera tangenti *Sx* parallela, sive diameter diametro priori conjugata. Erit tum ex Conicis rectangulum *yzI*, ad *Px* quadratum, sive tangents quadratum, ut rectangulum *SCV*, ad rectangulum *GCH*: hoc est, ut *SV* quadratum, ad *GH* quadratum: Sunt quoque ex Conicis parallelogramma omnia circa diametros Ellipseos conjugatas descripta inter se æqualia. Unde rectangulum duplæ *PE* in *GH*, æquale erit rectangulo
axium

axium AB in KL . Et per consequens GH , est ad KL , ut AB , hoc VI. 14. *Elem.* est, per Lemma primum nuperrime demonstratum, dupla PD , ad duplam PE : sive, ob similitudinem triangulorum yzP & PED , ubi nempe punctum y cum puncto P coalescit, ut Px ad yz . Est ergo Px , ad GH , ut yz , ad KL : atque adeo Px quadratum, ad GH quadratum, ut yz quadratum, ad KL quadratum. VI. 22. *Elem.* Est autem ex jam assumptis Px quadratum, ad GH quadratum, ut rectangulum yxI , ad SV quadratum: & SV quadratum (per Lemmatum secundi corollarium) est æquale rectangulo AC in PQ . Est ergo rectangulum yxI , ad rectangulum AC in PQ , ut yz quadratum, ad KL quadratum. *Q. E. D.*

Coroll. (1.) Si detur yz , & per consequens yz quadratum, dabitur etiam yx quadratum, & per consequens yx . Hoc est, si distantia perpendicularis minima puncti in perimetro elliptica sumpti à linea per focus detur, in diversis quibuscunque à foco isto distantibus; dabitur lineola evanescens angulo contactus ibidem subtenfa. Nam ex modo demonstratis, cum yz ex hypothesi detur, & detur etiam KL ; & cum ut rectangulum yx in xI , ad rectangulum AC in PQ , ita est yz quadratum, ad KL quadratum: Et, xI linea in lineam QP ultimo desinente, erit ut $yx \times PQ$, ad $AC \times PQ$, ita yz quadratum, ad KL quadratum. Sed ut $yx \times PQ$, ad $AC \times PQ$, ita est yx , ad AC . Est ergo ut yx , ad AC , ita yz quadratum, ad KL quadratum: VI. 1. *Elem.* & invertendo, ut KL quadratum, ad yz quadratum, ita est AC ad yx ; cum ergo reliqua dentur, dabitur & subtenfa yx . *Q. E. D.*

Coroll. (2.) Liceat & mihi hic loci inferre quod curvatura Ellipseos quoad focus est ubique in ipsa distantia à foco ratione directe. Cum enim yz subtenfa e-

vanc-

vanescens anguli contactus in data distantia perpendiculari in omnibus à foco distantis sit eadem, erit yx in distantis radio FP proportionalibus in angulis æqualibus, in duplicata radiorum ratione directe. A qua ra-

tionem duplicatam dempta, ut oportet, radii ratione, relinquetur curvaturæ ratio in diversis distantis; eadem nempe

cum directa radiorum ratione. Quanquam itaque diversorum circularum in angulis iisdem curvatura circa centrum sit ubique æqualis; in Ellipsis tamen è contra in diversis à foco distantis continuo mutatur, & in majori distantia evadit major, in minori minor; atque id in ipsa distantia auctæ aut diminutæ ratione. Uti prius annotavimus.

Coroll. (3.) Liceat quoque & mihi utrumque corollarium ad Parabolam & Hyperbolam traducere. Quæ enim de Ellipsi semel demonstrantur, etiam & Parabolis congruunt; propter Ellipsoidum infinite oblongarum & Parabolarum coincidentiam. Ea etiam quæ Ellipsis & Parabolis congruunt symptomata, ob mutuam omnium sectionum conicarum congruentiam, mutatis rite mutandis sunt Hyperbolæ applicanda. Quare asserere jam licet, & subtenfam angulo contactus evanescentem ad æquales à radio distantias perpendiculares, quoad omnes à foco distantias, in quavis sectione Conica esse sibi semper æqualem; & curvaturam proinde in angulis æqualibus esse in ratione distantiarum directæ.

Febr. 5. 1704.


XV.

Scholium. SIMILI fere ratiocinio quo Newtonus ad subtenfarum evanescentium rationes quoad Ellipseos focum investigandas usus est, etiam & mihi liceat uti ad rationes earundem subtenfarum in Ellipsis quoad

quoad centrum determinandas. Scilicet per ejusdem Newtoni demonstrata. Est yz quadratum, in SC quadratum, applicatum ad yx lineam; æquale duplo KC *Princip. Math. Lib. 1. Prop. 10.* quadrato in CB quadratum ad SC lineam applicato; five $yzq \times SC \text{ cub.} = 2KCq \times CBq \times yx$. Si datur itaque zy , & per consequens zy quadratum, ob datum etiam solidum $2KCq \times CBq$. Erit yx ubique ut SC cubus, five in triplicata distantie ratione directe. Si itaque, ut oportet, zy sumatur ut distantia, ob subtenfam anguli contactus in ratione arcus duplicata, erit yx subtenfa in ratione distantie quintuplicata; five, dempta distantie ratione, erit ipsa curvatura etiamnum in ratione distantie quadruplicata directe; five ut quadrato-quadratum distantie directe.

Propositio altera. Si corpus ad Ellipseos focum alterum attrahatur, & ex attractione ista in perimetro elliptica revolvat, attractionis vires erunt ubique ut distantiarum ab eodem foco quadrata reciproce.

Est P corporis in Ellipsi revolvantis quovis temporis



momento locus, & PX Ellipseos in puncto isto Tangens; per quam tangentem corpus uniformi motu pergeret, si nulla

nulla attractione afficeretur : Sit punctum X locus quo corpus dato quovis temporis spatio quam minimo vi sola projectili pertingeret : & sit γ locus in perimetro Ellipseos quo ex viribus conjunctis eodem dato tempore revera pertingit. Dividatur tempus in partes æquales quam minimas, ut quasi momenta physica haberi possint : Agat etiam attractio non perpetuo, sed per intervalla, etiam quam minima ; semel nimirum quovis momento physico ineunte ; ita ut prima attractionis vis ad punctum P , secunda ad γ agat, & ita paribus semper intervallis in perpetuum : Ita ut corpus per chordam arcus $P\gamma$, & deinde per chordam arcus sequentis, & ita deinceps moveatur. Quoniam vero Attractio in puncto P versus punctum F dirigitur, & corpus à tangente PX in chordam $P\gamma$ detrahit ; lineola $X\gamma$ à vi attractionis in P genita erit vi isti proportionalis, & ipsius directionis, hoc est, lineæ PF parallela. Produc lineas $X\gamma$ & PF ad perimetrum

ellipticam in I & Q : jungè puncta

Vid. Fig. p. 143.

F, γ : & ipsi FP demittatur perpendicularis γZ . Sit AB Ellipseos axis major, & KL axis minor. Et per Lemma tertium erit rectangulum γXI , ad rectangulum $AB \times PQ$, ut est γZ quadratum, ad KL quadratum. Et per consequens γX linea æquabitur solido ex AB , in PQ , in γZ quadratum, ad solidum ex XI , in KL quadratum applicato. Eodem modo si $p\gamma$ sit chorda arcus alterius elliptici, quam corpus dato temporis momento physico priori æquali describit ; & px Ellipseos in puncto p tangens ; & xy anguli contactus evanescentis subtenfa, ipsi pF parallela ; & si pF & xy productæ Ellipseos perimetrum in q & i secent ; & à puncto y in ipsam pF demittatur perpendicularis yz , subtenfa yx pari ac prius jure æquabitur solido ex AB , in pq , in yz quadratum, ad solidum ex xi in KL quadratum applicato : hoc est, ob immutabiles & datas

AB

AB & KL , ut $\frac{PQ}{XI} YZ$ quadratum, ad $\frac{Pq}{xi} yz$ quadratum. Sed quoniam lineæ PT , py à corpore revolvente æqualibus temporibus describuntur, areæ descriptæ, sive triangula PTF pyF sunt æqualia: atque adeo rectangula eorum triangulorum dupla $PF \times YZ$, & $pF \times yz$ sunt æqualia: & YZ , est ad yz , ut pF , ad PF : & per consequens $\frac{PQ}{XI} YZ$ quadratum, est ad $\frac{Pq}{xi} yz$ quadratum, ut est $\frac{PQ}{XI} pF$ quadratum, ad $\frac{Pq}{xi} pF$ quadratum. Est ergo YX , ad yx , ut $\frac{PQ}{XI} pF$ quadratum, ad $\frac{Pq}{xi} pF$ quadratum; hoc est, attractio in P , est ad attractionem in p , ut $\frac{PQ}{XI} pF$ quadratum, ad $\frac{Pq}{xi} pF$ quadratum. Ponamus jam tempora æqualia, quibus corpus subtenfas PT & py describit, esse infinite parva; ita ut attractio fiat continua; & corpus in ipsa Ellipseos perimetro revolvat. Coalescent in hoc casu lineæ PQ & XI , & illæ etiam pq & xi , æquales jam factæ; atque proinde quantitates $\frac{PQ}{XI} pF$ quadratum, & $\frac{Pq}{xi} pF$ quadratum, evadent pF quadratum, & PF quadratum. Erit itaque attractio in P , sive lineola XY , ad attractionem in p , sive lineolam xy , ut est pF quadratum, ad PF quadratum; sive ut distantiarum à foco quadrata reciproce. *Q.E.D.*

Et eadem propositio ad Parabolam, utpote Ellipsium extremam, pari jure est applicanda. Nec non ad Hyperbolam etiam extendi debet: sed cum nulla corpora cœlestia nobis cognita in Hyperbolis gyrentur, de peculiari demonstratione eisdem applicanda minus hoc in loco solliciti sumus. Qui eam desiderant apud New-

XXII. Corporis in linea Parabolica moventis circa corpus attractivum in foco positum, cujus vires sunt in ratione duplicata distantiarum reciproca, velocitas est ubique, ad velocitatem corporis revolvantis in circulo ad eandem distantiam, in subduplicata numeri binarii ad unitatem ratione; sive ut Diameter quadrati ad latus, hoc est, in ratione 10 ad 7 fere.

Cum enim distantia corporis à centrali corpore ponatur utrinque eadem, erit vis attractionis sive lineola angulo contactus utrinque subtenfa, dato quovis temporis spatio, utrinque æqualis. Et velocitas in Parabola, erit ad velocitatem in Circulo, ut Parabolæ tangens, ad Circuli tangentem; ubi nempe subtenfa est utrinque æqualis. Est vero tangens minima in Parabola ex conicis æqualis rectanguli subtenfæ in latus rectum verticis cujusque ductæ radici quadraticæ. Et tangens

III. 36. *Elem.* minima in circulo æqualis rectanguli subtenfæ in circuli diametrum ductæ radici quadraticæ. Sed ob datam utrinque subtenfam, & verticis Parabolæ latus rectum ex conicis circuli diametri duplum; sive ut 2 ad 1. erit rectangulum prius posterioris etiam duplum, vel ut 2 ad 1. unde tangentes, sive radices quadraticæ erunt inter se ut radix quadratica numeri binarii, ad unitatem; sive ut diameter quadrati ad latus. Hoc est, fere ut 10 ad 7. *Q.E.D.*

Coroll. (1.) Cum itaque velocitas in Parabola, sit ad velocitatem in circulo, ad eandem à foco distantiam, in ratione data; nimirum $\sqrt{2}$ ad 1. & cum velocitas in diversis circulis sit in subduplicata radiorum ratione reciproca, erit quoque velocitas corporis parabolam describentis in diversis à foco distantibus in subduplicata distantiarum ratione reciproca.

Coroll. (2.) Velocitas corporis in Ellipsi gyrantis est minor quam in Parabola ad eandem distantiam à foco; & velocitas corporis in Hyperbola gyrantis est major quam in Parabola ad eandem distantiam: Unde velocitas in Ellipsi, erit ad velocitatem in Circulo ad eandem distantiam

Vid. pag. 23. prius.

stantiam, in minore ratione quam $\sqrt{2}$ ad 1. & in Hyperbola velocitas erit, ad velocitatem in circulo, ad eandem distantiam, in maiore ratione quam $\sqrt{2}$ ad 1.

Coroll. (3.) Cognita itaque corporis ad distantiam quamvis à focò velocitate, cognoscetur trajectoriæ figura; utrum illa nimirum sit Circulus, Ellipsis, Parabola, vel Hyperbola. Et ex accuratiore calculo si sit Ellipsis, vel Hyperbola, quænam sit earum figurarum species quam corpus revolvens describere debeat.

Coroll. (4.) Ex novissime demonstratis consequens est quod si corpus quodvis, secundum lineam quatinvis rectam, (nisi ea ad ipsum focum directe tendat,) quacunque cum velocitate exeat, & vi centripeta quæ sit reciproce proportionalis quadrato distantia à centrò simul agitur, movebitur hoc corpus in aliqua sectionum conicarum, umbilicum habente in centro virium. Nimirum, si linea secundum quam corporis motus projectilis tendit sit radio perpendicularis, & velocitas sit attractioni æquipollens; hoc est, si velocitas dato tempore quovis minimo sit rectanguli ex subtensa anguli contactus istius circuli, vel sinu verso, in ejusdem circuli diametrum ducto radici quadraticæ æqualis; movebitur corpus in circulo. Si autem velocitas sit attractioni æquipollens, & linea directionis ad radium obliqua, corpus movebitur in Ellipsi, cujus tempus periodicum erit tempori periodico circuli, in quem migrare potuit, æquale. Sin velocitas sit velocitate prius assignata aut major aut minor, ita tamen ubi major est, ut ultra rationem radici quadraticæ numeri binarii ad unitatem non augeatur, corpus movebitur in Ellipsi, circulo in priore casu majore, in posteriore minore. Quod si velocitas sit, ad velocitatem in circulo, ut radix quadratica numeri binarii, ad unitatem, corpus movebitur in Parabola. Si denique velocitas sit adhuc major, corpus in Hyperbola movebitur.

XXIII. *Probl.* Posito quod vis centripeta sit reciproce

proportionalis quadrato distantiae locorum à centro, tempora definire quibus corpora rectà cadendo centrum attingent.

Eodem axe principali, five diametro transversa, AB , descriptæ ponantur Ellipsium utrinque extremæ, circulus nimirum, ADB , & recta linea AB . Ex æqualitate hactenus diametrorum transversarum erunt tempora

periodica utrinque æqualia; & proinde
Coroll. 4. post semirevolutionum tempora erunt sibi
Prop. 21. prius. invicem æqualia. Hoc est tempus de-

scensus per diametrum, æquale tempori revolutionis per semicircumferentiam. Cum itaque ex prius demonstratis facile sit tempus istud semirevolutionis determinare, exinde quoque facile fuerit tempus de-

scensus directi definire. Exempli gratia. Tempus semiperiodi Lunaris continet minuta prima

19.67115. Ubi nempe

ejus Orbitæ diameter est

distantiæ suæ mediocris

à terræ centro dupla.

Et est tempus hoc, ad

tempus semiperiodi ad

distantiam dimidiam,

quod nunc quærimus,

in sesquialtera ratione

distantiarum; hoc est,

fere ut 2828 ad

1000. five ut 19.67115


ad 6.95515. Unde tempus

semiperiodi in distantia

prioris dimidia,

(ubi nempe distantia integra Lunæ five orbitæ semidiameter circuli diameter evadit,) hoc est tempus corporis ad Lunæ distantiam positi, & directe cadentis in

terræ



æ centrum, erit minutorum primorum 6.95515.
 e dierum 4. horarum 19. minutorum primorum 55.
 secundorum 30. Et hoc temporis spatio ipsa Luna,
 notus ejus fisteretur, & tellus maneret immobili, ab
 ita sua ad telluris centrum caderet. Et simili ratio-
 io tempus casus cujusvis Planetæ à motu suo cessan-
 & deorsum in Centrum cadentis satis facile poterit de-
 minari; uti in proximo Scholio fiet.

Scholium. Cum itaque tempus cujusque Planetæ se-
 periodi, diminutum in ratione 1000 ad 2828, sit tem-
 pus casus directi in centrum, sequens tabella, eo fun-
 damento innixa, planetarum omnium in centra sua caden-
 ti tempora exhibebit.

		dier.	hor.
Mercurius,	} in Solem ca- deret spatio	15	: 13
Venus,		39	: 17
Terra,		64	: 14
Mars,		121	: 11
Jupiter,		767	: 3
Saturnus,		1900	: 4

Planetarum Circumjovialium

Intimus,	} in Jovem ca- deret spatio	00	: 7
Secundus,		00	: 15
Tertius,		1	: 6
Quartus,		2	: 23

Planetarum Circumsaturniorum

Intimus,	} In Saturnum caderet spatio	0	: 8
Secundus,		0	: 12
Tertius,		0	: 19
Quartus,		2	: 20
Quintus,		14	: 1
Luna in Terram caderet spatio		4	: 20

Febr. 19. 1707.

XVI.

XXIV. **P**ROBLEMA. Posito quod vis centripeta sit reciproce proportionalis quadrato distantie locorum à centro virium, tempora definire quibus corpora rectè deorsum cadendo spatia quævis data describant.

Si corpus non cadat perpendiculariter, describet id sectionem aliquam conicam, cujus umbilicus inferior (propter motus projectilis descensum hic suppositum) congruet cum centro virium, uti ex antedictis constat. Sit sectio illa conica

Prop. 21. prius.

Id. Fig. p. 148.

Ellipsis $ARPB$. ubi minimum projectionis velocitas, est ad velocitatem qua corpus in circulo ad eandem distantiam revolvere posset, in minore

Coroll. 2. Prop. 22. prius.

ratione quam est radix quadratica numeri binarii ad unitatem. Sit hujus Ellipseos umbilicus inferior S . & super hujusce Ellipseos axe majore AB describatur semicirculus ADB . Et per corpus decidens transeat recta DPC perpendicularis ad axem, actisque ad umbilicum DS & PS ; erit area ASD , area ASP , atque adeo tempori proportionalis. Est enim ut CD , ad CP , ita area trianguli SCD , ad aream trianguli SCP . Est etiam ex Conicis ut eadem CD , ad eandem CP , ita area circularis CAD , ad aream Ellipticam CAP . Et proinde, erit priorum arearum summa ASD ad summam posterorum ASP , ut CD , ad CP ;

VI. 1. Elem.

sive ut axis major Ellipseos, ad eundem axem minorem: atque adeo in ratione data, tempori proportionali. Manente jam Ellipseos axe majore, sive circuli diametro AB , minuatür perpetuo Ellipseos latitudo, sive axis minor; & semper, ex vi jam demonstratorum, manebit area ASD tempori proportionalis: minuatür latitudo illa in infinitum; & orbe APB elliptico jam coincidente cum axe AB : & umbi-

umbilico S cum axis termino B : descendet corpus in recta AC ; & area ABD evadet hoc etiam in casu tempore proportionalis. Unde si linea recta ut CD axi perpendicularis ita sibi parallelas semper deorsum moveri supponatur, ut area ABD sit ubique tempore proportionalis, punctum C locum determinabit, ad quem eodem tempore dato corpus deorsum in centrum cadens est perventurum.

Exempligratia, Sit AB Lunæ à centro telluris distantia mediocris pedum, ut prius, circiter 1.257.696.000.

Requiritur ut Lunæ recta descendens locum die casus primo exeunte determinemus. Notum est ex olim demonstratis quod si motus Lunæ cessaret, caderet illa spatio unius minuti primi pedes Anglicos 1611 circiter. Unde erit area circularis ABd pedum quadratorum quasi 89.483.812.704.000 [æqualis nimirum rectangulo cd in $\frac{1}{2} AB$ ducto.]

Coroll. 7. post
Prop. 2. prius.

Unde cum diei integro insunt minuta prima 1440 erit area circularis ABD diei integro debita pedum quadratorum quasi 128.856.690.293.760.000.

Coroll. post Prop.
5. Selec. ex Archimed.

Est vero tempus datum minuta prima 1440. Si itaque punctum D definire possimus, ita ut area ABD sit pedum quadratorum 128.856.690.293.760.000 si-

nus arcus AD , hoc est DC , lineam eo tempore descriptam AC determinabit, utpote ejusdem arcus finem verum. Area autem ista æquatur rectangulis $\frac{1}{2} CD \times OB$ & $\frac{1}{2} AD \times OB$ sive rectangulo $\frac{1}{2} CD + \frac{1}{2} AD \times OB$. Si itaque area data per semidiametrum OB dividatur, quotus exhibebit ipsarum CD & AD semissim. Ex sinuum itaque tabula querendus est arcus ille, cujus semissis semissi sinus sui superadditus quotum istum est exhibiturus. Est vero ex calculo quotus iste pedum 204.909.120, sive ad circulum cujus radius est partium

10.000.000. reducendo, est partium illarum 3.258.484.

Et si apud sinuum tabulas sinum ad gradum undevigesimum, & istius gradus scrupulum quinquagesimum exeuntem respiciamus, sinus unius minuti primi per minuta 1130 multiplicatus 2909×1130 , partes dabit 3.287.170, arcui nimirum *AD* graduum 18 & scrupulorum primorum 50 congruas; cujus arcus sinus est partium 3.228.165, & utriusque summa erit partium 6.515.335 cujus semissis 3.257.667. cum numero priore 3.258.484 satis accurate congruit. Est ergo linea

CD sinus graduum 18, & minutorum primorum 50, & lineae eo temporis spatio descripta est istius arcus sinus versus longus nimirum partes 535.382, hoc est, reducendo ad semidiametrum orbitæ Lunaræ, longus pedes 33.667.390, hoc est, milliaria Anglica 6.376 cum pedibus 2.110.

Et eodem modo tempus definetur quo Luna ad ipsum telluris centrum esset descensura. Sed quoniam illud ex alia computandi ratione eaque faciliori olim deduximus, calculo isti impræsentiarum supersedebimus.

Corollarium. Si figura *RPB* non sit Ellipsis, sed Hyperbola, vel Parabola, res eodem modo per Hyperbolam rectangulam, vel parabolam quamvis conficietur; sed ob praxin difficiliorem, & minus necessariam eandem mittemus.

Coroll. (2.) Tempora quibus corpora quævis in centrum ex distantis diversis caderent, sunt inter se in sesquialtera distantiarum illarum ratione directe. Est enim lineola *Ac* dato tempore ad distantias diversas genita in duplicata distantiae ratione reciproce; unde erit *cd* sinus quam minimus in subsesquuplicata distantiae ratione reciproce. & Area *cd* in *AB* simul descripta in subduplicata distantiae ratione directe. Unde cum area integra semicircularis *ADB* sit in duplicata rati-

one distantię directę, erit tempus eidem proportionale in ratione distantię sesquuplicata directę. *Q.E.D.*

Exempli gratia, Sit AB altera ipsius AB dupla; erit tum subtenſa evanescens anguli contactus, sive lineola Ac , ipsius Ac pars tantum quarta.

Et erit sinus cd , ipsius cd subſesquiplicata, sive ut latus quadrati ad dia-

Prop. 2. Coroll. 4. supra.

metrum; hoc est, ut 7 ad 10 fere. Erit quoque area $\frac{1}{2} cd \times AB$ ad $\frac{1}{2} cd \times AB$, fere ut $2 \times 7 = 14$ ad $1 \times 10 = 10$. Unde area in majori distantia descripta erit ad aream in minori, sed eodem tempore descriptam fere, ut 14 ad 10; vel ut diameter in quadrato ad latus. At integra area à majori linea BD in descensu describenda, est ad aream à minori linea BD in descensu describendam, ut 4 ad 1; sive ut 40 ad 10. Ergo erit tempus descensus in majori distantia, ad tempus descensus in minori, in ratione excessus rationis 40 ad 10 supra rationem 14 ad 10: Sed ista excessus ratio est ut 40 ad 14, sive ut diameter quadrati ad lateris quadruplum. Unde tempora sunt inter se ut diameter quadrati ad lateris quadruplum, hoc est, in sesquialtera distantiarum ratione directę. *Q.E.D.*

Coroll. (3.) Si itaque Planetarum primariorum, quin & Circumjovialium & Circumsaturniorum quemvis in centrum orbitę cadentem supponamus, & horum tempora descensus semel definita habeamus, facile fuerit ex notis reliquorum distantii eorum etiam descensus tempora definire; quod ex alio fundamento prius præstitimus: Neque proinde actum jam hic loci agemus.

Coroll. (4.) Cum itaque velocitas in Ellipsi in medio ocri ab umbilico distantia, hoc est, velocitas cadentis ad centrum O Ellipseos in rectam desinentis, sit æqualis velocitati æquabili corporis in circulo, cujus radius est BO , gyrantis, liquet velocitatem cadentis in ipso spatii medio O esse æqualem velocitati gyrantis in circulo ad eandem distantiam. Unde quoque sequitur velocitatem cadentis in distantia remotiori esse velocitate circulari

jor Ellipseas ad ejusdem axem minorem: atque adeo in ratione data, tempori proportionali. Manente jam Ellipseas axe majore, sive circuli diametro AB , minuatur perpetuo Ellipseas latitudo, sive axis minor. Et ex vi jam demonstratorum manebit area AOD tempori proportionalis. Minuatur latitudo illa in infinitum; & Orbe $ARPB$ elliptico jam coincidente cum axe AB , descendet corpus in recta AC . & area AOD evadet hoc etiam in casu tempori proportionalis. Unde si linea recta ut CD axi perpendicularis ita sibi parallelas semper deorsum moveri supponatur, ut AOD sit ubique tempori proportionalis, punctum C locum determinabit ad quem eodem tempore dato corpus deorsum cadendo est perventurum.

Corollarium. Propter æqualitatem areae circularis æquali tempore ubique describendæ circa circuli centrum, erit motus puncti D semper æquabilis, & arcus æquales dato tempore describet.

Coroll. (2.) Tempora itaque corporum cadentium, & spatia quæcunque describentium, ut AC , sunt inter se ut ipsi arcus AD . Et spatia descripta ut arcuum sinus versi, AC .

Coroll. (3.) Velocitates autem in locis quibuscunque ut C , genitæ, sunt ut arcuum AD sinus recti. Ducatur enim linea $c d$ ipsi CD parallela, in distantia nempe infinite parva; & ducatur circuli tangens dD . Dum itaque punctum D describit tangentem dD , corpus cadens describit lineolam cC ipsi dc æqualem; & ob datam puncti D velocitatem, dato tempore dabitur etiam dD longitudine. Erit ergo in triangulo dcD dD radius circuli datus, & dc anguli dDc sinus rectus. Et propter similitudinem triangulorum dcD COD , erit eo loci radius OD , & sinus rectus anguli AOD ipsa CD . Est ergo velocitas in punctis quibuscunque C ut arcus AD sinus rectus. *Q. E. D.*

Coroll. (4.) Tempora omnia quibus corpora de locis quibuscunque ad usque centrum cadunt sunt ubique æqualia:

Cum

Cum enim ex Hypothefi vis acceleratrix, atque adeo velocitas genita, fit ut linea describenda, palam est tempora descensus esse ubique æqualia. *Q.E.D.*

Coroll. (5.) Cum ex olim demonstratis corporum omnium circa Ellipseæ centrum gy-

Coroll. 3. Prop. 19. supra.

rantium tempora periodica sint æqualia, erunt & temporum periodicorum quadrantes per *ARPV* æquales. Et cum hoc in Ellipsis quibuscunque verum sit, etiam & in Ellipsium hinc inde extremis, hoc est, in linea recta *AO* & arcu quadrantali *AN* verum erit. Hoc est, æqualia erunt tempora quibus corpus unum de loco quocunque *A* cadendo pervenit ad centrum *O*, & corpus aliud revolvendo describit arcum quadrantalem. *Q.E.D.*

Scholium (1.) Cum itaque tempus periodicum Lunæ circa terram, sit ad tempus periodicum corporis cujuscunque circa centrum telluris revolvens ad semidiametri ter-

Schol. post Prop. 14. prim.

restri distantiam, in sesquialtera distantiarum ratione; & cum intra superficiem telluris vis centripeta sit ubique in directa distantie ratione, uti olim demonstrabitur; juvabit superioris ratiocinii exemplum in medium proferre; & quo temporis spatio gravia, posito ad centrum puteo vel foramine vacuo, illuc descenderent calculo ostendere. Ut ergo temporis periodici in telluris superficie quadrantem, quo nimirum corpora omnia ad centrum accederent, juxta jam demonstrata investigemus, fiat ut distantie Lunaris cubus, $60 \times 60 \times 60. = 216.000.$ ad semidiametri terrestri cubum, $1 \times 1 \times 1. = 1.$ ita periodi Lunaris quadratum $39.343'. \times 39.343'. = 1.547.871.649.$ ad periodi in superficie terrestri quadratum $= 7.166.07.$ cujus radix quadratica 84.6 exhibebit scrupulos primos horarios quibus corpus vel Planeta ad semidiametri terrestri distantiam à centro circa illud integram periodum absolveret. Cujus numeri quadrans 21.15 exhibebit temporis spatium scrup.

scrupulis itidem primis designatum, quo gravia quæcunque per semidiametrum terrestrem ad ejusdem centrum pervenirent. Et cum in distantis quibuscunque idem sit casus tempus, uti jam ostensum, li-

Coroll. 4. prius.

quet corpora omnia scrupulis primis viginti & uno, cum partibus scrupuli centesimis quindecim, sive scrupulis secundis novem, à superficie ad centrum esse descensura.

Schol. (2.) Sin tempus casus per spatium quodlibet datum absque Algebræ usu requiratur; scilicet per semidiametri terrestris trientem; quære apud sinum Tabulas, ad quem angulum sinus versus est sinus totius pars tertia; nimirum ad arcum AD graduum $41^{\circ}. 25'$. Unde tempus casus per AC , semidiametri trientem, erit ad tempus casus integri ad centrum, ut Arcus AD , ad arcum quadrantalem AN : five ut $41^{\circ}. 25'$. ad 90° .

Vid. Fig. p. 154.

Coroll. 2. prius.

Et cum $90^{\circ} : 41^{\circ}. 25' :: 21115$ scrupuli primi horarii: 9197, sive $9' : 58''$. liquet corpus quodvis per semidiametri terrestris trientem scrupulis primis horariis novem, & secundis quinquaginta octo esse descensurum. Et velocitatem in puncto C , esse ad velocitatem maximam, ubi ad ipsum centrum descenderet, in ratione sinus Recti CD , ad sinum totum ON : five ut 66.153 ad 100.000.

Coroll. 3. prius.

uti ex nuperrime demonstratis est apertissimum.

April 7. 1705.

tl vel qs semiordinata, ex arcu dato etiam data. Requiritur tempus arcus istius Tl vel Ts descripti, aut describendi. Ex data Parabola datur ejusdem Latus rectum, ejusque proinde pars quarta TF . Ex data quoque corporis centralis vi centripeta, datur corporis in vertice principali velocitas; quæ nempe est ad velo-

citatem corporis circulum, cujus radius est TF , describentis ut radix quadratica numeri binarii ad unitatem. Unde quoque dabitur & area minima à radio TF dato quovis tempore minimo describenda. Est autem area FTl vel FTs æqualis duabus tertiis rectanguli $Tt \times tl$, vel $Tq \times qs$. Cui si addatur triangulum Ftl in priore casu, & in posteriore ab eodem aufratur triangulum Fqs , dabitur & area Ftl vel Fts : quæ per aream minimam dato quovis tempore minimo in vertice T descriptam divisa, dabit tempus quæsitum. *Q. E. I.*

Exempli gratia, sit Parabola data illa quam Cometæ exeunte Anno 1680. & ineunte 1681. per Europam visus descripsit. Sit Fq orbis magni semidiametro æqualis, partium nempe æqualium 10.000, qualium partium sit latus rectum 23618. Et proinde FT partium 5912, & integra abscissa Tq partium 10.05912. Ponamus etiam Cometam fuisse in Parabolæ vertice, sive perihelio suo T Decembris 8°, scrupulo quarto post, meridiem. Ad velocitatem Cometæ in vertice Parabolæ inveniendam, reperiatur primum Planetæ ad istam distantiam in circulo revolvantis velocitas; nempe ex hac analogia: ut radix quadratica distantiae FT , partium

5912 = 77. ad radicem quadraticam distantiae Fq , partium 10.000 = 100. ita velocitas Telluris annua, ad velocitatem Planetæ circulum cujus radius est FT describentis. Deinde, ut radix quadratica numeri binarii = 11414, ad unitatem, ita erit velocitas Cometæ in vertice parabolæ suæ, ad velocitatem Planetæ in circulo ad eandem distantiam.

am. Est autem velocitas Telluris mediocris hujusmodi quæ spatio minuti unius primi describat partes 11195. & 717 : 100 :: 11195 : 11552. Unde velocitas Cometæ in perihelio suo ea erit quæ spatio unius minuti primi describat partes $\frac{11414}{1} 11552 = 2119$. qua-

lium semidiameter orbis magni est 10.000, & qualium distantia Cometæ minima est 5912. Area itaque dato illo tempore à Cometa radio ad centrum Solis ducto descripta æqualis est rectangulo $\frac{1}{2} 5912 \times 2119 = 641824$. partibus quadratis. Ut itaque jam tandem temporis spatium arcum parabolicum ut Ts , ubi Fq est magni orbis semidiametro æqualis describendi investigemus, aream TsF computabimus, & cum area priore unico minuto primo descripta conferemus. Itaque, ut TF partium 5912, ad Tq partium 10.05912. ita sit quadratum Fb partium 11814 = 14.018156, ad partes quadratas 2.382.018161. cujus numeri radix quadra-

tica = 1.54313. ex Conicis æqualis erit semiordinatæ qs : qua in dimidiam distantiam Fq ducta 1.54313 $\times \frac{1}{2} 10.000 = 7.716.500$ emerget trianguli additiui

Fqs area. Est autem area parabolica integra Tsq æqualis duabus tertiis rectanguli Tq partium 10.05912, in sq partium 1.54313 ducti, sive partibus quadratis $\frac{2}{3} 15.524.363136 = 10.349.575157$. E quo numero deducatur triangulum Fsq . 7.716.500 relinquetur area

descripta partium quadratarum 2.633.075157. quibus per partes areæ uni minuto primo debitas divisiss $\frac{2.633.075157}{641824}$ prodit temporis spatium quæsitum: quo

nempe Cometa arcum Ts describeret = 4.06119 = 28°. 4^h. 59'. Unde arcus Ts describetur diebus viginti octo, & horis prope quinque. Et Cometa punctum s occupa-

occupabat Januarii quinto, hora circiter post meridiem quarta. Quod etiam cum schemate Newtoniano ex observationibus deducto exacte congruit.

Si itaque ex hujusmodi calculis cujusvis Cometæ Parabolam, aut potius Ellipsin adæo eccentricam, ut pro Parabola tuto haberi possit, describentis arcubus quibuscumque, ut Ts , tempora congrua semel determinata habeamus, ex inversa methodo etiam temporibus quibuscumque arcus congruos satis accurate definire possemus: eadem nempe operandi ratione qua in Hypothesi Kepleriana ejusque tabulis ex data anomalia Planetarum media in Ellipsis, eorundem cœquatam invenire solemus.

Coroll. (1.) Cum itaque evanescat triangulum ablatitium Fsq in puncto b , erit tum temporis area computanda æqualis duabus tertiis rectanguli TF in Fb ; five $\frac{2}{3} 5912 \times 11814 = 4.67618$. & proinde tempus huic aræ debitum æquale $\frac{4.67618}{641824} = 1^h. 12'. 9''$.

Unde arcus Th inter verticem principalem parabolæ, & axi ordinatam per focus describatur hora una, scrupulis primis duodecim, & secundis novem. Et Cometa punctum s occupabat Decembris octavo, scrupulo primo decimo septimo post horam primam pomeridianam.

Coroll. (2.) Hinc etiam temporis spatium quo arcus quivis datus describitur facile innotescit: computando nimirum tempus à perihelio ad locum utrumque, & tempus brevius à longiori auferendo. Eo enim pacto innotescet intervallum temporis arcui dato debitum. Sic sane deducto tempore arcui Th congruo $= 1^h. 10'. 9''$. ex tempore arcui Ts congruo $= 28^d. 4^h. 59'$. reliquum est temporis intervallum arcui bs congruum. $= 28^d. 3^h. 46'. 51''$. Atque ita ubique.

Coroll. (3.) Hinc etiam methodus ex tempore dato arcum descriptum inveniendi peti potest. Cum enim ad punctum b evanescat semper triangulum ablatitium Fqs , aut addititium Ftl ; & area proinde eo loci facillime computetur, partium nempe quadratarum in nostro

exemplo 4.67710.516. Cum etiam eo loci TF sit ipsius Fb semissis; cum demum abscissa TF eadem semper ratione crescat, quo crescit ipsius ordinatæ Fb quadratum; dato quovis tempore, sive area ipsi proportionali, dabitur arcus eidem congruus: si incrementorum vel decrementorum proportionalium ea quantitas sumatur ut $\frac{1}{2} q s \times Fq$, ex $\frac{2}{3} q s \times Tq$ ablata reliqua sit quantitas areæ datæ. Sic sane, Ut arcum $28^d. 14^h. 59'.$ = $40.619'.$ hoc est, areæ partium quadratarum 2.633.075157 congruum inveniam, Quæro per tabulas quadratorum numerorum, si absque Algebræ auxilio agendum, Ubi talis occurrit numerus sumpta linea TF tanquam unitate: & Area FTb tanquam præmaria, vel unitate quadrata: vel $\frac{2}{3} TF \times Fb = 563.$ parte areæ totius: & Fb tanquam numero binario:) Ut numeris unitati addendis proportionalibus existentibus, numerorum binario addendorum quadratis $\frac{1}{2} q s \times qF$ de $\frac{2}{3} q s \times Tq$ ablato, reliqua sit area data = 563. Qui numerus alibi non occurret nisi eo loci ubi Fq , est ad FT , ut 10.000 ad 5912. Sive ut 167 ad 1 feret. Unde liquet arcum quæsitum eum ipsum esse cujus Tq partium 10.05912 est abscissa. Sed cum hæc methodus non nisi tentando fiat, directæ non est. Satis tamen est quæ tabularum condendarum originem & methodum aliquatenus indicare possit.

Scholium. Notandum est, methodum Newtoni Geometricam ex dato tempore arcum descriptum directe indicare. Si nimirum fiat ut tempus TbF tempus areæ congruum, ad tempus datum, ita FT ad ty : puncto t medianam lineam TF occupante, & ty ad TF perpendiculari ducta, Erit distantia à foco yF æqualis ys . Unde circulus isto radio descriptus punctum designabit. Sed

Vis. Nemo. cum calculi methodus ista minus sit idonea, L. I. Prop. 30. eandem missam impræsentiarum faciemus.

Scholium. Hactenus exposuimus præcipue motus corporum attractorum ad centrum immobile, quale tamen

men vix extat in rerum natura. Attractiones autem fieri solent ad corpora : & corporum trahentium & attractorum actiones semper mutue sunt, & æquales, *Lex Motus 9. prim.* nisi olim ostendimus; adeo ut neque attrahens possit quiescere, neque attractum, si duo sint corpora; sed ambo quasi attractione mutua, ubi motus projectilis utriusque more debito utrique semel est impressus, circum gravitatis centrum commune revolvantur. Et si plura sint corpora, (quæ vel ab unico attrahantur, vel omnia se mutuo attrahant,) hæc ita inter se moveri debeant ut gravitatis centrum commune vel quiescat, vel uniformiter moveatur in directum, ut olim quoque ostendimus. *Lex Motus 25. prim.* Qua de causa jam pergitur motum exponere corporum se mutuo trahentium: considerando vires centripetas tanquam Attractiones, quamvis fortasse, si physice loquamur, verius dicantur Impulsus. In mathematicis enim jam versamur; & propterea, nullis disputationibus physicis, familiari utimur sermone, quo possimus à Matheseos studiosis facilius intelligi.

XXVII. Corpora duo se invicem trahentia describunt & circum commune centrum gravitatis, & circum se mutuo figuras similes: hoc est, describendo revera figuras similes circa commune gravitatis centrum; oculo in alterutro duorum posito, & motum corporis sui vel centri gravitatis non percipiente, figura iisdem similis describi videbitur.

Sunt enim distantie à communi gravitatis centro corporibus reciproce proportionales, atque adeo in data ratione ad invicem: & componendo in data ratione ad distantiam totam inter corpora. Feruntur autem hæc distantie circum terminos suos communi motu angulari, propterea quod in directum semper jacentes non mutant inclinationem ad se mutuo. Lineæ autem rectæ quæ sunt in data ratione ad invicem, & æquali motu angulari circum terminos suos fiantur, figuræ circuli eorundem

Modo ostenditur eorundem

CASUS (I.) Commune illud gravitatis centrum C , per motus legem 25. vel quiescit, vel movetur uniformiter in directum. Ponamus primo, quod id quiescit: inque s & p locentur corpora duo: immobile in s ; & mobile in p : corporibus S & P respective similia & æqualia. Dein tangant rectæ PR . & pr . curvas PQ . & pq . in P . & p . & producantur CQ . & sq . ad R . & r . Et ob similitudinem figurarum $CPRQ$. $sprq$. erit RQ , ad rq , ut CP , ad sp : adeoque in data ratione. Proinde, si vis, qua corpus P versus corpus S , atque adeo versus centrum intermedium C , attrahitur, esset ad vim qua corpus p versus centrum s attrahitur in eadem illa ratione data, hæ vires æqualibus temporibus attraherent semper corpora de tangentibus PR . pr . ad arcus PQ . pq . per intervalla ipsi viribus proportionalia RQ . rq . adeoque vis posterior efficeret ut corpus p gyraretur in curva pqv , quæ similis esset curvæ PQV , in qua vis prior efficit ut corpus P gyretur: & revolutiones iisdem temporibus complerentur. At quoniam vires illæ non sunt ad invicem in ratione CP ad sp , sed (ob similitudinem & æqualitatem corporum S & s . P & p . & æqualitatem distantiarum SP . sp .) sibi mutuo æquales, corpora æqualibus temporibus æqualiter trahentur de tangentibus; & propterea ut corpus posterius p trahatur per intervallum majus rq . requiritur tempus majus, idque in subduplicata ratione intervallorum; propterea quod spatia ipso motus initio descripta sunt in duplicata ratione temporum. Ponatur igitur ve- Prop. 4. prius,
locitas corporis p , esse ad velocitatem corporis P , in subduplicata ratione distantie sp ad distantiam CP . eo ut temporibus quæ sint in eadem subduplicata ratione describantur arcus PQ . pq . qui sunt in ratione integra, sive inter se similes. Et corpora P . p . viribus æqualibus semper attracta describent circum centra quiescentia C & s figuras similes PQV . pqv , quarum posterior

pqv similis est & æqualis figuræ quam corpus *P* circum corpus mobile *S* describit. *Q.E.D.*

CASUS (2.) Ponamus jam quod commune gravitatis centrum, una cum spatio relativo in quo corpora moventur inter se, progreditur uniformiter in directum: & per motus legem 26. omnes motus in hoc spatio peragentur ut prius: adeoque corpora describent circum se mutuo figuras easdem ac prius: easque propterea ipsi figuræ *pqv* similes & æquales. *Q.E.D.*

Coroll. (1.) Tempus periodicum circa corpus immobile *s*, erit tempore periodico circa mobile *S*, vel verius circa gravitatis centrum *C*, majus: idque in reciproca ratione angulorum simul descriptorum: hoc est, in subduplicata ratione radiorum *sp* & *CP*. hoc est, in subduplicata ratione summæ corporum *S + P* ad corpus *S*. Sic si Luna *p* circa Tellurem immobilem *s* revolveretur ad eandem distantiam; & si quantitas materiæ in Luna poneretur tantum pars vigesima sexta quantitatis materiæ in terra; Tempus periodicum Lunæ majus esset tempore ejusdem periodico præfenti, in ratione numeri 27. ad numerum 261495. Sunt enim 27: 261495: 26 ÷ ÷. Unde cum Tempus periodicum Lunæ sit jam 27^d. 7^h. 43'. five 39.343'. Si circa Terram immobilem revolveret, Tempus periodicum esset 40.092'. five 27^d. 20^h. 12'.

Coroll. (2.) Hinc corpora duo viribus distantis suis directe proportionalibus se mutuo trahentia, describunt & circum commune gravitatis centrum, & circum se mutuo Ellipses concentricas, & centra in virium centris habentes. Et vice versa; si tales figuræ circa Ellipseon centra describantur, sunt vires centripetæ distantis à centro directe proportionales.

Coroll. (3.) Corpora duo viribus quadrato distantis suæ reciproce proportionalibus describunt, & circum commune gravitatis centrum, & circum se mutuo Sectiones Conicas, umbili-

cos habentes in centro circum quod figuræ describuntur. Et vice versa, si Tales figuræ circa Sectionum Conicarum focum describantur, vires centripetæ sunt distantiarum quadratis reciproce proportionales.

Coroll. (4.) Corpora duo quævis circum gravitatis centrum commune gyrantia radiis & ad centrum illud, & ad se mutuo ductis describunt areas temporibus proportionales; nimirum propter radorum vel virium centripetarum ad ista centra perpetuam directionem. *Vid. Prop. 15, prim.*

Matij 14°. 1705,

XVIII.

XXIX. SI corpora duo S & P viribus quadrato distantiae suæ reciproce proportionalibus se mutuo trahentia revolvantur circa gravitatis centrum commune; Ellipseos *Vid. Fig. p. 164.* quam corpus alterutrum P hoc motu circa alterum S describit Axis Transversus, erit ad Axem transversum Ellipseos quam corpus idem P circa alterum quiescens eodem tempore periodico describere posset, ut summa corporum duorum $S + P$, ad primam duarum medie proportionalium inter hanc summam & corpus illud alterum S . Nam si descriptæ Ellipses essent sibi invicem æquales, tempora periodica per Propositionem postream forent in subduplicata ratione corporis S ad summam Corporum $S + P$. Minuatur in hac ratione tempus periodicum in Ellipsi posteriore, & tempora periodica evadent æqualia. Ellipseos autem axis transversus \dagger minuetur in ratione *Prop. 13. supra.* cuius hæc subduplicata est sesquuplicata; id est in ratione

one cujus ratio integra S ad $S + P$ est triplicata : adeoque ad axem transversum Ellipseus alterius ut prima duarum medie proportionalium inter $S + P$, & S , ad $S + P$. Et inverse Axis transversus Ellipseus circa corpus mobile descriptæ, erit ad axem transversum descriptæ circa immobile, ut $S + P$, ad primam duarum medie proportionalium inter $S + P$, & S : *Q.E.D.*

Sic si distantia Lunæ à Terra mediocris: hoc est, axis transversus Ellipseus descriptæ semissis ex hypothesi Terræ immobilis sit 60. semidiametrorum terrestrium, dato nempe tempore periodico; erit ex hypothesi Terræ & Lunæ circum gravitatis centrum commune gyrationum distantia illa 60 semidiametris major, eaque in ratione summæ Terræ atque Lunæ, ad primam duarum medie proportionalium inter Terræ Lunæque summam & Terram. Sive ex Hypothesi quod Luna sit 26. pars terræ; ut 27. ad 261665. Sunt enim 26 : 26133 : 261665 : 27 $\div \div$. Unde cum distantia Lunæ in Hypothesi terræ immobilis ponatur 60 semidiametrorum terrestrium, erit revera ex ejusdem motu 60 $\frac{1}{4}$ semidiam.

Corollarium. Ex nuperrime demonstratis sequitur, quod si Corpora duo viribus quibuscunque se mutuo trahentia, neque alias agitata vel impedita quomodocunque moveantur, Motus eorum perinde se habebunt, ac si non traherent se mutuo, sed utrumque à corpore tertio in communi gravitatis centro constituto viribus iisdem traherentur. Et virium attrahentium eadem erit Lex respectu distantiarum corporum à centro illo communi atque respectu distantiarum totius inter corpora. Vires enim illæ quibus corpora se mutuo trahunt, tendendo ad corpora, tendunt ad commune gravitatis centrum intermedium: & distantiarum à centro gravitatis sunt distantiarum corporum ubique proportionales: adeoque vires eadem sunt & eadem ratione crescunt vel decrescunt, ac si à corpore intermedio in gravitatis centro manarent.

XXX. Corpora plura, quorum vires materiæ quantitatis sunt proportionales, & in directa distantiarum ratione,

TL in omnibus corporum *T* & *L* distantis.] Et vires acceleratrices ipsorum corporum *T* & *L* sunt ut distantiae *TL*. & vires adjectitiae à corpore *S* oriundae, & secundum lineam *TL* tendentes sunt, sicut jam vidimus, ut eadem distantiae *TL*. Ergo summa virum *TD* & *LD* centrum gravitatis respicientes sunt ut distantiae *DT* & *TL*. Sed viribus prioribus majores: adeoque efficient ut corpora illa describant Ellipses, aut prioribus similes motu celeriore, si motus projectilis pro vis centripetae adjectitiae ratione acceleretur; aut alterius speciei si motus iste projectilis maneat datus. Vires reliquae acceleratrices *SD* & *SD* trahendo illa corpora aequaliter & secundum lineas *TI*, *LK* ipsi *DS* parallelas nil mutant situs earum ad invicem, sed faciunt ut ipsa aequaliter accedant ad lineam *IK*, ipsi *SD* perpendiculararem. Impedietur autem iste ad lineam *IK* accessus faciendo ut Systema corporum *T* & *L*; hoc est, centrum gravitatis duorum *D* ex una parte; & Corpus *S* ex altera justis cum velocitatibus in dato plano secundum lineas parallelas gyrentur circa commune gravitatis centrum trium *C*. Tali motu corpus *S* (eo quod summæ motuum utrinque distantiae *SD*, & proinde ipsis *CD* & *CS* directe proportionales trahunt corpora versus centrum *C*;) describet Ellipsin circa idem *C*. & punctum *D* describet Ellipsin consimilem è regione; interea dum Corpora *T* & *L* pergant Ellipses suas circa centrum mobile *D*, ut prius describere.

Addatur jam corpus quartum *V*. & simili argumento concludetur, hoc & punctum *C* Ellipses circa omnium commune centrum gravitatis *B* describere posse; manentibus motibus priorum corporum *T*, *L*, & *S*, circa centra *D* & *C*, sed aliquantum acceleratis. Et eadem erit plurium ratio.

Coroll. (1.) Casus Systematis corporum circa alia corpora revolvantium, ubi vires centripetae sunt directe ut distantiae, Ellipses exhibet nobis accuratas; nec ullo modo

modo per plurium corporum additionem perturbatas. Quo autem magis recedit Lex virium centripetarum ab hac lege, necesse est, cæteris paribus, ut eo magis corpora motus mutuos perturbent.

Coroll. (2.) Sin vires centripetæ sint reciproce ut distantiarum quadrata, & Systema corporum duorum pluriumve minorum circa commune gravitatis centrum in Ellipseos umbilico positum revolvendum ad latus urgeatur à Corpore longe maximo, & satis remoto; ita ut commune omnium gravitatis centrum à centro corporis maximi non longe absit; commune Systematis corporum minorum gravitatis centrum Ellipsin circa corpus maximum, seu potius circa commune omnium gravitatis centrum describet. In motibus autem corporum minorum Inæqualitates haud paucæ oriuntur; quas in sequentibus explicabimus. Quales etiam in Luna nostra Astronomi observatis indubiis monstrarunt.

Coroll. (3.) Maxima autem omnium oritur in Systemate minore perturbatio, si corpus maximum omnes Systematis istius partes paribus distantis inæqualiter attraheret: hoc est, si corporum variorum genera variis gradibus in Corpus maximum gravitarent; præsertim si proportionis hujus inæqualitas major esset quam inæqualitas proportionis distantiarum à corpore maximo. Nam si vis acceleratrix æqualiter & secundum lineas parallelas agendo nil perturbet motus corporum inter se, necesse est ut ex actionis inæqualitate perturbatio oriatur; majorque sit vel minor pro majore vel minore inæqualitate. Excessus impulsuum majorum agendo in aliqua corpora, & non agendo in alia; aut saltem in alia agendo minus, necessario mutabunt situm eorum inter se. Et hæc perturbatio, si qua esset, addita perturbationi quæ ex linearum inclinatione & inæqualitate necessario oritur, majorem redderet perturbationem totam.

Coroll. (4.) Unde si Systematis minoris partes in Ellipsis circa focum, vel in Circulis circa centrum sine alia motuum perturbatione quam quæ ex linearum à

Cor-

Corpore maximo ductarum inclinatione & inæqualitate oriri debeat, moveantur, manifestum est quod vires acceleratrices omnium Systematis partium versus maximum sunt paribus distantis æquales; & quod omnia corpora in Systemate minore comprehensa æqualiter in corpus maximum gravitant.

Coroll. (5.) Hinc etiam constat partes Systematis minoris aut à nullis aliis viribus acceleratricibus quam quæ ad corpus maximum tendunt, urgeri, nisi forte levissime & insensibiliter: aut saltem æqualiter, & secundum lineas parallelas urgeri quam proxime. Quæ omnia ad Systemata Terræ, & Lunæ; Jovis & Circumjovialium; Saturni & Circumsaturniorum, circa Solem gyrationia facile fuerit applicare: ut verbis pluribus haud opus esse videatur.

XXXI. Si Planeta primarius circa Solem revolvens secum deferat Satellitem, hic circa primarium ita movebitur ut à quadratura cum Sole ad conjunctionem aut oppositionem proxime insequentem acceleretur perpetuo; à syzygia vero ad quadraturam retardetur; adeoque prope syzygias Satelles velocius feretur, prope quadraturas vero tardius.

-. Sit Q Sol, S Planeta primarius in orbe suo annuo ESE revolvens. P vel p Satelles orbitam suam mensuram $ADBC$ circa primarium describens: in qua orbita puncta A & B Syzygias, cum Sole, hoc est, Conjunctionem & Oppositionem designent: C & D Quadraturas, hoc est, puncta per quadrantem circuli à syzygiis hinc inde distantia. Si porro QS , vel QK , vel Qk mediocris distantia Satellitis à Sole, exponat attractionis acceleratricis quantitatem; qua nempe secundarius Planeta ad Solem tendit, ubi ad eandem, æque primarius distantiam à Sole sit positus. Et locus Satellitis huiusce supponatur in P vel p in sua orbita: Sumatur in linea PQ , vel pQ , si opus est, producta, QL vel Ql , quæ sit at QK , vel Qk , in duplicata ratione QK , vel Qk , ad QP , vel Qp , hoc est, ut sint

sint $PQ : QK : QR : QL$. vel $Qp : Qk : Qr : Ql$ continue proportionales, hæc ultimo reperta linea QL , vel Ql exponet attractionem acceleratricem Satellitis ad L vel l positi versus Solem in Q . Jungatur SP . vel Sp ; & huic parallela ducatur LM vel lm , cum QS in M vel m concurrans. Per motus legem 22. Attractio acceleratrix QL vel Ql resolvitur in attractiones LM , & LF , sive MQ : vel in lm , & lf , sive mQ . & cum harum linearum directionibus. Quarum attractionum ea quæ per MQ , vel mQ exponitur, reducitur ad attractionem MS , vel mS : auferendo nimirum attractionem ut QS satelliti primarioque suo communem, & proinde nullas anomalias inducentem. Quo pacto attractio satellitis secundum directionem SQ tendens, quæ in censum hic loci venire debet, reducitur ad attractionem MS , in loco P , quantum satelles magis quam primarius ad Solem attrahitur: & ad attractionem mS , in loco p , quantum satelles minus quam primarius attrahitur. Unde MS in priore casu, & mS in posteriore attractionum secundum SQ tendentium *differentiam*, sive Excessum & Defectum designabit. Atque adeo Satelles hoc pacto triplici ubique attractione, aut potius hujusmodi attractionibus quæ in triplicem attractionem rite resolvi possit, agitur. Prima nempe & præcipua attractio illa est qua primarius S ; eundem secundarium P , vel p trahit. Secunda est illa quæ est ipsi LM , vel lm proportionalis; cum lineæ LM , vel lm directione: hoc est, cum directione ipsius PS vel pS , ipsi LM vel lm parallelæ. Unde vis integra ex binis hisce composita etiam dirigitur versus S . Vis itaque hæc integra, ex binis hisce composita, cum centrum primarii S respiciat, efficiet ut corpus L , vel l , si hac sola ageretur, areas circa idem centrum S describeret etiamnum temporibus proportionales: per Propositionem 15. Sed Satelles vi tertia etiam urgetur; quæ nempe est ut MS , vel mS , & cum directione ab M vel m

ver-

versus S : hoc est, ab L , vel l versus F , vel f . Nimirum in positione P satelles magis tendit ad Solem, quam primarius suus; atque id secundum directionem ipsi QS parallelam excessu MS . Et in positione p , satelles minus tendit ad Solem quam primarius, atque id secundum eandem directionem, ipsi QS parallelam, defectu ms . Quod eodem omnino redibit, ac si excessum MS , ab L , versus F ; & defectum ms , ab f versus l ; five excessum ab M versus S , & defectum ab m versus S æstimemus: vel ac si satelles hinc inde à Sole duplici ad partes oppositas simul utrinque opposito perturbaretur. Ubi enim Primarius à secundario vero attractionis excessu versus Solem retrahitur, effectus iidem plane futuri sunt qui sequerentur omnes quoad primarium & apud eum sensibiles, quales nunc solum indagamus, si immoto primario secundarius eadem attractionis differentia in partes à Sole oppositas abstraheretur. Hæc autem vis tertia ex attractionum ipsi SQ parallelarum differentia oriunda, cum ad centrum S non tendat, neque vis integra ex tribus hisce composita totalis, nempe illa qua Satelles revera urgetur, ad centrum tendit. Quapropter Satelles non describet areas circa primarii centrum æquabiles, five temporibus proportionales. Sed vis hæc per MS , vel ms exposita arcarum descriptionem æquabilem, five temporibus proportionalem, perturbabit. Nempe in semicirculi CAD quadrante CA , posito motu menstruo per $A. D. B. C.$ ab occidente in orientem peracto, motum Satellitis circa S à C versus A , factum conspirando accelerat: post Conjunctionem vero in A , in quadrante AD , contrariando retardat. Satellite autem ad quadraturam circa D pervento evanescit vis tertia MS , vel ms . (quoniam QK , vel Qk : QP vel Qp : ac proinde etiam & QL , vel Ql tunc æquales sunt.) Et proinde vis per illam ubique expositæ nulli hic loci effectus esse possunt. Satel-

Prop. 17 &
18. prius.

telles igitur circa quadraturas reliquis viribus, iisque solis ad centrum primarii tendentibus agitatus, areas per radium vectorem æquabiles, five temporibus proportionales describet. Dum vero Satelles quadrantem DB peragrat, Q deficit à QS : & si vires perturbantes ad satellitem solum referamus, tendent eæ ab m , versus S ; & conspirando motum ejus iterum accelerabunt: Post oppositionem vero in B , tendent vires etiamnum ab m , versus S ; & contrariando motum satellitis retardabunt: donec iterum circa quadraturam C evanescat mS , ejusque proinde effectus cessent. Rursum, cum vis MS vel mS areæ perturbatrix in transitu Satellitis à C , ad A : & à D , ad B perpetuo argueatur: & in A ac B sit maxima; & hinc rursus perpetuo diminuatur in transitu satellitis ab A ad D , & à B ad C , donec in punctis D & C evanescat; Patet Satellitis motum ex primario spectatum esse cæteris paribus velocissimum in Syzygiis, A & B : tardissimum in Quadraturis C & D . *Q. E. D.*

Coroll. (1.) Hinc inæqualitatem istam in motu Lunari quam *Variationem* dicunt Astronomi solvere licebit: quæ Luna ita in syzygiis velocius quam in quadraturis fertur, ut à syzygia ad octantem pergendo minuta prima quasi 35. lucretur ultra motum medium; & eandem quantitatem ob octante ad quadraturam pergendo iterum deperdat: atque ita perpetuo. Et consimilis anomalia in lunulis circumjovialibus & circum saturniis est expectanda: quamquam ob majorem istarum Systematum à Sole & à nobis distantiam; & propter cursuum menstruorum tempora breviora vix aut ne vix quidem evadit sensibilis.

Coroll. (2.) Hinc etiam sequitur quod Orbita Satellitis cæteris paribus *curvior* erit in quadraturis, quam in Conjunctione & Oppositione. Et proinde, si per se sit circularis, evadet aliquantulum Ellipticus, circa Primarium in centro positum: ita ut Axis Ellipseos minor in Syzygiis, & major in quadraturis perpetuo collocetur.

cetür. Sin orbita sit per se Elliptica, circa primarium in foco positum, magis ad istam Figuram accedet uam si nulla hujusmodi anomalia afficeretur. Primus uod sciam Cartesius hujusmodi oblongam Figuram orbitæ Lunaræ ex mera Hypothesi conjectura definivit: iterea tamen mirum errorem erravit, dum Lunam in omnibus syzygiis ad terram propinquiorem, & in omnibus quadraturis remotiorem statueret: cum è contra er propriam orbitæ Lunaræ eccentricitatem, posita ppsidum linea circa syzygias, Luna sit in summa apside, quam in quadraturis à Terra remotior: non obstante iac inæqualitate de qua jam verba facimus. Primus utem hujusmodi oblongam Orbitæ Lunaræ Figuram er observata vere animadvertit Acutissimus Halleius; ut saltem primus cum publico communicavit: & exinde Lunæ Theoriam primus emendandam esse ostendit. Quod vero ad Corollarii hujusce demonstrationem spectat, illud ex propositione hac facile deducitur. Corpora enim velociora minus deflectunt à recto tramite quam tardiora: & præterea; vis perturbatrix ut *MS*, vel *ms* in Conjunctione & Oppositione non solum est per se maxima, sed & directe contraria isti vi qua corpus centrale *S* trahit corpus *P*, vel *p*: adeoque vim illam contrariando minuit. Corpus autem *P* vel *p* minus deflectet à recto tramite, ubi minus urgeatur in corpus centrale *S*; adeoque in orbita oblonga elliptica circa primarium feretur:

Maij 21. 1705.

XIX.

XXXII. **S**I ob diminutam & auctam per vices distantiam inter Solem & Planetam primarium a-
 ctio Solis augeatur ac diminuatur per vices, augebitur
 N simul

simul ac diminuetur orbitæ Satellitis radius ; & Tempus periodicum Satellitis circa primum per vices mutabitur ; augebitur nimirum cum aucto radio ; & diminuetur cum diminuto.

Vis qua primarius trahit Satellitem augetur cum Satelles est in quadraturis C , & D , per additionem vis SP , vel Sp : evanescente vi SM , vel S_m : & diminuitur cum Satelles est in syzygiis, per ablationem vis SM , vel S_m . Et quia vis SM , vel S_m in syzygiis est quasi duplo major quam SP , vel Sp in quadraturis ; ubi R vel r punctum cum puncto B , vel A fere coalescit ; vis primarii attractiva magis quolibet mense Synodico diminuetur quam augebitur : adeoque pro absolute diminuta est omnino censenda. Aucta igitur circa Systematis Perihelion Solis vi, languescet magis vis attractiva primarii, & dilatabitur orbita : diminuta autem circa Systematis Aphelion Solis vi, invalescet magis vis primarii attractiva, & contrahetur orbita. Una autem cum orbita dilatata augebitur tempus Satellitis periodicum : & una cum contracta orbita diminuetur tempus periodicum : atque ita quotannis motus Satellitis medius erit major & minor per vices ; & in mediocri à Sole distantia sola vere medius est habendus.

Corollarium (1.) Hinc inæqualitatem illam in motu Lunari annuam quæ medium ejus motum spectat solve licebit : qua nempe motus Lunæ medius excessu & defectu $12'$. fere motum vere medium excedit, & ab eodem deficit per vices : excedit nempe in transitu telluris ab apside summa ad distantiam mediocrem ; deficit à distantia mediocri ad apsidem imam : & iterum deficit ab apside ima ad mediocrem distantiam ; & à mediocri distantia ad apsidem summam excedit iterum. Atque ita in perpetuum. Neque aliter de Circumjovialibus & Circumsaturniis est in sua Proportione censendum. Quanquam hæc inæqualitas & reliquæ etiam in istis tantillæ sunt ubique, ut fere negligi debeant.

Coroll.

Coroll. (2.) Tempus periodicum Satellitis cujusvis vere originarium & primitivum, hoc est, quo primarium suum extra Solis vires positum circuitu integro pervolveret, paulo brevius est tempore periodico medio presenti; & distantia originaria à primario suo paulo minor. Nempe si vires Solis, quæ jam semper vires primarii integro quovis cursu debilitant, tollerentur, appropinquaret satelles; & in minore distantia tempus brevius periodicum obtineret.

Coroll. (3.) Hinc etiam cum Cl. Gregorio inferre licet, quod si Primarius quivis Planeta novæ materiæ accessu evadat major, & inde ejus attractio in eadem ratione evadat major, Satelles in minori orbita & minore etiam tempore periodico revolveret. Similiter si primarius per ablationem materiæ diminuat, Satelles in majori orbita, & majore etiam tempore periodico revolveret. Idemque respectu Primarii cujusque continget, si Sol ipse casu aliquo augetur vel diminuetur.

Coroll. (4.) Cum itaque ex antiquissimis Astronomorum observatis cum nuperrimis collatis constet, tempora periodica primariorum circa Solem, & Lunæ, secundarii Planetæ, circa Terram esse eadem hoc seculo quæ ante annos bis mille fuerant, certum est tanto temporis spatio quantitatem materiæ tam in Sole quam in Terra æqualem fuisse; nec sensibili ullo augmento aut decremento obnoxiam.

Coroll. (5.) Si quantitas materiæ in Terra è Diluvio Noetico aut aliunde aucta supponantur, Mensis periodici Lunaræ quantitas ut tum temporis diminueretur erat necesse.

XXXIII. Si Planeta secundarius describat orbitam Ellipticam circa primum in Ellipseos foco positum; Hujus Ellipseos Axis major, sive apsidum linea; quoad motum angularem progredietur & regredietur per vias: sed magis tamen progredietur: & in singulis satellitis revolutionibus per excessum progressionis feretur

in consequentia. In syzygiis nempe cum Sole progreditur; & in quadraturis regreditur.

Nam vis qua secundarius Planeta P , vel p urgetur in primum suum circa quadraturas; ubi vis altera MS ; vel mS evanuit, componitur ex vi LM , vel lm & vi centripeta corporis centralis S . Vis prior, si augeatur distantia aut diminuatur, augetur aut diminuitur in eadem fere ratione directe: ita ut in majori à primario distantia evadat major attractio versus centrum; & in minore minor. Vis autem posterior à Primario immediate orta in majori distantia evadit minor, & in minore major; estque semper in duplicata distantiae ratione reciproce. Adeoque vis integra, five *summa* virium versus primarii centrum ex distantia aucta decrescit in minore ratione quam est duplicata ratio distantiae: hoc est, non tantum diminuitur in distantia maiore, nec tantum augetur in distantia minore, quantum motus circa focum Ellipseus immobilis requirit. In conjunctione vero & oppositione, vis qua satelles in primum urgetur est *differentia* inter vim qua primarius trahit secundarium, & vim KL , vel kl : five in hoc casu SM , vel Sm . Et differentia illa, propterea quod vis SM , vel Sm augetur quam proxime in ipsa distantiae ratione directe, decrescit in maiore quam duplicata ratione distantiae; atque adeo major est in minore distantia; & minor in maiore, quam quæ Ellipsi immobili describendæ sufficiat. Si autem vis centripeta decrescat in ratione plusquam duplicata distantiae, ut fit circa syzygias, accedetur aliquantulum ad casum vis centripetae decrescentis in triplicata ratione distantiae, unde motus in spirali, sine ulla tangentis ad radium mutatione sequeretur. Revolvit itaque satelles in Ellipsi quadam mobili, five motus angularis major requiretur ut tangentes obliquæ ad radium evadant eidem perpendiculares; hoc est, ut satelles ad apsidem suas perveniat, quam requireretur si vires essent in ipsa ratione distantiae duplicata-reciproce. Hoc est, apsidum linea progreditur.

tur. Et, è contra, Si vis centripeta decreſcat in minore ratione quam diſtantiæ duplicata, ut fit circa quadraturas, caſus contrarius ſequetur : & ſatellitis motus à motu per ſpiralem angulum radii & tangentis non mutantem diverſo orietur : Ita ut angulus iſte citius mutetur, & ad rectam pertingat citius quam pertingeret ſi vires eſſent in ipſa ratione diſtantiæ duplicata reciproce : Hoc eſt, Apſidum linea regredietur. In locis autem inter ſyzygias & quadraturas intermediis pendet motus apſidis ex cauſa utraque conjunctim : adeo ut pro hujus vel alterius exceſſu progrediatur ipſa, vel regredietur. Unde cum vis KL , vel kl in Syzygiis, ut nuper notavimus, ſit quaſi duplo major quam vis LM , vel lm in quadraturis; exceſſus in tota quavis revolutione erit penes vim majorem KL , vel kl ; transferetque apſidem ſingulis revolutionibus in conſequentia.

Coroll. (1.) Hinc inæqualitatem illam, ſive motum progreſſivum & regreſſivum apſidis Lunaris ſolvere licet, qua ita movetur apogæum ut in Syzygiis ſuis progrediatur celerius, & in quadraturis regredietur tardius : & exceſſu motus progreſſivi ſupra regreſſivum quovis menſe feratur in conſequentia, gradus tres circiter. Atque ita integrum circulum annorum decem ſpatio, aut paulo citius percurrat. In circumjovialibus, quæ in circulis fere moventur, nullæ vel inſenſibiles dantur apſides, adeoque locum non habet præſens demonſtratio. In Circumſaturniis autem, ſicubi occurrat eccentricitas nonnulla, locum aliquem habebit ; ſed propter temporum periodicorum parvitatem, ſi cum ingenti Solis diſtantiâ, viribusque proinde ejuſdem perexiguis, & Saturni ipſius magnitudine comparetur, Apogæi mutatio tantilla erit, ut nullo modo à nobis obſervari queat, nedum ad examen & calculum reduci.

Coroll. (2.) Cum itaque pendeat apſidum progreſſus vel regreſſus à decremento vis centripetæ, factio in majori vel minori quam duplicata ratione diſtantiæ SP , vel Sp in tranſitu corporis ab apſide ima ad apſidem

summam; ut & à simili incremento in reditu ad apsidem imam, atque adeo maximus sit ubi proportio vis in apside summa ad vim in apside ima maxime recedit à duplicata ratione distantiarum inversa, manifestum est quod apsidēs in syzygiis suis per vim ablatitiam KL , seu $SM - LM$; vel $S^m - l^m$ progredientur velocius: SP , vel Sp tum temporis omnium minimū; & SM , vel S^m omnium maxima in syzygiis existente; & SP , vel Sp ; sive potius earum utriusque summa, in quadraturis existente omnium minima. Unde in singulis satellitis revolutionibus, dum apsidēs sunt circa syzygias, illæ celerrime progredientur in satellitis syzygiis, & tardissime regredientur in Satellitis quadraturis: atque adeo excessus motus progressivi supra regressivum erit omnium maximus, & apsidēs in consequentia celerrime movebuntur.

Coroll. (3.) Sin Apfides circa quadraturas ponantur, ex causis contrariis contrarii sequentur effectus; & apsidēs tardius quam prius progredientur, dum satelles est in syzygiis; & velocius regredientur, dum satelles est in quadraturis: imo vero fieri potest, ubi apsidēs sunt in quadraturis, ut particulari aliqua satellitis revolutione regressus apsidum in satellitis quadraturis, superet earundem progressum in ejusdem syzygiis. Sed quoniam cæteris paribus vis ablatitia SM , vel S^m apsidum progressum in syzygiis satellitis inducens, est quasi duplo major quam vis adjectitia apsidum regressum in quadraturis satellitis inducens; & quoniam præterea apsidēs diutius hærent in syzygiis quam in quadraturis; quia illic in consequentia latæ cum Sole progrediuntur, atque adeo diutius eum quasi comitantur; hic in antecedentia latæ Solis quadratum, in consequentia latum, citius transeunt; patet apsidēs velocius & diutius progredi in syzygiis suis, tardius vero & non tam diu recedere in quadraturis suis; & excessu progressus supra regressum in integra revolutione apsidum ad Solem, spatium nempe quasi mensium tredecim, ferri etiamnum in con-

consequentia. Sic sane in Orbita Lunari adeo inæqualiter apogæum ejus movetur, ut æquatione, ad gradus integros duodecim cum quadrante exsurgente, cohibenda sit, ut ex Tabulis Lunaribus discere licet.

XXXIV. Si Satelles in orbe eccentrico circa primum suum moveatur, hujus orbis eccentricitas bis in quavis satellitis revolutione mutabitur, & in eadem revolutione erit hæc eccentricitas maxima cum satelles versatur in syzygiis cum Sole; minima vero cum sit in quadraturis: & per consequens eccentricitas in transitu satellitis à quadraturis ad syzygias perpetuo augebitur; &, è contra, in ejusdem transitu à syzygiis ad quadraturas perpetuo minuetur.

Cum enim ex ante demonstratis pateat quod vis centripeta versus primum longe distantem nonnunquam decrescat in majori ratione quam distantie duplicata, nonnunquam in minore; & cum ex decremento in ipsa distantie ratione duplicata, eoque solo, motus satellitis in orbita immobili & datæ eccentricitatis sequatur; necesse est ut ex mutatione hujus rationis etiam orbitæ species mutetur. Sic sane, Ubi vires centripetæ, majori quam duplicata distantie auctæ ratione decrescunt; vel, quod eodem redit, ubi crescunt in majori quam duplicata distantie diminutæ ratione, Manifestum est quod satelles in descensu ab apside summa ad imam, perpetuo accessu vis illius novæ impulsus semper in centrum, magis verget in hoc centrum quam si urgeretur vi sola crescente in duplicata ratione distantie diminutæ: adeoque orbem describet orbe elliptico priore interiorem, & in apside ima propius accedet ad centrum quam prius. Orbis igitur accessu hujus vis novæ fiet magis eccentricus. Si jam vis in recessu satellitis ab apside ima ad summam decresceret iisdem gradibus quibus antea creverat, rediret satelles ad distantiam priorem; manente eccentricitate nuperrime obtenta. Sin vis decrescat in majori ratione quam prius creverat, satelles jam minus attractus ascendet ad distantiam majorem;

rem; & sic orbis eccentricitas adhuc magis augebitur.

Similiter prorsus, Si satelles in descensu suo ab apside summa urgeatur vi quæ augetur minus quam pro duplicata ratione distantiae diminutæ, patet satellitem illum descripturum orbem orbe elliptico prius descripto, (ubi nempe vis centripetæ erat reciproce ut distantiae quadratum,) exteriorem, atque proinde minus eccentricum; & eccentricitatem hanc adhuc minui si in corporis ascensu vis centripetæ decrescat minus sive tardius quam ante creverat. Si igitur ratio incrementi & decrementi vis centripetæ singulis revolutionibus augeatur, augebitur semper eccentricitas; & è contra diminuetur eadem ubi ratio illa decrescat. Cum itaque in quavis satellitis revolutione vis ista in ejusdem syzygiis decrescat in majori ratione quam duplicata distantiae auctæ; & in ejusdem quadraturis in minori; prout ex ante dictis liquet; manifestum est circa satellitis syzygias eccentricitatem orbitæ descriptæ augeri perpetuo, & circa quadraturas diminui. Et cum in pluribus revolutionibus inter se comparatis maxima sit decrementi ratio in apsidum syzygiis, minima in earundem quadraturis, manifestum quoque est eccentricitatem orbitæ maximam esse ubi apsidæ sunt in syzygiis; minimam vero ubi apsidæ sunt in quadraturis: atque adeo eccentricitatem diminui perpetuo in transitu apsidum à syzygiis ad quadraturam Solis; augeri vero perpetuo in transitu earundem à quadraturis ad syzygias.

Corollarium. Hinc Orbitæ Lunaræ eccentricitatem diversam, & indies mutabilem; majorem nempe, cæteris paribus, in Lunæ conjunctione & oppositione, minorem in quadraturis; crescentem etiam in transitu apogæi Lunaræ ab oppositione vel conjunctione ad quadraturas; decrescantem in ejusdem à quadraturis ad oppositionem vel conjunctionem transitu, solvere licebit. Tanta vero apud tabulas Astronomicas statuitur hujus eccentricitatis diversitas, ut distantia inter focum & centrum Ellipseos à Luna descriptæ, quam ejus orbitæ

eccen-

eccentricitatem dicimus, nunc sit $\frac{66.782}{1.000.000}$ nunc so-

lum $\frac{43.319}{1.000.000}$. si nimirum cum distantia Lunæ mediocri partium 1.000.000 comparetur. Atque adeo ut ista eccentricitatum differentia ultra totius eccentricitatis minimæ semissem asurgere deprehendatur. Verum de hac re impræsentiarum satis. Plura Termino Autumni expectabitis.

Junij 4°. 1705.

XX.

XXXV. **S**I Satelles circa primum revolvatur in orbe cujus planum ad planum orbis primarii circa Solem inclinatum fuerit, linea nodorum motu angulari movebitur in antecedentia, sive regredietur; at velocitate inæquali: celerrime quidem ubi nodi sunt in quadraturis; postea gradatim tardius, donec, nodis in syzygiis constitutis, prorsus quiescat. In locis inter quadraturas & syzygias intermediis nodi, conditionis utriusque participes, recedent tardius; adeoque semper vel retrogradi, vel stationarii, singulis satellitis revolutionibus ferentur in antecedentia. Et in eadem Satellitis revolutione celerius regredientur cæteris paribus, cum Satelles est in syzygiis, quam cum sit in aliis locis.

Ex viribus enim perturbatricibus, de quibus toties diximus, vis LM , vel lm , ipsi SP , vel Sp in plano orbitæ satellitis semper sitæ parallela, nullam plani orbitæ mutationem inducere potest. Vis etiam altera MS , vel mS , in plano eclipticæ sita, ubi nodi sunt in syzygiis etiam in orbitæ plano posita erit, utpote in communi utriusque plani intersectione tum temporis posita. At verò ubi nodi non sunt in syzygiis, vis hæc

posterior & major in eclipticæ plano semper sita, in plano orbitæ non erit posita; atque adeo motum satellitis in latitudinem afficiet lineamque nodorum in antecedentia remeare coget. Ponantur nimirum nodi in quadraturis positi, & vis hæc posterior plano eclipticæ parallelus agens satellitem, nodos in utramvis partem transeuntem, & in plano orbitæ suæ perrecturum, ab isto plano perpetuo retrahet; ita ut locus intersectionis proxime futuræ à plani prioris intersectione distet versus antecedentia. Ubi autem nodi sunt inter syzygias & quadraturas, vis hæc posterior nunc nodos in consequentia, nunc in antecedentia cedere coget; semper autem in integro Satellitis circuitu excessu virium in antecedentia regredi coget; unde in nodorum syzygiis manebunt illi immobiles: in eorundem quadraturis celerime retrocedent: & in locis intermediis conditionis utriusque participes recedent tardius; adeoque semper vel retrogradi, vel stationarii, singulis revolutionibus ferentur in antecedentia. Notandum autem, orbita extra syzygias & quadraturas posita, dum satelles à nodo ascendente ad descendentem, vel à descendentem ad ascendentem pergit, nodos tardius regredi quamdiu vis *MS*, vel *ms* plagam istam respicit plani ad quam satelles positus est; & tamdiu progredi quamdiu vis ista plagam oppositam respicit. Sic posita nodorum linea in octante Solis, post situm ejus in quadraturis, sive circa *R*, & *r*, Satelles planum eclipticæ supergressus circa *R* plagam solarem respicit; sed vis perturbatrix ab *R* ad quadraturam *C* tendit ad partes contrarias, per circuli nimirum octantem, deinde evanescente in quadratura vi perturbatrice, post eandem incipit vis versus Solem tendens; atque per tres reliquos octantes manet: ita ut orbitæ mobilis nodorum linea primum progrediatur paululum, deinde paulo plus regrediatur; atque consimiliter in altero semicirculo: donec, nodorum linea syzygias appellente, progressus & regressus sint inter se fere æquales: utrique vero ob situm plani orbitæ

orbis jam cum directione vis perturbatricis quasi coincidente, perexigui, & illico cessaturi. Quod vero in eadem Satellitis revolutione nodi celerius regrediuntur, cæteris paribus cum Satelles est in syzygiis quam alibi, palam est, propter vim perturbatricem eo loci majoram; atque adeo majorem effectum sortituram.

XXXVI. Iisdem positis, Inclination vel angulus acutus plani orbis satellitis ad planum eclipticæ perpetuo mutatur; & maxima est, cum nodi sunt in syzygiis cum Sole: minima vero, cæteris paribus, cum nodi sunt in quadraturis. Minuitur autem dicta inclinatio in transitu Satellitis à quadraturis ad syzygias; augeturque in transitu ejusdem à syzygiis ad quadraturas. Unde fit ut, Satellite in syzygiis existente, inclinatio planorum evadat minima; redeatque ad priorem magnitudinem circiter ubi Satelles ad nodum proximum accedit. Et in transitu nodorum à syzygiis ad quadraturas diminuitur hæc planorum inclinatio, & fit omnium minima, cæteris paribus, ubi nodi sunt in quadraturis: dein crescit inclinatio iisdem gradibus quibus antea decreverat: nodisque ad syzygias denuo reversis ad priorem magnitudinem redit.

Si prior propositio recte fuerit intellecta, hæc particulari explicatione minus indigebit. Sicut enim corpore ab L ad F motu priori pergente, Si accedat vis attrahens lineæ LM parallela versus partes ipsius M , per lineam LM exposita, perget corpus in diagonali LQ , & angulus inclinationis MLQ erit priore inclinationis angulo MLF minor. Vel etiam, Sicut corpore ab L ad F motu proprio pergente, Si accedat similis vis attrahens lineæ eidem LM parallela versus contrarias partes, per lineam æqualem exposita, perget corpus in diagonali altera; & angulus esset major angulo priore. Ita in casu nostro fieri debet, ut simul cum nodorum motu plani oscillatio sequatur. Ubi enim nodi sunt in quadraturis satellitem de plano orbis sui perpetuo detrahendo, minuit inclinatio-

nationem plani in transitu satellitis à quadraturis ad syzygias : augetque vicissim eandem in ejusdem transitu à syzygiis ad quadraturas : unde fit ut, *satellite in syzygiis existente, inclinatio evadat omnium minima; redeatque ad priorem magnitudinem circiter ubi satelles ad nodum proximum accedit.* At si nodi constanter in octantibus post quadraturas, hoc est, circa *P* & *p*, intelligitur ex modo expositis quod in transitu satellitis à nodo alterutro ad gradum inde nonagesimum inclinatio plani perpetuo minuitur; deinde in transitu per 45. gradus usque ad quadraturam proximam inclinatio augetur; & postea denuo in transitu per alios 45 gradus usque ad nodum proximum diminuitur. Magis itaque diminuitur inclinatio quam augetur; & propterea minor est semper in nodo subsequente, quam in præcedente. Et simili ratiocinio inclinatio magis augetur quam diminuitur ubi nodi sunt in octantibus alteris, circa *R*, & *r*. Inclinatio igitur ubi nodi sunt in syzygiis est omnium maxima. In transitu eorum à syzygiis ad quadraturas, in singulis satellitis ad nodos appulsibus diminuitur; fitque omnium minima ubi nodi sunt in quadraturis, & satelles in syzygiis: deinde crescit iisdem gradibus quibus antea decreverat; nodisque ad syzygias proximas appulsis ad magnitudinem primam revertitur. *Q. E. D.*

Corollarium. Ex hac & superiori Propositione solvuntur notissima illa Astronomiæ Lunaræ phænomena quibus nodi gradus $19\frac{1}{2}$ circiter annuatim regrediuntur; atque orbitæ Lunaræ inclinatio est ita mutabilis ut cum nodi sunt in quadraturis angulus inclinationis sit $4^{\circ}. 59', 35''$. tantum; cum vero sunt in syzygiis ad $5^{\circ}. 17'. 20''$. circiter assurgere deprehendatur.

XXXVII. Omnes inæqualitates in motibus satellitum circa primarios suos revolvantium paulo majores sunt in conjunctione satellitis cum sole, quam in ejusdem oppositione,

Cum

Cum enim QS , majorem habeat rationem ad QA , quam QB , habet ad QS , propter SA , SB , cæteris paribus, æquales; & QS majorem quam QA ; erit & ratio duplicata QM , ad QS , adhuc major quam duplicata QS , ad Qm . Atque adeo differentia MS major differentia mS ; & LM major quam lm . Unde effectus ab istis viribus derivati erunt majores quam qui ab alteris derivantur. *Q.E.D.*

Notandum autem distantiam Solis à Terra tam ingentem esse ut differentia virium circa conjunctionem Lunæ cum Sole, & circa ejusdem oppositionem admodum sit parva, & vixdum per observata distinguenda. Unde nullum locum huic differentiæ distinguendæ hætenus datum esse ab Astronomis mirari non debemus.

XXXVIII. Vires Solis absolutæ satellitum perturbatrices earumque effectus in diversis à Sole distantis sunt in distantiarum ratione triplicata inverse.

Sit enim distantia Solis à satellite variata: & sit Radius orbitæ satellitis ad alterum radium in eadem ratione. Erit tum ubique distantia satellitis à primario ad distantiam Solis in data ratione: unde ex hac hypothese vires absolutæ perturbatrices essent ut vires absolutæ Solis, sive in duplicata illa ratione. Hoc obtinuisset si systematis secundarii radius eadem ratione crevisset aut decrevisset atque ipsa Solis distantia creverat aut decreverat: ita ut eadem esset ad invicem ratio quæ prius. Sed cum radius nullatenus decrescat accedente Sole, nec augeatur recedente, ratio ista duplicata erit iterum augenda ratione altera ipsius distantiæ satellitis à primario. Unde integra ratio composita erit prioris triplicata. *Q.E.D.*

Exempli gratia; supponatur Sol duplo quam prius Telluri propior, sive ut 50 ad 100. Et sit AB diameter æqualis partibus duabus, erit vis absolutæ Solis quantitas ad S in distantia minore, quadrupla
quan-

quantitatis vis ejusdem in distantia majore. Sed vis *SM* in distantia minore erit ejusdem vis in distantia majore quasi octupla. Est enim $49 \times 49 = 2401$; & $50 \times 50 = 2500$. Unde $2500 - 2401 = 99$. Et $99 \times 99 = 9801$; & $100 \times 100 = 10.000$. Unde $10.000 - 9.801 = 199$. Ergo differentia virium absolutarum est fere in ratione dupla, sive ut 199 ad 99. Et ipsæ vires absolutæ medioeres sunt in ratione quadrupla, sive ut 4 ad 1. Ergo vires perturbatrices integræ ex istis compositæ sunt ut $4 \times 2 = 8$ ad $1 \times 1 = 1$. sive in ratione distantiae reciproca triplicata fere. Et cum diameter apparetis Solis sit tantum non in ratione distantiae reciproca, & vires corporis centralis fere eadem, vires Solis satellitis perturbatrices, earumque effectus erunt in triplicata diametri Solis apparentis ratione directa quam proxime.

Scholium (1.) Eodem plane modo quo Sol extra satellitis cujuscvis Orbitam constitutus ejus motum perturbat, Planetæ superiores inferiorum; Cometæ omnium Planetarum motus perturbabunt. Et actiones Planetarum vel Cometarum in alios Planetas similes producent effectus, utut longe minores; propter illorum corpora parva, si cum Sole conferantur, & distantias immensas. Aliqui tamen erunt hi effectus; [imo & inferiorum quoque Planetarum in superiores:] qui quidem si persistent, & in eandem plerumque plagam dirigantur, sensibiles tandem evadent. Exempli gratia, Orbitæ Telluris Apfides post plures annos sensibilibiter in consequentia latæ deprehendi possent, licet admodum parvus hic motus sit oportet, si conferatur cum apsidum Lunæ motu in easdem partes. Sic sane ipsa Orbitæ Terrestris eccentricitas alicui mutationi ut obnoxia sit oportet; sed tantillæ sane ut vix aut ne vix quidem ex aliquo phænomeno colligi possit.

Scholium (2.) Sic quoque Planetæ superiores alienorum satellitum motus sensibilibiter perturbabunt, si grandes sint, & si circa mutuam è Sole conjunctionem diutè hæreant,

hæreant, in minima nempe tum temporis distantia constituti. Sic sane Actio Jovis in Saturni satellites, & Saturni in Jovis satellites, posita nimirum mutua omnium Planetarum in se invicem pro materiæ quantitate gravitate, quam olim probabimus, nullatenus erit contemnenda: ubi nempe è Sole quasi conjuncti cernuntur. Sunt enim in se corpora ingentia, & tellure nostra multis vicibus majora, & satis tum propinqua, ut vires perturbatrices evadant sensibiles. Et revera esse sensibiles ex observatis Astronomicis olim demonstrabitur.

Scholium (3.) Virium autem perturbatricium quantitates è Sole in systema Saturnium vel Joviale redundantes ex quantitate virium in Lunæ nostræ anomalis notificationum facile derivare licet. Ex Notis enim distantiarum Telluris, Jovis, & Saturni à Sole rationibus; & Notis in Luna virium harum effectibus, ex certa quadam causarum & effectuum consimilium utrinque proportionem à Newtono observata effectus harum virium etiam apud Jovem & Saturnum satis facile determinari possunt.

XXXIX. Problema. Invenire rationem inter vires quibus satellitis motus perturbatur à Sole, & vim quæ satellites in orbe suo circa primarium retinetur, quæ gravitas in primarium dici debet.

Est enim vis perturbatrix integra ex viribus perturbatricibus LM , vel lm , & SM , vel Sm composita: est etiam, propter ingentem Solis distantiam, linea LQ , vel lQ ipsi lineæ MQ fere parallela; atque adeo vis LM vel lm mediocri suæ quantitati, sive satellitis radio SP , vel Sp est quam proxime æqualis: Et propter ingentem etiam Solis distantiam SM , vel Sm , sive LP , vel lp æquales sunt triplæ lineæ KP vel kp . Unde cum in triangulo SKP , vel skp rectangulo ad K , vel k angulus KSP , vel kSp sit distantia satellitis à quadratura; & latus KP , vel kp sit ad radium SP , vel Sp sinus rectus; erit vis perturbatrix SM , vel Sm , ad vim perturbatricem LM , vel

vel lm , ut radius, ad triplum sinum rectum distantiae satellitis à quadratura proxima. Unde si ratio vis perturbatricis SP , vel Sp ad vim primarii centripetam, sive ad vim gravitatis solum innotesceret, vis perturbatrix SM , vel Sm facile innotesceret. Quam itaque hac methodo investigamus. Vis perturbatrix SP , vel Sp , est ad vim centripetam primarii in Solem, ut linea SP , vel Sp , ad lineam SQ ; sive ut distantia satellitis à primario, ad distantiam Solis ab eodem primario. Vis autem centripeta primarii in Solem, est ad vim centripetam secundarii in Primarium, ut temporum periodicorum quadrata, ducta in circulorum radios: Sive ut SQ , ad SP , vel Sp ; & ut temporum periodicorum quadrata simul. Unde ex æquo vis perturbatrix quantitas, erit ad vim gravitatis, (ratione prioris SP , vel Sp ad SQ , rationem alteram reciprocam SQ , ad SP , vel Sp perimente,) ut temporum Periodicorum quadrata. *Q. E. D.*

Corollarium (1.) Cum itaque tempus periodicum Lunæ sit $39.343'$. & tempus periodicum Terræ circa Solem $525.969'$. Erit vis perturbatrix SP , ad vim gravitatis versus Terram apud Lunam, ut $39.343' \times 39.343'$, ad $525.969' \times 525.969'$: Hoc est, ut $1.547.871.649$ ad $276.643.388.961$ sive, ut

1 ad $178\frac{1}{3}$. Et cum vis SM , vel Sm in maxima sua quantitate, sive in syzygiis, sit ad vim priorem ut 3 ad 1 , erit vis SM , vel Sm in syzygiis ad vim gravitatis, ut 3 , ad $178\frac{1}{3}$. sive ut 1 , ad $59\frac{1}{3}$. Est ergo vis ista perturbatrix Solis SM vel Sm in syzygiis quasi pars sexagesima totius vis gravitatis Lunæ versus terram. Sive potius, dempta vi SP , vel Sp in hoc casu à vi SM , vel Sm , ut fieri potest, est vis integra perturbatrix in syzygiis, ad vim gravitatis ut 1 ad $89\frac{1}{3}$. sive pars ejusdem fere nonagesima. Et in locis aliis erit vis SM , vel Sm , ad vim gravitatis, (posito sinu toto unitati æquali,) ut triplus sinus rectus distantiae à quadratura proxima, ad $178\frac{1}{3}$.

XL. Si corpora plura fluida, aut diversa, aut in unum fluidum coalescentia circa Planetam primum moveantur, singulæ fluidi partes motus suos ad legem satellitis peragendo propius accedent ad primum cæteris paribus, & celerius movebuntur in conjunctione & oppositione ipsarum & Primarii, quam in quadraturis. Et Nodi annuli hujus, seu intersectiones ejus cum eclipticæ plano quiescent in syzygiis. Extra syzygias vero movebuntur in antecedentia; & velocissime quidem in quadraturis, tardius aliis in locis. Annuli quoque inclinatio variabitur; & axis ejus singulis revolutionibus mensuris oscillabitur, completaque revolutione ad primum situm redibit: nisi quatenus per præcessionem Nodorum circumfertur. Hæc omnia ex nuper demonstratis sua quasi sponte sequuntur: atque adeo peculiari demonstratione minime indigent.

Corollarium. Hinc Annuli Saturnii phænomena nonnulla, modo fluidum sit, facile possunt intelligi. Imo vero, si solidum sit, ejusdem cum Ecliptica intersectiones sive Nodi quiescent in syzygiis suis, ubi nempe Sol in ipso annuli plano æque ac in eclipticæ plano reperitur. Extra syzygias autem regredientur: & celerissime quidem in quadraturis, tardius aliis in locis. Annuli quoque inclinatio variabitur, & axis ejus singulis circa Solem revolutionibus nutando bis inclinabitur in eclipticam, & bis redibit ad positionem priorem, nisi quatenus per præcessionem nodorum circumfertur. Ut ex ante dictis est apertissimum.

XLI. Si fluidum in alveo per superficiem cujuscvis Planetæ sive primarii sive secundarii excavato contineatur, & una cum planeta suo motu periodico diurno uniformiter revolvatur; partes singulæ hujus fluidi per vices acceleratæ & retardatæ in syzygiis suis, sive in meridie & media nocte, velocius erunt; in quadraturis, sive hora sexta matutina & vespertina, tardiores quam superficies globi contigua: & sic fluat in alveo, refluetque per vices perpetuo. Ab inæquabili enim Solis at-

one turbabitur fluidum, eo quod major erit attractio partium propiorum, minor ea remotiorum, vis autem LM , vel lm trahet fluidum deorsum in quadraturis, sive ad horam sextam matutinam & vespertinam; facietque ipsius partes ibidem locatas descendere usque ad syzygias, sive ad Meridiem & Mediam noctem, & vis SM , vel Sm trahet eandem sursum in syzygiis, sistetque descensum ejus: & faciet ipsam ascendere usque ad quadraturas; atque ita perpetuo.

Corollarium. Hinc fluxus & refluxus maris causam discimus. Si nimirum Lunæ æquæ ac Solis vires perturbatrices agnoscamus; & quæ ante demonstrata sunt huic casui rite applicemus. Sed notissimum hoc atque maxime stupendum hæcenus naturæ miraculum fusus & distinctius erit posthæc pertractandum: Eo itaque Lectorem remittimus.

Octob. 12^o. 1703.

XXI.

XLII. **S**I globo perfecte spherico ad partes æquatores circumaddatur annulus adjectivus solidus; eundemq; adhærere; Cessabit quidem motus fluendi & refluxendi: Sed Oscillatorius ille inclinationis motus, & præcessio Nodorum manebunt. Habeat Globus eundem axem cum annulo; gyroque compleat insdem temporibus; & superficie sua contingat ipsum intèrius, eique inhaereat; & participando motum ejus compages utriusque oscillabitur, & nodi regredientur. Nam globus, ut mox dicetur, ad suscipiendas impressiones omnes indifferens est. Annuli globo orbiati maximus inclinationis angulus est ubi Nodi sunt in syzygiis. Inde in progressu Nodorum ad Quadraturas conatur is inclinationem suam minuere, & isto conatu motum imprimat Globo rei.

Re-

Retinet Globus motum impressum, usque dum annulus constu contrario motum hunc tollat, imprimatque motum novum in contrariam partem. Atque hac ratione maximus decrescens inclinationis motus fit in quadraturis nodorum, & minimus inclinationis angulus in octantibus post quadraturas. Dein maximus reclinacionis motus in syzygiis, & maximus angulus in octantibus proximis. Et eadem est ratio Globi annulo nudati, qui in regionibus æquatoris vel altior est paulo quam juxta Polos, vel constat ex materia paulo densiore. Supplet enim vicem annuli iste materię in æquatoris regionibus excessus.

Coroll. (1.) Eadem ratione qua materia globi juxta æquatorem redundans efficit ut Nodi regrediantur, atque adeo ut per hujus incrementum augeatur iste regressus, per diminutionem vero diminuatur, & per ablationem tollatur; si materia plusquam redundans tollatur, aut, quod eodem recidit, si globus juxta æquatorem vel depressior reddatur, vel rator quam juxta polos, orietur motus Nodorum in consequentia.

Coroll. (2.) Hinc etiam vicissim ex motu nodorum innotescit constitutio globi. Nimirum, si globus polos eisdem constanter servet, & motus fiat in antecedentia, materia juxta æquatorem redundat. Si in consequentia, deficit. Ponamus globum uniformem, & perfecte circinatum in spatiis liberis primo quiescere; dein impetu quocunque in superficiem facto propelli, & motum inde concipere partim circularem, partim in directum. Quoniam Globus iste ad axes omnes per centrum suum transeuntes indifferenter se habet, neque propensior est in unum axem, unumve axis situm quam in alium quemvis, perspicuum est quod is axem suum, axisque inclinationem vi propria nunquam mutabit. Impellatur jam Globus oblique in eadem illa superficiiei parte qua prius, impulsu quocunque novo; & cum citior vel serior impulsus effectum nil mutet, manifestum est quod hi duo impulsus successive impressi eundem

producent motum, ac si simul impressi fuissent: hoc est, eundem, ac si globus, vi simplici ex utroque impulsu composita, fuisset impulsus; atque adeo simplicem circa axem inclinatione datum. Et par est ratio impulsus secundi facti in locum alium quemvis in æquatore motus primi; ut & impulsus primi facti in locum quemvis in æquatore motus, quem impulsus secundus absque primo generaret; atq; adeo impulsuum factorum in loca quæcunque. Generabunt hi eundem motum circularem, ac si simul & semel in locum intersectionis æquatorum motuum illorum, quos seorsim generarent, fuissent impressi. Globus igitur homogeneus & perfectus non retinet motus plures distinctos; sed impressos omnes componit, & ad unum reducit: & quatenus in se est gyratur semper motu simplici & uniformi, circa axem unicum inclinatione semper invariabili datum. Sed nec vis centripeta versus corpus extraneum quodvis tendens inclinationem axis, aut rotationis velocitatem mutare potest. Si Globus plano quocunque per centrum suum, & centrum in quod vis dirigitur transeunte dividi intelligatur in duo hæmisphæria, urgebit semper vis illa utrumque hæmisphærium æqualiter, & propterea globum quoad motum rotationis nullam in partem inclinabit. Addatur vero alicubi inter polum & æquatorem materia nova, in formam montis cumulata, & hæc perpetuo conatu recedendi à centro sui motus turbabit motum globi, facietque polos ejus errare per ipsius superficiem, & circulos circum se punctumque sibi oppositum perpetuo describere. Neque corrigetur ista vagationis enormitas, nisi locando montem illum vel in polo alterutro; quo in casu, ut prius dictum, Nodi æquatoris progredientur: vel in æquatore; qua ratione, per prius etiam dicta, Nodi regredientur: vel denique altera axis parte addendo materiam novam qua mons inter movendum libretur: Et hoc pacto Nodi vel progredientur, vel recedent, perinde ut mons & hæc nova materia sunt vel polo vel æquatori propiores.

. Coroll.

Coroll. (3.) Cum itaque constet ex observatis Astronomicis, quod Nodi æquatoris terrestris quotannis regrediantur per 50'' fere; qui quidem regressus æquinotiorum præcessio audit; sequitur partes telluris æquatoreas esse partibus polaribus altiores. Et vicissim, cum ex diurno telluris motu, ut inferius explicabitur, telluris figura sit oblata sphæroidis, partibus polaribus præ æquatoreis depressis, liquet exinde æquatoris nodos regredi debere quotannis.

Coroll. (4.) Ex prius dictis liquet etiam axem telluris oscillari quotannis, & in quavis revolutione annua nutando bis in eclipticam inclinari, & bis redire ad positionem priorem. Liquet etiam maximum decrefcentis inclinationis plani æquatorei & ecliptici motum fieri in quadraturis nodorum, sive in solstitiis utrisque; & minimum inclinationis angulum in octantibus post quadraturas, sive circa medios Leonis & Aquarii gradus: deinde maximum esse inclinationis motum in syzygiis nodorum, sive in æquinotiiis, & maximum inclinationis angulum in octantibus proximis, sive circa medios Tauri & Scorpj gradus. Sed propter parvitatem horum motuum omnino insensibiles erunt hujusmodi effectus; nec ullis observatis Astronomicis deprehendendi. Notandum autem hisce contrarios effectus telluri nostræ, modo partes æquatores polaribus essent depressiores, tribuendos fuisse.

Coroll. (5.) Hinc ultro corruiat à Cl. Gregorio excogitatum effugium quasi Paralaxis annua Stellarum fixarum à Cl. Flamstedio toties reperta infirmo nitentur fundamento: & quasi nec distantiam fixarum observatarum, nec ipsius telluris motum annum exinde pro certo concludere liceret. Quin agamus igitur; & post prolata ipsa dubitantis & cavillantis Gregorii verba in arenam cum Viro Clarissimo paulisper descendamus. Methodum hanc fixarum parallaxin observandi Flamstedianam olim expositam dedimus; nec actum itaque iterum agemus.

*Prælect. Astro-
nom. p. 33. &c.*

Ex hac autem methodo rite intellecta omnino liquet, stellam, verbi gratia, polarem à polo mundi, sive æquatoris Boreo circa solstitium æstivum quam circa hyemale distare magis; idque spatio admodum sensibili, nimirum 40" aut 45". Unde concludit Flamstedius & dari revera Telluris motum annuum circa Solem, & fixas parallaxi annuæ satis sensibili esse obnoxias: earumque proinde distantias exinde colligi posse. Quid hic Gregorius? Num negat Stellam e. g. polarem magis à Polo Mundi Boreo distare circa solstitium æstivum quam brumale? Minime sane. Num Axis Telluris Nutationem illam perexiguam, qua inclinationem eclipticæ & æquatoris ad solstitia minui, ad æquinoclia augeri cum Flamstedio supponit, hallucinationis causam opinatur? Nequaquam. Ostenderat nimirum Flamstedius hanc Nutationem perexiguam confirmare potius quam infirmare sententiam suam. Quid

Pag. 295. ergo sibi vult Vir Doctissimus. "Metodus hæc, inquit ille, fixæ parallaxin determinandi supponit Telluris axem sibi exactissime esse parallelum: cum hæc in oppositis punctis suæ orbitæ versatur quando observationes instituuntur. Quidni supponat, aut exactissime, aut proposito suo satis exacte sibi semper parallelum? "Licet, pergit Gregorius, Axis Nutatio ista exigua, de qua nuperrime diximus, observationi Flamstedianæ minime obstat, "Alia tamen aliunde orta Nutatio totam hanc stellæ polaris à polo distantiam diversitatem producere poterit. Si nimirum hæmisphærii terræ australis paulo major sit densitas quam hæmisphærii borealis (vel propter minorem illi ætatem quam huic, majusque frigus; vel propter continentium terræ ad polos positorum inæqualitatem, vel aliam causam quandam nobis ignotam,) cum in solstitio hyemali Polus Austrinus annuat ad Solem, & simul illi propior sit quam est polus Boreus: cumque tempore Solstitii æstivi hic ad Solem annuit, inclinabitur axis terræ magis

gis ad eclipticæ planum tempore hyemali quam æstivali, Angulus quo distat stella polaris à Polo minor effiet in solstitio hyemali, quam in æstivo, licet stella polaris effiet ad distantiam infinitam posita, & lineæ ab eadem ad orbem magnum ductæ pro parallelis haberi possent. Cum igitur totum quod per D. Flamstedii observationem conficitur illud sit, quod distantia angularis apparens stellæ polaris à polo in solstitio hyemali quam æstivo minor sit, atque hoc ex duplici causa oriri possit, nempe ex rectorum à tellure in diverso suo situ ad Stellam polarem concursu ad stellam polarem, si terræ axis in observationum una parallelus sit eidem in altera; Quod à Flamstedio supponitur: Vel ex rectorum cum terræ axe in diverso suo situ coincidentium concursu ad partes contrarias; posita stella polari infinite distante; ex observatione illa fixarum parallaxis non evincitur. Quoniam observationis integra consistere potest, rectis à diversis telluris locis ad stellam polarem infinite distantem ductis parallelis manentibus; hoc est, Orbis magni parallaxi posita nulla. Imo hæc observatio, sic ait Gregorius, ne vel Telluris motum annuum immediate astruit. Nam licet Tellus in medio maneat, (circa axem, ut in Systemate semi-Tychonico, rotata cælestium motum diurnum apparentem efficiens,) Sol in signis australibus hemisphærium Terræ australe propius, & forte densius Soli tum obversum ita attrahere poterit, ut distantia stellæ polaris à polo in solstitio brumali minor sit quam distantia eadem cum in Signis borealibus Sol remotior ejus hemisphærium boreale etiam forte minus densum minus attrahit. Hactenus D. Gregorius. Et similem effugiendi rationem quoad reliqua Flamstedii atque Hookii observata eodem spectantia committitur. Sed Respondeo:

(1.) Quod ad causas hujus Titubationis axis telluris assignatas, minorem nempe hæmisphærii australis æstatem, majusque frigus, aut continentium polarium in-

æqualitatem spectat; si Vir Cl. densitatem hæmisphærii australis præ boreali tantam quanta movendæ per tot minuta secunda telluris positioni sufficiat, ex his causis arcessere velit, idem omnino agit ac si Caucasum vecte è loco suo dimovere conetur. Demiror sane Viri doctissimi in hac re *ἀγαπητοὶ*, quod causarum tantillarum vires & quantitatem non prius aliquo modo æstimare voluerit, quam tantis effectibus pares statueret. Laudo tamen Viri Cl. prudentiam quod addiderit, *vel propter aliam causam quandam nobis ignotam*: Probe enim sciebat causæ ignotæ nullum iniri posse calculum: atque adeo se sibi in hoc negotio loco haud male cavisse. Interea, dicam aperte, diversæ hujus, quam somniat, hæmisphæriorum terrestrium densitatis causam nullam assignari posse, quæ non mechanicæ planetarum formationi, & phænomenis naturæ hodiernis simul adverteretur. Respondeo

(2.) Si alterum telluris hemisphærium altero haud paulo altius aut densius esset, non exinde tamen titubationem hanc quam commentus est Cl. Gregorius secuturam. Hoc enim in casu oscillaretur quidem Axis Globi; sed ita, ut angulus inclinationis bis in anno ad maximam, & minimam quantitatem reverteretur; atque ita ut angulus iste ejusdem esset quantitatis in utroque solstitio; quod ipsius hypotheseos Gregorianæ fundamenta plane subvertit. Respondeo

(3.) Ex inæquali hac hemisphæriorum terrestrium altitudine, aut densitate, si modo æquatoris altitudinem aut densitatem vincat, sequi æquinoctiorum *progressum*: cum palam sit, & à Gregorio agnitum, ea omnino motu continuo *regredi*. Sin inæqualitatem hujusmodi solummodo statuat quæ majorem adhuc æquatoris altitudinem aut densitatem factam tectam conservari ponat, ita ut quantum superent partes alteræ polares aut altitudine aut densitate, tantum deficient alteræ, dico quod neque ex hac hypothefi causæ suæ adjumentum aliquod petere possit. Etenim propter virium in
al-

altero hemisphærio defectum earum in altero hæmisphærio excessum compensantem, vires integræ axem moturæ etiamnum æquales manebunt, neque ullam ejusdem titubationem efficient. Ita ut neque ex supposita inæquali ista altitudine aut densitate Titubatio axis Gregoriana ullo modo sequatur. Respondeo

(4.) Si ipsam etiam axis terrestris titubationem disputandi gratia supponeremus, neque sic scopum suum attingeret Gregorius. Talem enim iste titubationem supponit qualis in solstitiorum uno ad minimum inclinationis angulum axem reduceret, & ad maximum in altero. Ex principiis autem Newtoni prius positis, quæ & ipsius Gregorii sunt pariter principia, sequeretur maximum inclinationis axis angulum fore in octantibus post Nodorum syzygias, & minimum in octantibus post eorundem quadraturas; ita ut, quod prius diximus, in ipsis solstitiis utrisque inter maximum & minimum angulum ubique intermediis nulla plane anguli inclinationis varietas sit expectanda. Unde quoque, quod obiter est Notandum, & ipse Flamstedius, & eundem secutus Gregorius errant omnino, dum mutationem axis, cui æquinoctiorum præcessio debetur, ullum hic locum habere supponant. Respondeo

(5.) Si denique ipsam axis nutationem, & tempore quo vult Gregorius, & in partes ab eo assignatas supponere placeret, Inclinationis quantitas longe minor foret, quam ut parallaxin Flamstedianam potis esset efficere. Demus Gregorio Axem terræ quotannis oscillari; demus quoque in æquinoctiorum altero oscillationem fieri in hanc, in altero vero fieri in contrariam partem; ita ut maxima quæ fieri potest differentia oriatur. Quantillula erit hæc differentiola? Nempe ex calculo olim adhibito constat oscillationem illam grandiusculam (comparative loquor) ex altitudine sensibili mille passuum quasi 17, qua semidiameter æquatoris axem dimidium superat orta, ad partem tantum unius minuti secundi aliquam assurgebat :
cui

Prælect. Astronom. p. 40.

cui quantitati hæc oscillatio, mea quidem sententia, ne comparari quidem potest. Quid ergo hæc minutiarum minutiarum cum parallaxi ad integrum saltem unius minuti primi dodrantem assurgente? Eam nempe causa hæc ad effectum producendum habitura rationem quam puteus ad Oceanum. Sed me reprimo: & tandem concludo, effugium hoc Cl. Gregorii, quo fixarum parallaxin & annum telluris motum ab Observatis Flamstedinis haud certo sequi contendit, haud exiguum esse ejusdem errorem, & labem non parvam operi alias pulcherrimo inurere.

Scholium. Notandum autem Cl. Flamstedium ratio-
cinia sua non recte in omnibus hoc loco instituisse, quod
nuper annotarunt Galli: & Fixarum parallaxin nonnun-
quam ex phænomenis illam minime probantibus deduxis-
se; quod in tanto artifice mirandum. Veruntamen, cum
rem penitus introspicerem, deprehendi ex Observatio-
num solennium quindecim quas ipsi Galli veras esse,
& suis consentaneas agnoscunt, Fixarum parallaxi eti-
amnum consentire undecim: & ex dissentientibus qua-
tuor unam tantum ejus esse quantitatis ut negotium no-
bis facessere queat; quam proinde ab errore quodam,
sive inter observandum, sive inter scribendum admissio
derivatam fuisse æquum est ut existimemus. Præ-
sertim cum similis fixarum parallaxis ex accuratis Hookii
Observatis constare, nec aliunde solvi posse merito vi-
deatur. Sed hæc ulteriori Astronomorum industriæ
sunt relinquenda.

Octob. 29°. 1705.

XXII.

XLIII SI singula Systematis Corpora ut *A* & *B* seorsum spectata trahant cætera omnia viribus acceleratricibus quæ sint reciproce ut Quadrata distantiarum à trahente, erunt corporum illorum omnium vires absolutæ ad invicem, ut sunt ipsa corpora.

Trahat corpus *A* vi acceleratrice per *a* exposita corpus *B*; & propter distantiam utrinque eandem trahat vicissim corpus *B* ipsum Corpus *A*, vi acceleratrice per *b* exposita. Quantitas motus est utrinque æqualis, propter reactionem utrinque actioni æqualem: Et ista motus quantitas ex velocitate in materiæ quantitatem ducta omnino oritur. Est itaque rectangulum $A \times b$ æquale rectangulo $B \times a$. Et proinde vis acceleratrix corporis *B*, erit ad vim acceleratricem corporis *A*, paribus distantis, ut Corpus *B* ad corpus *A*. Atque adeo Corporum vires absolutæ erunt inter se ut ipsa Corpora. Nimirum summa virium æqualium in partes æquales paribus distantis ubique tendentium, *Q. E. D.*

Scholium. Hujusmodi Propositionibus manuducimur ad analogiam inter vires centripetas, & corpora centralia, ad quæ vires illæ dirigi solent. Rationi enim consentaneum est ut vires quæ ad corpora diriguntur pendeant ab eorundem natura & quantitate, ut fit in magneticis. Et quoties hujusmodi casus incidunt, æstimandæ erunt corporum attractiones assignando singulis eorum particulis vires proprias, & colligendo summas virium. Vocem autem *Attractionis* hic generaliter usurpamus pro corporum conatu quocunque accedendi ad invicem, sive conatus iste fiat ab actione corporum, vel se mutuo petentium, vel per spiritus emissos se invicem agitantium; sive is ab actione ætheris, aut aeris, mediæ cujuscunque, seu corporei, seu incorporei oriatur, corpora innatantia utcunque in se invicem impellentis. Eodem sensu gene-


generali usurpamus vocem *Impulsus*: non species virium & qualitates physicas hic loci, sed quantitates & proportionales Mathematicas expedientes; ut in definitionibus prius explicuimus. In mathesi investigandæ sunt virium quantitates, & rationes illæ quæ ex conditionibus quibuscunque positæ consequuntur. Deinde ubi in Physicam descenditur, conferendæ sunt hæ rationes cum phænomenis, ut innotescat, quænam virium conditiones singulis corporum attractivorum generibus competant: Et tum demum de virium speciebus, causis, & rationibus physicis tutius disputare licebit. Videamus igitur quibus viribus corpora Sphærica, qualia fere sunt majora omnia Systematis mundani Corpora, Sol, Fixæ, Planetæ, Cometæque, ex particulis, modo jam expositis, attractivis constantia debeant in se mutuo agere; & Quales motus inde consequantur.

XLIV. Si ad Sphæricæ superficiei Physicæ, sive crassitudinis ubique æqualis, sed contemnendæ, puncta singula æqualia tendant vires æquales centripetæ decrescetes in duplicata ratione distantiarum à punctis; Corpusculum intra superficiem ubilibet constitutum his viribus nullam in partem attrahetur: sed vel quiescet, vel motum quemvis inceptum sine perturbatione illa continuabit, pariter ac si nullis omnino viribus à superficie ista urgeretur.

Sit *HIKL* Superficies illa Sphærica: & *P* corpusculum quodvis intus constitutum. Per *P* agantur ad hanc superficiem lineæ duæ rectæ quælibet, *HK*, *IL*, arcus quam minimos *HI*, *KL* intercipientes. Et ob triangula similia *HPI*, *LPK*, [*HI* enim & *KL* arcus quam minimi pro rectis lineis sumi debent; & anguli ad *P* verticem oppositi æquantur; & * latera æqualem istum angulum continentia, sunt utrinque proportionalia:] arcus illi erunt distantis *HP*, & *LP* proportionales: hoc est, erit *PH*, ad *PL*, sive *PI*, ad *PK*, ut *IH*, ad *KL*. Et superficiei sphæricæ

* III, 35. cum VI, 14, & VI, 6. Elem.

particulæ quævis ad HI , & KL rectis innumeris per punctum P transeuntibus undique terminatæ, sive polygonæ sint, sive circuli, erunt figuræ inter se similes; & proinde in ratione arcuum istorum sive distantiarum à corpusculo duplicata. Et proinde, Vires integræ attractrices in contrarias partes æqualiter factæ, propter minoris superficiæ situm propiorem, & majoris remotiorem, se mutuo destruent & tollent. Simili argumento attractiones omnes per totam sphericam superficiem à contrariis attractionibus destruentur: Ac proinde Corpus P nullam in partem his attractionibus impelletur. *Q. E. D.*



Coroll. (1.) Cum itaque sphaera quævis, quæ spatium concavum concentricum sphaericum intus habet, in sphaericas hujusmodi superficies crassitie contemendæ innumeras recte dividi possit; & ex vi hujus demonstrationis superficierum quævis nullo modo corpusculum intus constitutum in ullam partem attrahere possit; Liquet Totam Sphaeram nullam in corpusculum interius vim imprimere. Sed corpusculum illud, si prius quiesceret, etiamnum quieturum; si prius motu qualicunque ferretur; etiamnum motu eodem perferetur; non obstante sphaeræ exterioris attractione.

Coroll.

Coroll. (2.) Et cum hoc de corpusculis quibuscunque corpus quodvis vel materiae molem quamvis componentibus pari jure possit demonstrari; Liqueet corpus quaecunque intra hujusmodi sphaeram concavam positum non obstante sphaerae attractione, aut quiescere, aut motu quovis pristino etiamnum ferri.


Coroll. (3.) Si itaque Tellus nostra, utpote Sphaerica ex particulis attractivis composita, sphaericam cavitatem centralem habuisset, Animalia quaelibet illic constituta nulla gravitatis vi affecta motus omnes suos eadem libertate possent peragere, ac si nulla esset in rerum natura corporum gravitas. Neque sane ullam hujusmodi vim esse facile deprehendere potuissent. Et par est ratio de Planetis, reliquis Cometis, Sole, & stellis fixis.

XLV. Iisdem Positis Corpusculum extra sphaericam superficiem constitutum attrahetur ad centrum Sphaerae vi reciproce proportionali quadrato distantiae suae ab eodem centro.


Sint apud Figuram hanc duplicem ubi earum altera majusculis, altera minusculis literis notatur, *AHKB*, *ahkb* aequales duae superficies sphaericae; (aut potius eadem superficies bis posita.) Centris *S*, *s* diametris *AB*, *ab* aequalibus descriptae: Et *Pp* Corpuscula duoy (aut potius idem corpusculum ad varias à superficie sphaerica distantias positum,) sita extrinsecus in diametris illis productis. Agantur à Corpusculis lineae rectae *PHK*, *PII*: *phk*, *pii*: auferentes à circulis maximis *ATB*, *atb* aequales arcus, quam minime inter se differentes, *HK*, *hk*: & *II*, *ii*. Et ad eas demittantur perpendiculara *SD*, *sd*; ipsis *PK*, *pk*; *SE*, ut ipsis *PI*, *pi*; *IR*, *ir*; ipsis *PK*, *pk*. Quorum *SD*, *sd* secant *PI*, *pi* in punctis *F*, & *f*. Demittantur etiam ad diametros perpendiculara *IQ*, *iq*. & ob aequales *DS*, & *ds*: *ES*, & *es*: & angulos minimos evanescentes *DPE*, *dpe*, lineae *PE*, *PF*; & *pe*, *pf* evanescentibus nimirum differentiis *FE*, *fe*; & Lineae

Dh

DF , df pro æqualibus haberi possunt: quippe quarum ratio ultima angulis illis DPE , dpe ; & DSE , dse simul evanescentibus est ratio æqualitatis. His itaque constitutis, erit in triangulis similibus PRI , PDF : & pri , pdf , PI , ad PF , ut RI , ad DF : & pf , ad pi , ut DF , vel df , ad ri : Et utrisque rationi-



bus æqualibus in unam compositis, erit rectangulum $PI \times pf$, ad rectangulum $PF \times pi$, ut rectangulum $RI \times DF$, ad rectangulum $DF \times ri$: hoc est, ut RI , ad ri : hoc est, in triangulis ultimo similibus IRH ,



rh , (propter angulum rectum ad R , & r ; & angulum RHI angulo rhi , si circuli æquales applicarentur sibi mutuo congruentem;) ut arcus evanescens Ih , ad arcum evanescentem ih . Rursum, Est in triangulis
simi-

similibus PIQ , PSF : piq , psf , PI , ad PS , ut IQ , ad SE : & ps , ad pi , ut SE , vel se , ad iq . Et, utrisque rationibus æqualibus in unam compositis, erit rectangulum $PI \times ps$, ad rectangulum $PS \times pi$, ut rectangulum $IQ \times SE$, ad rectangulum $SE \times iq$: hoc est, ut IQ , ad iq . Et conjunctis rationibus utrisque principalibus, Erit quantitas $PI \times PI \times pf \times ps$, ad quantitatem $pi \times pi \times PF \times PS$, hoc est, $Piq \times pf \times ps$ ad $piq \times PF \times PS$, ut rectangulum $IH \times IQ$, ad rectangulum $ih \times iq$: hoc est, ut Superficies circularis, sive annulus quem arcus minimus IH convolutione semicirculi $AHTB$ circa diametrum AB describet, ad superficiem circularem, sive annulum quem arcus minimus ih convolutione semicirculi $abt b$ circa diametrum ab describet. Et vires quibus hæ Superficies secundum lineas ad se tendentes attrahunt corpuscula P & p sunt, per Hypothesi, ut ipsæ Superficies, nisi quantum distantiarum quadrata easdem vires adaugeant vel diminuant: & proinde sunt revera vires illæ ut ipsæ Superficies, applicatæ ad quadrata distantiarum suarum à corporibus, hoc est, ut $\frac{PIq \times pf \times ps}{PIq}$, ad $\frac{piq \times PF \times PS}{piq}$: sive ut $pf \times ps$, ad $PF \times PS$. Sunt quoque hæ vires integræ ad ipsarum partes obliquas, quæ, facta virium resolutione secundum lineas PS , ps ad centra tendunt, ut PI , ad PQ : & pi ad pq : id est, (ob similia triangula PIQ , PSF ; & piq , psf ;) ut PS , ad PF : & ps , ad pf . Unde, ex æquo, fiet attractio corpusculi hujus P versus centrum S , ad attractionem corpusculi p versus centrum s , ut $\frac{PF}{PS} pf \times ps$, ad $\frac{pf}{ps} PF \times PS$, sive ut $PF \times pf \times ps \times ps$, ad $pf \times PF \times PS \times PS$, sive etiam ut $ps \times ps$ vel psq , ad $PS \times PS$, vel PSq . Hoc est, ut distantiarum à centris suis quadrata reciproce. Et simili argumento, vires quibus Superficies

cies remōtiores convolutione arcuum remotiorum *HL hl* descīptæ trahunt corpuscula, erunt ut distantiarum à centris suis quadrata reciproce. Inque eadem ratione erunt vires superficierum omnium hujusmodi circularium vel annularium, in quas utraque superficies sphærica, capiēdo semper arcus æquales *HK, hk; & ITI, iti:* sive, quod perinde est, perpendiculum *SD* æquale perpendiculo *sd:* & perpendiculum *SE* æquale perpendiculo *se* distingui potest: donec integra superficies hoc modo exhauriatur. Et Inde, summa virium, sive vires totarum superficierum sphæricarum in corpuscula exercitæ erunt in eadem ratione. *Q. E. D.*

Coroll. (1.) Cum itaque sphæra quævis integra in hujusmodi sphæricas superficies concentricas innumeras recte dividi possit; & cum ex vi hujus demonstrationis superficierum quælibet ita corpusculum illud attrahat, ut vis attractionis versus centrum sit in duplicata ratione distantie reciproce, Palam est, & sphæram integram ita corpusculum illud attrahere, ut vis centripeta versus centrum sit in duplicata ratione distantie ab illo centro reciproce.

Coroll. (2.) Et cum vires reliquæ obliquæ *IQ, iq* ex adversis hemisphæriis æstimatæ sibi mutuo opponantur, & se invicem omnino tollant, vires integræ centripetæ in corpusculum exercitæ erunt viribus istis versus centrum tendentibus omnino æquales.

Coroll. (3.) Et cum similiter procederet demonstratio, si vice corpusculi unius corpus quodvis ex istis corpusculis compositum supponeretur; (quod enim uni particulæ convenit, pari jure & singulis particulis, & proinde ipsarum summæ convenire est necesse;) liquet sphæram quamvis ex particulis æqualiter attractivis constantem, corpus quodvis ita attrahere, ut attractionis quantitas sit in ratione distantie à sphære centro duplicata reciproce.

Coroll. (4.) Attractio itaque sphære eodem modo se habet ac si vis integra versus centrum tendens in ipsum

centrum collecta uniretur, & ab isto solo puncto se undique per regiones in circuitu propagaret.

XLVI. Si ad sphærarum quarumvis homogenearum, five ejusdem densitatis puncta singula tendant vires centripetæ æquales decrescientes in duplicata ratione distantiarum à punctis; ac detur ratio diametrorum sphærarum ad distantiam corporis ab earum centrīs; vires quibus corpora singula trahentur inter se collatæ erunt proportionales semidiametris sphærarum trahentium.

Nempe, vires sphærarum sunt ut ipsæ particule trahentes, five ut ipsæ sphæræ; hoc est, in triplicata ratione semidiametrorum, paribus nimirum distantis. Sed cum distantia inæquales ponantur, & in ipsa diametrorum vel semidiametrorum ratione inæquales, diminuentur vires in ratione distantiarum, hoc est, ex hypothesi semidiametrorum sphærarum duplicata. Vires itaque reliquæ, ab excessu rationis triplicatæ supra duplicatam æstimandæ, erunt in simplici semidiametrorum ratione directæ. *Q. E. D.*

Coroll. (1.) Hinc si corpora quævis in circulis circa sphæras ex materia æqualiter attractiva constantes revolvantur; sintque distantia à centrīs sphærarum proportionales earundem diametris, vel semidiametris, Tempora periodica erunt æqualia. Ex viribus enim in directa distantiarum ratione sequitur temporum periodicorum æqualitas; ut olim demonstravimus.


Coroll. (2.) Et vice versa; si tempora periodica sint æqualia, distantia corporum revolvantium à sphæris homogeneis, five ejusdem densitatis erunt diametris vel semidiametris sphærarum proportionales.

Coroll. (3.) Et ex datis temporibus periodicis circa sphæras quasvis peractis, & distantis ab istis sphæris, dabuntur quoque sphærarum densitates. Nimirum calculum ineundo qualia exinde sequerentur tempora periodica ad distantias sphærarum semidiametris proportionales; & ab istorum temporum periodicorum excessu vel defectu mutuo densitatum defectum vel excessum eisdem

dem reciproce proportionalem determinando. Exempla in Sole, Jove, Saturno, & Terra olim proferemus.

XLVII. Si ad Sphæræ alicujus datæ homogeneæ, sive æqualis ubique densitatis puncta singula tendant æquales vires centripetæ, decrescentes in duplicata ratione distantiarum à punctis, Corpusculum intra sphæram constitutum attrahitur vi proportionali distantie suæ ab ipsius centro.

In Sphæra *ACBD*, centro *S* descripta locetur corpusculum *P*: & centro eodem *S*, intervallo *SP*, concipe sphæram interiorem *PEQF* describi. Manifestum est per Propositionem 44. Quod sphæricæ superficies concentricæ, ex quibus



bus sphærarum differentia componitur, attractionibus ubique per attractiones contrarias destructis, nil agunt in Corpusculum *P*: Restat sola attractio Sphære interioris *PEQF*: decrescit itaque vis centripeta propter sphæram minorem attrahentem in triplicata ratione distantie à

centro diminutæ, crescit autem in duplicata ratione distantie inversæ, propter accessum ad Centrum. Ergo vis reliqua ab excessu rationis triplicatæ supra duplicatam æstimanda, erit in ipsa distantie à centro ratione directæ. *Q. E. D.*

Coroll. (1.) Si hujusmodi sphæra per centrum perforetur, Corpora omnia à distantiis omnibus sive magnis sive parvis dimissa æquali temporis spatio ad centrum descendent: spatio nempe 21'. 9". in Tellure nostra, uti olim observavimus.

Coroll. (2.) Si autem nullum sit medium quod motui corporum descendentium vel ascendentium adversetur, Corpus quodvis demissum per æquale spatium ul-

tra centrum ascendet quo ad centrum descenderat prius: atque ita perpetuo descensu & ascensu oscillantium per cycloidem pendulorum corporum motus æmulabitur. Et oscillationes, si ita vocare liceat, in omnibus distantiis erunt pariter isochronæ.

Coroll. (3.) Sin intervalla quotvis minima hujusmodi sphaeræ concentrica inter superficies quasvis sphaericas interposita ponantur, in quibus corpora quævis instar planetarum quorundam parvorum circa centrum in circulis revolvant, Erunt tempora periodica omnium hujusmodi planetarum ubique æqualia. Eodem nempe temporis spatio periodum quamvis peragendo quo corpus quodvis demissum oscillationem integram ex itu & reditu compositam obiret: hoc est, in Tellure nostra spatio $1^h. 24'. 36''$. Uti ex prius demonstratis facile constare potest.

Scholium. Notandum autem superficies istas ex quibus solida componi supponimus, non esse pure Mathematicas, vel omnis crassitudinis expertes: Sed Orbes adeo tenues, ut eorum crassitudo sit instar nihili. Nimirum in casu præsentis Orbes evanescentes ex quibus sphaera ultimo constat, ubi orbium illorum numerus augetur, & crassitudo minuitur in infinitum. Similiter per puncta ex quibus lineæ, & inde superficies & solida componi nonnunquam dicimus, intelligendæ sunt particulæ æquales magnitudinis contemnendæ. Sed hæc impræsentiarum sufficiant.

Novemb. 19°. 1705.

XXIII.

XLVIII. **P** O S I T I S iisdem, Corpusculum extra sphaeram constitutum attrahitur vi reciproce proportionali quadrato distantiae suae ab ipsius centro. Nam distinguatur Sphaera in superficies sphaericas innumeras concentricas: & attractiones corpusculi à singulis superficiebus oriundae erunt reciproce proportionales quadrato distantiae corpusculi à centro, per Propositionem 45. Et componendo, Fiet summa attractionum, hoc est, attractio sphaerae totius in eadem ratione. *Q. E. D.*

Coroll. (1.) Hinc in æqualibus distantiiis à centris homogenearum sphaerarum attractiones sunt ut ipsae sphaerae; sive ut diametrorum Cubi inter se. Nam per Propositionem 46. Si distantiae sint proportionales diametris, sphaerarum vires erunt ut diametri: Minuatur distantia major in illa ratione, & distantiiis jam factis æqualibus augebitur attractio in duplicata illa ratione, adeoque erit ad attractionem alteram in triplicata illa diametrorum ratione, hoc est, in ratione ipsarum sphaerarum.

Coroll. (2.) In distantiiis quibuscumque Attractiones erunt ut sphaerae applicatae ad quadrata distantiarum.

Coroll. (3.) Si corpusculum extra sphaeram homogeneam positum trahatur vi reciproce proportionali quadrato distantiae suae ab ipsius centro, constet autem sphaera ex particulis attractivis, decrescet vis particulae cuiusque in duplicata ratione distantiae à particula.

Coroll. (4.) Cum itaque Planetæ primarii simul & secundarii omnes ad Solis centrum; Omnes Circumjoviales ad Jovis centrum; Omnes Circum-Saturnii ad Saturni centrum; & Luna ad Telluris centrum trahantur, ad sua nempe quivis centra in distantiiis variis, vi reciproce proportionali quadrato distantiarum ab istis centris respectivè; Decrescit vis particulae cuiusque molem Solis, Jovis, Saturni, & Telluris componentis in duplicata ratione distantiae à particula.

XLIX. Si ad sphaeræ homogeneæ datæ puncta singula tendant vires æquales centripetæ, decrescientes in duplicata ratione distantiarum à punctis, Sphaera quavis alia similis attrahetur vi reciproce proportionali quadrato distantiae centrorum.

Nam particulæ cujuscvis attractio est reciproce at quadratum distantiae ejus à centro sphaeræ trahentis: per Propositionem 45. & propterea eadem est ac si vis tota attrahens maneret de corpusculo unico sito in centro hujus sphaeræ. Hæc autem attractio tanta est quam foret vicissim attractio corpusculi ejusdem, si modo illud à singulis sphaeræ attractæ particulis eadem vi traheretur, quæ ipsas attrahit. Foret autem illa corpusculi attractio per Prop. postremam reciproce proportionalis quadrato distantiae ejus à centro sphaeræ; adeoque huic æqualis attractio sphaeræ est in eadem ratione. *Q.E.D.*

Coroll. (1.) Attractiones Sphaerarum homogenearum versus alias sphaeras homogeneas sunt pariter ac eæ punctorum sive corpusculorum minimorum ut sphaeræ trahentes applicatæ ad quadrata distantiarum centrorum suorum à centris earum quas attrahunt.

Coroll. (2.) Idem valet ubi sphaera attracta etiam attrahit. Namque hujus puncta singula trahent singula alterius eadem vi qua ab ipsis vicissim trahuntur; adeoque cum in omni attractione urgeatur tam punctum attrahens, quam punctum attractum, geminabitur vis attractionis mutuz, conservatis proportionibus.

Coroll. (3.) Eadem omnia, quæ superius de motu corporum circa *Umbilicum* Conicarum sectionum demonstrata sunt, obtinent ubi sphaera attrahens locatur in umbilico, & corpora moventur extra sphaeram.

Coroll. (4.) Ea vero quæ de motu corporum circa *Centrum* Conicarum Sectionum demonstrantur, obtinent ubi motus peraguntur intra sphaeram: nimirum ubi sphaera non concava, sed aliquantulum concavis partibus interrupta supponitur, uti haud ita pridem observavimus.

L. Si

L. Si Sphæræ in progressu à centro ad circumferentiam (quoad materiæ densitatem, & vim attractivam) utcumque dissimilares, in progressu vero per circuitum ad datam omnem à centro distantiam sint undique similes, & vis attractiva puncti cujusque decrescat in duplicata ratione distantiae corporis attracti; vis tota qua hujusmodi sphæra una attrahit aliam, est reciproce proportionalis quadrato distantiae centrorum.

Etenim hujusmodi sphæra in sphæricas superficies concentricas similes semper dividi potest. Et cum nuper demonstratum fuerit, quamvis superficiem seorsum spectatam alias omnes seorsum spectatas ita trahere, ut vis tota qua hujusmodi sphærica superficies alteram quamvis trahit, sit reciproce proportionalis quadrato distantiae à centro suo, constabit propositio de sphæris integris ex hujusmodi superficiebus conflatis. *Q. E. D.*

Coroll. (1.) Hinc si ejusmodi sphæræ complures sibi invicem per omnia similes se mutuo trahant, attractiones acceleratrices singularum in singulas erunt in æqualibus centrorum distantis ut sphæræ ipsæ attrahentes; sive ut materiæ quantitates in iisdem contentæ.

Coroll. (2.) Inque distantis quibuscumque inæqualibus ut sphæræ attrahentes applicatæ ad quadrata distantiarum inter sphærarum centra,

Coroll. (3.) Attractiones vero motrices, seu pondera sphærarum in sphæras in æqualibus centrorum distantis ut sphæræ attrahentes & attractæ conjunctim: id est, ut contenta sub sphæris per multiplicationem producta. Nam cum corpus attrahens propter reactionem actioni ubique æqualem & in partes contrarias tendentem versus corpus attractum pari motus quantitate, hoc est, celeritate corporibus reciproca, moveatur; idque si nulla esset corporis attracti vis proprie attractiva: Et cum illi qui sphæram aliquam incolunt tota approximantium sphærarum velocitas sphæræ alteri necessario referatur; eo nimirum quod motum proprium dignoscere nequeant; hinc evenit ut vis alterius sphæræ centripeta uni-

verſa, qua nimirum ad ſuam appropinquat, aut potius qua utraque conatu mutuo ad amplexus mutuos fertur, quæque *Pondus* alterius dicitur, proportionalis fit non ſphæræ attrahenti ſolummodo, ſed ſphæris utriſque ſimul ſumptis. Sic ſane pondus corporis cujuſvis in terram illud omnino dicitur quo corpus illud & terra velocitate accedendi relativa ad ſe mutuo feruntur. Sic ſane Olim oſtendimus gravitatem Lunæ in terram eſſe;

jus quidem quantitatis ut ſpatio horarum
Prop. 23. prius.

4. & minorum primorum 20. fere ad ejus centrum caderet. Non quod omnis iſta velocitas ad Lunam revera fit referenda; ſed quod ſi omnis accedendi velocitas reſpectiva ex motu utriuſque ſyderis oriunda ad Lunam ſolam referretur, prout incolis Terræ uſu venire debet, efficeret illa ut iſto temporis ſpatio Luna ad Telluris centrum caderet.

Coroll. (4.) In diſtantiis inæqualibus attractiones motrices ſive pondera ſphærarum in ſphæras erunt ut contenta illa applicata ad quadrata diſtantiarum inter centra.

Coroll. (5.) Eadem valent etiam à fortiori ubi attractio integra oritur à ſphæræ utriuſque virtute attractiva mutuo exercita in ſphæram alteram. Nam viribus ambabus geminabitur attractio, Proportione ſervata.

Coroll. (6.) Si huiusmodi ſphæræ aliquæ circa alias quieſcentes revolvantur ſingulæ circa ſingulas; ſintque diſtantiæ inter centra revolventium atque quieſcentium proportionales quieſcentium diametris; Tempora periodica erunt æqualia.

Coroll. (7.) Et viciffim ſi tempora periodica ſint æqualia, diſtantiæ erunt proportionales diametris.


Coroll. (8.) Eadem omnia quæ ſuperius de motu corporum circa umbilicos conicarum ſectionum demonſtrata ſunt, obtinent ubi ſphæra attrahens formæ & conditionis cujuſvis jam deſcriptæ locatur in umbilico.

Coroll. (9.) Ut & ubi gyrationia ſunt etiam ſphæræ attrahentes conditionis cujuſvis jam deſcriptæ: hoc eſt, aut in univerſum homogeneæ; aut ſaltem in iſdem à centro diſtantiis homogeneæ.

LI. Si

LI. Si ad singula sphaerarum homogenearum puncta æqualia tendant vires centripetæ æquales, nimirum paribus distantis, diversis autem distantis istis punctorum à corporibus attractis directe proportionales; vis ex omnium partium viribus composita, qua sphaera duæ se mutuo trahent, erit ut distantia inter centra sphaerarum.

CASUS (I.) Sit $ACBD$ sphaera ex hujusmodi punctis attractivis conflata: S centrum ejus: P corpusculum attractum: $PASB$ axis sphaeræ, per corpusculi centrum transiens: EF , & ef plana duo physica crassitudinis contemnendæ, quibus sphaera secetur, huic axi



perpendicularia, & hinc inde à centro sphaeræ æqualiter distantia. Puncta G , & g intersectiones planorum & axis: & H punctum quodvis physicum in plano EF . Vis centripeta puncti H in corpusculum P secundum lineam PH exercita est, ex Hypothesi, ut ipsa distantia PH : quæ per virium resolutionem in vires GH , GP erit dispescenda. Unde vis secundum lineam PS : hoc est, versus centrum S : ut ipsa longitudo PG . [nimirum virium parte altera HG , à vi puncti ad alteras axis partes in eodem plano directe oppositas æqualiter ab axe distantis destructa.] Vis igitur punctorum omnium in plano EF ; hoc est, vis plani
totius

totius quæ corpusculum P trahitur versus centrum S simili modo erit ut numerus vel summa punctorum ducta in distantiam PG : hoc est, ut contentum sub plano ipso EF , & distantia illa PG . Et consimiliter vis plani ef quæ corpusculum P trahitur versus centrum S , est ut æquale illud planum ductum in distantiam illam Pg . Et summa virium plani utriusque ut planum EF , ductum in summam distantiarum $PG + Pg$; id est, ut planum illud ductum in duplam centri & corpusculi distantiam PS : [propter lineas $PG, P\delta, Pg$ Arithmetice proportionales; & exinde summam extremarum æqualem mediæ duplæ.] Hoc est, ut duplum planum EF ; sive summa planorum æqualium ductum in distantiam PS . Et simili argumento vires omnium planorum in tota sphaera hinc inde à centro sphaeræ æqualiter distantium sunt ut summa planorum ducta in distantiam PS : hoc est, ut sphaera tota ducta in distantiam centri sui à corpusculo. Et ob sphaeram in omni distantia datam erit vis integra attractiva ut distantia corpusculi attracti à centro sphaeræ PS . *Q.E.D.*

C A S. (2.) Trahat jam corpusculum P sphaeram, puncta nimirum omnia vi distantiae punctorum à corpusculo directe proportionali: Et eodem argumento probabitur, quod vis qua sphaera illa trahitur, erit ut distantia PS . *Q.E.D.*

C A S. (3.) Componatur jam sphaera altera homogenea ex particulis pariter pro directa distantiae ratione attractivis innumeris P . Et quoniam vis qua corpusculum unumquodque trahitur est ut distantia corpusculi à centro sphaeræ primæ ducta in sphaeram eandem; atque adeo eadem est ac si prodiret tota de corpusculo unico in centro sphaeræ; vis tota qua corpuscula omnia in sphaera secunda trahentur, hoc est, qua sphaera illa tota trahitur, eadem erit ac si sphaera illa traheretur à vi prodeunte de corpusculo unico, in centro sphaeræ primæ posito. Et propterea proportionalis erit distantis inter centra sphaerarum, *Q.E.D.*

C A S. (4.)

CAS. (4.) Trahant jam sphæræ se mutuo : & vis duplex sive geminata proportionem priorem etiamnum servabit. *Q.E.D.*

CAS. (5.) Locetur jam corpusculum p intra sphaeram $ACBD$. & quoniam vis plani ef in corpusculum erit ut contentum sub plano illo, & distantia pg : seu ut $ef \times pg$. & vis contraria plani EF ut contentum sub plano illo, & distantia PG , seu ut $EF \times PG$: sive $ef \times PG$. Erit itaque vis attrahens ut differentia contentorum, hoc est, ut $ef \times pg - PG$: vel ut duplum ef in differentiam $pg - PG$ dimidiam $= \frac{1}{2} ef \times pg - PG$. Hoc est, ob æquales SG , Sg , ut summa æqualium planorum ducta in semissem differentie distantiarum, seu in pS distantiam corpusculi à centro sphaeræ. Et simili argumento Attractio planorum omnium ut EF , ef , in sphaera tota à centro hinc inde æqualiter distantium ; hoc est, attractio sphaeræ totius erit ut summa planorum omnium, seu sphaera tota, ducta in pS , distantiam corpusculi à centro sphaeræ. *Q.E.D.*

CAS. (6.) Et si ex corpusculis innumeris p componatur sphaera nova homogenea intra sphaeram priorem sita, probabitur, ut prius, quod attractio sive simplex sphaeræ unius in alteram, sive mutua utriusque in se invicem erit ut distantia centrorum pS . *Q.E.D.*

LII. Si Sphæræ in progressu à centro ad circumferentiam, (quoad materiæ densitatem & vim attractivam) utcunque dissimilares ; in progressu vero per circuitum ad datam omnem à centro distantiam sint undique similes, & vis attractiva puncti cujusque sit directe ut distantia corporis attracti, vis tota, qua hujusmodi sphaeræ duæ se mutuo trahent, erit proportionalis distantie inter centra sphaerarum.

Etenim hujusmodi sphaera in circulos æquales EF , ef , & in iisdem à centris G , g distantis homogeneos semper dividi potest ; & cum ex vi jam demonstratorum quælibet perimenter circularis, ex quibus quivis integer circulus componitur, vim exhibeat propor-

portionalem distantiae à sphaerae centro, vis integra erit etiam in ipsa distantiae à centro ratione directa.

Corollarium. Quæ superius in Propositionis 50. Corollariis de sphaerarum attractionibus, ubi lex attractionis erat in ratione distantiae duplicata inverse sunt demonstrata, ad hunc casum applicata ubique valent, mutatis rite mutandis. Speciatim vero, Quæ olim de motu corporum circa *centra* Conicarum sectionum demonstrata sunt, obtinent ubi attractiones omnes fiunt vi corporum sphaericorum conditionis jam descriptæ, suntque corpora attracta sphaerae conditionis ejusdem.

Scholium. Attractionum casus duos insigniores jam dedimus expositos; nimirum ubi vires centripetæ vel decrescunt in duplicata distantiarum ratione, vel crescunt in distantiarum ratione simplici: Efficientes in utroque casu ut corpora gyrentur in Sectionibus Conicis, ex lege nimirum priori circa *focum*, posteriori circa *centrum* (& casu priori corporibus *extra* sphaeras positis, posteriori corporibus *intra* easdem positis congruente.) Et componentes corporum sphaericorum vires centripetas eadem lege in recessu à centro decrescentes vel crescentes cum seipsis. Quod est notatu dignum & ad phaenomena systematis Solaris solvenda maxime accommodatum. Casus cæteros, qui conclusiones minus elegantes exhiberent, & à constitutione mundi magis alienas, hic loci sigillatim percurrere longum esset, & pene inutile. Præterea; post explicatas in prioribus corporum sphaericorum attractiones, Pergere liceret ad leges attractionum aliorum quorundam ex particulis attractivis similiter constantium. Sed ista particulatim tractare minus ad nostrum institutum spectat. Suffecerit Propositiones quasdam generatiores de viribus hujusmodi corporum, deque motibus inde oriundis ob eorum in rebus Philosophicis aliqualem usum subjungere. Sed ista in Prælectionem proximam differemus.

Decemb. 3. 1705.

XXIV.

LIII. **S**I media duo similia spatio planis parallelis utrinque terminato distinguantur ab invicem; & corpus in transitu per hoc spatium attrahatur vel impellatur perpendiculariter versus medium alterutrum; neque ulla alia vi agitetur vel impediatur; Sit autem Attractio in æqualibus ab utroque plano distantis ad eandem ipsius partem captis ubique eadem; Sinus incidentiæ in planum alterutrum, erit ad sinum emergentiæ ex plano altero in ratione data; hoc est, qualiscunque sit angulus inclinationis ratio istorum sinuum, semper eadem reperietur.

CASUS (I.) Sunt Aa , Bb plana duo parallela. Incidat corpus in planum prius Aa , secundum lineam GH : ac toto suo per spatium intermedium transitu attrahatur vel impellatur versus medium incidentiæ: eaque actione describat lineam curvam HI . & emergat secundum lineam IK . Ad planum emergentiæ Bb erigatur perpendicularum IM , occurrens tum lineæ incidentiæ GH productæ in M ; tum plano incidentiæ Aa in R . Et Linea emergentiæ KI producta occurrat ipsi HM in L . Erit itaque linea GM curvæ hujus tangens in puncto H : & Linea LK ejusdem tangens in puncto I . Centro L , intervallo LI , describatur circulus secans tam HM in P , & Q ; quam MI productam in N . Et primo si attractio vel impulsus ponatur, uniformis erit, juxta olim demonstrata, curva illa linea HI Portio Parabolæ.


Cujus è diametris una erit linea LV planis utrisque perpendicularis; & linea recta HI erit ejusdem diametri Ordinata, ab eadem in puncto C bifariam divisa. Hujusce autem Parabolæ proprietates hæc est; ut rectangulum sub latere recto ad verticem H pertinente; in hoc casu, propter corporum velocitatem datam
tam

one. Est autem rectangulum sub HD vel MI , & latus rectum, æquale quadrato DI vel HM . Atque adeo rectangulum $NM \times MI$, est ad quadratum HM , in ratione data. Sed rectangulum $NM \times MI$ æquale est rectangulo $PM \times MQ$: id est, differentię quadratorum ML & PL , seu quadratorum ML & LI . Et HM quadratum datam rationem habet ad sui ipsius quartam partem LM quadratum. Ergo datur ratio $MLq - LIq$, ad LMq : & divisim ratio LIq , ad LMq : & ratio ejusdem subduplicata lineę LI , ad lineam LM . Sed in omni triangulo $LM I$ sinus angulorum sunt proportionales lateribus oppositis. Ergo datur ratio sinus anguli incidentię LMR , vel AHG ad sinum anguli emergentię MIK , vel LIR ; vel ejusdem ad duos rectos complementi LIM . [Idem enim est sinus anguli LIR , & ejusdem ad duos rectos complementi LIM .] *Q. E. D.*

Corollarium 1.
Prop. 20. Lib. 3.
Elem.

Corollarium 1.
Prop. 20. Lib. 3.
Elem.

CAS. (2.) Transeat jam corpus successive per spatia plura parallelis planis terminata, $AabB$, $BbcC$, $CcdD$, &c. & agitetur vi quę sit in singulis separatim



uniformis, at in diversis diversa: & per jam demonstrata sinus incidentię in planum primum Aa , erit ad sinum emergentię ex plano secundo Bb , in data ratione:

one : Et hic sinus, qui est sinus incidentiæ in planum secundum Bb , erit ad sinum emergentiæ ex plano tertio Cc , in data ratione : & hic sinus ad sinum emergentiæ ex plano quarto Dd in data ratione : & sic in infinitum. Et ex æquo, Sinus incidentiæ in planum primum, erit ad sinum emergentiæ ex plano ultimo, in data ratione. Minuantur jam planorum intervalla, & augeatur numerus in infinitum; eo ut attractionis vel impulsus actio secundum legem quamcunque assignatam continua reddatur; & Ratio sinus incidentiæ in planum primum, ad sinum emergentiæ ex plano ultimo semper data existens, etiamnum dabitur. *Q.E.D.*


LIV. Iisdem positis, Velocitas corporis ante incidentiam, erit ad ejusdem velocitatem post emergentiam, ut sinus emergentiæ, ad sinum incidentiæ.

Capiantur $AHId$ æquales, & Erigantur perpendiculara AG , dK occurrentia lineis incidentiæ & emergentiæ GH , IK , in G , & K . In GH capiatur TH æqualis IK , & ad planum Aa demittatur normaliter Tv . Et distinguatur motus corporis in duos, unum planis Aa , Bb , Cc , Dd , perpendiculararem; alterum iisdem parallelum. Vis attractionis vel impulsus agendo secundum lineas perpendiculares nil mutabit motum secundum parallelas; & propterea corpus hoc motu conficiet æqualibus temporibus æqualia illa secundum parallelas intervalla, quæ sunt inter lineam AG & punctum H , interque punctum I & lineam dK . Hoc est, æqualibus temporibus describet lineas GH & IK . Et proinde velocitas ante incidentiam, erit ad velocitatem post emergentiam, ut GH , ad IK , vel TH ; id est, ut AH , vel Id , ad vH ; hoc est, (respectu radii TH , vel IK), ut sinus emergentiæ, ad sinum incidentiæ. *Q.E.D.*

LV. Iisdem positis; & quod motus ante incidentiam velocior sit quam postea, Corpus, inclinando lineam incidentiæ, reflectetur tandem; & angulus reflectionis fiet æqualis angulo incidentiæ.

Nam

Nam concipe corpus inter plana parallela Aa , Bb , Cc , Dd , &c. describere arcus parabolicos, ut supra; sintque arcus illi HP , PQ , QR , &c. Et sit ea lineæ incidentis GH obliquitas ad planum primum Aa , ut finus incidentiæ, sit ad sinum anguli recti, hoc est, ad radium circuli cujus est sinus, in ea ratione quam habet idem finus incidentiæ primæ ad sinum emergentiæ ex plano ultimo Dd , in spatium per $DdeE$ exprimendum. Et ob sinum emergentiæ jam factum æqualem radio, sive sinui anguli recti, Angulus ille emergentiæ erit rectus; adeoque linea emergentiæ coincidet cum plano Dd . Perveniat corpus ad hoc planum in puncto R . Et quoniam linea emergentiæ coincidet cum eodem plano, perspicuum est quod corpus non potest ultra pergere versus planum remotius per Ee exprimendum. Sed nec potest idem pergere in linea emergentiæ Rd ,



propterea quod perpetuo attrahitur vel impellitur versus medium incidentiæ. Revertetur itaque inter Cc , Dd , describendo arcum parabolæ QRq ; cujus Vertex principalis erit punctum R . Secabitque planum Cc in eodem angulo in q , ac prius in Q . dein pergendo in arcubus parabolicis qp , ph , &c. arcubus prioribus QP , PH similibus & æqualibus; secabit reliqua plana in iisdem angulis in p , & h , ac prius in P , & H ; emergetque tandem eadem obliquitate in h , qua incidit in H . Concipe jam planorum Aa , Bb , Cc , Dd , &c. intervalla in infinitum minui, & numerum augeri;

eo ut actio attractionis vel impulsus secundum legem quamcunque assignatam continua reddatur; & Angulus emergentiæ semper angulo incidentiæ æqualis existens, eidem etiamnum mapebit æqualis. *Q. E. D.*

Scholium. Harum attractionum haudquaquam dissimiles videntur Lucis refractiones & reflexiones factæ secundum datam Secantium rationem, ut invenit Snellius; & per consequens secundum datam Sinuum rationem, ut exposuit Cartesius: [cum enim sinus quilibet sit ad radium, ut radius ad secantem complementi; & Angulus incidentiæ inter radium & planum refringens Snellio dictus, sit Anguli incidentiæ inter radium & perpendicularem Cartesio dicti complementum; Ratio secantium à Snellio usurpata, cum ratione sinuum à Cartesio usurpata omnino congruet & coincidet.] Namque Lucem successive propagari, & spatio quasi septem aut octo minutorum primorum à Sole ad Terram venire jam constat per phænomena satellitum Jovis, observationibus diversorum Astronomorum confirmata: Radii autem in aere existentes, (uti dudum Grimaldus luce per foramen in tenebrosum cubiculum admissa invenit primus; & ipse quoque Newtonus plenius expertus est) in transitu suo prope corporum vel opacorum vel perspicuorum angulos incurvantur circum corpora, quasi in eadem attracti: & ex his radiis ii qui in transitu illo propius accedunt ad corpora incurvantur magis, quasi magis attracti, uti ipse quoque Newtonus diligenter

Optica L. III. observavit, & fusius alibi nuperius exposuit. Cum autem talis incurvatio radiorum fiat in aere extra cultrum, debebunt etiam radii qui incidunt in cultrum prius incurvari in aere quam cultrum attingunt. Et par est ratio incidentium in vitrum. Fit igitur refractione radiorum lucis non in puncto incidentiæ, sed paulatim per continuam incurvationem radiorum, factam nempe partim in aere antequam attingunt vitrum, partim etiam, ut videtur, in vitro postquam illud ingressi sunt. Nec aliter se res habere videtur

detur in reflexionibus, uti accurate ostendit Newtonus in libro jam citato. Quo Lector harum rerum cupidus est omnino remittendus. Ob analogiam autem quæ est inter propagationem radiorum lucis, & progressum corporum, visum fuit Propositiones tres priores veræ optice præparatorias demonstrare. Notandum autem obiter cum Newtono, ad usus opticos præ figuris conicis sphericis esse maxime accommodatas. Et ex ejusdem sententia, si perspicillorum vitra objectiva ex vitris duobus sphericis figuratis, & aquam inter se clauduntibus consentur, fieri potest ut errores refractionum quæ fiunt in vitrorum superficiebus extremis ab æquæ refractionibus satis accurate corrigantur. Talia autem vitra objectiva vitris ellipticis & hyperbolicis præferenda esse statuit, non solum quod facilius & accuratius formari possint, sed etiam quod penicillos radiorum extra axem vitri sitos accuratius refringant. Verum tamen diversa diversorum radiorum refrangibilitas impedimento est quo minus Optica per figuras vitrorum vel sphericas vel alias quasunque perfici possit. Nisi corrigi possint errores illinc oriundi Labor omnis in cæteris corrigendis imperite collocabitur. Sed de hisce omnibus videndus est Author Clarissimus in egregio illò & longe nobilissimo de Optice Tractatu; quem tandem in publicum emittere dignatus est.

Scholium (2.) Cum autem visum fuerit viro summo Propositiones nonnullas sine demonstratione in isto libro proponere, quæ moram legentibus injiciunt, Operæ portium erit earum demonstrationes, aut nuper adinventas, aut ab eodem viro alibi traditas hic loci apponere: Ut Tyronibus Opus istud Opticum, auro contra non carum, inoffenso pede deinceps pertransire liceat. Sed eum horulæ hujusce spatio minime concludendæ sint, eas termino post Natalitia proximo Reservabimus.

Decemb. 10. 1705.

XXV.

PROP. (1.) SIT ACB superficies sphaerica reflectens, cujus centrum est E . Bisece-

Pag. 7. Cas. 2. Lib. 1. tur radius EC in puncto T . Et si in

linea EC ad eandem puncti T partem signentur puncta Q , & q ; ita ut TQ , TE , & Tq sint lineæ continue proportionales Geometricæ; & punctum Q sit radiorum incidentium Focus, erit punctum q radiorum reflexorum Focus. Est enim ex hypothefi $QT : TC :: TC : Tq$. Et Componendo $QT + TC = QC : QT :: CT + Tq = Cq : CT = ET$. Hoc est, $QC : QT :: Cq : ET$. Et alternando $QC : Cq :: QT : ET$. Sed per V. 19. Elem. $QT : ET :: QE : Eq$. Ergo ex æquo $QC : Cq :: QE : Eq$. Unde in triangulo cujus basis est Qq , & vertex in superficie sphaerica ACB , puncto C satis propinqua, ita ut laterum majus sit ipsi QC , & minus ipsi qC quam proxime æquale, dividetur basis Qq à puncto E sphaeræ centro, ita ut partes QE & Eq

* VI, 3. Elem. sint inter se in ratione laterum QC

& qC . Et * proinde linea à Trianguli vertice per centrum E ducta verticalem trianguli angulum bisecabit; & æquales angulos utrinque præstabit. Unde radii per Q transeuntes, eo quod angulus incidentiæ & reflectionis æquantur, reflectentur ad punctum q . & vice versa. *Q.E.D.*

PROP. (2.) Sit ACB superficies refringens sphaeræ

Pag. 8. Cas. 3. cujus centrum est E . In EC radio utrinque producto signentur puncta T

& t ; ita ut tam ET , quam Ct , (inter se nempe æquales,) sit ad radium EC , ut sinuum angulorum incidentiæ & refractionis minor, est ad istorum sinuum differentiam. Dein signentur in eadem lineæ puncta Q , & q , ita ut TQ , sit ad ET , vel Ct , ut est Et , ad tq . Sint autem ea punctorum loca ut linea tq sit in plagam à puncto t ei contrariam quam habet linea TQ

quoad

quoad punctum T . Si autem focus radiorum Incidentium sit in puncto Q , Refractorum focus erit in q . Est enim ex hypothesi, ut TQ , ad TC , ita ET , ad eq . Et componendo, TQ , est ad $TQ + TC = QC$, ut est ET , = Ct , ad $Ct + eq$, = Cq . Et alternando, est TQ , ad Ct , ut QC , ad Cq . Et componendo & invertendo ut $TQ + Ct$, = QE , ad TQ , ita $QC + Cq$, = Qq ad QC . Sive Qq , ad QC , ut QE , ad QT . Unde per Cl. Hugēnii demonstrata Dioptricæ suæ, pag. 26, &c. constat propositum. $Q.E.D.$

PRO P. (3.) Sit $ACBD$ Lens refringens sphærica utrinque convexa, aut concava, aut Pag. 8. Cas. 4. saltē plano-convexa, vel plano-concava, Cujus Axis (sive linea utraque superficies normaliter secans, & per sphæræ centrum transiens,) sit CD . In axe sint puncta F & f radiorum refractorum Foci, ut supra, inventi; ii nimirum qui radiis utrinque axi parallelis, si unica esset superficies refringens, congruerent. Bisecetur linea Ff in puncto E . & centro E , radio EF , vel Ef describatur circulus. Esto jam punctum quodvis Q , radiorum incidentium focus. Ducatur QE circulum priorem interfecans in punctis T & t , & in eadem linea signetur punctum q ; illud nimirum ut linea eq , sit ad lineam tE , ut eadem tE vel ipsi æqualis TE , est ad TQ . Jaceat autem linea eq in plagam quoad punctum t ei contrariam quam habet TQ quoad punctum T . Erit tum punctum q radiorum refractorum focus; eorum nempe qui axi satis sunt propinqui, quorum tantum in hisce casibus ratio haberi debet

Est enim ex hypothesi TQ , ad TE , ut tE , ad eq . Ergo componendo est TQ , ad $TE + tE = QE$, ut est tE , ad $tE + eq = Eq$. V. 12. Elem. Unde $+TQ$, est ad QE , ut est $TQ + tE$, = QE , ad $QE + Eq = Qq$. Unde liquet propositum. per demonstrata Hugēnii Dioptricæ suæ p. 67, &c.

PRO P. (4.) Mistura radiorum Solis in Spectro pt refracto, est ad mixturam Lib. 1. pag. 46.
 Q_3 sturam

fluram Radiorum Solis per foramen vacuum transeuntium, ut istius spectri Latitudo, est ad latitudinis ejusdem & longitudinis differentiam, five ut ag ad gm . Esto enim ab , ad am , ut ag , ad AG . Erit ergo spatium ab æquale omnibus minorum circulorum areis, in duplicata nimirum radiorum ratione utrinque. Et mistura radiorum esset æqualis, si modo omnes minores circuli in eo spatio coalescerent. Sed cum per spatium pt dispergantur, erit mistura ut gh ad gm . Unde cum mistura radiorum in spectro PT , sit ad misturam radiorum Solis foramen vacuum transeuntium, ut AG , ad GM , five ut ag , ad gh : & mistura spectri pt , sit ad misturam spectri PT , ut gh , ad gm ; erit ex æquo perturbate, mistura spectri pt , ad misturam radiis Solis sine refractione transeuntibus congruam, ut ag , ad gm . *Q.E.D.*

PROP. (5.) Si quod corpus data quacunque velocitate in spatium latitudinis contemnendæ, & paralle-

Lib. 1. pag. 57.

lis planis utrinque terminatum, incidat, & inter transeundum versus planum remotius perpendiculariter attrahatur vel impellatur; ita ut vis attrahens vel impellens sit aut ubique eadem, aut saltem ad datas ab illo plano distantias eadem, velocitas perpendicularis corporis spatium illud prætergressi æquabitur summæ quadratorum velocitatis prioris, & velocitatis inter transeundum acquisitæ radici quadraticæ. Sin retardetur corpus inter transeundum, vice summæ quadratorum accipienda est eorundem differentia, & valebit propositio. Sequitur ex *Newt. Princip. Mathemat. Prop. 39. Probl. 27. Coroll. 2.*

PROP. (6.) Si quæ corpora vel Lucis Radii spatium hujusmodi parallelis planis terminatum pertranseuntia, & vi simili sed nunc majori nunc minori inter transeundum afficiantur,

Lib. 2. p. 71, 72.

motus de novo acquisitus erit semper in subduplicata virium generantium ratione: ita ut motuum quadrata virium rationes veras determinent. Esto AB superficies refringens, five exponat AB spatium contemnendæ crassi-

crassitudinis parallelis planis terminatum, cujus vi oritur radiorum refractionis. Est etiam IC lucis radius obliquissime in planum refractivum incidens ad punctum C , ita ut anguli incidentiæ complementum ACI sit indefinite parvum. Et est CR radius refractus. A puncto quovis dato B erigatur perpendicularis BR , radium refractum secans in puncto R . Et si CR radii refracti motum exponat, qui in duos motus CB , & BR resolvatur, erit motus pars CB plano refringenti parallela, & BR eidem perpendicularis: & cum motus secundum planum AB à vi eidem perpendiculari nullatenus mutetur, dabitur CB ; ob datam nempe radiorum velocitatem hic loci suppositam: Linea BR erit motus per refractionem dato tempore genitus. Et erit in subduplicata virium generantium ratione. Ob datam enim spatii refractivi latitudinem tempora transitus quibus vis refringens ageret, essent ut velocitates genitæ reciproce, sive ut vires generantes reciproce; & ob velocitatem data vi in ratione temporum, esset linea BR ut vires generantes reciproce; & dato tempore ut vires generantes directe. Neutro ergo dato, erit linea BR in subduplicata ratione virium: tum enim temporibus & viribus ad æquilibrium reductis, neque vis tempori, neque tempus vi præponderabit: quæ nullibi alias sibi invicem respondere potuissent. Sic sane modo vires in ratione quadrupla ponantur, velocitas dupla in tempore dimidio generabitur: sive linea BR erit ejusdem lineæ dupla, & ita ubique. *Q. E. D.*

PROP. (7.) In Iridis solutione Arcus QF , & angulus AXR erunt maximi ubi ND , est ad CN , ut $\sqrt{11} - RR$ ad $\sqrt{3} RR$. Quo etiam in Casu NE , erit ad ND , ut $2R$, ad I . Et Angulus AFS quæstus radii AN & HS constituunt erit minimus ubi ND , est ad CN , ut $\sqrt{11} - RR$, ad $\sqrt{8} RR$. Quo etiam in casu NE , erit ad ND , ut $3R$, ad I . Quam Propositionem duplicem sequenti rationum serie cum Cl , Newtono in Lectionibus suis Opticis MSS. demonstrabimus,

DC ad EC ut sinus incidentiæ, ad sinum refractionis, propterea quod NK fit refractus ipsius AN; adeoque etiam dC ad eC est ut sinus incidentiæ ad sinum refractionis; & proinde cum anguli DAd, & EZe sint infinite parvi, atque adeo Cd, ad An; & Ce, ad nZ perpendiculares, vel saltem perpendicularis æquipollentes, erit nZ refractus ipsius An. Q.E.D.

Coroll. (1.) Est ND : NE (sive NP : NF) :: NR : NQ. Nam acta NC, propter triangulum NDC simile triangulo NRN; & triangulum NEC simile triangulo NQV; est ND : NR (:: NC : NV) :: NE : NQ. & alterne, ND : NE :: NR : NQ.

Hinc promptior emergit Problematis resolutio. Nempe ad Radios AN, NK erige normales NR, NQ, quorum NR axi AC occurrat; & NQ, sit ad NR, ut NF, ad NP. Dein age QC quæ cum NK in quæsito Z conveniet.

Coroll. (2.) Est etiam $AN \times DC \times NE : AD \times EC \times ND :: NZ : EZ$. Nam est $AD : AN :: DC : NR$. & inde $NR = \frac{AN \times DC}{AD}$. Item $ND : NE$

$:: NR : NQ$. & inde $NQ = \frac{AN \times DC \times NE}{AD \times ND}$.

Adeoque $AN \times DC \times NE : AD \times ND \times EC (:: NQ : EC) :: NZ : EZ$.

Coroll. (3.) Si punctum radians A infinite distet, sive parallelos radios ejaculetur, posito $I : R ::$ sinus incidentiæ: sinum refractionis: Erit $I \times NF : R \times NP :: NZ : EZ$. In hoc enim casu AN, & AD, cum sint infinite longæ, pro æqualibus haberi debent: atque adeo per Corollarium 2, hujus erit $DC \times NE : EC \times ND :: NZ : EZ$. Sed, ex hypothesi, est $DC : EC :: I : R$. & proinde $I \times NE : R \times ND (:: NZ : EZ) :: NP : NF$.


Notetur autem, Quod mutatis mutandis resolutio Problematis cuicunque casui facile accommodatur; sive radii

Set $\frac{qg - pp}{pp} : \frac{II - RR}{II} (:: CDq : NDq) :: BXq : BCq.$ Q.E.D.

April 8. 1706.

XXVI.

Prob. (3.) SOLA sphaeram pellucidam illustrante radiorum ejus post unam reflexionem emergentium maximam ad axem inclinationem determinare. Sit BNK sphaera proposita: BQ diameter, five axis incidentibus radiis parallelus: AN aliquis ex



incidentibus: NF refractus ejus: FG reflexus: & GR denuo refractus: & quærendus erit maximus angulorum quos RG cum Axe BQ potest conficere.

In

In quem finem advertendum est quod eo solo in casu ubi RG maxime inclinatur ad BQ , radii ipsi AN vicinissimi possunt emergere paralleli ad RG . Nam in aliis casibus ex emergentibus radiis sibi vicinissimis alii magis, alii minus continuo inclinatur ad BQ ; adeoque aliquantulum inclinatur ad se invicem.

Advertendum est præterea quod radii emergent paralleli qui conveniunt ad punctum reflexionis. Duc enim radium an , ipsi AN parallelum, & quam proximum. sitque ejus refractus nf : reflexus fg : ac iterum refractus gr . Et punctis F & f coincidentibus, cum Anguli NFn , & Gfg sint æquales; & refractiones ad Nn , & Gg similes, emergentes Radii GR , & gr æque paralleli erunt ac incidentes NN , & an .

Quærendus est itaque radius AN , cujus refractus cum refracto vicinissimi radii an concurrat ad F . Et quidem per Corollarium 3. Problematis primi (demissis à centro sphaeræ ad radios normalibus CD , & CE : positoque $I : R :: CD : CE$.) Si radii isti ad quodvis punctum Z concurrant, erit $I \times NF : R \times NP (:: NZ : EZ) :: NF : EF$. puncto nempe Z ad ipsum F juxta hypothesin cadente, $:: 2 : 1$. Quare $I \times NF = 2 R \times NP$. & $I : 2 R :: NP : NF$. Datur itaque ratio NP , ad NF : & inde per Problema 2, dabitur punctum N . Scilicet ad verticem circuli ducatur tangens Bx , cujus quadratum, sit ad quadratum semidiametri BC , ut $4RR - II$, ad $II - RR$. & agatur CX . Hæc enim circulo occurret in N . & ex invento N cætera nullo negotio determinantur,

Corollarium (1.) Hinc fit $3RR : II - RR :: CNq : NDq$. Cum enim sit $4RR - II : II - RR :: BXq : BCq$. componendo erit $3RR : II - RR (:: CXq : BCq) : CNq : NDq$.

Coroll. (2.) Est & $I : 2R :: ND : NE$. Nam supra fuit $I : 2R :: NP : NF$. Et ex his expeditior exadit Problematis resolutio.

Scholium. Una cum maxima inclinatione radii RG , datur maximus arcuum FQ ad refractos NF terminatorum. Nam angulus FCQ , quem FQ subtendit, est æqualis angulo quem CF & AN comprehendunt: hoc est, æqualis dimidio anguli quem RG , & AN , vel BQ comprehendunt: & proinde arcuum FQ æquæ ac angulorum ab RG & BQ comprehensorum maximus est, qui radio AN in punctum jam inventum incidente definitur.

Prob. (4.) Sole sphæram pellucidam illustrante radiorum ejus post duas reflexiones emergentium minimam ad axem inclinationem determinare.

Sint AN & an Radii duo incidentes sibi quam proximi, qui post duas reflexiones in Ff , & Gg emergant secundum HS & hs . Et manifestum est quod in eo solo casu ubi acutus angulus, quem BQ & SP comprehendunt, minimus est, radii illi HS & hs possunt esse paralleli; uti supra de radiis GR & gr dictum fuit. Et ubi hoc accidit, radius etiam FG ad fg parallelus erit. Unde arcus Ff duplicatus (= arcui $Ff + Gg =$ arcui $FG - fg =$ arcui $NF - nf.) =$ arcui $Nn - Ff$, adeoque arcus Ff triplicatus = arcui Nn . Et cum NF dividatur in Z in ratione istorum arcuum, ut patet, erit $NZ = 3 ZF$, seu $3 EZ$. Cum itaque per Corollarium 3. Problematis primi sit $I \times NF : R \times NP :: NZ : EZ$. five $:: 3 : 1$. erit $I \times NF = 3 R \times NP$. five $I : 3 R :: NP : NF$. datur itaque ratio NP , ad NF : & inde per Problema 2. dabitur punctum N , ducendo nempe BX quæ circum-lum tangat in vertice B ; & cujus quadratum, sit ad BC quadratum, ut $9 RR - II$, ad $II - RR$: & agendo CX quæ occurret peripheriæ in N . Invento autem N , cætera facile determinantur.

Corollarium (1.) Hinc est $8 RR : II - RR :: CNq : NDq$. Nam $9 RR - II : II - RR :: BXq : BCq$ & componendo $8 RR : II - RR :: CXq : BCq$ $:: CNq : NDq$.

Coroll.

Coroll. (2.) Est etiam $I : 3R :: ND : NE$. utpote cum supra fuerit $I : 3R :: NP : NF$.

Scholium. Ad eundem modum maxima radii KT post tres reflexiones emergentis inclinatio ad axem, juxta ac maximus arcuum QG investigabitur. Scilicet in in eo casu FG , & fg convenient ad G . eritque arcus Ff ($=$ arcui $Fg - fg$. $=$ arcui $NF - nf$.) $= Nn - Ff$. & inde arcus Ff duplicatus $=$ arcui Nn . & $NZ = 2ZF$. adeoque $4 : 1 :: NZ : EZ ::$ (per Corollarium 3. Problematis primi) $I \propto NF : R \propto NP ::$ five $I : 4R :: NP : NF$. Et proinde per Problema secundum $16RR - II : II - RR :: BXq : BCq$. Unde confectatur esse $15RR : II - RR :: CNq : NDq$. Et $I : 4R :: ND : NE$.

Atque ita si radii post quatuor reflexiones emergentis inclinatio minima desideretur, determinabis faciendū ut sit $25RR - II : II - RR :: BXq : BCq$. Vel $24RR : II - RR :: CNq : NDq$. Et $I : 5R :: ND : NE$. Et sic præterea in infinitum.


Scholium. Ex hac Cl. Newtoni limitum in Iride determinatione liceat mihi phænomenon quoddam, five potius phænomeni absentiam, mihi met quondam satis difficilem & pene insolubilem visum, hic loci solvere. Quare nempe non appareat Iris circa solem ad distantiam graduum quasi 26; ubi nempe radii per refractionem duplicem sine ulla reflexione ad oculos pertingunt? Est enim ex calculo eo loci radiorum constipatio visui afficiendo necessaria & sufficiens. Quin & dubium adauget, quod videtur vero simile prima fronte Iridem hanc omnium maxime insignem, & coloribus maxime intensis ornata, utpote duplici refractione, sine ulla reflexorum radiorum jactura & imminutione oriundam, visum iri. Sicut enim Iris primaria secundaria est longe insignior, eo quod ex duplici refractione & unica reflexione oriatur; dum secundaria ex duplici refractione, & duplici etiam reflexione pendeat; Sic sane erat expectandum, ut Iris alia, hisce duabus prior & præstantior,

tior, colorum splendore tantum primariam nostram exuperans quantum primaria illa secundariam excedere deprehendatur, expectandum erat, inquam, ut hujusmodi Iris ad gradus quasi 26. Solem undique cingeret, instar coronæ nobilissimæ, ubicunque ær tales guttulas sphaericas haberet, quæ Iridi sive primariæ sive secundariæ generandæ satis essent. Et miror sane, neminem Philosophorum Iridis naturam explicantium de solvendo hoc Phænomeno satis obvio sollicitum fuisse. Solutionem itaque hanc Nostram accipitote. Ideo nos radios circa limites F & G affatim constipatos præ reliquis videmus & colores dignoscimus, quod eorum plures ut AN , an parallelos sphaeram pluviæ ingressis etiam parallelos regrediuntur; ut RG , rg : SH , sh : & ita oculum simul ingrediuntur: cum è contra nisi parallelos egredierentur, angulum aliqualem constituerent, & oculum simul ingredi non possent, utcunque ad punctum F vel G satis essent conferti & constipati. Unde cum radii circa punctum F egredientes non parallelos egrediantur, sed angulum aliquem constituent, liquet eos oculum simul ingredi non posse, atque proinde Iridem exhibere non posse. *Q. E. S.*

LVI. Ethnici Mathematici homogenii, [hoc est, corporis cujus partes cedunt vi cuicunque illatæ, & cedendo facile moyentur inter se,] quod in vase quocunque immoto clauditur, & undique comprimitur, partes omnes (seposita condensationis, gravitatis, & virium omnium centripetarum consideratione;) æqualiter premuntur undique; & absque omni motu à pressione illa æsto permanent in locis suis.

CAS. (I.) In vase sphaerico claudatur & uniformiter comprimitur fluidum undique. Ejusdem pars nulla ex illa pressione movebitur, vel è loco suo deturbabitur. Nam si pars aliqua D moveatur, necesse est ut omnes ejusmodi partes ad eandem à centro distantiam undique consistentes simili motu simul moveantur: atque hoc adeo quia, similis & æqualis est omnium pressio,

& motus omnis exclusus supponitur nisi qui à pressione illa oriatur. Atqui non possunt omnes ad centrum pro-



pius accedere, nisi fluidum ad centrum condensetur, contra hypothefin. Non possunt longius ab eo recedere, nisi fluidum ad circumferentiam condensetur, etiam contra hypothefin. Non possunt servata sua à centro distantia moveri in plagam contrariam. In plagas autem contrarias non potest pars eadem eodem tempore mo-

veri. Ergo fluidi pars nulla hoc in casu de loco suo movebitur. *Q. E. D.*

CAS. (2.) Fluidi hujus partes omnes sphaericæ æqualiter premuntur undique. Sit enim *EF* pars sphaerica fluidi: & si hæc undique non prematur æqualiter, augeatur pressio minor, usque dum ipsa undique prematur æqualiter; & partes ejus per casum primum [ad hujusmodi sphaeram, æquali undique pressione affectam, æque ac in vase rigido contentam pertinentem,] permanent in locis suis. Sed ante auctam pressionem permanent in locis suis per casum eundem primum. [de fluido isto enim hic agitur, cujus partes absque omni motu permanere in locis suis ibi demonstravimus.] & additione pressionis novæ movebuntur de locis suis per definitionem fluidi. Quæ duo repugnant. Ergo falso dicebatur quod sphaera *EF* non undique premebatur æqualiter. *Q. E. D.*

CAS. (3.) Præterea, Diversarum partium sphaerarum pressio erit æqualis. Nam partes sphaericæ se mutuo premunt æqualiter in puncto contactus, propter motus reactionem actioni semper æqualem & contrariam. Sed & per casum secundum partes sphaericæ

quæ,

quæcunque eadem vi undique premuntur. Partes igitur duæ quævis sphæricæ non contiguæ eadem vi premuntur, quia pars sphærica intermedia tangere potest utramque. *Q. E. D.*

CAS. (4.) Omnes fluidi hujusce partes undique premuntur æqualiter. Nam partes duæ quævis tangi possunt à partibus sphæricis in punctis quibuscunque: & ibi partes illas sphæricas æqualiter premunt, per casum tertium: & propter reactionem actioni ubique æqualem vicissim ab illis æqualiter premuntur. *Q. E. D.*

CAS. (5.) Cum igitur fluidi hujusce pars qualibet *GHI* in fluido reliquo tanquam in vase claudatur, & undique prematur æqualiter; partes autem ejus se mutuo æqualiter premant & quiescant inter se manifestum est quod fluidi cujuscunque *GHI* quod undique premitur æqualiter partes omnes se mutuo premunt æqualiter, & quiescunt inter se. *Q. E. D.*

CAS. (6.) Igitur si fluidum illud in vase non rigido claudatur, & undique non prematur æqualiter, cedit idem pressioni fortiori; per definitionem fluiditatis.

CAS. (7.) Ideoque in vase rigido fluidum non sustinebit pressionem fortiorem ex uno latere quam ex alio: sed eidem cedit: idque in momento temporis, quia latus vasis rigidum non persequitur liquorem cedentem. Cedendo autem urgebit latus oppositum; & sic pressio undique ad æqualitatem verget. Et quoniam fluidum quam primum à parte magis pressa recedere conatur, inhibetur per resistantiam vasis ad latus oppositum, reducetur pressio undique ad æqualitatem in momento temporis, absque motu locali; & subinde partes fluidi per casum quintum se mutuo premunt æqualiter, & quiescent inter se. *Q. E. D.*

Corollarium. Hinc motus partium fluidi hujusmodi inter se per pressionem fluido ubivis in externa superficie illatam mutari non possunt, nisi quatenus aut figura superficiæ alicubi mutatur, aut omnes fluidi partes intensius vel remissius sese premendo difficilius vel facilius labuntur inter se.

R

Coroll.

Coroll. (2.) Cum autem fluidi huiusmodi Mathematici definitio & affectiones cum natura & phaenomenis fluidorum naturalium maxime congruere videantur, æquum est ut casuum horum demonstrationes fluidis nostris naturalibus, aquæ præsertim, & consimilibus applicentur. Unde liquebit partium fluidi internarum quietem inter se, fluiditatis naturæ nullo modo repugnare: & motum omnem partium fluidorum inter se calori, fermentationi, vel causis aliis extrinsecis acceptum potius esse referendum, quam ipsi fluiditatis naturæ. Si enim partes fluidi sint vel sphericæ, vel sphaeroides, & perfecte politæ; ita ut nunquam inter se connecti possint, sed potius se invicem in punctis physicis solummodo tangant, congeries huiusmodi particularum corpora component qualia nos *Fluida* dicimus; & equalium nos genera plura in rerum natura observamus; etiam si particulae ipsæ quiescant. Fluidum ergo ex partibus admodum *mobilibus*, non autem revera necessario *motu* consistere videtur.


Junii 2°. 1706.

XXVII.

LVII. **S**I fluidi sphericæ & æqualibus à centro distantiis homogenei, fundo sphaerico concentrico incumbentis partes singulae versus centrum totius gravitent, sustinet fundum pondus Cylindri cuius basis æqualis est superficiæ fundi, & altitudo eadem quæ fluidi incumbentis.

Sit *abm* superficiæ fundi, & *aei* superficiæ superior fluidi. Superficiebus sphericis innuenteis *bfsk*, & *gl* distinguantur fluidum in Orbes concentricos, æqualiter crassos, & concipe vim gravitatis agere solummodo in superficiem superiorem Orbis cuiusque, & æquales esse actiones in æquales partes superficiem omnium. Premitur ergo superficies suprema *aei* vi simpliciter

plici gravitatis propriæ, qua & omnes Orbis supremi partes, & superficies secunda *b f k*, (per Prop. 56.) premuntur. Premitur præterea superficies secunda *b f k*



vi propriæ gravitatis, quæ vi priori addita facit pressio-
nem duplam. Hac
pressione & insuper
vi propriæ gravita-
tis, id est, pressione
tripla urgetur su-
perficies tertia, *c g l*
Et similiter pressi-
one quadrupla urge-
tur superficies quar-
ta; quintupla quin-
ta; & sic deinceps.

Pressio igitur qua superficies unaquæque urgetur non est
ut quantitas solida fluidi incumbentis, sed ut numerus
orbium ad usque summitatem fluidi; & æquatur gra-
vitati Orbis infimi multiplicatæ per numerum orbium,
hoc est, gravitati solidi cujus ultima ratio ad Cylin-
dram præfinitum, (si modo Orbium augeatur nume-
rus, & minuatur crassitudo in infinitum; sic ut actio
gravitatis à superficie infima ad supremam continua red-
datur,;) fiet ratio æqualitatis. Sustinet ergo superfi-
cies infima pondus Cylindri cujus basis æqualis est su-
perficie fundi, & altitudo eadem quæ fluidi incumben-
tis. *Q. E. D.*

Et simili argumentatione patet Propositio, ubi gravi-
tas decrescit in ratione quavis assignata distantie à cen-
tro; ut & ubi fluidum sursum rarius est, deorsum den-
sius. *Q. E. D.*

Coroll. (1.) Fundum igitur non urgetur à toto fluidi
incumbentis pondere; sed eam solummodo ponderis
partem sustinet quæ in hac Propositione describitur:
pondere reliquo à fluidi figura fornicata sustentato.

R. 2.

Coroll.

Coroll. (2.) Si sphaera integra ad centrum usque ex huiusmodi fluido constet, centrum nullum pondus sustinebit; pondere universo à fluidi figura fornicata, vel potius in hoc casu figura sphaerica, sustentato.

Coroll. (3.) In æqualibus autem à centro distantibus eadem semper est pressionis quantitas, sive superficies pressa sit horizonti parallela, vel perpendicularis, vel obliqua: sive fluidum à superficie pressa fursum continuatum surgat perpendiculariter secundum lineam rectam, vel serpat oblique per tortas cavitates & canales, easque regulares vel maxime irregulares, amplas vel angustissimas. Hisce circumstantiis pressionem nil mutari colligitur applicando demonstrationem hujus propositionis ad casus singulos fluidorum.

Coroll. (4.) Eadem demonstratione colligitur etiam, (per Propositionem priorem §6,) Quod fluidi gravis partes nullum ex pressione ponderis incumbentis acquirunt motum inter se; si modo excludatur motus qui ex condensatione oriatur.

Coroll. (5.) Et propterea si aliud ejusdem gravitatis specificæ corpus, quod nequit condensari, submergatur in hoc fluido, id ex pressione ponderis incumbentis nullum acquireret motum; non descendet, non ascendet, non cogetur figuram suam mutare. Si sphaericum est, manebit sphaericum, non obstante pressione. Si quadratum est, manebit quadratum; idque sive molle sit, sive fluidissimum; sive fluido libere innatet, sive fundo incumbat. Habet enim fluidi pars quælibet internam rationem corporis submerfi: & par est ratio omnium ejusdem magnitudinis, figuræ, & gravitatis specificæ submerforum corporum. Si corpus submersum, servato pondere, liqueceret, & indueret formam fluidi, hoc, si prius ascenderet, vel descenderet, vel ex pressione figuram novam induceret, etiam nunc ascenderet vel descenderet, vel figuram novam induere cogeretur: id adeo quia gravitas ejus, cæteræque motuum causæ permanent. Atqui per casum §. Prop. prioris, jam quiesceret, & figuram retineret: Ergo & prius.

Coroll.

Coroll. (6.) Proinde Corpus quod specificè gravius est quam fluidum sibi contiguum subsidebit; & quod specificè levius est ascendet, motumque & figuræ mutationem consequetur, quantum excessus ille vel defectus gravitatis efficere possit. Nam excessus ille vel defectus rationem habet impulsus, quo corpus, alias in æquilibrio cum fluidi partibus constitutum, urgetur; & comparari potest cum excessu vel defectu ponderis in lance alterutra libræ.

Coroll. (7.) Corporum igitur in fluidis constitutorum duplex est gravitas: altera vera & *absoluta*; altera apparens, vulgaris, & *comparativa*. Gravitas *absoluta* est vis tota qua corpus deorsum tendit, sive qua corpus in loco vacuo descenderet. Gravitas relativa & vulgaris est excessus gravitatis qua corpus magis tendit deorsum quam fluidum ambiens. Prioris generis gravitate partes fluidorum & corporum omnium gravitant in locis suis, ideoque conjunctis ponderibus componunt pondus totius. Nam totum omne grave est, ut in vasis liquorum plenis experiri licet: & pondus totius æquale est ponderibus omnium partium, ideoque ex iisdem componitur; aliunde enim derivari non potest. Alterius generis gravitate, quæ nempe apparens, vulgaris & *comparativa* appellari potest, corpora non gravitant in proprijs locis, seu in fluidis suis respective immersa; id est, inter se collata non *prægravant*, sed mutuos ad descendendum conatus impediencia permanent in locis suis, perinde ac si gravia non essent: uti corpora quævis gravia intra sphaeram concavam posita ex æqualitate gravitationis undique versum nullo modo gravitare videntur, uti olim observatum. Sic sane quæ in aere sunt, & non prægravant, sive non omnino in aere descendunt, uti nubes & vapores, vulgus subinde gravia non judicat. Quæ prægravant, sive in aere descendunt, uti grando, & guttæ pluriæ, ea vulgus gravia judicat; quatenus ab aeris pondere non sustinentur. Pondera vulgi nihil aliud sunt quam excessus verorum ponderum su-

pra pondus aeris. Unde & vulgo dicuntur levia quæ sunt minus gravia, aerique prægravanti cedendo superiora petunt. Comparative levia sunt, non absolute & vere; quia descendunt in vacuo. Sic & in aqua corpora quæ ob maiorem vel minorem gravitatem descendunt vel ascendunt sunt comparative & apparenter gravia vel levia, & eorum gravitas vel levitas comparativa & apparens est excessus vel defectus quo vera eorum gravitas vel superat gravitatem aquæ, vel ab ea superatur. Quæ vero nec prægravando descendunt, nec prægravanti cedendo ascendunt; etiamsi veris suis ponderibus adaugeant pondus totius; comparative tamen & in sensu vulgi, [imo & in sensu Philosophorum plerorumque ante seculum hodiernum] non gravitant in aqua. Nam similis est horum casuum demonstratio.

Coroll. (8.) Quæ de gravitate, sive vi illa centripeta qua gravia terrestria centrum terræ petunt, in ratione aut absoluta, aut distantiarum reciproca duplicata; obtinere debent in aliis quibuscunque viribus centripetis, & absolutis, & secundum legem quamcunque distantiae auctæ aut diminutæ auctis aut diminutis; si modo huiusmodi leges alicubi reperiantur.

Coroll. (9.) Proinde, si medium in quo corpus aliquod movetur urgeatur vel à gravitate propria, vel ab alia quacunque vi centripeta, & corpus ab eadem vi urgeatur fortius, differentia virium est vis illa motrix quam in præcedentibus ut vim centripetam consideravimus. Sin corpus à vi illa urgeatur levius, differentia virium pro vi centrifuga haberi debet.

Coroll. (10.) Cum autem fluida premendo corpora inclusa non mutant eorum figuras externas, patet insuper per Propositionis prioris Corollaria quod non mutabunt situm partium internarum inter se. Proindeque si animalia immergantur, & sensatio omnis à motu partium oriatur; nec lædent corpora immersa, nec sensationem ullam excitabunt, nisi quatenus hæc corpora à compressione omnifariam undique condensari possunt. Et par
est

est ratio cujuscunque corporum systematis, fluido comprimente circumdati. Systematis partes omnes iisdem agitabuntur motibus, ac si in vacuo constituerentur; & solam retinerent gravitatem suam comparativam: nisi quatenus fluidum vel motibus earum resistat, vel ad eandem compressionem conglutinandas requiratur.

LVIII. Fluida non descendunt se invicem, & tam immersa corpora, quam continentia, data basi pro ratione altitudinis perpendicularis, non autem pro ratione quantitatis materiæ premunt. Hoc est, pressio cylindri aquæ v. g. altitudinis quadrupedalis, ubi circuli cylindricæ columnæ area est unius tantum pollicis quadrati, æqualis est pressioni cylindri cujuscvis aquæ altitudinis quadrupedalis ubi circuli cylindricæ columnæ area est centum vel mille pollicum quadratorum, & sic ubique: nimirum si basis aquea cum aqua in tubo contenta communicans, sit utroque in casu æqualis.

Hæc est notissima hydrostaticæ scientiæ regula, per experimenta sæpius reperta; vixdum autem, uti opinor, physice aut mathematicè demonstrata; quam hoc modo demonstrare conabor. Notum est ex primis motuum physicorum elementis quantitatem virium motricium, sive effectuum iisdem respondentium ex materiæ motæ quantitate in velocitatem ducta prorsus oriri: & proinde eandem fore pressionem ex qualibet materiæ prementis quantitate modo ejusdem velocitas sit semper & ubique materiæ quantitati reciproce proportionalis. Notum est etiam statera, vectis, libræ, & hujusmodi instrumentorum mechanicorum vires ex hujusmodi materiæ & velocitatis combinatione reciproca derivari; & datum pondus à vi seu pressione data quantulacunque moveri posse, si modo machina eo modo ponderi simul & pressioni admoveatur, ut distantia ab hypomochlio, & proinde velocitates ponderis & pressionis sint ex necessitate motuum sibi invicem reciproce proportionales. Sic sane unicum pondo ad distantiam quatuor pedum ab hypomochlio tantundem valet ac quatuor pondo ad di-

stantiam unius pedis; eo quod ex necessitate motuum per vectem vel stateram conjunctorum fieri non potest quin pondus unicum cum velocitate, velocitatis alterius ponderis quadrupla moveatur: atque adeo æqualem vim & pares effectus ut *inter movendum* habeat est necessum. *Inter movendum*, inquam, minus æquiponderat sive æquivalet majori: nec fane aliter: uti perperam plerique existimare videntur. *Si quando* enim quiescit machina, palam est gravitatem, sive pressionem, sive vim majoris esse revera gravitatis, pressionis, & vis minoris omnino quadruplam; nec ullum in eo casu æquipondium expectandum. [*Si quando* inquam quiescat machina. Nam si physice, aut saltem mathematicè loquamur, nullum corpus omnino quiescit, sed ubi motuum celeritas tantilla est, ut à sensibus nostris percipi nequeat, corpora quiescere dicimus.] Itaque ubi area sectionis cylindricæ aquæ est unius tantum pedis quadrati, descendit illa centuplo vel millecuplo velocius, quam ubi area ista centuplo vel millecuplo major supponitur: atque id adeo quod aqua in vase contenta & ipsum quoque vas continens in aliquali motu semper sunt posita, neque unquam absque omni motu quiescere queunt. Alias, ut omnino existimo, quiescens aquæ columna centuplo vel millecuplo major, absoluta sua gravitate centuplo vel millecuplo majore prædita, aquam & vas quiescentia pondere centuplo vel millecuplo premerent. Casus enim hicce est ejusdem penitus naturæ cum eo syphonis inversi crurum admodum inæqualium; ubi ideo tantum fit æquilibrium, quod velocitates ascensus & descensus aquæ in utroque canali ex natura syphonis sint necessario quantitati aquæ reciproce proportionales.

Coroll. (1.) Premunt ergo fluida non pro quantitatis materiæ prementis, sed altitudinum perpendicularium ratione.

Coroll. (2.) Proinde Orbis Ligneus ad fundum fere situlæ aqua plenæ demersus ad summum emerget, non
ob,

obstante quod multo plus aquæ supra eundem quam infra reperiatur. Concavus enim ille aquæ cylindrus cum aqua inferiore ad margines undique communicans eandem æque premit, & lignum æque sustollit, ac si omnis fitulæ aqua eundem premere & sustollere potuisset.

Coroll. (3.) Nulla itaque modo opus est Principio Cl. Mori Hylarchico ad hoc effectum solvendum. Ex Mechanica enim motus lege jamjam demonstrata ascensus orbis lignei necessario sequitur.

Coroll. (4.) Sic se habent Fluida *non descendencia*; uti in Propositione asserui. Sin vas, cum fluido, & tubo, ex vi gravitatis omnium communi descendat, perit, opinor, pressiois communicatio, & cessat effectus: ita tamen ut etiamnum secundum altitudinem æque ac in priori casu pressio effectum suum sortiatur: sive eodem modo premit, ubi maxima est aquæ columna, ac ubi minima; ejusdem nimirum altitudinis; ita ut jam tandem in universum asserere liceat, Fluida secundum altitudines perpendiculares non secundum materiæ quantitatem omnino premere,


Novemb. 11^o. 1706.

XXVIII.


LIX. **S**I fluidi ex particulis se mutuo fugientibus compositi densitas sit ut compressio, ita ut ubi vires comprimentes duplæ, quadruplæ, vel octuplæ sunt, densitates inde oriundæ sint etiam duplæ, quadruplæ vel octuplæ, & ita in universum, Vires centrifugæ particularum sunt reciproce proportionales distantiiis centrorum. Et vice versa, Particulæ viribus quæ sunt reciproce proportionales distantiiis centrorum suorum se mutuo fugientes componunt fluidum elasticum, cujus densitas sit compressioni proportionalis,

In-

Includi intelligatur Fluidum in spatio cubico ACE . dein compressione redigi in spatium cubicum minus ace . Et particularum similem situm inter se in utroque spatio ob naturam fluiditatis obtinentium, distantiae erunt ut Cuborum Latera AB, ab : & Medii densitates reciproce ut spatia cubica continentia AB cub. & ab cub. In latere cubi majoris $ABCD$ capiatur quadratum DP , æquale quadrato cubi minoris db . Et ex hypothesi pressio qua quadratum DP urget fluidum inclusum, (sive qua fluidum inclusum urget quadratum) erit ad pressionem qua quadratum illud db urget fluidum inclusum, ut Medii densitates ad invicem; hoc est, ut ab cub. ad AB cub.



Sed pressio qua quadratum BD urget fluidum inclusum, est ad pressionem qua quadratum DI urget idem fluidum, ut quadratum DB , ad quadratum DP . hoc est, ut AB q. ad ab q. Ergo ex æquo pressio qua quadratum DB urget fluidum, est ad pressionem qua quadratum db urget fluidum, ut ab , ad AB . sive reciproce ut distantiae particularum. Subtracta enim de ratione triplicata laterum ab & AB , ratione eorundem duplicata; restat ratio simplex laterum, sive distantiae particularum, pressioni earundem in vase continens (sive vasis continenti in particulas) reciproce proportionalis. Exempli gratia: Est



cubus major cubi minoris octuplus: sive latus cubi majoris lateris cubi minoris duplum, Tum si densitas fluidi in vase minore erit quoque densitatis in majore octupla, ob eandem materiae quantitatem in spatio octuplo

Octuplo minore contentam. Et ex hypothesi quod compressio in datum spatium exercita sit in universum densitati ad amissam proportionalis, erit integra compressio particularum sive vires comprimentes eidem proportionales in cubo minore in ratione octupla compressionis sive virium comprimentium in majore. Sed superficies integra, quia fit compressio, vel superficies quadrati cujusvis in cubo minore, est ad superficiem integram, vel superficiem quadrati cujusvis homologi in cubo majore, in ratione subquadrupla. Est ergo pressio octupla cum pressione altera earundem particularum in spatium quadruplo majus dispersarum comparanda. In spatio itaque quadruplo minore eadem materiæ quantitas, sive eadem fluidi particulæ pressionem octuplam sustinent, necesse itaque est ut quævis particula pressionem duplo quam prius majorem sustineat; sive ut vires centrifugæ particularum sint reciproce proportionales distantis earundem. *Q. E. D.*

Sic sane, si planis FGH , fgb , per media cuborum ductis distinguatur fluidum in duas partes: Hæ se mutuo prement iisdem viribus quibus premuntur à planis AC , ac : hoc est, in proportionem ab , ad AB . adeoque vires centrifugæ, quibus hæ pressionem sustinentur, sunt in eadem ratione. Ob eundem particularum numerum similemque situm in utroque cubo vires quas particulæ omnes secundum plana FGH , fgb exercent in omnes, sunt ut vires quas singulæ exercent in singulas. Ergo vires quas singulæ exercent in singulas secundum planum FGH in cubo majore, sunt ad vires quas singulæ exercent in singulas secundum planum fgb in cubo minore, ut ab , ad AB : hoc est, uti jam demonstravimus, reciproce ut distantia particularum ab invicem. *Q. E. D.*

Et vice versa; si vires particularum singularum sint reciproce ut distantia particularum, id est, reciproce ut cuborum latera AB , ab ; summæ virium erunt in eadem ratione, & pressionem quadratorum DB , db ut summæ

summæ virium; & pressio quadrati DP , ad pressionem quadrati DB , ut abq , ad ABq : Et ex æquo, pressio quadrati DP , ad pressionem quadrati db , ut ab cub. ad AB cub. Ratione enim simplici, cum ratione duplicata composita emergit ratio triplicata. ita ut vis compressionis in uno, sit ad vim compressionis in altero, ut densitas fluidi ad densitatem, directe. *Q.E.D.*

Coroll. (1.) Cum itaque per experimenta constet æris nostri per vices compressi & rarefacti densitatem esse viribus comprimentibus, sive compressioni ubique proportionalem; admodum vero simile videtur aerem ex particulis se mutuo in inversa distantiarum ratione fugientibus vel fugantibus constare. Etsi enim hæc vis quasi centrifuga vi universali centripetæ, sive gravitati, è diametro adversa cum eadem consistere non posse videatur; attamen fieri potest ut præter generalem illam gravitatis legem materiam omnem qua materiam attinentem, sine ullo ad ejusdem figuras, formas, circumstantias, aut motus respectu; aliæ sint leges & vires naturales sive attrahendi sive fugandi ad speciales particularum materiæ figuras, formas, circumstantias, aut motus pertinentes, & peculiari modo iisdem alligatæ, è quibus haud pauca è difficilioribus naturæ phænomenis dependere possunt. Sic sane verosimile videtur aeris particulas cum peculiare illud temperamentum, figuram, aut formam acquisiverint, unde tale fluidum elasticum componere aptæ sunt, quale nos Aerem dicimus, novæ huic & speciali legi sive vi centrifugæ, hujusmodi particulas easque solas attinenti immediate subijci. Jure enim suspicatur Autor noster perspicacissimus pleraque specialia naturæ Phænomena ex viribus hujusmodi pendere posse, quibus corporum particula, per causas nondum cognitæ, vel in se mutuo impelluntur, & secundum figuras regulares cohærent, vel ab invicem fugantur, & recedunt; quibus viribus ignotis Philosophi hætenus Naturam frustra tentarunt; & quibus proinde gradatim jam detectis vel detegendis spes
est

ſit non exigua eadem phænomena gradatim patefacienda, & nos ad cauſas ſi non ultimas, proximas tamen, & tam calculo Geometrico quam uſibus humanis accommodatis maxime ſenſim accelluros.

Scholium. Intelligenda vero ſunt priora circa vires, æris & huiusmodi fluidorum centrifugas de huiusmodi ſolum viribus quæ terminantur in particulis proximis, aut non longe ultra diffunduntur: qualium exempla habemus in corporibus magneticis. Horum virtus attractiva terminatur fere in ſui generis corporibus, ſibi proximis. Magnetis virtus per interpoſitam laminam ferri contrahitur, & in lamina fere terminatur. Nam corpora ulteriora non tam à magnete, quam à lamina trahuntur. Ad eundem modum ſi particulæ fugent alias ſui generis particulas ſibi proximas, in particulas autem remotiores virtutem nullam exerçant, ex huiusmodi particulis componentur fluida, de quibus actum eſt in hac Propoſitione.

Coroll. (2.) Pari fere ratione præter vim gravitatis univerſalem aliæ eſſe videntur vires attractivæ peculiæres particulis quorundam corporum aut peculiæres diſtantiis perexiguis aliifve circumſtantiis corporum particularium, unde phænomena alias miranda conſequi debent. Sic fane ex huiusmodi attractione oriri videtur radiorum lucis in corporibus pellucidis aut circa angulos opacorum refractio vel inflexio; utpote quæ ante contactum accidunt, & in diſtancia minori fortius attrahunt; uti Auctor noſter in egregio ſuo de Optice tractatu obſervavit. Nec aliunde, uti idem in Latina ejuſdem operis editione notat, oriri videtur ſphærica illa guttularum & argenti vivi & conſimilium fluidorum figura. Particulæ enim ubi ad exiguam diſtantiā collocantur, ſe fortiter attrahunt; atque quo modo ex æquali partium in planetis verſus ſe invicem gravitate, ſphærica planetarum figura neceſſario oritur; eodem etiam ex æquali particularum aquæ vel argenti vivi ſibi mutuo admodum approximantium vi centripeta æquum

æquum est ut guttularum figuram sphæricam derivemus: præsertim dum hæc particulas quam citissime & quam accuratissime in sphæras istas coire videmus; ut ex notissimis Iridis phænomenis, instantaneæ earundem & accuratissimæ in sphæras conformationi in solidum debitis, facile discere licebit.. Neque ex diversis causis forsan nonnulla alia fluidorum phænomena, soluta aliis difficillima, pendere sunt censenda. Sed hæc Obiter. Ad seriem incæptam jam revertor.

LX. Quantitas materiæ in corporibus universis eorum ponderi est accuratissime proportionalis.

Sublata enim aeris resistentia, uti fit in vacuo Bøylano, omnia corpora, sive solidissima, & gravissima; sive rarissima, & levissima videantur, communi & data quadam velocitate simul descendunt, ubi simul ab eadem altitudine demittuntur. Corpora etiam pendula quæcunque, quorum centra oscillationis à suspensionis centro æqualiter distant, etiam in aere, si arcum ejusdem vel æqualis cycloidis æqualem, vel etiam inæqualem simul oscillari incipiant, eunt simul redeuntque æquissime: & ubi arcus æqualis describitur, eadem omnino celeritate moventur, sive dura sint, sive mollia; sive solida sint, sive liquida; sive magna sint, sive parva; cujuscunque demum formæ sint, vel figuræ. Unde constat vim moventem esse ubique in eadem ratione cum materia movenda: sive vim gravitatis corpora omnia æqualiter afficere: in eadem nempe à telluris centro distantia. Nam quod magna corpora cæteris paribus in aere paulo velocius descendunt, motusque suos paulo diutius conservant, inde est, quod superficies corporum, secundum quam fit aeris vel medii cujuscunque resistentia in corporibus similibus sit tantum in diametrorum vel laterum similium ratione duplicata: cum eorundem soliditas, secundum quam æstimanda est & materiæ quantitas, & vis gravitatis, sit in diametrorum vel laterum eorundem ratione triplicata. Sic si diameter sphæræ cujuscunque lapideæ sit alterius sphæræ ex eadem

eadem materia tripla; erit ejusdem superficies, & per consequens, data velocitate, ejusdem resistentia in aere, alterius tantum noncupla, ubi soliditas, & materie quantitas, eique proportionalis ejusdem gravitas sit alterius plane vigecupla septupla. Unde mirum non est, resistentiam pro ratione gravitatis in sphaera majore tanto minorem, eandem sphaeram in ratione minore afficere & retardare, quam sphaeram minorem afficit & retardat. Quod vero tanta sit ponderis in aere v. g. inter aurum & paleam apparens velocitatis descensus differentia, illa non solum à superficialium sed præcipue à gravitatis specificæ differentia qua aurum longe magis quam palea exuperat aeris ipsius gravitatem dependet: excessus autem gravitatis specificæ corporis in aere descendens supra gravitatem ipsius aeris specificam ea sola est gravitas quæ corpus in aere positum ad descendendum cogit, uti nuperrime ostendimus. Unde mirum non est, quod aurum longe quam palea velocius in aere descendat, licet in vacuo utraque pari semper velocitate descendere observentur.

Scholium. Si ipsa velocitas corporum omnium in vacuo apud telluris superficiem in notis mensuris requiratur, Sciendum, tam per corporum perpendiculariter descendentium observationem directam, quam per pendulorum corporum oscillationes & calculum inde initum à Cl. Hugenio, consentientibus Geometris, illam ea quantitate statui qua scrupulo horario secundo corpora per pedes Parisienses $15\frac{1}{2}$, sive pedes Anglicos 161.1. hoc est, pedes sedecim & pollicem quasi unum descendunt: aut qua horæ spatio per pedes Anglicos 208.656.000. hoc est, milliariorum Anglicorum fere quadraginta millia descenderent: uti ex eodem calculo corporum in duplicata temporis ratione descendentium illico constare poterit.

LXI. Corporum fune pendulorum quibus resistitur in ipsa solum velocitatis ratione, oscillationes in Cycloide, sive arcus descripti sunt majores sive minores, sunt ubique Isochronæ.

Quod

Quod vera sit propositio in loco vacuo, ubi nulla est medii resistentia, olim demonstravimus. Et si resistentia sit ut velocitas, sive ut arcus ubique describendus, velocitas reliqua erit quoque in eadem ratione: & proinde oscillandi tempus æqualiter retardabitur utrinque, & oscillationes etiamnum manebunt inter se, ut prius, Isochronæ. *Q. E. D.*

Coroll. Media itaque resistentia tempus oscillandi majus requirunt quam vacuum spatium: & horologia oscillatoria citius aliquantulum vibrationes suas æquales in vacuo quam in aere peragunt, consentiente experientia. Resistentia enim aufert nonnullam gravitatis motricis partem; & proinde effectum ejus sive motus velocitatem sufflammat.

Nov. 25. 1706.

XXIX.

LXII. **C**ORPORIBUS inæquali velocitate in fluido subtilissimo motis resistitur à studio in duplicata velocitatis ratione.

Cum enim Corpus velocius motum & majori medii quantitati in ratione velocitatis, & cuique medii parti æquali, cum impetu majori in eadem velocitatis ratione occurrat, resistentia tota ex causa utraque conjuncta oriunda necessario erit in ejusdem velocitatis ratione duplicata. Cui quidem rationi duplicatæ experimenta non male consentiunt. Licet partium in aere cedentium lubricitatis defectus ab elasticitate ortus, & nonnulla plurimorum fluidorum partium cohæsis istam rationem aliquantulum turbare debeant.

Coroll. (1.) Cum itaque corporum fune pendulorum in Cycloide, ubi resistentia esset in simplici velocitatis ratione oscillationes essent Isochronæ, Resistentia au-

tem

retm in aere & hujusmodi mediis fit fere in velocitatis ratione duplicata, Liquet oscillationum tempora etiam in Cycloide, & multo etiam magis in Circulo, per ærem non esse in diversis arcubus penitus æqualia; sed in majoribus, ob resistantiam nimiam, paulo majora.

Coroll. (2.) Hinc sequitur ad æqualitatem temporum in horologiis oscillatoriis optime obtinendam opus esse, ut pendula eisdem arcus semper describant: alias ob inæqualem velocitatem, ubi arcus majores describuntur, tardius; ubi minores, celerius justo fiet motus. Unde etiam causa ostendi potest, præter automatorum structuram minus perfectam, quare Horologia majora in navi collocata & huc illuc jactata non adeo accurate ac domi manentia & in quiete posita horas demonstrant. Ob concussionem enim frequentem arcus nunc majores, nunc minores describuntur: & inde temporis inæqualitas nonnulla necessario consequitur.

Coroll. (3.) Oscillationes breviores sive in Cycloide sive in Circulo sunt magis isochronæ quam longiores; ob minorem nempe medii perturbantis resistantiam: & brevissimæ iisdem temporibus peraguntur ac in medio non resistente quam proxime: ubi etiam Cyclois & Circulus plane coincidunt, sive se mutuo tangunt: & oscillationes in circulo vix differunt ab iis quæ fiunt in cycloide. Unde etiam horologia oscillatoria quæ pendulo longiore gubernantur accuratius multo horas indicant quam ea quæ breviori alligantur; propterea quod arcus longe minores ab iis describuntur. Earum vero oscillationum quæ in majoribus arcubus fiunt tempora sunt paulo majora, eo quod resistantia corporis, quæ tempus producit, major sit pro ratione longitudinis in descensu descriptæ, (ob majorem nempe velocitatem,) quam resistantia in ascensu subsequenti, qua tempus contrahitur. Sed & tempus oscillationum, tam brevium, quam longarum nonnihil produci videtur per motum medii. Nam Corporibus tardescensibus paulo minus resistitur pro ratione velocitatis, & corporibus accele-

ratis paulo magis quam iis quæ uniformiter progrediuntur : id adeo quia medium eo quem à corporibus accipit motu in eandem plagam pergendo in priore casu magis agitur, in posteriore minus, ac proinde magis vel minus cum corporibus motis conspirat. Pendulis igitur in descensu magis resistit, in ascensu minus, quam pro ratione velocitatis duplicata; & ex utraque causa tempus producitur.

LXIII. Velocitas prima fluidi cujusque subtilissimi per foramen effluentis ea est quam corpora acquirerent descendendo ab altitudine altitudinis ejusdem supra foramen perpendicularis dimidia : & est ubique ad diversas altitudines in subduplicata earundem altitudinum ratione.

Si vas impleatur aqua, & in fundo perforetur, ut aqua per foramen defluat, manifestum est quod vas sustinebit pondus aquæ totius dempto pondere partis illius quod foramini perpendiculariter imminet. Nam si foramen obstaculo aliquo occluderetur, obstaculum sustineret pondus aquæ sibi perpendiculariter incumbens, & fundum vasis sustineret pondus aquæ reliquæ. Sublato autem obstaculo fundum vasis eadem aquæ pressione, eodemque ipsius pondere urgetur ac prius; & pondus quod obstaculum sustinebat, cum jam non sustineatur, faciet ut aqua descendat & per foramen defluat. Unde consequens est quod motus aquæ totius effluentis is erit quem pondus aquæ foramini perpendiculariter incumbens generare possit. Nam aquæ particula unaquæque pondere suo, quatenus non impeditur, descendit; idque motu uniformiter accelerato; & quatenus impeditur urgetur obstaculum. Obstaculum illud vel vasis est fundum, vel aqua inferior jamjam effluxura; & propterea ponderis pars illa quam vasis fundum non sustinet, urgetur aquam defluentem, & motum sibi proportionalem generabit. Et cum vis integra premens nil aliud sit quam vis gravitatis propria cujusque particulæ, vel supremæ superficiæ fluidi superaddita vi propriæ cujusque inferioris particulæ, vel quarumcunque inferiorum superficialium æqualium per
totam

totam altitudinem perpendicularum æqualiter gravitantium; five velocitas genita summa velocitatum singulærum superficierum, vel velocitas corporum à quiete descendentium æquabiliter aucta: Et cum etiam velocitas Corporis à dimidia altitudine descendentis sit eæ quacum integra altitudo eodem tempore motu uniformi describi deberet, & ab eodem gravitatis propriæ exordio incipiens æquabiliter aucta: Liquet eandem velocitatem utrobique generari. Quia vero velocitates corporum descendentium sunt ubique in subduplicata ratione altitudinum, Erunt & velocitates effluentium, iisdem æquales, in eadem ratione subduplicata. *Q.E.D.*

Coroll. (1.) Quantitas itaque aquæ effluentis quo tempore corpus cadendo describere posset altitudinem dimidiam, æqualis erit columnæ aquæ totius foramini perpendiculariter imminentis.

Coroll. (2.) Cum autem aqua effluens motu suo primo fursum verso perpendiculariter surgeret ad dimidiam altitudinem aquæ foramini incumbentis, consequens est quod si egrediatur oblique per canalem in latus vasis, describere incipiet in spatiis non resistentibus Parabolam, cujus latus rectum ad verticem ubi incipit curvatura, vel definit canalis, pertinens, est dupla altitudo aquæ in vase supra canalis orificium; & cujus diameter horizonti perpendicularis ab orificio illo ducitur: atque ordinatim applicatæ parallelæ sunt tangenti per canalis axem ductæ.

Coroll. (3.) Data ergo parabola ab aqua effluente descripta, datur una aquæ in vase contentæ altitudo supra foramen perpendicularis; nempe lateris recti ad verticem egressus pertinentis dimidia.

Coroll. (4.) Si aqua per canalem horizonti parallelum egrediatur, quoniam fundum vasis integrum est, & eadem aquæ incumbentis pressione ubique urgetur, ac si aqua non efflueret; vas sustinebit pondus aquæ totius, non obstante effluxu: Sed latus vasis, de quo effluit, non sustinebit pressionem illam omnem quam sustineret si aqua non efflueret. Tolleitur enim pressio partis il-

lius ubi perforatur, quæ quidem pressio, ob naturam aquæ fluidam, æqualis est ponderi columnæ aquæ cujus basis foramini æquatur, & altitudo eadem est quæ aquæ totius supra foramen. Et Propterea, si vas ad modum corporis penduli filo prælongo à clavo suspendatur, hoc si aqua in plagam quamvis secundum lineam horizontalem effluat, recedet semper à perpendiculari in plagam contrariam. Et par est ratio, ut hoc obiter notetur, motus pilarum quæ pulvere tormentario madefacto implentur, & materia in flammam per foramen paulatim expirante recedunt à regione flammæ, & in partem contrariam cum impetu feruntur.

Coroll. (5.) Eadem est velocitas exeuntis fluidi in aqua, & in aere, & aliis quibuscunque, modo subtilissima sint, ubi altitudo perpendicularis est eadem, uti ex præcedente demonstratione liquet.

Coroll. (6.) Et si fluidum sit elasticum, & Undulationes sive tremores suos ad distans propagare possit, Undulationes vel Tremores istos eadem velocitate propagabit qua primo efflueret ex altitudine Fluidi Uniformis, cujus pondus fluidum subjectum comprimere posset. Tensio enim sive elaterium isti pressioni sive velocitati incipienti proportionale est ipsum undulationis vel tremoris vehiculum: & proinde undulationes vel tremores istos cum velocitate propria non potest non transfere & propagare.

Coroll. (7.) Unde cum pondera specifica aquæ pluvialis & Argenti vivi sint ad invicem ut 1 ad 14. circiter; & ubi Mercurius in Barometro altitudinem attingit digitorum Anglicorum 30. pondus elastici Aeris & aquæ pluvialis sint ad invicem, ex collatis plurimis observatis, ut 1 ad 1000 circiter; erunt pondera specifica aeris & argenti vivi ut 1 ad 14000 circiter. Proinde, cum altitudo argenti vivi sit 30 digitorum, altitudo aeris uniformis cujus pondus aerem nostrum subjectum comprimere posset, erit 42000 digitorum, seu pedum Anglicorum 35000. Corpora autem pedes

17500; hoc est, altitudinem prioris dimidiam; spatio 33 quasi minutorum secundorum in vacuo descendunt. Unde Undulationes vel Tremores aeris isti, quos sonorum vehicula statuimus, ea se propagabunt velocitate ut spatio 33 scrupulorum secundorum pedes Anglicos 35000 circiter conficiant, & ex æquabili propagationis tenore scrupulo secundo unico 1060 pedes circiter; sive scrupulo primo integro 63640 circiter: quæ quidem Sonorum velocitas cum experimentis probe congruit. Scribit enim Merfennus in Balisticæ suæ *Prop.* 35. se factis Experimentis invenisse quod sonus minutis quinque secundis hexapedas Gallicas 1150, (id est pedes Gallicos 6900) percurrat. Unde cum pes Gallicus, sit ad Anglicum, ut 1068, ad 1000; debebit sonus tempore minuti unius secundi pedes Anglicos 1474 conficere. Scribit etiam idem Merfennus Robervallum Geometram Clarissimum in Obsidione Theodoni observasse Tormentorum fragorem exauditum esse post 13 vel 14 ab igne viso minuta secunda; cum tamen vix dimidiam Leucam ab illis Tormentis abfuerit. Continet Leuca Gallica hexapedas 2500; adeoque sonus tempore 13 vel 14. secundorum ex observatione Robervalli confecit pedes Parisienses 7500, ac tempore unius secundi pedes Parisienses 560, Anglicos vero 600 circiter. Multum differunt hæ observationes ab invicem; & computus noster medium locum tenet. In Porticu Collegii SS. Trinitatis apud nos pedes 208 longa, sonus ex ipsius Newtoni observatis in termino alterutro excitatus quaterno recurso Echo quadruplicem efficit, & singulis soni recursibus pendulum quasi sex vel septem digitorum longitudinis oscillabatur; ad priorem soni recursum eundo, & ad posteriorem redeundo. Longitudo penduli satis accurate definiri non potuit: sed longitudine quatuor digitorum oscillationes nimis celeres, ea novem digitorum nimis tardæ videbantur. Unde sonus eundo & redeundo confecit pedes 416 minores tempore quam pendulum digitorum

novem, & majore quam pendulum digitorum quatuor oscillatur; id est, minore tempore quam $28\frac{1}{4}$ minutorum tertiorum; & majore quam $19\frac{1}{2}$. & propterea tempore minuti unius secundi conficit pedes Anglicos plures quam 866, & pauciores quam 1272; atque adeo velocior est quam pro observatione Robervalli, ac tardior quam pro observatione Merfenni. Quin etiam accuratioribus postea observationibus definivit Newtonus quod longitudo penduli major esse deberet quam digitorum quinque cum semisse, & minor quam digitorum octo; adeoque quod sonus tempore minuti unius secundi confecit pedes Anglicos plures quam 920, & pauciores quam 1085. Igitur motus sonorum secundum calculum geometricum superius allatum inter hos limites consistens, & ad numerum majorem accedens propius, sicut pleraque aliorum experimenta persuadent, optime cum Phænomenis quadrat.

Coroll. (8.) Si densitas aeris augeatur aut minuatur, sonus ipse sive fragoris violentia in eadem ratione augebitur aut minuetur; quod cum experimentis sonorum in aere rarefacto & condensato factis probe congruit.

Coroll. (9.) Unde sequitur, sonos in altissimorum montium cacuminibus, ubi aer rarior est, minores esse, & tardiores, quam in vallibus.

Coroll. (10.) Si Ventus cum motu aeris conspiret, sonitus, vel fragor, sive pulsuum violentia augebitur, & longius perget; utpote ex *summa* motuum ipsius soni & venti conflata. Si Ventus eidem motui repugnet, sonitus minuetur, & citius sistetur; utpote ex *differentia* motuum eorundem solummodo oriundus. Salva semper ipsius soni propagati velocitate superius designata. Sonus enim non ex motu aeris continuo, sed ex pulsibus ejusdem undarum more per vibrationes sive itus reditusque vicibus alternis se invicem sequentes propagatis dependet; uti statim ostendetur. Et qualiscunque sit fragoris differentia, à differenti corporis sonori vel venti statu orta, manent tamen aeris densitas & elaterium;

terium; & inde manebit quoque eorum effectus, five sonorum propagatorum velocitas.

Coroll. (11.) Eadem itaque fere velocitate Soni qualescunque, five magni fiat, five parvi, per aerem densitate datum propagantur: Uti ostendunt quoque ea de re experimenta à Philosophis capta.

Coroll. (12.) Data itaque jam sonorum ubicunque locorum velocitate, ea nempe qua 1060 pedes Anglicos scrupulo secundo conficiunt, Ex dato sonorum temporis intervallo datur una distantia corporis sonori intervallum. Sic sane si inter Bombardæ ignem visum, auditumque sonum decem minuta secunda pertransire observemus; liquet bombardam à nobis 10600 pedes, five mille passus duos circiter distare. Pariter si inter fulgur visum & tonitru auditum intercedant minuta secunda quinque; liquet nubes istas unde erumpunt à spectatore 5300 pedes, five quasi millepassum unicum distare.

Scholium. Notandum autem hic loci, me velocitatem sonorum paulo quam ipse Auctor majorem ponere; utpote quæ, ut opinor, tum calculo geometrico, tum experimentis plerisque accuratius congruit.

Decemb. 2°. 1706.

XXX.

LXIV. **R**ESISTENTIA Fluidorum ut in diversis velocitatibus est in ratione duplicata velocitatis; ita in diversis densitatibus data velocitate in ipsa densitatis ratione directa: datis autem densitate & velocitate in diametrorum ratione duplicata: atque adeo in universum Resistentia est in ratione composita ex duplicata ratione velocitatis; ex duplicata ratione diametrorum; & ex simplici ratione densitatis medii directe.

Facilia hæc sunt, nec demonstratione indigent. Si enim sphaeræ duæ quoad diametros altera alteram in ratione dupla excidat, five sit ut 2 ad 1 : & moveatur major velocitate alterius dupla; & in medio fluido alterius densitate duplo; palam est, dato quovis temporis spatio, universam sphaeræ majoris resistantiam, five motum amissum, esse ad universam sphaeræ resistantiam, five motum amissum, ut $2 \times 2 \times 2 \times 2 \times 2$, ad $1 \times 1 \times 1 \times 1 \times 1$, five, ut 32 ad 1. atque ita ubique. Notandum tantum corporum resistantiam à fluidis & à solidis cæteris paribus æqualiter oriri; nisi quatenus in motibus tardioribus medium fluidissimum, impetu per circulum in posticam projectorum vel motorum corporum partem facto, aliquantulum ea iterum promovere possit: quod in velocioribus minus fieri debet, & in longe velocissimis neutiquam: uti quoque per experimenta accuratissime instituta Auctor noster Celeberrimus rem se habere deprehendit.

Coroll. (1.) Media itaque in quibus corpora projectilia sine sensibili motus diminutione longissime progrediuntur, non solum fluidissima sunt, sed etiam longe rariora quam sunt corpora illa quæ in ipsis moventur: alias projectorum motum cito sisterent, & ad quietem reducerent.

Coroll. (2.) Unde sequitur aerem nostrum, five omnem materiam in aere contentam parvam esse, si cum materia in corporibus per eandem longissime & velocissime progredientibus componatur; tantumque à Pleno Cartesiano abesse, ut ne millecuplam spatii integri continentis partem revera occupet.

Coroll. (3.) Unde etiam sequitur, ætherem, five materiam omnem in spatiis planetariis contentam, per quam Planetæ tot millenniis tanta cum velocitate revolverunt, idque sine omni fere motus jactura, perexiguam sane esse, si cum materia in ipsis planetis contenta comparatur: ita ut, quod instituto calculo facile patebit, spatium

tum potius revera vacuum, quam ætheream aliquam materiam nuncupare præstiterit.

Coroll. (4.) Corruit ergo in universum Philosophia Cartesiana, materiæ cuidam cælesti, quam materiam tum *primi* tum *secundi elementi* appellat, in solidum inædificata. Neque explosa jam per experimenta atque demonstrata Newtoniana materia hac subtili, Hypotheseos Cartesianæ basi & fundamento, ultra subsistere figmentum istud ingeniosum ullo modo potest. Præsertim cum non solum plenitudinem materiæ istius subtilis sustulerit Newtonus, sed & nihil omnino hujusmodi materiæ Corporum poris inesse ostenderit. Per experimentum enim penduli prælongi in aere diutius oscillantis & motum inde amissum cum aeris resistentia in superficiem facta collatum æstimando, invenit, aut nullam omnino, aut plane insensibilem resistentiam in partibus internis oriri. Unde recte concludendum, nullam omnino, aut plane insensibilem esse in poris corporum materiæ cujusvis subtilis quantitatem: cum è contra ex Cartesii plenitudine, cum specifica penduli gravitate collata, debuerit esse quam ipsa penduli substantia longe major. Omnino contra experientiam.

LXV. Pressio quævis rectilinearis per fluidum secundum lineas rectas solas propagari nequit.

Cum enim fluidum sit ea natura ut aut ejus partes sint semper in motu omnifariam, aut saltem facillime omnifariam mobiles, & data quavis occasione revera motæ; atque adeo particulæ situ & loco admodum variæ & obliquæ quoad se invicem semper existant; fieri non potest quin pressio quævis etiam per rectam lineam primitus communicata particulas oblique positas plerumque urgeat; & illæ oblique positæ alias oblique etiam positas pariter urgeant; & sic deinceps in infinitum. Pressio igitur quamprimum propagatur ad particulas quæ non accurate in directum jacent, divaricare incipiet, & oblique propagabitur in infinitum: & postquam incepit oblique propagari, quotiescunque incidet

rit in particulas ulteriores quæ non in directum jacent, hoc est, fere semper, iterum divaricabit. Sic etiam si pressio à dato loco per fluidum propagata pars aliqua obstaculo intercipiatur, pars reliqua quæ non intercipitur pariter ac prius divaricabit in spatia quævis ultra obstaculum.

Coroll. (1.) Hinc ratio redditur, quare Soni vel muris interpositis, vel in cubiculum per fenestram admitti, sese in omnes cubiculi partes dilatent; inque angulis omnibus audiantur, non solum reflexi quidem à parietibus oppositis, sed & à fenestra per aerem undique propagati.

Coroll. (2.) Lucis radii qui per ætherem, & ærem, & aquam aliaque fluida per rectas lineas semper propagantur, non sunt pulsus quidam per fluida ista, sonorum instar, propagati; sed particulae seu corpuseula realia à Sole & stellis emanantia, & per pellucida media quæcunque vero motu propagata; ut etiam alia pleraque lucis phaenomena omnino suadent.

LXVI. Corpus omne Tremulum in medio elastico propagabit motum pulsum undique in directum: In medio vero non elastico motum per circulum excitabit.

CASUS (1.) Nam partes corporis tremuli vicibus alternis eundo & redeundo itu suo urgebunt & propellent partes Medii sibi proximas, & urgendo comprimant easdem & condensabunt: dein reditu suo finient partes compressas recedere, & sese expandere. Igitur partes medii corpori tremulo proximæ ibunt & redibunt per vices ad instar partium corporis illius tremuli: & qua ratione partes corporis hujus agitabant hæc medii partes, hæc similibus tremoribus agitatae agitabunt partes sibi proximas, eaque similiter agitatae agitabunt ulteriores: & sic deinceps in infinitum. Et quemadmodum medii partes primæ eundo condensantur & redeundo relaxantur, sic partes reliquæ quoties eunt condensabuntur, & quoties redeunt sese expandent. Et
prop-

propterea non omnes simul ibunt, & simul redibunt; sic enim datas ab invicem distantias servando, non rareficerent & condensarentur per vices; sed accedendo ad invicem, ubi condensantur; & recedendo, ubi rarefuerunt, aliquæ earum ibunt, dum aliæ redeunt; idque vicibus alternis in infinitum. Partes autem euntes, & rursus condensatæ ob motum suum progressivum quo feriunt obstacula, sunt pulsus: & propterea pulsus successivi à corpore omni tremulo per fluidum elasticum propagabuntur: idque æqualibus circiter ab invicem distantius, ob æqualia temporis intervalla, quibus corpus tremoribus singulis singulos pulsus excitat. *Q.E.D.*

Corollarium. Quanquam corporis tremuli partes eant & redeant secundum plagam aliquam certam & determinatam, tamen pulsus inde per medium fluidum propagati sese dilatabunt ad latera, per Propositionem præcedentem; & à corpore illo tremulo, tanquam centro communi, secundum superficies propemodum sphericas & concentricas undique propagabuntur. Cujus etiam rei aliquod exemplum habemus in Undis: quæ si digito tremulo excitentur, non solum pergent hinc inde secundum plagas motus digiti, sed in modum circulorum concentricorum digiti statim cingent, & undique propagabuntur. Nam Undarum gravitas supplet quodammodo locum vis elasticæ.

Coroll. (2.) Hinc colligi potest, quod numerus pulsuum propagatorum idem sit cum numero vibrationum corporis tremuli, neque multiplicetur in eorum progressu. Lineola enim quævis physica quamprimum ad locum suum primum semel rarefciendo redierit, quiescet; neque deinceps movebitur, nisi vel ab impetu corporis tremuli, vel ab impetu pulsuum, qui à corpore tremulo propagantur, novo motu cieatur. Quiescet igitur quamprimum pulsus à corpore tremulo propagari desinunt.

Coroll. (3.) Unde facile innotescit causa, cur Soni, cessante motu corporis sonori, statim cessant; neque diu-

diutius audiuntur ubi longissime distamus, quam cum proxime absumus. Cessante enim Causa, Cessare effectum est Necessè.

Coroll. (4.) Hinc etiam causa intelligi potest, cur Soni in Tubis stenterophonicis valde augeantur. Motus enim omnis reciprocus singulis recurribus à causa generante augeri solet. Motus autem in Tubis, dilatationem sonorum impredientibus, tardius amittitur, & fortius recurrit; & propterea à motu novo singulis recurribus impresso magis augetur. Et cum omnis ille corporis aut vocis sonoræ impetus, qui alias ad sphæram usque integram, cujus radius esset tubi longitudo, eodem tempore propagari debuisset, nunc intra tubi spatiū concavum concludatur, & ex ejusdem apertura junctis viribus exeat, obscurum esse non potest, tremulum aeris motum, sive pulsuum sonorum violentiam longe exinde augeri, & ita ad intervalla longe majora pervenire debere: ita tamen ubique, ut propagationis velocitas eadem etiamnum ac prius atque invariata permaneat. Ea autem, ut opinor, ratione sonus augetur in hisce tubis, ut omnem fere ejusdem quantitatem, quæ alias dato tempore superficiem sphæricam cujus radius sit tubi longitudo, occuparet intra aperturam tubi coarctetur. Id est, in ratione superficiei sphæricæ integræ, ad ejusdem partem intra tubi aperturam contentam quam proxime. Operæ autem pretium videtur ut adhibeantur experimenta huc spectantia, quo determinetur tandem, num sonorum per hosce tubos augmentum rationem jam definitam obtineat, necne: ut de iisdem in posterum certius pronunciare, eisdemque utilius tractare atque usibus humanis adhibere valeamus.

CAS. (2.) Quod si medium non sit elasticum; quoniam ejus partes à corporis tremuli partibus vibratis pressæ condensari nequeunt, propagabitur motus in instanti ad partes ubi medium facillime cedit: hoc est, ad partes quas corpus tremulum alioqui vacuum à tergo relinqueret. Idem est casus cum casu corporis in medio quo-

quocunque projecti. Medium cedendo projectileibus non recedit in infinitum, sed in circulum eundo pergit ad spatia quæ corpus relinquit à tergo. Igitur quoties corpus tremulum pergit in partem quamcunque, Medium cedendo perget per circulum ad partes quas corpus relinquit; & quoties corpus regreditur ad locum priorem, medium inde repelletur, & ad locum suum priorem redibit.

Corollarium. Hallucinantur igitur Cartesiani, qui credunt agitationem partium flammæ sive Solis ad pressionem seu lucis propagationem per medium ambiens secundum lineas rectas conducere. Debebit ejusmodi pressio non ab agitatione sola partium flammæ, vel Solis, sed à totius dilatatione derivari. Atque hæc impressentiarum sufficiant. Reliqua Terminò post Natalitia proximo expectabitis.

Decemb. 9°. 1706.

XXXI.

LXVII. **S**I Cylindrus solidus infinite longus in fluido uniformi & infinito circa axem suum positione datum uniformi cum motu revolvatur, & ab hujus impulsu solo agatur fluidum in orbem; perserveret autem fluidi pars unaquæque uniformiter in motu suo; Tempora periodica partium fluidi erunt ut ipsarum distantiarum ab axe cylindri directæ; & velocitates ubique æquales.

Distinguatur enim fluidum in orbes solidos cylindricos innumeros cylindro concentricos, ejusdem ubique crassitudinis. Et quoniam fluidum supponitur esse homogeneum, & Cylindrus motu suo circulari conatur omnes fluidi partes contiguas, & per partes contiguas partes ulteriores in infinitum communi suo motu angulari,

lari, atque adeo velocitate in ratione distantiae directæ concitare, & secum eodem tempore periodico circumvolvere; Liquet orbes quoscunque tunc demum cessare ab ulteriori acceleratione, & partes perseverare in motibus suis uniformiter, ubi resistentia sive impressio in partem concavam, æquetur resistentiæ vel impressioni in partem convexam; (alias enim prævalens vi fortiori motus ex ista parte mutabitur.) Proinde, ubi velocitas respectiva, secundum quam in data superficie oriatur resistentia, fuerit in ipsa superficiem ratione reciproca, Impressiones ex parte utraque sibi invicem erunt æquales: Id est, in hoc casu ubi velocitas angularis sit in ipsa distantiae ratione reciproca, sive ubi velocitas absoluta sit semper æqualis, & tempora periodica in ipsa distantiae ratione directæ. *Q. E. D.*

Coroll. (1.) Si fluidum non sit infinitum, sed in vase cylindrico contineatur, circumagatur etiam cylindrus exterior, & accelerabitur ejus motus quoad usque tempora periodica cylindri utriusque & fluidi inclusi æquentur inter se. Quod si cylindrus exterior violentè detineatur, conabitur is motum fluidi retardare; & niscylindrus interior vi aliqua continuo impressa motum suum conservet, efficiet ut idem paulatim cesset.

Coroll. (2.) Cum autem Planetarum tempora periodica non sint in ratione ipsa distantiarum à Sole, sed in ejusdem sesquialtera; atque proinde velocitates absolutæ non sint ubique æquales, sed in subduplicata distantiarum ratione; uti apud omnes Astronomos est in confesso; Liquet hujusmodi fluidi ætherei constitutionem systemati Solari minime convenire; nec ex eadem supposita quicquam auxilii vorticibus Cartesianis accedere.

LXVIII. Si sphaera solida in fluido uniformi & infinito circa axem positione datum, uniformi cum motu, revolvatur; & ab hujus impulsu solo agatur fluidum in orbem; perseveret autem fluidi pars unaquæque uniformiter in motu suo; Tempora periodica partium fluidi erunt ut quadrata distantiarum à centro sphaeræ.

Di-

Diffingatur fluidum in orbes sphericos innumeros concentricos ejusdem crassitudinis. Et, ut prius, tum solum perseverabit fluidum in motu suo uniformi, sine ulteriore acceleratione vel retardatione, ubi motus angulares partium fluidi circa axem globi sint reciproce ut ipsæ superficies sphericæ concentricæ, sive ut quadrata distantiarum à centro globi reciproce, sive de-
 mum, ut tempora periodica partium, iisdem velocitatibus angularibus reciproce proportionalia, sint ut quadrata distantiarum à centro globi directe.

Coroll. (1.) Si fluidum non sit infinitum, sed in vase spherica contineatur, circumagetur etiam vas sphericum, & accelerabitur ejus motus quoad usque tempora periodica spheræ, & vasis, fluidique inclusi æquentur inter se. Quod si vas sphericum violenter detineatur, conabitur is motum fluidi retardare; & nisi spheræ vi aliqua continuo impressa motum suum conservet, efficiet ut idem, velut in casu priori, paulatim cesset.


Coroll. (2.) Cum autem Planetarum tempora periodica non sint in ratione distantiarum à Sole duplicata; uti jam vidimus; Liqueat hujusmodi fluidi ætherei constitutionem systemati Solari minime etiam convenire; nec ex eadem supposita quicquam auxilii vorticibus Cartesianis accedere.

Coroll. (3.) Cum enim Corpora quæ in vortice delata in orbem eundem sine accessu ad centrum, vel ab eodem recessu perpetuo redeunt; (uti in omnibus planetis tum primariis tum secundariis res se habet;) ejusdem ut sint densitatis cum vortice, & simul cum partibus contiguas ferantur sit necesse: & cum Vortices hujusmodi debeant ita moveri, ut tempora periodica sint in duplicata distantiarum ratione; (contra quam fit in omnibus planetis;) Liqueat Planetas à Corporeis vorticibus non deferri. Quod etiam adhuc certius ex proxima Propositione constabit.

LXIX. Velocitates Planetarum omnium sive primariorum, sive secundariorum circa corpora sua centralia, in ratione

tione nempe subduplicata distantiarum ab illis centris reciproca, Vorticum Cartesianorum hypothefin omnino subruunt, & è medio tollendam demonstrant.

Planetæ enim, ut jam ubique notum, circa suum quique centrale corpus ita in Ellipsis, umbilicos in eorum centris habentibus moventur, ut radiis ad centra ductis areas describant temporibus proportionales; & ut velocitates sint in subduplicata distantiarum ratione reciproca. At Partes vorticis ætherei tali motu revolvī nequeunt. Designent enim *AD*, *BE*, *CF*, Orbes tres primarios circa Solem *S* descriptos: quorum



extimus *CF* circulus fit Soli concentricus; & interiorum duorum Aphelia sint *A*, *B*, & Perihelia *D*, *E*. Ergo corpus quod revolvitur in orbe *CF* radio ad Solis centrum ducto areas temporibus proportionales describendo movebitur uniformi cum motu; Corpus autem quod revolvitur in Orbe *BE* tardius movebitur in aphelio *B*, & velocius in perihelio *C*, secundum leges Astronomicas, & demonstratis Geometricis & observatis cælestibus innixas; cum tamen secundum leges
mechanicas

mechanicas materia vorticis in spatio angustiore inter *A* & *C* velocius moveri debeat quam in spatio latiore inter *D* & *F*: id est, in aphelio velocius quam in perihelio: Quod fieri per observata non potest. Sic sane, exempli gratia, In principio signi Virginis, ubi Martis aphelium jam versatur, distantia inter orbes Martis & Veneris est ad eorundem distantiam in principio signi Piscium in ratione fere sesquialtera; sive ut tria ad duo. Et propterea Materia Vorticis inter orbes illos in principio Piscium debet esse velocior quam in principio Virginis in ratione eadem sesquialtera. Nam quo angustius est spatium per quod eadem materiæ quantitas eodem revolutionis unius tempore transit, eo majori cum velocitate transire debet. Igitur si terra in hac materia cœlesti relative quiescens ab eadem deferatur, & una circa Solem revolvatur, foret hujus velocitas in principio Piscium, ad ejusdem velocitatem in principio Virginis, in ratione sesquialtera. Unde Solis motus annuus apparens unius diei tempore, in principio Virginis major esset quam 70', & in principio Piscium minor quam 48'. cum tamen (experientia teste) apparens iste Solis motus velocior sit in principio Piscium quam in principio Virginis; & propterea Terra velocior in principio Virginis quam in principio Piscium. Itaque Hypothesis Vorticum cum Phænomenis Astronomicis omnino pugnat; & non tam ad explicandos, quam ad perturbandos motus cœlestes conducit.

Scholium. Haftenus Principia Philosophiæ Naturalis è Cl. Newtono tradidimus. Non tamen proprie loquendo ea Philosophice, vel Physice, sed Mathematicè potius tradidimus. Generales quippe motuum & virium leges & conditiones Astronomiam & Philosophiam Naturalem maxime spectantes hucusque methodo præcipue Mathematica & universali Consideravimus. Omnia tamen, ne sterilia viderentur, Scholiis non paucis & Corollariis Astronomicis, Physicis, & Opticis etiam, atque Mechanicis per totam tractationis

seriem ubique illustravimus: atque ita veræ Philosophiæ & Astronomiæ, hoc est, Newtonianæ, haud parum prælusimus, & viam stravimus. Superest jam ut ad ipsam Rerum Naturam & Philosophicas phænomenorum tum Astronomicorum cum Physicorum causas, & verum Mundi Systema deveniamus; & ut ejusdem Systematis Constitutionem, quatenus ex principiis prius positis dependet, doceamus: omissis hic loci aut leviter tactis iis quæ prius inter prælegendum per Scholia vel Corollaria huc spectantia observavimus. Sed cum Novum materiæ campum & Tertium Newtoni Librum ingressuri simus, paululum respirare præstitit. Manum itaque de Tabula.

Jan. 29°. 1707.

XXXII.

LXX. **P**LANETÆ Sex Primarii, cum suo quisque, si quod habent, Satellitio Solem Orbibus suis cingunt; vel circa Solem revolvunt.

Mercurium & Venerem circa Solem revolvi ex eorum phasibus phases Lunares ad amussim referentibus, quod per observata Telescopica ubique jam notum, li-
quido demonstratur. Nonnunquam enim plena facie circa ipsas conjunctiones diametris Apparentibus tum minimis, lucent; ultra Solem nimirum siti; & plenilunium imitati: nonnunquam obscura facie circa conjunctiones alteras, diametris apparentibus tum maximis, visuntur; citra Solem nimirum positi, & novilunium imitati. Et pariter facie gibba aut cava circa octantes, dimidiata atque dichotoma circa quadras, Lunæ ad instar; per discum Solis aut instar macularum nonnunquam transeunt; partialem eclipsin inducentes: Nonnunquam

nunquam vero ultra Corpus Solare pertranseunt nobis interea invisibiles. Unde certum est, hosce Planetas Solem circumire, & orbibus suis Solem non autem Terram cingere. Et quanquam Mercurius ita raro videatur, nempe circa elongationes solum maximas, & dum per Solem transit, ut non ita clare omnes istæ phasæ actu observari queant; Cum tamen quæ Mercurii phasæ videri possunt, huic posituræ respondent optime, & cum eæ Veneris, ejusdem conditionis Planetæ, observationibus frequentissimis aptæ sint, & ubique plenario respondeant, non est quod de reliquis etiam in Mercurio dubitemus. Ex Martis quoque plena facie prope Solis Conjunctionem, & gibbosa facie in quadraturis certum est quod is Solem ambit. Idem etiam de Jove & Saturno, ex eorum faciebus semper plenis, ut ad tantam distantiam accidere debuit, demonstratur. Quanquam enim hi Planetæ facies suas à plenitudine nonnihil diminutas circa quadras ostentare debeant; Cum tamen ista lucis diminutio tantilla esse debeat ut inter observandum vix aut ne vix quidem ullo pacto posset sentiri, Plena horum facies cum hac positura optime congruere est censenda. Quod vero Telluris Orbita Solem cingit, è parallaxi annua alibi exposita abunde constat.

Corollarium. Hinc cum Cartesio, reliquisque etiam superioris seculi Astronomis, colligimus Systema Mundi Ptolemaicum, per tot retro secula ante Copernicanum unice excultum & celebratum, in nihilum abire. Quin & colligimus, Systema Mundi Tychonicum, à tot & tantis Astronomis postea receptum & nobilitatum penitus corrui: nec cum phænomenis nuperrime observatis ulla tenus congruere. Tandem colligimus, Systema Copernicanum ab optimis Astronomis plerisque omnibus aliquamdiu approbatum, Verum esse Mundi Systema, & Planetarum omnium ordinem ipsi rerum naturæ & observatis Astronomicis congruentem unice exhibere. Mirum itaque videri debet Astronomiæ Newtonianæ vel Copernicanæ Interpretem Optimum Cl. Gregorium,

systematis veri adeo gnarum, tantum olei & operis in falsis istis aliisque id genus imaginariis hypothesibus tradendis & exornandis infumere animum induxisse suum. Ubi certo certius constat Copernicanum Planetarum Ordinem Verum esse & genuinum; reliquaſque hypotheserum fictitias plane esse cerebri humani fœtus; Quorsum ipsam veritatem meris umbris, & naturam rerum infectis mendaciis immiscere studemus? Exulent itaque, in æternum exulent, systemata ista quondam nobilissima, quondam celeberrima è campo nostro Astronomico: & Admittatur illud solum, excolatur, exornetur, Quod rerum conditarum vero ordini, verisque causis naturalibus unice correspondere tandem aliquando grati agnoscimus. Sed hæc Obiter.

LXXI. Planetarum sex Primariorum Tempora Periodica sunt in ratione sesquialtera mediocrium distantiarum à Sole. Hæc à Keplero primum inventa ratio, Philosophiæ Newtonianæ Parens, in confesso jamjam est apud omnes. Ac de Temporum Periodicorum mensura convenit inter Astronomos Universos: Magnitudines autem Orbium Idem Keplerus & Bullialdus omnium diligentissime ex observationibus determinaverunt: & distantiarum mediocres quæ temporibus periodicis respondent non differunt sensibiliter à distantiiis quas illi adinvenerunt; suntque inter ipsas ut plurimum intermedia, uti in Tabula sequente videre licet.

Planetarum distantia mediocres à Sole.

	<i>Saturn.</i>	<i>Jup.</i>	<i>Mart.</i>	<i>Terra.</i>	<i>Ven.</i>	<i>Merc.</i>
<i>Sec. Keplerum.</i>	951000	519650	152350	100000	72400	38806
<i>Sec. Bullialdum.</i>	954198	522520	152350	100000	72398	38585
<i>Sec. Temp. Period.</i>	953806	520116	152399	100000	72333	38710

Planetarum autem Veras Periodos jam dabimus: Distantias etiam à Sole Veris proximas, ex parallaxi nimirum Telluris Flamstediana 10 secundorum.

Mer-

	D.	H.	'.
<i>Mercurius</i>	87	23	16
<i>Venus</i>	224	16	49
<i>Terra cum Luna</i>	365	6	9
<i>Mars</i>	686	23	27
<i>Jupiter cum Satellitibus 4.</i>	4332	12	20
<i>Saturnus cum Satellitibus 5.</i>	10759	6	36

<i>Mercurius</i>	} distat à Sole	32.000.000	} <i>Mille-</i> <i>passus</i> <i>Angli-</i> <i>cos.</i>
<i>Venus</i>		59.000.000	
<i>Terra</i>		81.000.000	
<i>Mars</i>		123.000.000	
<i>Jupiter</i>		424.000.000	
<i>Saturnus</i>		777.000.000	

Quod autem methodos attinet distantias hæc invenendi, sic statuendum. De distantiiis Mercurii & Veneris à Sole cum Telluris distantia collatis Disputandi non est locus; cum hæper eorum Elongationes à Sole Maximas facili observatione notas, ex Trigonometria plana colligantur. De distantiiis etiam superiorum Planetarum à Sole ex arcu retrogradationis facile deducendis tollitur insuper omnis disputatio per eclipses Satellitum Jovis ad calculum accuratum juxta hanc distantiam reductas, & cum phænomenis congruentes. Etenim per Eclipses illas determinatur positio umbræ quam Jupiter projicit: & eo nomine habetur Jovis Longitudo Helio-centrica. Longitudo autem Jovis Geocentrica per observationes immediate habetur. In triangulo itaque plano Solis, Jovis, & Telluris centra connectente dantur omnes anguli, & proinde ratio Laterum etiam datur: Sive Ratio Distantiarum Jovis & Terræ à Sole.

Corollarium. Datur itaque distantiarum à Sole Ratio in omnibus Planetis accurate. Quod si qua distantia semel in mensura nota, puta millepassibus vel telluris semidiametris data esset accurate, Omnium distantias ve-

ras unâ accurate datas habuiffemus : Quod quidem etiamnum desideratur.

LXXII. Planetæ sex primarii radiis ad solem ductis áreas temporibus æqualibus semper æquales, & in univ-
ersum áreas temporibus semper proportionales deltri-
bunt.

Hæc etiam areæ descriptæ æquabilitas ejusdem Kep-
leri observationi primario debetur : quæ Alter philoso-
phiæ Newtonianæ Cardo merito audire debet : & est
apud omnes in confesso. Planetæ quidem quinque re-
liqui respectu Telluris nostræ nunc progrediuntur; nunc
stationarii sunt; nunc etiam regrediuntur. At Solis
respectu semper progrediuntur, idque propemodum uni-
formi cum motu, sed paulo celerius tamen in Periheliis,
ac tardius in Apheliis; sic ut arearum descriptio sit
æquabilis. Propositio hæc Astronomis in univ-
ersum notissima in Jove adprime demonstratur per Satellitum
eclipses ad calculum redactas huic hypothese innixas &
apparentibus ad amissim congruas. Hisce enim Eclip-
sibus Heliocentricum Jovis Locum sive Longitudinem
& Distantiam à Sole accuratissime determinari jam dixi-
mus.

LXXIII. Luna radio ad centrum Terræ ducto are-
am tempori æquali semper æqualem fere, & in univer-
sum aream tempori fere proportionalem semper de-
scribit.

Patet hoc ex Lunæ motu apparente cum ipsius dia-
metro apparente, ejusdem distantie tantum non reci-
proce proportionali, collata. Tempori autem aream
non accurate sed *fere* proportionalem asserui, quod per-
turbatur ista areæ proportionalitas aliquantulum à vi
Solis; uti olim explicuimus. Sin istam perturbationem
aliunde natam demamus, Propositio erit æque accurata
in Luna, ac est in reliquis Planetis; idque propter
eandem prorsus rationem.

LXXIV. Planetæ circumjoviales radiis ad centrum
Jovis ductis áreas describunt temporibus quidem æqua-
libus

libus semper æquales, & in universum temporibus semper proportionales. Eorumque Tempora Periodica sunt in ratione sesquialtera distantiarum ab ipsius centro.

Constat pars Propositionis utraque ex observationibus Astronomicis. Orbes enim horum Satellitum non differunt sensibilibus à circulis Jovi concentricis, & motus eorum in his circulis uniformes deprehenduntur. Tempora etiam Periodica esse in ratione sesquialtera semidiametrorum orbium consentiunt Astronomi. Et Cl. Flamstedius, qui omnia micrometro & per eclipses Satellitum accuratius definivit, literis ad ipsum Newtonum datis; quin etiam numeris suis cum ipso communicatis significavit rationem illam sesquialteram tam accurate obtinere quam sit possibile sensu deprehendere. Id quod ex Tabellis sequentibus erit manifestum.

Tempora Periodica.

	D.	H.	'.
1	1	18	28 $\frac{1}{3}$
2	3	13	17 $\frac{2}{3}$
3	7	3	59 $\frac{1}{3}$
4	16	18	5 $\frac{1}{3}$

Distantia à Centro Jovis.

	1	2	3	4	Semidiam. Jovis.
<i>E Cassin.</i>	5	8	13	23	
<i>Borello.</i>	5 $\frac{2}{3}$	8 $\frac{2}{3}$	14	24 $\frac{2}{3}$	
<i>Townleo per microm.</i>	5L51	8L78	13L47	24L72	
<i>Flamstedio per microm.</i>	5L31	8L85	13L98	24L23	
<i>Flamst. per eclips. Satel.</i>	5L578	8L876	14L159	24L903	
<i>Ex Tempor. Period.</i>	5L578	8L878	14L168	24L968	

LXXV. Planetæ Circum Saturnii radiis ad centrum Saturni ductis areas describunt temporibus quidem æqualibus semper æquales; & in universon temporibus semper proportionales. Eorumque Tempora Periodica sunt in ratione sesquialtera distantiarum ab ipsius centro.

Constat etiam pars utraque ex observationibus Astronomicis. Orbes enim horum satellitum vix differunt sensibilibus à circulis Saturno concentricis; & motus eorum in his circulis propemodum uniformes deprehenduntur. Tempora etiam Periodica esse in ratione ses-

Cosmotheor. Pag. quialtera semidiametrorum orbium se-
101. 102.

quentes Tabellæ, quas è Cl. Hugenio hic damus, cuilibet rem ad calculum revocanti demonstrabunt.

Tempora Periodica.

Distantia à centro Saturni.

	D.	H.	'.	".			
1	1	— 21	— 18	— 31	1	$\frac{12}{40}$	} <i>Diametr. Annuli.</i>
2	2	— 17	— 41	— 27	2	$1\frac{1}{4}$	
3	4	— 13	— 47	— 16	3	$1\frac{1}{4}$	
4	15	— 22	— 41	— 11	4	4	
5	79	— 7	— 53	— 57	5	12	

Hiscæ ita expositis, æquum esset ut Gravitatis Vires & Legem ex iisdem deduceremus. Sed hæc Prælectioni proximæ deputabimus.

Novemb. 17. 1707.

XXXIII.

LXXVI. **V**IRES quibus sex Planetæ Primarii cum satellitibus suis perpetuo retrahuntur à motibus rectilineis & in orbibus suis retinentur, Solem respiciunt; & sunt reciproce ut quadrata distantiarum ab ipsius centro.

Ob

Ob æquabilitatem arearum circa solem descriptarum, vires hæ ad Solem tendunt. Et ob Tempora Periodica in ratione distantiarum ubique sesquialtera, Virium Quantitas est ubique in duplicata distantiarum à Sole ratione reciproca ; uti olim demonstravimus. Pars etiam secunda hujus Propositionis accuratissime demonstratur per figuram orbium. Si enim Planetæ moverentur circa Solem in Spiralibus radios in dato angulo secantibus, vires centripetæ essent in distantiarum ratione triplicata, vel ut Cubi distantiarum reciproce. Si autem moverentur in Ellipsis centra sua in Solis centro habentibus, Vires centripetæ essent in ipsa distantiarum ratione directâ. Cum autem moveantur omnes in Ellipsis Umbilicos suos in Solis centro habentibus, uti apud Astronomos in confesso est, vires centripetæ erunt in ratione distantiarum duplicata reciproca.

Quod etiam certissime demonstratur per Apheliorum quietem. Ubi enim ratio hæc reciproca duplicata accurate obtinet, quiescunt Aphelia : ubi ratio ad triplicatam vergit, Progrediuntur : ubi ad simplicem rationem accedit, Regrediuntur. Quies itaque Apheliorum in Planetis Primariis indicio est vim centripetam esse accurate in ratione distantiarum duplicata reciproca.

LXXVII. Vires quibus Planetæ Circumjoviales & Circumsaturnii perpetuo retrahuntur à motibus rectilineis, & in orbibus suis retinentur, respiciunt centrum Jovis & centrum Saturni respective ; & sunt reciproce ut quadrata distantiarum ab iisdem centris.

Ob æquabilitatem arearum circa centra Jovis & Saturni respective descriptarum, vires hæ ad centra Jovis & Saturni tendunt. Et ob Tempora Periodica in ratione distantiarum à centris Jovis & Saturni sesquialtera, virium quantitas est ubique in ratione distantiarum ab istis centris duplicata reciproca. Cum autem Satellites Circumjoviales & Circumsaturnii in circulis aut ellipsis à circulis haud satis sensibilibus diversis moveantur, nihil ex orbium figura inferri potest. Nec proinde ex
Aphelio-

Apheliorum quiete. In circulis enim Apſidum linea eſt nulla; atque proinde nihil de ejuſdem quiete aut motu affirmari poteſt.

LXXVIII. Vires quibus Luna perpetuo retrahitur à motu rectilineo, & in orbe ſuo retinetur, reſpiciunt Centrum Terræ; & ſunt reciproce ut quadratum diſtantiæ locorum ab ipſius centro.

Ob æquabilitatem areæ circa centrum Terræ ubique deſcriptæ, niſi quatenus aliquantulum per vim Solis perturbatricem mutatur; vires hæ ad centrum Terræ tendunt. Et ob figuram Orbis Lunaris Ellipticam circa Telluris centrum in Ellipſeos Umbilico poſitum, virium Quantitas eſt ubique in ratione diſtantiarum ab iſto centro duplicata reciproca. Quanquam enim figura hæc Lunaris orbitæ non ſit prorsus Elliptica, neque proinde motus fiat circa centrum Telluris in Ellipſeos Umbilico accurate poſitum; cum tamen omnis hæc varietas aliunde accedat, & à vi Solis perturbatrice ſolummodo oriatur, Figura per ſe eſſe Ellipſis, & Terra in ejus Umbilico primario collocari eſt intelligenda: & proinde vires propriæ centripetæ ſunt in ratione duplicata diſtantiarum à centro Telluris reciproca. Cum autem unicus hic Satellites Terram ambiat, Tempora periodica inter ſe conferenda nullum hic locum habent. Attamen Motus Lunaris Apogæi tardiffimus indicio eſt vires centripetæ à ratione reciproca duplicata parum admodum diſcrepare. Patet enim per Newtoni calculum ex tardo Apogæi progreſſu, quod vis centripeta Lunæ verſus Terram vicibus pluſquam ſexaginta propius ad rationem hanc duplicatam quam ad triplicatam accedat. Oritur autem tota hæc differentiola ab actione Solis perturbatrice, uti olim expoſuimus: & propterea hic negligenda eſt. Reſtat igitur ut vis illa quæ ad Terram ſpectat ſit reciproce ut quadratum diſtantiæ à centro Terræ: Id quod etiam plenius conſtabit conferendo hanc vim Lunæ centripetam cum vi gravitatis in ſuperficie Telluris; ut fiet in ſequenti Propoſitione,

LXXIX. Luna Gravitat perpetuo in Terram; & vi gravitatis retrahitur semper à motu rectilineo, & in orbita sua retinetur.

Ex calculo enim virium centripetarum Lunam in orbita sua perpetuo retinentium, cum vi gravitatis per experimenta pendulorum accuratissime instituta apud nos cognita & collata, constat vires hasce ejusdem omnino esse quantitatis, & versus idem Terræ centrum tendentes, uti olim ostendimus. Et propterea, vis qua Luna in orbita sua retinetur illa ipsa est quam nos *Gravitatem* dicere solemus. Nam si gravitas ab ea diversa sit, corpora viribus utriusque conjunctis Terram petendo duplo velocius descendent, & spatio minuti unius secundi cadendo describent non pedes 1611, ut experientia constat; sed 3222. omnino contra experientiam. Vis itaque centripeta qua Luna in orbita sua perpetuo retinetur, ea ipsa vis est quam nos gravitatem dicimus, & qua omnia corpora in superficie Terræ ab eadem separata versus eam cadunt; in duplicata nimirum distantia ratione reciproca; & ea velocitate qua 1611 pedes Anglicos tempore minuti unius secundi cadendo describunt.

LXXX. Planetæ Circumjoviales gravitant in Jovem, & Circum saturnii in Saturnum, & circumsolares in Solem; & vi gravitatis suæ retrahuntur semper à motibus rectilineis, & in orbibus curvilineis retinentur. Nam revolutiones Planetarum Circumjovialium circa Jovem, & Circum saturniorum circa Saturnum, & Circumsolarium circa Solem sunt Phænomena ejusdem generis cum revolutione Lunæ circa Terram; & propterea à causis ejusdem generis dependere debent. Præsertim cum demonstratum sit quod vires à quibus revolut ones illæ dependent, respiciant centra Jovis, Saturni, ac Solis; & recedendo à Jove, Saturno, & Sole decrescant eadem ratione ac lege qua vis gravitatis decrescit in recessu à Terra.

Coroll. (1.) Igitur Gravitas datur in Planetas universos. Nam Venerem, Mercurium, cæterosque Planetas esse corpora ejusdem generis cum Jove & Saturno nemo

nemo dubitat. Certe Planeta quivis Circumfaturus gravis est in Saturnum, & Circumjovialis in Jovem: Et cum attractio omnis, per Motus Legem 5. mutua sit, Saturnus vicissim gravitabit in Satellites suos; & Jupiter in suos; Terraque in Lunam; & Sol in Planetas omnes, tum Primarios, tum Secundarios gravitabit.

Coroll. (2.) Gravitas quæ Planetam unumquemque respicit, est reciproce ut quadratum distantiae locorum ab ipsius centro.

LXXXI. Corpora omnia in Planetas singulos gravitant: & Pondera eorum in eundem quemvis Planetam, paribus distantis à centro Planetæ, Proportionalia sunt quantitati materiæ in singulis.

Descensus gravium omnium in Terram, dempta saltem inæquali retardatione quæ ex aeris resistentia oritur, æqualibus temporibus fieri jamdudum fuit observatum, & nos prius observavimus, siue corpora descendunt magis sint, siue parva; siue liquida sint, siue dura; siue solida sint, siue fluida. Quod quidem ad amissum congruitum experimentis corporum directe descendentium, cum præcipue pendulorum in arcubus siue circularibus siue cyclôidalibus oblique descendentium. Hæc enim omnia ad eandem centri oscillationis à centro suspensionis distantiam per arcus æquales demissa æqualia profectim temporis spatia in descensu & ascensu impendunt, & eunt simul redeuntque diutissime. Proinde, cum obliquitas motus curvilinearis sit in hoc casu ubique similis & æqualis, eadem corpora simul dimissa in spatio vacuo paribus temporibus paria omnino spatia in descensu vel ascensu perpendiculari impendunt: & proinde pondere materiæ quantitati ubique ad amissum proportionali impelluntur. Ubi enim materiæ quantitas dupla vel tripla, vi etiam in universum dupla vel tripla urgetur, nec aliter, velocitas motus erit semper æqualis: hoc est, ubi quælibet cujusque corporis particula æqualis æquali gravitatis vi urgetur, summa omnium siue in magno corpore, siue in parvo proportionali gravitate

vi urgebitur; & omnes particulæ mutuos conatus neque accelerantes neque retardantes pari semper velocitate descendunt, & æquali vi in terram gravitabunt. Quod vero experimenta corporum pendulorum sic se habeant, prius ostendimus: & rem sigillatim tentavit Newtonus in auro, argento, plumbo, vitro, arena, sale communi, ligno, aqua, & tritico e. g. Duarum Pixidum lignearum rotundarum & æqualium unam implevit ligno; & idem auri pondus suspendit quam potuit exacte in alterius centro oscillationis. Pixides ab æqualibus pedum undecim filis pendentes constituebant pendula quoad pondus, figuram, & aeris resistentiam omnino paria. Et paribus oscillationibus juxta positæ ibant una & redibant diutissime. Et in corporibus ejusdem ponderis, differentia quantitatis materiæ, quæ vel minor esset quam pars millesima materiæ totius, his experimentis manifesto deprehendi potuit. Jam vero Naturam gravitatis in Planetas reliquos & Solem ipsum eandem esse atque in Terram nullus est satis fonticus dubitandi locus. Quod etiam ex figura omnium sphærica, per mutuum partium omnium ad se mutuo gravitantium æquipondium nec aliunde facile deducenda, liquere potest. Porro, Elevari fingantur corpora hæc terrestria ad usque orbem Lunæ, & una cum Luna motu omni privata demitti, ut in terram simul cadant: Per nuper Otenfa certum est quod temporibus æqualibus describent æqualia spatia atque Luna ipsa describeret; adeoque quod sunt ad quantitatem materiæ in Luna, ut pondera sua, ad ipsius pondus. Præterea, quoniam Satellites Jovis, & Saturni temporibus revolvuntur quæ sunt in ratione sequialtera distantiarum à Centris Jovis & Saturni, erunt eorum gravitates acceleratrices in Jovem & Saturnum reciproce ut quadrata distantiarum ab istis centris: & propterea æqualibus à Jove & Saturno distantis omnibus, eorum gravitates acceleratrices evadent æquales; & corpora omnia æque afficient. Atque proinde temporibus æqualibus ab æqualibus altitudinibus cadendo describerent

scriberent æqualia spatia, perinde ut fit in gravibus in hac terra nostra. Et eodem argumento Planetæ Cjcumfolares ab æqualibus à Sole distantis dimissi, descensu suo in Solem æqualibus temporibus æqualia spatia describerent. Porro Jovis & Saturni & eorundem Satellitum pondera in Solem proportionalia esse quantitati materiæ earum, patet ex motu Satellitum quam maxime regulari, & orbitis Jovi & Saturno fere concentricis. Nam si horum aliqui magis traherentur in Solem, pro quantitate materiæ suæ, quam cæteri, motus Satellitum ex inæqualitate attractionis perturbarentur; & in tantum quidem perturbarentur ut si, æqualibus à Sole distantis, gravitas acceleratrix Satellitis aliqujus Jovialis, verbi gratia in Solem major esset vel minor quam gravitas acceleratrix Jovis in Solem parte tantum millesima totius gravitatis, ex ipsius Newtoni calculo foret distantia centri Orbis Satellitis à Sole major vel minor quam distantia Jovis à Sole parte bis-millesima distantie totius; in subduplicata nimirum distantie ratione; id est, parte quinta distantie Satellitis extimi à centro Jovis. Quæ quidem orbis eccentricitas foret valde sensibilis. Sed Orbes Satellitum Jovis sunt Jovi concentrici; & propterea gravitates acceleratrices Jovis & Satellitum in Solem æquantur inter se. Et eodem argumento pondera Saturni & Satellitum ejus in Solem, æqualibus à Sole distantis, sunt ut quantitates materiæ in ipsis. Et pondera Lunæ ac Terræ in Solem pariter sunt earum massæ accurate proportionalia. Eodem modo res sese habet quoad pondera partium singularum Planetæ cujusque in alium quemque; sive partes sint internæ, sive externæ: Nam si partes aliquæ plus, aliæ minus gravitarent quam pro quantitate materiæ totius, Planeta totus vel Satelles pro genere partium quibus maxime abundaret, gravitaret magis vel minus quam pro quantitate materiæ totius; omnino contra experientiam. [Sed hæc hætenus. Corollaria enim hujus

hujus Propositionis utilissima Prælectioni proximæ reservabimus.]

Novemb. 24°. 1707.

XXXIV.

Coroll. (1.) **H**INC Pondera corporum minime pendent ab eorum formis & texturis. Nam si cum formis variari & mutari possent, *In Scholis recens reparatis.* forent majora vel minora pro varietate formarum in æquali materia; omnino contra experientiam.

Coroll. (2.) Igitur corpora universa quæ circa terram sunt, sive ligna, sive metalla, sive lapides, sive aqua, sive aer, sive vapores, gravia sunt in terram; & pro ratione materiæ æqualiter gravia. Si Cortex, vel Lana, vel Aer, pondo unius libræ in vacuo æquivalet, & Aurum, vel Argentum vivum, vel Æs eidem pondo ibidem æquivalet, Quantitas materiæ erit in omnibus omnino æqualis.

Coroll. (3.) Pondus itaque corporum quorumcunque in vacuo est certissimus quantitatis materiæ Index. In corporibus enim mole æqualibus tanta esse solet densitatis diversitas, ut ex apparente corporis magnitudine nullo modo de materiæ in eodem contentæ quantitate statui possit. Cum vero illa ponderi sit ubique proportionalis, ex eodem pondere certissime determinari potest.

Coroll. (4.) Itaque Vacuum necessario datur. Nam si spatia omnia Plena essent, gravitas specifica fluidi quo Regio aeris impleretur, imo & vacui cujuscvis quod vocamus Boyleanum ob densitatem materiæ omnino summam & perfectissimam, sive potius infinitam, nil cederet gravitati specificæ argenti vivi, vel auri, vel corporis alterius cujuscunque densissimi. Et propterea nec aurum ipsum

cor-

corporum omnium specificè gravissimum, in aere descendere posset : omnino contra experientiam. Ut omittam argumenta omnem omnino motum in spatio pleno tollentia ; quæ quidem satis per se solida videntur.

Coroll. (5.) Cum ex pondere æque ac resistentia quantitas materiæ ubique innotescat ; & cum ex pondere liqueat corpora pleraque omnia apud terram multo plus spatii vacui quam materiæ solidæ in se continere ; cum etiam ex minima & plane imperceptibili Planetarum Cometarumque resistentia liqueat spatia cœlestia sive ætherea omni quasi materia esse vacua ; quin & Planetas & Cometas ipsos, imo & Solem Stellasque fixas, quasi nihili puncta, instar ætheris vacui quasi evanescere ; Palam est rerum naturam adeo non à *Vacuo abhorrere*, quod somniantur haud pauci, præsertim Cartesiani, ut ea potius parum in se præter Vacuum contineat. Tantillum potest ingenium humanum in Operibus Dei investigandis, ubi Experimenta defunt, & ratiocinia Mathematica ! Vix enim, ut opinor, Sagacissima Cartesii ipsius mens, hisce fundamentis destituta, vel semel veras rerum causas Physicas, & inventis nuperis congruas excogitare potuit.

Coroll. (6.) Gravitatis vis est generis diversi à vi magnetica. Attractio enim magnetica non est ut materia attracta ; cum corpora aliqua magis, alia minus, plurima non omnino attrahantur. Estque vis magnetica longe major pro quantitate materiæ quam vis gravitatis, cum magnes perexiguus ipsam totius telluris vim attrahentem exuperare possit, & clavem ferream sustollere. Sed & vis magnetica in eodem corpore intendi & remitti potest ; in recessu vero à magnete decrefcit in ratione distantiae plusquam duplicata, quæ tamen est ratio gravitatis perpetua, propterea quod vis longe fortior sit in superficieum contactu quam cum attrahentia vel minimum ab invicem separantur.

LXXXII. Vis gravitatis corpora universa, Systema saltem Solare occupantia, spectat ; & proportionalis est quan-

quantitati materiæ in singulis. Planetas omnes in se mutuo graves esse; & gravitatem in unumquemque seorsim spectatum esse reciproce ut quadratum distantiarum locorum à centro Planetæ jamjam probavimus. Si quid dubii oriri posset illud certe esset de gravitate unius Primarii Planetæ in alium: nam de communi omnium ad centralia sua corpora gravitate res per demonstrata priora planior est quam ut ullo modo possit labefactari. Quin & non deest indicium apertum gravitatis etiam Planetas diversos spectantis. Cum enim ante aliquot annos Saturnus circa conjunctionem cum Jove diu hæsisset, & proinde ob corporis magnitudinem & viciniam non potuit non sensibiles aliquos effectus in Jovis Satellitibus perturbandis edere, si modo Jupiter cum suis Satellitibus ad Saturnum pro universa hac attractionis mutue lege gravitaret, res ipsa revera ita se habuisse est comperta. Ipse enim Cl. Flamstedius qui primitus talem ullam in motibus Satellitum Jovis perturbationem abnueret, re melius perpenſa, & observationibus cum calculo accuratius collatis ingenue fassus est istam universalem gravitatis legem etiam hoc casu valuisse; motusque istos, prout fieri debuit, perturbatos à Saturni vicinia, & calculis prioribus minus congruos reapse apparuisse. Consequens itaque est per Prop. 81. ejusque Corollaria gravitatem dari in omnes Planetas, & eam proportionalem esse materiæ in iisdem contentæ.

Porro, cum Planetæ cujusvis, puta Mercurii, partes omnes graves sint in Planetam quemvis alium, puta Venerem; & gravitas particulæ cujusque, sit ad gravitatem totius, ut materia partis, ad materiam totius; & actioni omnis reactio (per motus Legem 5.) æqualis sit, Venus in partes omnes Mercurii vicissim gravitabit; & erit Gravitas Veneris in partem unamquamque, ad gravitatem suam in totum, ut materia partis, ad materiam totius.

Corollarium. Oritur igitur & componitur gravitas in Planetam quemvis totum ex gravitate in partes singu-

las ; uti fit in attractionibus Magneticis, & Electricis : ubi quo majus est attrahens, eo cæteris paribus major est attractio. Oritur enim attractio omnis in totum ex attractionibus in partes singulas ; nec aliter res rite concipi potest. Hoc facilius intelligetur in gravitate, concipiendo Planetas plures minores, omnia corpora seorsim attrahentes, in unum globum coire, & majorem Planetam componere. Nam vis totius ex viribus partium componentium oriri omnino debet. Si quis objiciat, Quod corpora omnia quæ apud nos sunt, hac lege gravitare deberent in se mutuo ; cum tamen ejusmodi gravitas nequiquam sentiatur ; Responsio facilis est ; quod gravitas in hæc corpora, cum sit ad gravitatem in terram totam, pari distantia, ut sunt hæc corpora, ad Terram totam, longe minor est, quam ut ullo indicio sensibili dignosci possit.

Coroll. (2.) Gravitatio in singulas corporis particulas æquales est reciproce ut quadratum distantiae locorum à particulis.

LXXXIII. Si Globorum duorum in se mutuo gravitantium materia undique in regionibus quæ à centrīs æqualiter distant homogœna sit, erit pondus Globi alterutrius in alterum reciproce ut quadratum distantiae inter centra.

Postquam invenisset Cl. Newtonus gravitatem in Planetam totum oriri & componi ex gravitatibus in partes, & esse in partes singulas reciproce proportionalem quadratis distantiarum à partibus, dubitabat, an reciproca illa proportio duplicata obtineret accurate in tota ex partibus pluribus composita ; an vero quamproxime. Nam fieri potuit ut proportio illa in majoribus distantis sâtis obtineret ; at prope superficiem Planetæ ob inæquales particularum distantias & situs dissimiles notabiliter erraret. Tandem vero per Prop. 44 & 45. & ipsarum Corollaria eandem proportionem in sphericis corporibus, ad eandem ubique à centrīs distantiam æque densis, accurate obtinere intellexit.

LXXXIV.

LXXXIV. *Problema.* Pondera corporum in diversos Planetas vel in Solem, ad datas distantias ab istorum centrīs definire.

CASUS (1.) Pondera corporum extra Planetarum superficiem ad distantias æquales definire. Nimirum cum pondera ad distantias æquales sint ut quantitates materiæ in Planetis versus quos fit gravitatio, & cum istud pondus vel materiæ quantitas ex ejus attractionis quantitate, tanquam causa ab effectu, unice dignosci possit; cum demum ista attractionis quantitas sit proportionalis velocitatum in æqualibus hisce circulis quadratis directe, vel temporum periodicorum quadratis reciproce; ex velocitatum quadratis Rationes Ponderum facillime innotescunt. Ex Temporibus itaque periodicis Planetarum alios circa se revolventes habentium prius exhibitis hujusmodi orietur ratio ponderum in Solem, Jovē, Saturnum, ac Terram respective :

Pondus in	{	Solem	—	229600
		Jovē	—	208172
		Saturnum	—	971328
		Terram	—	1
		Et in Lunam	—	0 $\frac{1}{26}$.

Idem autem numeri qui *ponderis* rationem etiam & *quantitatis materiæ* rationem ostendunt. Hac autem analogia tempora periodica distantis realibus congrua ad periodica tempora distantie datæ cuilibet congrua facile reducuntur: nimirum ut Distantie realis Cubus, se habet ad distantie datæ Cubum, ita Temporis realis periodici Quadratum, ad quartum numerum, sive ad Temporis Periodici quæsiti Quadratum. Hujusce igitur numeri radix quadratica dabit Tempus ipsum Periodicum quæsitum. Et hoc pacto rationes ponderum & materiæ in Sole, Jove, Saturno, & Terra obtineamus. Luna autem, cum nullum Satellitem circum se habeat, & proinde hujusmodi indicium nullum ponderis

in se aut materiæ contentæ exhibeat, in æstu autem marino aliud indicium olim exponendum exhibeat, Inde nos eandem mutuo acceptam hic loci reliquis adscribendam duximus.

CAS. (2.) Pondera Corporum ad semidiametrorum Planetariorum distantias, sive in Planetarum superficiebus definire. Eadem nempe methodo ac in prior casu, & simili prorsus analogia ad particulares hæc distantias accommodata. Quo calculo, si semidiametros Planetarum juxta Flamstedium determinatas pro veris habeamus, sic se res habebit,

<i>Sol</i>		763460	
<i>Saturnus</i>		67870	
<i>Jupiter</i>		81155	
<i>Mars</i>	} Patet secundum diametrum.	4444	} Milliaria Anglica.
<i>Tellus</i>		7935	
<i>Luna</i>		2175	
<i>Venus</i>		7906	
<i>Mercurius</i>		4240	

Pondus ergo corporum æqualium in Planetarum superficiebus sic se habet.

In	{	<i>Solem</i>	— — — — —	24
		<i>Terram</i>	— — — — —	1
		<i>Jovem</i>	— — — — —	1199
		<i>Lunam</i>	— — — — —	1515
		<i>Saturnum</i>	— — — — —	117

Atque hæc impræsentiarum sufficiant. Reliqua enim in Prælectionem proximam differuntur.

April 26. 1708.

XXXV.

LXXXV. **P**ROBLEMA. Densitates Planetarum definire. Nimirum cum quantitatem materiæ in Planetis quinque in casu priore ultimæ Propositionis determinatam habeamus; & cum Diametros omnium Planetarum secundum Flamstedium in casu secundo etiam habeamus determinatam; Exinde facile fuerit è data materiæ quantitate in datis sphaëris contenta ejusdem materiæ densitatem calculo determinare: quam itaque Tabella apposita exhibebit.

Densitas	{	Luna ———	7100
		Terra ———	3187
		Solis ———	1100
		Jovis ———	176
		Saturni ———	160

LXXXVI. Gravitas pergendo à superficiebus Planetarum deorsum decrescit in simplici ratione distantiarum à centris quam proxime.

Si enim Planetæ materia quoad densitatem uniformis esset, obtineret hæc ratio accurate; per Prop. 47. Error igitur tantus est, quantus ab inæquali densitate oriri possit.

Corollarium. Gravitas itaque corporum in ipsis Planetarum superficiebus est omnium maxima, & utrinque decrescit; estque sursum in duplicata reciproca distantia ratione, deorsum vero in simplici ratione directa.

LXXXVII. Motus Planetarum & Cometarum in cælis diutissime conservari possunt.

Cum enim Mediorum resistentia, quæ sola motus hosce semel incæptos retardare & sistere posset, minuat in ratione ponderis sive materiæ densitatis; sic ut aqua, quæ vicibus fere quatuordecim levior est quam argentum vivum, minus resistat in eadem ratione; & ær, qui vicibus fere mille levior est quam aqua, minus re-

sistat in eadem ratione; Si ultra Atmosphæram nostram, ipsam quoque quasi in infinitum gradatim rarecentem, in coelos, ubi pondus vel densitas medii, in quo Planetæ moventur, diminuitur in immensum, respiciamus, resistentia tantilla erit ut per millennia aliquot vix evadat sensibilis: uti revera fuisse insensibilem motus cœlestes à primis Astronomiæ incunabulis sine notabili mutatione aut jactura hucusque persistentes evincunt.

Corollarium. Cum vero in tempore infinito perexigua ista Resistentia, si qua sit, omnes istos motus debuerit retardare, penitusque sistere, palam est ex ista hypothese hodiernum cœlorum statum nec à parte ante fuisse, nec à parte post futurum æternum. Præsertim autem hoc omnino valebit alio nomine, si nempe vim gravitatis in tota rerum Universitate, & non tantum in Systemate Solari obtinere, cum Newtono, statuamus. Si enim Fixæ stellæ, sive Soles, cum Planetis suis Cometisque qualicunque existunt numero, modo non sit infinitus, Gravitatis vi subjecti fuerint, longo demum tempore vis ista ea omnia una contraxisset, & in Universi gravitatis centro communi congesta quiescere jussisset. Quod etiam tempore infinito futuro ex eodem hypothese, sine Divinæ Providentiæ interposito, necessario est eventurum. Ut itaque Præsens rerum status tempore certo cœpit, à Dei O. M. nutu & potentia inchoatus; ita tandem aliquando fieri potest ut finem sortiatur: cum scilicet Beneplacito Divino id visum fuerit: sine cuius etiam perenni actione, unde Vis hæc miranda gravitatis dependet tota, ne minimum temporis spatium perdurare potest.

LXXXVIII. Commune centrum gravitatis Terræ, Solis, & Planetarum omnium aut quiescit, aut movetur uniformiter in linea recta. Hoc ex prius demonstratis liquet. Neque sane ullo certo indicio apparet utrum quiescat an moveatur. Hoc tantum statuere licet, Quod si moveatur centrum illud, & cum eo Solare Systema ut moveatur est necesse. Stellæ enim

fixæ
sunt

fixæ nos undique cingentes nec majores ex ulla parte nec minores nobis hodie apparent quam antiquis Astronomis ante annos bis mille apparuisse narrantur. Quod quidem phenomenon aut centri gravitatis quietem, aut saltem motum tardiusculum monstrare videtur.

Coroll. (1.) Hinc commune centrum gravitatis Solis & Planetarum omnium pro centro Systematis Solaris five Mundi Planetarii habendum est. Nam cum Sol & Planetæ omnes gravitent in se mutuo, & propterea pro vi gravitatis suæ secundum leges motus prius expositas perpetuo agitentur; Perspicuum est quod horum centra mobilia pro Mundi centro quiescente haberi nequeunt. Si corpus illud in Centro locandum sit in quod corpora omnia maxime gravitant, & quod centro immobili est proximum, uti rationi est maxime consentaneum, privilegium illud concedendum est Corpori Solari; quod itaque physice loquendo *Centrum Mundi Planetarii* jure merito est habendum. Sin accurate & mathematice loqui velimus, cum Sol ipse moveatur, & nullum corpus sensibile quiescat in centro, Eligendum erit Centrum Gravitatis totius Systematis pro Mundi nostri Centro: quod quidem Centrum revera quiescere videtur: & à quo Centrum Solis quam minime discedit. Physice itaque Sol ipse, Mathematicæ autem Centrum istud Gravitatis est Mundi nostri Centrum.

Coroll. (2.) Nulla ergo datur perfecta quies in natura rerum. Quiescat enim commune Systematis Centrum; at *solum* certe quiescit: omnibus Systematis partibus perpetuo motis. Et cum centrum gravitatis sit non corpus physicum, five reale, sed punctum mathematicum, five plane nihil, ex hoc ratiocinio sequitur omnino nihil reale quiescere; five nullam dari in Systemate Solari corporum realem & perfectam Quietem.

LXXXIX. Corpus Solare nunquam quiescit; sed motu perpetuo agitur. Nunquam vero longe recedit à communi omnium Planetarum Gravitatis centro,

Nam cum quantitas materiæ in Sole, sit ad quantitatem materiæ in Jove, ut 229.600 ad 208172. five ut 1100 ad 1. & distantia Jovis à Sole, sit ad semidiametrum Solis, ut 424.000.000, ad 381.730. five ut 1100 ad 1, hoc est, in eadem ratione circiter; Commune centrum gravitatis Jovis & Solis, ad distantiam corporibus ipsis reciproce proportionalem positum, incidet fere in superficiem Solis. Eodem argumento cum quantitas materiæ in Sole, sit ad quantitatem materiæ in Saturno, ut 229.600 ad 971328. five ut 2360 ad 1. & distantia Saturni à Sole, sit ad semidiametrum Solis ut 777.000.000 ad 381.730. five in ratione paulo minori; incidet commune centrum gravitatis Saturni & Solis in punctum paulo infra superficiem Solis. Unde Commune centrum gravitatis Jovis & Saturni ex parte una, & Solis ex altera parte positorum integra Solis Diametro à centro Solis minime distabit. Etejusdem calculi vestigiis insistendo, si Terra & Planetæ omnes ex una Solis parte consisterent, propter reliquorum parvitatem & viciniam, Commune omnium centrum gravitatis vix integra Solis Diametro à centro Solis distaret. Aliis vero in casibus, quod plerumque fit, distantia centrorum minor erit: & ubi Planetæ hinc inde positi sibi mutuo æquiponderent, plane nulla. Propterea, licet centrum illud gravitatis revera quiescere supponatur, Sol pro vario Planetarum situ in omnes partes aliquantulum movebitur; sed à communi illo gravitatis centro nunquam longe recedet.

XC. Planetæ omnes Primarii moventur in Ellipsis, Umbilicum communem in Centro Solis habentibus; & radiis ad centrum illud ductis areas describunt temporibus proportionales. Quæ etiam Propositio vera est in Secundariis circa Primariorum suorum centra revolvantibus.

Hæc quidem supra ex Phænomenis Astronomicis deduximus. Jam vero cognitis & stabilitis motuum horum principis, ex his colligimus motus cœlestes à priori.

Ex

Ex gravitatis enim directione versus centra Solis & Planetarum Primariorum, arearum descriptarum æquabilitas; & ex gravitatis lege versus ista centra, nempe in distantiarum ratione reciproca duplicata, figura ista Orbium Elliptica circa Centra ista in Umbilicis posita necessario sequitur; uti olim è Newtono demonstravimus. Et hæc quidem se haberent accurate, si Sol & Planetæ Primarii quiescerent, neque se in mutuo agerent. Forent enim orbes eorum ad rigorem Geometricum Elliptici, Solem Planetasque Primarios in Umbilicis habentes; atque areæ descriptæ essent accurate æquabiles, sive temporibus proportionales. Actiones autem Solis & Planetarum in se mutuo perexiguæ sunt, ut merito contemni possint. Et motus Planetarum in Ellipsis circa Solem & Primarios mobiles quam si immobiles essent minus perturbantur, uti olim observavimus. Unde physice loquendo, Propositio etiamnum Vera est censenda. Actio quidem Jovis in Saturnum ejusque 5. Satellites; & Saturni in Jovem ejusque 4. Satellites non est omnino contemnenda. Cum hi planetæ ingentes sint, & ad maximam à Sole distantiam positi. Unde attractionibus suis mutuis circa conjunctiones suas heliocentricas, ob motuum tarditatem haud parvo etiam tempore durantes, inæqualitates nonnullæ tam in orbitarum figuris quam in motibus utrinque orientur: vix tamen in ipsis Planetarum horum Primariorum, adeo ac in Satellitum, præsertim Jovialium motibus inæqualibus dignoscendæ.

Scholium. Ex Cl. Newtoni calculo vis perturbatrix sive Gravitatio Saturni in Jovem, est ad Gravitatem Saturni in Solem, circa Planetarum istorum conjunctionem, ut 1 ad 217 circiter. Et Gravitatum Solis in Saturnum, & Jovis in Saturnum differentia, est ad gravitatem Jovis in Solem, ut 1 ad 1867. Cui quidem differentiarum proportionalis est vis maxima perturbatrix Saturni in Jovem. Unde perturbatio orbis Jovialis longe minor est quam ea Saturnii. Reliquorum autem

Orbium

Orbium perturbationes ex calculo adeo exiguae deprehenduntur, ut omnino debeant contemni.

XCI. Orbium Aphelia & Nodi quiescunt.

Propter vim gravitatis in distantiae ratione duplicata reciproca, Apfides & Aphelia per se quiescere debent; uti prius monitum. Et propter vim eandem, punctum fere immobile semper respicientem, Orbium plana etiam debent quiescere; & quiescentibus planis ut Nodi sive planorum intersectiones quiescant est necesse. Notandum tamen inæqualitates nonnullas à Planetarum revolutionum & Cometarum actionibus in se invicem labentibus seculis orituræ; tantillas tamen, ut ob parvitatem plerumque contemni possint. Notandum etiam nos hic loci Centri Gravitatis systematis totius quietem, cum Astronomis omnino omnibus, supponere; etsi quietem istam, uti prius monuimus, nondum *demonstrare* liceat. His autem positis sequentia Corollaria deducemus.

Coroll. (1.) Quiescunt stellæ fixæ, propterea quod datas ad Aphelia Nodosque quiescentes positiones servant. Novum certe hoc ratiocinii Astronomici genus! ut ex Planetarum erraticorum systemate Inerrantium quies inferatur: cum è contra ex fixarum quiete supposita Planetarum motus determinare hæcenus soliti fuerimus. Ignoratis nimirum ante Cl. Newtonum veris motuum cœlestium causis hujusmodi Corollaria nobilissima ut ignorarentur erat omnino necessum.

Coroll. (2.) Cum fixarum parallaxis, etiam annua, tantilla sit, ut vix Observatoribus accuratissimis se tandem prodant, vires earum, ob immensam corporum distantiam, nullos effectus sortientur sensibiles in regione systematis nostri.

Coroll. (3.) Unde sequitur *Astrologiam Judicariam*, quam vocant, non solum Planetarum sed & Fixarum posituris & influentiis innixam, omni certo fundamento carere: cum vires maximas eorum corporum supponat quas minimas plane, five potius omnino nullas esse

esse superiori Corollario sit recte observatum. Quin & hoc etiam addere liceat, vires Planetarum præter Solem & Lunam reliquorum, quas tantopere crepant Astrologi, aut ob distantias enormes, aut ob corporum parvitatem tantillas esse in Atmosphæra nostra, & apud Tellurem, ut vix aut ne vix quidem ullo indicio *sentiri* possint; nedum ut effectus istos, magnos certe & admirandos, quos supponunt, ullo pacto producere queant. Qui Idololatrarum more Stellas Deos esse, vel Deos iis inesse Immortales opinantur, habent, quo patrocinentur hypothesi suæ. Qui vero tam crasso errori olim valedixerunt, mirum quo fato istis naniis, omnia sana ratione cassis, tam pertinaci animo etiamnum adhæreant.

Maii 17°. 1708.

XXXVI.

XCII. **P**LANETARUM motus diurni uniformes sunt & æquabiles: & Librationes Lunæ, ex ipsius motu diurno æquabili, cum menstruo inæquabili collata, & secundum axem ad orbitam inclinatam peracto necessario oriuntur.

Hæc olim annotavimus; nec multis verbis hic opus. Quoniam vero Lunæ circa axem suum uniformiter revolvētis dies menstruus est; (periodicum mensem hic volumus:) Hujus facies eadem *superiorem* fere Ellipseos Umbilicum, non vero Tellurem in *inferiori* positam semper respiciet; eo quod motus angularis quoque circa istum Umbilicum fere sit æquabilis, inæquabilis vero circa Tellurem. Et propterea pro situ Umbilici superioris deviabitis plerumque hinc inde à Terra, & partes nunc orientiores nunc occidentiores nobis exhibebit:

bit: quæ est *Libratio Luna in Longitudinem*. *Libratio* autem *in Latitudinem*, qua partes nunc borealiores nunc australiores nobis ostenduntur, oriri debet ex inclinatione axis Lunaræ ad planum suæ orbitæ; uti rem attentius consideranti erit apertissimum.

Corollarium. Hic loci annotare placet quam accurate inter se consentiant motus hi duo Lunares, neutiquam à se invicem dependentes; diurnus nempe & menstruus: ita ut alter alterum ne minimum quidem antevertere, per bis mille saltem annos, sit deprehensus. *Non hoc certe sine numine Divino*, uti alias annotavimus.


XCIII. Axes Solis & Planetarum motu diurno gaudentium Diametris quæ ad eosdem axes normaliter ducuntur minores sunt. Sive Figura Solis & Planetarum in se motu diurno revolventium ea est sphæroidis oblata; hoc est, solidi revolutione Ellipseos circa axem minorem geniti.

Planetæ & corpora quævis cœlestia sublato omni motu circulari diurno figuram sphæricam, ob æqualem undique partium gravitatem, affectare & induere deberent. Per motum autem circulare diurnum fiet, ut partes ab axe motus necessario recedentes, & gravitati detrahentes juxta æquatorem, ubi motus est celerrimus, ascendere conentur. Ideoque eo loci materia Planetæ, nisi admodum sit solida, ascensu suo ad æquatorem ejusdem diametros adaugebit; axem vero descensu suo, gravitate partium ibi nihil diminuta, ad polos diminuet. Sic Jovis Diameter (consentientibus observationibus Cassini & Flamstedii) brevior deprehenditur inter Polos quam ab oriente in occidentem. Eodem Argumento Terra nostra axem suum Æquatoris diametris minorem habere debuit. Nisi enim ita se res haberet, & terra nostra paulo esset altior sub æquatore quam ad polos, maria, ob gravitatem majorem circa polos subsiderent, & juxta æquatorem ascendendo omnia inundarent. Ob majorem vero motus diurni velocitatem & densitatem minorem, Jupiter differentiam diametrorum multo ma-

gis sensibilem quam reliquorum Planetarum quivis, vel Sol ipse exhibere debet. Unde Observatores Astronomici in hoc solo Planeta hanc differentiam hætenus deprehendere potuerunt. Tellurem autem nostram eandem figuram olim induisse patet, non tantum indicio nuperrime exposito, sed & per pendulorum experimenta accuratissime instituta. Quo enim horologia Oscillatoria eadem penduli longitudine gaudentia *Æquatori* proprius admoventur, oscillationes paulo tardiores, quo ad *Polos* propius accedunt paulo velociores observantur; eo nimirum quod in casu priori centrum *Telluris* propius, in posteriori remotius retardationem & accelerationem corporum pendulorum respective procuret, uti ex præsentī Propositione fieri erat necesse.

Scholium. Si Proportionem Axis Planetæ cujusvis ad *Æquatoris* Diametros accurate rescire cupiatis, Multiplices Calculi Newtoniani ambages obire oportebit. Sin calculi hujusce fructum sine calculi rudio percipere

placeat, sic accipitote. Inito nimirum calculo invenit Newtonus quod vis centrifuga partium terræ sub æquatore, ex motu diurno oriunda, sit ad vim gravitatis in terræ superficie ut 1 ad 290 $\frac{1}{2}$. Unde si *APBQ* figurâ Terræ designet revolutione ellipseos circa axem minorem *PQ* genitam; sitque *ACQ*



qca canalis aquæ plena à Polo *Qq* ad centrum *Cc* & inde ad æquatorem *Aa* pergens, debet pondus aquæ in canalis crure *ACca*, esse ad pondus aquæ in crure altero *QCcq*, ut 291, ad 290 fere. Eo quod vis centrifuga ex circulari motu orta partem unam è ponderis partibus 291 sustinebit & detrahet; & pondus 290 in altero

altero crure sustinebit partes reliquas. Res enim vera est non tantum in superficie Telluris, sed in omnibus utriusque cruris partibus, propter vim centrifugam & gravitatem partium inferiorum secundum distantias à centro proportionales ubique acceptas, eadem semper ratione in progressu ad centrum diminutas. Et calculum continuando, Fiet Gravitas in loco Q in Terram, ad gravitatem in loco A in Terram, ut 501 ad 500; & vis centrifuga $\frac{1}{290}$ efficiet ut altitudinis excessus in crure $ACca$ sit altitudinis in crure altero $QCcq$ pars $\frac{3}{689} = \frac{1}{230}$. five in Tellure nostra ut semidiameter Terræ secundum æquatorem, ejusdem semiaxem five semidiametrum per Polum exuperet milliaribus 17. Hæc inquam ita se habebunt ex hypothesi quod Terra ex uniformi materia constet. Nam si materia ad centrum paulo densior sit, uti certe esse debeat, quam ad superficiem, excessus altitudinis ad æquatorem erit paulo major; propterea quod si materia ad centrum redundans, qua densitas ibi major redditur, subducatur & seorsim spectetur, gravitas in terram reliquam uniformiter densam erit reciproce ut distantia ponderis à centro; in materiam vero redundantem reciproce ut quadratum distantiae à materia illa quam proxime. Gravitas igitur sub æquatore minor erit in materiam illam redundantem quam pro superiore computo; & propterea Terra ibi, propter defectum gravitatis, paulo altius ascendet quam in præcedentibus est definitum. Jam vero Galli factis experimentis invenerunt quod pendulorum minutis singulis secundis oscillantium longitudo æquatorem versus minor sit eâ versus polos in majore ratione quam superior calculus postulat. Et propterea Terra videtur esse aliquanto altior sub æquatore quam pro calculo superiore, & densior ad centrum quam in fodinis prope superficiem; prout ratio omnino postulat.

Coroll. (1.) Si excessus gravitatis in locis circumpolaribus

laribus supra gravitatem ad æquatorem experimentis majori cura institutis accurate tandem determinetur, Determinabitur Mensura Universalis; ea nempe quæ penduli singulis minutis secundis in locis inter æquatorem & polos mediis oscillantis longitudinem accurate definiat. Unde tam Æquatio Temporis per æqualia pendula in locis diversis indicati, quam Proportio semidiametrorum Terræ, ac Densitatis ejus ad centrum, modo uniformiter crescere supponatur, una innotescant.

Coroll. (2.) Cum ratio sit eadem in canali aqua pleno ac in canali fluido quovis pleno, eadem etiam ac in Terra intus fluida, dum interea in Terra solida res aliter se habeat; Cum etiam notum sit per observata & experimenta, quod Terra nostra revera altior sit ad æquatorem quam ad polos, exinde constat aut Terram totam fluidam fuisse cum primum inciperet motus ejus diurnus, aut saltem ingens fluidum intus continuiffe, quod cedendo partium ad Polos depressioni & ad æquatorem elevationi locum daret.

Coroll. (3.) Si retardaretur gradatim motus terræ diurnus, nisi ea fluidum interius contineat, quod figuræ mutationi locum dare possit, maria versus polos descenderent, ibique omnia inundarent.

Coroll. (4.) Si Planetæ majoris vel minoris, datæ tamen densitatis motus diurnus in ratione quacunque acceleretur vel retardetur, augebitur inde vel minuetur vis centrifuga in duplicata illa ratione; propter auctas inde vel diminutas tam curvaturam quam velocitatem in eadem illa ratione; & propterea Differentia semidiametrorum augebitur vel minuetur in eadem duplicata ratione. Sin densitas augeatur vel minuatur in ratione quacunque, propter gravitatem in eadem ratione auctam vel diminutam, differentia semidiametrorum minuetur vel augebitur in eadem illa ratione. Hoc est, Differentia semidiametrorum erit in ratione composita ex ratione Temporum Periodicorum duplicata, & ex ratione densitatis simplici, utraque reciproca. Unde cum differentia

ferentia semidiametrorum in Tellure fit $\frac{3}{689}$ totius semidiametri, & Temporis periodici in Jove $9^h. 56'$. quadratum, fit ad quadratum temporis periodici 24^h . in Tellure, ut 5 ad 29: & densitas Jovis fit ad densitatem Telluris ut 76 ad 387. Differentia semidiametrorum Jovis, erit ad Differentiam semidiametrorum Telluris, ut $\frac{3 \times 29 \times 387}{689 \times 5 \times 76}$, ad 1. sive ut $\frac{33669}{261820}$ ad 1. hoc est, ut 1 ad $8\frac{1}{2}$. Est ergo semidiameter æquatoris Jovis ad semiaxem ut $9\frac{1}{2}$ ad $8\frac{1}{2}$. Unde obiter mirum non est quod tanta differentia Observationi Astronomicæ pateat. Sed Notandum quod hæc ita se habent ubi uniformis est Planetæ densitas. Sin Materia Jovis densior sit ad centrum quam ad circumferentiam, uti prius in genere observatum, differentia semidiametrorum erit adhuc major, & observatu facilior. Viderint itaque Observatores Astronomici, quam accurate hoc Corollarium cum Jovis diametris per micrometrum mensurandis conveniat.

XCIV. Incrementum ponderis pergendo ob æquatore ad polos est quam proxime ut Quadratum sinus recti Latitudinis: sive, quod perinde est, ut ipsi sinus versi Latitudinis.

Quoniam pondera inæqualium crurum canalis aqueæ ACQqca æqualia sunt, & in æquilibrio posita; & pondera partium similium cruribus totis similiter sitarum sunt ad invicem ut pondera totorum, adeoque etiam æquantur inter se, erunt pondera æqualium & in cruribus similiter sitarum partium reciproce ut crura. Et par est ratio homogeneorum & æqualium quorumvis & in canalis cruribus similiter sitorum corporum. Horum pondera sunt reciproce ut crura, id est, reciproce ut distantia corporum à centro Terræ. Proinde, si corpora in supremis canalium partibus, sive in superficie Terræ consistent, erunt pondera eorum ad invicem reciproce, ut distantia eorum à centro. Et eodem argumento pondera

dera in aliis quibuscunque per totam Terræ superficiem regionibus sunt reciproce ut distantie locorum à centro : Et incrementum ponderis in Terra figuræ sphæroidis oblatæ, quemadmodum demonstravit Cl. Gregorius, ut quadratum sinus recti Latitudinis loci ; sive, quod eodem redit, ut sinus versus Latitudinis quam proxime.

*Astron. L.III.
Prop. 52.*

*Vid. Prop. II.
Coroll. 2. prius.*

Corollarium. Cum itaque demonstraverit etiam eodem in loco Gregorius longitudines pendulorum æquali tempore oscillantium esse inter se ut distantie à centro Telluris reciproce, erit differentie longitudinis pendulorum ut quadratum sinus recti latitudinis : atque ita ubique.

XCV. Motus inæquales Satellitum Jovis & Saturni motibus Lunæ inæqualibus sunt plane similes & analogi, & à causis similibus & analogis oriuntur.

Motus nempe Nodorum in antecedentia, & Apsidum nunc in antecedentia tardius, nunc in consequentia velocius, excessu vero motus posterioris supra priorem in consequentia. Motus etiam Variationis Satellitum & reliqui id genus eodem se habere debent modo in hisce secundariis Planetis ac se habent in Luna, secundario pariter Planeta ; ita ut eos hic loci seorsim tractare nullo modo sit opus. Notandum tamen, parvitatem harum inæqualitatum & tarditate motuum fieri ut motus Satellitum horum Circumjovialium & Circumsaturniorum præ motibus Lunæ consimilibus summe regulares reperiantur ; utque Astronomi recentiores aut motum omnem Nodis denegent, aut asserant tardissime retrogradum. Nam Cl. Flamstedius collatis suis cum D. Cassini observationibus nodos Satellitum Circumjovialium tarde regredi deprehendit, Nec dubitandum veniens ævum eccentricitates nonnullas, & apsidum progressus, nodos etiam, eorumque regressus cum reliquis motibus inæqualibus iis quæ apud Lunam adeo sunt notabiles analogis certius & explicatius definiturum. Atque hæc impræsentiarum sufficiant.

Maii 31^o. 1708.

X

XXXVII,

XXXVII.

XCVI. **F**LUXUS & Refluxus Maris à gravitatione aquæ versus Solem & Lunam, sive ab attractionibus Solis & Lunæ oriuntur.

Mare singulis diebus tam Lunaribus quam Solaribus bis intumescere debere, ac bis defluere, ex prius demonstratis patet. Quod vero aquæ altitudo maxima in maribus profundis & liberis appulsu Luminarium ad meridianum loci non comitatur quidem, sed sequitur, idque trium circiter horarum spatio, hoc in loco accuratius paulo explicari debet. Quod ita se res habet liquet ex observatis æstibus marinis, tam apud Mare Atlanticum & Æthiopici tractum totum orientalem inter Galliam & Promontorium Bonæ spei, quam apud Maris Pacifici littus Chilenſe & Peruvianum; in quibus omnibus littoribus æstus maximus in horam circiter tertiam incidit; nisi ubi motus per loca vadosa propagatus aliquantulum retardatur. Ratio autem huius rei hæc est: Ubi Luminare est in Meridiano, conatus sive vis attrahens ad maximam suam quantitatem pertigit, illico minuenda; effectus autem huius vis maximæ nondum ad æstus suam pertigit. Motus enim omnis semel impressus perseverat uniformiter, usque dum motus contrarius eundem destruit, aut saltem retardat. Unde sequitur fluxum maris, sive potius oceani per sex circiter horas antemeridianas, si ita etiam de Luna loqui liceat, adauctum, & cum motu diurno conspirando acceleratum, celeritate hac sua majore ulterius pergere debere, & aquas etiam magis magisque protrudendo accumulare, usque dum vis eadem contra motum diurnum postea tendendo motus istius pergentis cursum paulatim sistat & sufflaminet; & easdem aquas mox etiam tardiore gradu incedere & oceani refluxum fieri procurret. Quæ motus retardatio maxime circa octantes sive horam tertiam notabilis esse debet. Exempla huiusmodi

modi effectuum maximorum post causas suas maximas aliquandiu insequentium quotannis habemus in æstatis calore, hyemisque frigore, non in ipsis solstitiis æstivis hybernisque, sed circa octantes, ut ita dicam, vel sesquimensē abinde maxime intensis; & quotidie in diei calore summo, qui secunda aut tertia à meridie hora major est quam in ipso meridie; uti ex experientia indubia omnibus constare potest. Dum enim post vires maximas, & aquas inde maxime concitatas vires maximis proximæ & in partem contrariam vixdum conversæ etiamnum operentur, vires paucillulum minores motibus à maximis concitatis & vi insita pergentibus superadditæ majorem illico effectum ut sortiantur est necesse, quam vires usque crescentes motibus minoribus superadditæ fortiri queant. Deinde notandum, vires ipsas attractrices, aquas directe sursum attrahentes, à maxima sua quantitate per horam unam vel etiam alteram postmeridianam vixdum quoad sensum deficere, licet directio attractionis aquas accelerantis vel retardantis in ipso meridiano ad limitem pertingat; & ibidem speciem mutet. Eo itaque in loco aquæ maxime in cumulum assurgent, ubi partes meridianum nuperrime cum velocitate summa prætergressæ in partes alteras ad quadraturam prius summe retardatas incidant, & ita mutuo conatu occurrentes fluxum omnium maximum efficiant, quod circa horam tertiam accidere est apertissimum. Horas enim hoc in loco non vulgares tantum, quod probe notandum, numeramus; sed eas quæ ab appulsu Solis aut Lunæ ad meridianum loci tam infra horizontem quam supra fluunt, & per Horas diei Lunaris intelligimus vigesimas quartas partes temporis quo Luna motu apparente diurno ad meridianum loci cujuslibet revolvitur.

XCVII. Fluxus & refluxus maris, tam à vi Solis quam à vi Lunæ seorsim dependentes, non æstum duplicem sed unicum ex virium conjunctione æstimandum procurabunt.

Quemadmodum enim corpus quodvis duplici vi concitatum in lineis duabus pergere nequit, sed ex conjunctis viribus in parallelogrammi diagonali eodem modo pergit ac si vi unica juxta diagonalis directionem concitatum esset; ita quidem pari ratione motus hi bini quos luminaria hæc duo excitant non cernentur distincte, sed motum quendam mixtum efficient. In luminarium conjunctione & oppositione conjunguntur eorum effectus, & componetur fluxus & refluxus maximus, è viriis nimirum *summa* tum temporis oriundi. In luminarium quadraturis Sol attollet aquam, ubi Luna deprimit, deprimetque, ubi Luna attollit; & æstus omnium minimus, è viriis nimirum *differentia* tum oriundus, observabitur. Et quoniam, experientia teste, multo major est effectus Lunæ quam Solis, incidet atque maxima altitudo in horam tertiam Lunarem. Extra syzygias vero & quadraturas æstus maximus, qui sola vi Lunari incidere semper deberet in horam tertiam Lunarem, & sola vi Solari in tertiam Solarem, compositis viribus incidet in tempus aliquod intermedium, quod tertiæ Lunari multo propinquius erit quam tertiæ Solari; adeoque in transitu Lunæ à syzygiis ad quadraturas, ubi Hora tertia Solaris præcedit tertiam Lunarem, maxima aquæ altitudo præcedet etiam tertiam Lunarem; idque maximo intervallo paulo post octantes Lunæ. Et paribus intervallis æstus maximus sequetur horam tertiam Lunarem in Transitu Lunæ à quadraturis ad syzygias, idque etiam maximo intervallo paulo post octantes Lunæ. Hæc nempe omnia in Oceano sive aperto mari. Nam in Fluviorum Ostiis fluxus majores cæteris paribus majus tempus requirent, atque ita tardius paulo ad *apertum* suam pervenient.

XCVIII. Æstus marinus propter diversas luminarium distantias à terra tum per singulos annos, tum per singulos menses diversus esse debet; idque in triplicata distantiarum istarum ratione reciproca, sive in triplicata diametrorum apparentium ratione directa.

Hoc

Hoc olim suo loco demonstratum dedimus. Neque mirum certe hosce & hujusmodi effectus in minoribus distantis majores, in majoribus minores esse. Quocirca Sol tempore hyberno circa Perigæon positus majores edet effectus, efficietque ut æstus post syzygias paulo majores sint, ob majorem virium *Summam*, & post quadraturas paulo minores, ob minorem virium *Differentiam*, quam æstivo tempore; cæteris nimirum paribus. Et Luna post Perigæon singulis mensibus majores ciebit æstus quam ante vel post quindecim dies, ubi in Apogæo versatur. Unde si situs Lunæ Perigæus circa conjunctionem accadat, augebitur æstus diurnus; minuetur nocturnus: sin situs iste circa oppositionem accadat, augebitur nocturnus, minuetur diurnus. Unde etiam fit ut æstus duo omnino maximi post syzygias continuas se mutuo non sequantur. Si enim Luna in syzygiarum altera sit circa Perigæon, & æstum maximum conjunctis cum Sole viribus tum temporis concitet; in altera circa Apogæon versetur, & minores vires possideat est necesse.


XCIX. Æstus marini reciprocationes, sive fluxus & refluxus propter diversam Luminarium ab æquatore declinationem, tum per singulos annos, tum per singulos menses diversi esse debent.

Si enim Luminare in polo utrovis aut utroque constitueretur, traheret illud singulas aquæ partes constanter, absque actionis intensione & remissione: adeoque nullam motus *reciprocationem* cieret. Igitur Luminaria recedendo ab æquatore polum versus alterutrum effectus suos gradatim amittent, & propterea minores ciebunt æstus post syzygias Solstitiales quam post Æquinoctiales. Post quadraturas autem Solstitiales majores evadent æstus quam post quadraturas Æquinoctiales, eo quod Lunæ jam circa æquatorem constitutæ effectus maxime superat effectum Solis. Incidunt igitur æstus maximi post syzygias, & minimi post quadraturas Luminarium, utraque nimirum Æquinoctiales; & æstum

maximus post syzygias comitatur semper minimus post quadraturas; ut experientia testatur. Per minorem autem distanciam Solis à Terra tempore hybernæ quam æstivæ ut ut æstus maximi & minimi sapius præcedat æquinoctium vernum quam sequantur; & sapius sequantur æstivæ quam præcedant.

C. Eius maximi Phenomena nonnulla & Lumina-
rum effectus ex diversis locorum in Tellure Latitudinibus
diversi sunt; & præcipue quidem quoad Diurnos & No-
cturnos æstus, ut invicem immediate consecutes.

Designet nunc $APEP$ Tellurem, aquis si pla-
ceat positis undique coopertam. C centrum ejus $P.p.$
Poles $A.E.$ æquatorem. F locum quemvis extra æ-



quodvis F parallelum loci. Dd parallelum ei re-
spondens ex altera parte æquatoris. H locum Tel-
luris in quo quædam Luna tribus ante Horis occupabat
approximative subiectum, sive punctum medium a-
pex æstus æstivæ. e locum huic oppositum, sive
punctum medium apex æstus æstivæ ex altera Telluris parte maxi-
mæ æstus. $A.E.$ huiusmodi gradibus 90 distantia. CH ,
et CH ab æstus æstivæ à Telluris centro men-
suratas.

locatæ. & CK , Ck altitudines minimas. Et si axibus Hb , Kk describatur Ellipsis, deinde Ellipseos hujus revolutione circa axem majorem Hb describatur Sphærois $HPKbpk$, designabit hæc figuram maris quam proximè, & erunt CF , Cf ; CD , Cd , altitudines Maris in locis F , f & D , d . Quinetiam si in præfata Ellipseos revolutione punctum quodvis N , describat circulum NM , secantem parallelos Ff , Dd in locis quibuscumque R , T , & æquatorem AE in S , erit CN altitudo Maris in locis omnibus R , S , T sitis in hoc circulo. Hinc in diurna revolutione loci cujuscumque F , affluxus erit maximus in F hora tertia post appulsus Lunæ ad Meridianum supra Horizontem; postea defluxus maximus in Q hora tertia post occasum Lunæ; dein affluxus maximus in f hora tertia post appulsus Lunæ ad meridianum infra Horizontem, ultimo defluxus maximus in Q hora tertia post ortum Lunæ, & affluxus posterior in f erit minor quam affluxus prior in F . Distinguitur enim totus Oceanus in duos omnino fluctus hemisphæricos, unum in hemisphærio $KHkC$, ad Boream, alterum in hemisphærio opposito ad Austrum vergente, $KhkC$. quos igitur *Fluctum Borealem*, & *Fluctum Australem* nominare licet. Hi fluctus semper sibi mutuo oppositi veniunt per vicēs ad meridianos locorum singulorum; interposito nempe intervallo horarum Lunarium quasi duodecim. Cumque regiones boreales magis participant fluctum borealem, & Australes magis Australem, inde oriuntur æstus alternis vicibus majores & minores in locis singulis extra æquatorem. Æstus autem major Luna in verticem loci declinante incidet in horam circiter tertiam post appulsus Lunæ ad meridianum supra horizontem; & Luna declinationem mutante, & in partes à vertice remotiores concedente, vertetur in minorem. Et fluxuum differentia maxima hac de causâ incidet in tempora Solstitiorum: præsertim si Lunæ nodus ascendens versetur in principio Arietis; ut ita Luna & verticis proxima, & ab

eodem remotissima eadem revolutione diurna pertranseat. Sic sane experientia compertum est æstus matutinos hyberno tempore vespertinos, & vespertinos æstivo tempore matutinos superare; nimirum ad Plimuthum quidem altitudine pedis unius, ad Bristoliam vero altitudine quindecim digitorum, Observantibus Colepseio & Sturmio. Quod vero differentia hæ non tantæ videntur quantæ in regionibus adeo ab æquatore remotis, jure posset ex hac causâ expectari, ex alia sane causâ oriri potest. Motus enim hætenus descripti mutantur aliquantulum per vim illam reciprocationis aquarum, quæ maris æstus, etiam cessantibus Luminarium actionibus, posset aliquamdiu perseverare. Conservatio hæc motus semel impressi minuit differentiam æstuum alternorum, & æstus proxime post syzygias majores reddit; eosque proxime post quadraturas minuit. Hinc enim fit ut æstus alterni ad Plimuthum & Bristoliam non multo magis differant quam altitudine pedis unius vel digitorum quindecim; utque æstus omnium maximi in iisdem portibus non sint primi à syzygiis, sed tertii; quod cum prius dictis adprime convenit. Retardantur etiam motus omnes in transitu per vada, adeo ut æstus omnium maximus in fretis quibusdam & fluviorum ostiis sint quarti vel etiam quinti à syzygiis. Verum hæc hætenus.

Novemb. 8°. 1708.

XXXVIII.

CI. FLUXUS Oceani & Refluxus Phænomena in locis particularibus, fretis nimirum, portibus, fluviorum ostiis, maribus parvis, & cum oceano aut non omnino aut parum communicantibus; in iis etiam quæ longe ab æquatore distant; à generali æstus marini lege

lege haud parum recedunt, & à particularibus locorum circumstantiis plerumque dependent. Exempli gratia; Fieri potest ut æstus propagetur ob Oceano per frætâ diversa ad eundem portum, & citius transeat per aliqua frætâ quam per alia: quo in casu æstus idem in duos vel plures successive advenientes divisus, componere potest motus novos diversorum generum: Fieri etiam potest ut aut itineris longinquitate, aut flexuoso situ, aut obstaculorum impedimentis æstus sistatur fere, & minuat. (Unde ubi plures Insulæ, ut in Moluccis, Philippinis, in sinu Mexicano, in Antillis, aut nullus fere aut longe minor est æstus quam in patente & libero oceano.) Fieri potest ut æstus in oceano mediocris, in fluviis evadat maximus, propter transitus angustias nimirum, & littorum sensim coeuntium convergentiam. In maribus etiam parvis nullus erit aut plane contemnendus aquarum motus. Cum enim æstus maximus in oceano tantum profundo, per gradus 90 in orientem & occidentem patente, accidere debet; quo minus est mare, eo minor ut sit aquarum acceleratio & retardatio, hoc est, minor fluxus & refluxus, est necessum: nisi saltem mare cum Oceano ipso libere communicet. Si enim nihil aut parum cum Oceano communicet, uti fit in Mediterraneo, æstus quoque eam ob causâ minor expectabitur. In iis etiam maribus quæ longe à partibus æquatoreis, ubi æstus maxime propagari debet, distant; præsertim si cum Oceano quoque ægre communicent, minimus erit aquarum æstus, uti fit in Mari Baltico & Septentrionali. Quod etiam fit in maribus Euxino atque Caspio; non tantum ob situm paulo borealiorem, & minimam aut nullam cum Oceano communicationem, sed ob marium horum etiam parvitatem. In maribus quæ ab oriente in occidentem late patent, uti in mari Pacifico, & Maris Atlantici & Æthiopici partibus extra Tropicos, aqua attolli solet ad altitudinem pedum 6. 9. 12. vel 15. In mari autem Pacifico, quod profundius est, & latius patet, æstus dicuntur esse majores quam in Atlantico

Indico & Æthiopico. In mari Æthiopico ascensus aquarum intra Tropicos minor est quam in Zonis Temperatis, propter angustiam maris inter Africam & Austrialem partem Americæ. In medio mari aqua nequit ascendere nisi ad littus utrumque & orientale & occidentale simul descendat; cum tamen vicibus alternis ad littora illa in maribus nostris angustis descendere debeat. Ea de causa refluxus & fluxus in Insulis quæ à littoribus longissime absunt perexiguus esse solet. In portibus quibusdam, quod nuperrime observatum, ubi aqua impetu magno per loca vadosa ad sinus angustos alternis vicibus implendos & evacuandos influere & effluere cogitur, fluxus & refluxus sunt solito majores; ut ad Plumuthum, & Pontem Chepstowæ, in Angliâ; ad montes S^æ Michaelis, & Urbem Abrincatorum (vulgo Auranches) in Normania; ad Cambaiam & Pegu, in India Orientali. His in locis mare magnum cum velocitate accedendo & recedendo littora nunc inundat, nunc arida relinquit ad multa milliaria. Neque impetus influendi & remeandi prius frangi potest quam aqua attollitur vel deprimitur ad pedes 35. 40. 50. aut interdum 60. Et par est ratio fretorum oblongorum, & vadosorum, & angustorum, uti Magellanici, & ejus quo Anglia circumdatur. Æstus in hujusmodi portibus & fretis per impetum cursus & recursus supra modum augetur. Ad Littora vero, quæ descensu præcipiti ad mare profundum & apertum spectant, ubi aqua sine impetu effluendi & remeandi attolli libere & subsidere potest, æstus ad 12. circiter pedum altitudinem, si quantitatem generalem mediocrem definire placeat, consurgere est censendus; mensurando nimirum ab ima aquarum resluentium depressione, ad summam affluentium altitudinem. Omnium autem æstuum minorum maxime mirandus ille est, quem Cl. Hallejus nostras ex Nautarum Observationibus patefecit in Portu Regni Tunquini ad Batsham, sub latitudine boreali 20°. 50'. Ibi aqua die transitum Lunæ per æquator

rem

rem sequente stagnat; dein Luna ad boream declinante incipit fluere & refluxere; non bis, ut in aliis portibus; sed semel singulis diebus; & affluxus maximus incidit in occasum Lunæ, defluxus maximus in ortum; cum Lunæ declinatione augetur hic æstus, usque ad diem septimum vel octavum; dein per alios septem dies ~~in~~ eisdem gradibus decrescit quibus antea creverat; &, Luna declinationem mutante, cessat; ac mox mutatur in defluxum. Incidit enim subinde defluxus in occasum Lunæ, & affluxus in ortum, donec Luna iterum mutet declinationem. Aditus ad hunc Portum fretaque vicina duplex patet, alter ab oceano Sinenſi, inter continentem & Insulam Luconiam; alter à mari Indico inter continentem & Insulam Bornæo. Verisimile videtur æstus duos fere æquales à diversis istis oceanis æstibus in hunc portum venire, quorum prior præcedat alterum spatio horarum sex, incidatque in horam tertiam ab appulsu Lunæ ad meridianum portus. Ubi Luna in hocce suo ad meridianum appulsu versatur in æquatore, venient singulis horis senis æquales affluxus, qui in mutuos refluxus incidendo eisdem affluxibus æquabunt; & sic spatio diei illius efficient, ut aqua nullo æstu cieri videatur. Ubi Luna declinat ab æquatore, sicut æstus in Oceano vicibus alternis majores & minores, uti in Propositione penultima explicuimus; & inde propagabuntur in hunc portum affluxus bini majores, & bini minores vicibus alternis. Affluxus autem bini majores aquas suas conjungendo component affluxum altissimum medio inter utrumque tempore: affluxus major & minor faciet ut aqua ascendat ad mediocrem altitudinem medio ipsorum tempore, & inter affluxus binos minores aqua ascendet ad altitudinem minimam. Sic spatio 24. horarum Lunarium aqua non bis, ut in aliis locis fieri solet, sed semel tantum perveniet ad maximam altitudinem, & semel ad minimam; & altitudo maxima, ubi Luna declinat in polum supra Horizontem loci, incidet in horam sextam ab appulsu Lunæ ad meridianum; atque

atque, Luna declinationem mutante, mutabitur in de-
fluxum. Æstus itaque alter spatio horarum 12. à
mari Indico, & alter spatio horarum 6. à mari Sinensi
per freta illa prius memorata venientes, & sic in horam
tertiam & nonam Lunarem incidentes, anomalos hos a-
quarum æstus componere videntur. Sed Hæc & hu-
jusmodi particularia phænomena vicinorum littorum &
marium observationibus sunt ubique relinquenda.

Scholium. Si calculi Newtoniani ambages refugia-
mus, & virium quantitates solas rescire velimus, sic
statuendum. Summa virium Solarium tam in depri-
mendis aquis in regionibus quæ 90. gradibus distant à
Sole, quam in elevandis in regionibus sub Sole & Soli
oppositis, si conjunctim fumantur; sive vires totæ So-
lares ad agitandum mare se habent ad vim gravitatis a-
pud nos, ut 1, ad 12.868.200.

Cum autem vis cen-
trifuga partium Terræ à diurno ejusdem motu oriunda,
quæ est ad vim gravitatis ut 1, ad 291, efficiat ut al-
titudo aquæ sub æquatore superet ejus altitudinem sub
polis mensura pedum Parisiensium 85.200. Vis Sola-
ris, de qua jam agimus, cum sit ad vim gravitatis ut 1
ad 12.868.200, atque adeo ad vim illam centrifugam

ut 291 ad 12.868.200, seu 1 ad 44.221, efficiet ut

altitudo aquæ in regionibus sub Sole & Soli oppositis,
superet altitudinem ejus in locis quæ 90. gradibus di-
stant à Sole, mensura tantum pedis unius Parisiensis, &
digitorum undecim: nempe juxta hanc analogiam,
 $44.221 : 1 :: 85.200 : 1\frac{1}{2}$. Vires autem Lunæ ad
mare movendum, quæ hic principalem locum obtinent,
ex earundem ad solares ratione deducendæ sunt; & per
effectus sive motuum in syzygiis *summas*, in quadra-
turis *differentias* dignoscendæ: sunt autem Vires Lunæ
ex hoc calculo, ad Vires Solis, ex collatis observatio-
nibus ut $6\frac{1}{2}$, ad 1 quam proxime; sive numero rotundo
Secuplæ.

Coroll. (1.)

Coroll. (1.) Cum igitur, ut prius vidimus, Vires Solis aquam ad altitudinem duorum fere Pedum elevare debeant, Vires Lunæ paulo plusquam sexuplæ Solarium aquam ad altitudinem pedum 12. elevare debent: & Vires Lunares & Solares conjunctim in syzygiis eandem ad pedes 14, in quadraturis ad pedes 10. elevabunt. Tanta autem vis ad omnes maris motus excitandos abunde sufficit; & motuum quantitati prius definitæ probe respondet; & tam probe respondendo æstuum causam recte hic assignatam esse plane confirmat.

Coroll. (2.) Cum vis Lunæ ad mare movendum sit ad vim gravitatis, ex prius demonstratis, tantum ut 1, ad 2.031.821; perspicuum est quod vis illa sit longe minor quam quæ vel in Experimentis Pendulorum, vel in Staticis, aut Hydrostaticis quibuscunque sentiri possit. In æstu marino solo hæc vis sensibilem effectum edere potest.

Coroll. (3.) Quoniam Vis Lunæ ad mare movendum, est ad Solis vim consimilem ut $6\frac{1}{3}$ ad 1; & vires illæ sunt ut densitates corporum, sive quantitates materiæ æquali spatio contentæ, & ut cubi distantiarum sive diametrorum conjunctim: ipsa enim corpora æque densa sunt ut cubi diametrorum verarum directe, ad eandem nempe distantiam: & vires motrices in hoc casu sunt etiam ut cubi distantiarum reciproce, sive ut diametrorum apparentium cubi directe; atque adeo perinde est sive Sol propius sit sive remotius, sive major sit sive minor, modo diameter apparens certa sit ac determinata. Erit itaque densitas Lunæ, ad densitatem Solis, ut effectus; sive ut $6\frac{1}{3}$, ad 1; & ut Cubus diametri apparentis Lunæ, ad Cubum diametri apparentis Solis, hoc est, ut $6\frac{1}{3}$ ad 1; & ut 720, ad 672 conjunctim = $6\frac{1}{3} \times 720$ ad 1×672 . sive ut 34 ad 5. fere. densitas autem Solis est ad densitatem Terræ, ut 100 ad 387. Erit itaque densitas Lunæ, ad densitatem Terræ, ut 9 ad 5 quam proxime: sive fere dupla. Est igitur
corpus

corpus Lunæ fere duplo densius, & ut ita dicam, terrestrius quam Terra nostra; uti olim anticipando exposuimus.

Coroll. (4.) Unde cum vera Lunæ diameter, sit ad veram Terræ diametrum, ut 5 ad 18, sive ut 1 ad 3165: erit massa Lunæ, ad massam Terræ, ut istorum numerorum Cubi, cum densitatis ratione compositi; sive ut 1×9 ad 49×5 . hoc est, ut 1 ad 26, quam proxime.

Coroll. (5.) Gravitas acceleratrix, sive corporum æqualium pondus in superficie Lunæ, erit ut quantitas materiæ in Lunæ, ad quantitatem materiæ in Terræ, cum duplicata distantiarum à centrīs ratione reciproca composita; hoc est, ut 1×13 , ad 26×1 , sive duplo minor quam gravitas acceleratrix in superficie Terræ, uti olim quoque anticipando docuimus.

CII. Figura corporis Lunaris (abstrahendo nimirum ab elevatione partium æquatorearum & depreffione polarium, à motu ipsius diurno pendentium,) est aliquantulum Ovalis vel Sphæroidis oblongæ; cujus axis maximus productus per centrum terræ transit; & superat axes minores eidem normales excessu pedum 180 circiter. Si corpus Lunare fluidum esset ad instar maris nostri, vis Terræ ad fluidum illud in partibus citimis & remotissimis elevandum, esset ad vim Lunæ, quæ mare nostrum in partibus & sub Luna & iisdem oppositis attollitur, ut Vis attrahens Terræ, ad vim attrahentem Lunæ; sive ut quantitas materiæ in Terræ, ad quantitatem materiæ in Luna, ob æquales nempe distantias; nisi quatenus minor Lunæ diameter eandem rationem demutat. Est ergo Vis illa tota in ratione composita ex 26 ad 1, & 5 ad 18; sive ut 26×5 ad 1×18 : hoc est, ut 69 ad 9. Unde cum mare nostrum ex prius demonstratis attollatur vi Lunæ ad pedes 12, Fluidum Lunare vi Terræ attolli debet et ad pedes fere 90. Eaque de causa figura Lunæ sphærois esset, cujus maxima diameter sive axis major productus

ductus per centrum Terræ transiret, & superaret diametros sive axes perpendiculares excessu pedum circiter 180. Talem igitur figuram Luna affectat, eamque sub initio induere debuit.

Corollarium. Inde vero forte fit ut eadem Lunæ facies directius quam alias oporteret in Terram obvertatur. In alio enim situ corpus Lunare quiescere non potest, sed ad hunc situm oscillando semper redibit. At tamen Oscillationes, ob parvitatem virium in tantillo axis majoris supra minores excessu, essent longe tardissimæ, adeo ut facies illa quæ Terram semper respicere deberet possit alterum Orbis Lunaris umbilicum, ob motus angularis circa ipsum æquabilitatem, respicere, uti prius expositum; neque statim abinde retrahi & in Terram converti.

CHII. Cometæ sunt Luna superiores, & in regione Planetarum Primariorum versantur.

CIV. Cometæ in sectionibus Conicis, Umbilicos in centro Solis habentibus, moventur; & radiis ad Solem ductis areas temporibus quidem æqualibus æquales, & in universum temporibus semper proportionales describunt.

CV. Cometarum corpora sunt solida, compacta, fixa, ac durabilia, ad instar corporum Planetarum; ingentibus autem atmosphæris plerumque cinguntur; & caudis nunc brevioribus nunc vero longioribus, ex iisdem in Solis vicinia natis, semper ornantur.

Hæ Propositiones Cometographiam Newtonianam continent, quatenus ad nostrum institutum Universum. Illæ autem tam clare & plene ab ipso Authore proponuntur & explicantur, ut nostro commentario minime indigeant. Manum itaque de tabula.

Novemb. 15°. 1708.


[Quæ sequuntur, è Newtono verbatim descripsimus.]

*Cometas esse Lunâ superiores, & in regione
Planetarum versari.*

UT defectus Parallaxeos diurnæ extulit Cometas supra regiones sublunares, sic ex Parallaxi annua convincitur eorum descensus in regiones Planetarum. Nam Cometæ qui progrediuntur secundum ordinem signorum sunt omnes, sub exitu apparitionis, aut solito tardiores aut retrogradi, si Terra est inter ipsos & Solem; at iusto celeriores si Terra vergit ad oppositionem. Et è contra, qui pergunt contra ordinem signorum sunt iusto celeriores in fine apparitionis, si Terra versatur inter ipsos & Solem; & iusto tardiores vel retrogradi si Terra sita est ad contrarias partes. Contingit hoc maxime ex motu Terræ in vario ipsius situ, perinde ut fit in Planetis, qui, pro motu Terræ vel conspirante, vel contrario, nunc retrogradi sunt, nunc tardius moveri videntur, nunc vero celerius. Si Terra pergit ad eandem partem cum Cometa, & motu angulari circa Solem celerius fertur, Cometa è Terra spectatus, ob motum suum tardiozem, apparet esse retrogradus; sin Terra tardius fertur, motus Cometæ, (deducto motu Terræ) fit saltem tardior. Ac si Terra pergit in contrarias partes, Cometa exinde velocior apparet. Ex acceleratione autem vel retardatione vel motu retrogrado distantia Cometæ in hunc modum colligitur. Sunt γQA , γQB , γQC observatæ tres longitudines Cometæ, sub initio motus, sitque γQF longitudo ultimo observata, ubi Cometa videri desinit. Agatur recta ABC , cujus partes AB , BC rectis QA & QB , QB & QC interjectæ, sint ad invicem ut tempora inter observationes tres primas. Producat AC ad G , ut fit AG ad AB ut tempus inter observationem primam & ultimam, ad tempus inter observationem primam & secundam; & jungatur QG . Et si Cometa moveretur uniformiter in linea

atque

recta, atque Terra vel quiesceret, vel etiam in linea recta, uniformi cum motu, progredieretur; foret angulus γQG longitudo Cometæ tempore Observationis ultimæ. Angulus igitur FQG , qui longitudinum differentia est, oritur ab inæqualitate motuum Cometæ ac Terræ. Hic autem angulus, si Terra & Cometa in contrarias partes moventur, additur angulo AQG , & sic motum apparentem Cometæ velociorem reddit: Sin Cometa pergit in easdem partes cum Terra, eidem subducitur, motumque Cometæ vel tardiozem reddit, vel forte retrogradum; uti modo exposui. Oritur igitur hic an-



gulus præcipue ex motu Terræ, & idcirco pro parallaxi Cometæ merito habendus est, neglecto videlicet ejus incremento vel decremento nonnullo, quod à Cometæ motu inæquabili in orbe proprio oriri possit. Distantia vero Cometæ ex hac parallaxi sic colligitur. Designet S Solem, a & T orbem magnum, a locum Terræ in observatione prima, c locum Terræ in observatione secunda, T locum Terræ in observatione ultimâ, & γ lineam rectam versus principium Arietis ductam.

Y

Suma-

bet proportionem ad motum totum apparentem, deflectere solent ab his circulis, & quoties Terra movetur in unam partem abire in partem contrariam. Oritur hæc deflexio maxime ex Parallaxi, propterea quod responderet motui Terræ; & insignis ejus quantitas meo computo collocavit disparentes Cometas satis longe infra Jovem. Unde consequens est quod in Perigæis & Periheliis, ubi propius adsunt, descendunt sæpius infra orbes Martis & inferiorum Planetarum.

Confirmatur etiam propinquitas Cometarum ex luce capitum. Nam corporis celestis à Sole illustrati & in regiones longinquas abeuntis diminuitur splendor in quadruplicata ratione distantiae: in duplicata ratione videlicet ob auctam corporis distantiam à Sole, & in alia duplicata ratione ob diminutam diametrum apparentem. Unde si detur & lucis quantitas, & apparens diameter Cometæ, dabitur distantia, dicendo quod distantia sit ad distantiam Planetæ in ratione integra diametri ad diametrum directæ, & ratione dimidiata lucis ad lucem inverse. Sic minima Capillitii Cometæ anni 1682 diameter, per Tubum opticum sexdecim pedum à Cl. Flamstedio observata & micrometro mensurata, æquabat 2'. 0". Nucleus autem seu stella in medio capitis vix decimam partem latitudinis hujus occupabat, adeoque lata erat tantum 11" vel 12". Luce vero & claritate capitis superabat caput Cometæ anni 1680, stellæque primæ vel secundæ magnitudinis æmulabatur. Popamus Saturnum cum annulo suo quasi quadruplo lucidiorum fuisse: & quoniam lux annuli propemodum æquabat lucem globi intermedi, & diameter apparens globi sit quasi 21", adeoque lux globi & annuli conjunctim æquaret lucem globi, cujus diameter esset 30": erit distantia Cometæ ad distantiam Saturni ut 1 ad $\sqrt{4}$ inverse, & 12" ad 30" directæ, id est, ut 24 ad 30 seu 4 ad 5. Rursus Cometa anni 1665 mensis Aprilis, ut Author est Hevelius, claritate sua pene fixæ omnes superabat, quin etiam ipsum Saturnum, ratione coloris vide-

licet longe vividioris. Quippe lucidior erat hic Cometa altero illo, qui in fine anni præcedentis apparuerat, & cum stellis primæ magnitudinis conferebatur. Latitudo capillitii erat quasi 6', at nucleus cum Planetis ope Tubi optici collatus, plane minor erat Jove, & nunc minor corpore intermedio Saturni, nunc ipsi æqualis judicabatur. Porro cum diameter Capillitii Cometarum raro superet 8' vel 12', diameter vero Nuclei seu stellæ centralis sit quasi decima vel forte decima quinta pars diametri capillitii, patet Stellas hæc ut plurimum ejusdem esse apparentis magnitudinis cum Planetis. Unde cum lux eorum cum luce Saturni non raro conferri possit, eamque aliquando superet; manifestum est quod Cometæ omnes in Periheliis vel infra Saturnum collocandi sint, vel non longe supra. Errant igitur toto cælo qui Cometas in regionem Fixarum prope ablegant: qua certe ratione non magis illustrari deberent à Sole nostro, quam Planetæ, qui hic sunt, illustrantur à Stellis fixis.

Hæc disputavimus non considerando obscuracionem Cometarum per fumum illum maxime copiosum & crassum, quo caput circundatur, quasi per nubem obtuse semper lucens. Nam quanto obscurius redditur corpus per hunc fumum, tanto propius ad Solem accedat necesse est, ut copia lucis à se reflexa Planetas æmuletur. Inde verisimile fit Cometæ longe infra Sphæram Saturni descendere, uti ex Parallaxi probavimus. Idem vero quam maxime confirmatur ex Caudis. Hæc vel ex reflexione fumi sparsi per æthera, vel ex luce capitis oriuntur. Priore casu minuenda est distantia Cometarum, ne fumus à Capite semper ortus per spatia nimis ampla incredibili cum velocitate & expansione propagetur. In posteriore referenda est lux omnis tam caudæ quam capillitii ad Nucleum capitis. Igitur si imaginemur lucem hanc omnem congregari & intra discum Nuclei coarctari, Nucleus ille jam certe, quoties caudam maximam & fulgentissimam emittit, Jovem ipsum splen-

splendore suo multum superabit. Minore igitur cum diametro apparente plus lucis emittens, multo magis illustrabitur à Sole, adeoque erit Soli multo propior. Quinetiam capita sub Sole delitescantia, & caudas cum maximas tum fulgentissimas instar trabium ignitarum nonnunquam emittentia, eodem argumento infra orbem Veneris collocari debent. Nam lux illa omnis si in stellam congregari supponatur, ipsam Venerem, ne dicam Veneres plures conjunctas quandoque superaret.

Idem denique colligitur ex luce capitum crescente in recessu Cometarum à Terra Solem versus, ac decrescente in eorum recessu à Sole versus Terram. Sic enim Cometa posterior Anni 1665 (observante Hevelio,) ex quo conspici cœpit, remittebat semper de motu suo, adeoque præterierat Perigæum; Splendor vero capitis nihilominus indies crescebat, usque dum Cometa radiis Solaribus obrectus desit apparere. Cometa Anni 1683, observante eodem Hevelio, in fine Mensis Julii ubi primum conspectus est, tardissime movebatur, minuta prima 40 vel 45 circiter singulis diebus in orbe suo conficiens. Ex eo tempore motus ejus diurnus perpetuo augebatur usque ad Sept. 4. quando evasit graduum quasi quinque. Igitur toto hoc tempore Cometa ad Terram appropinquabat. Id quod etiam ex diametro capitis micrometro mensurata colligitur: quippe quam Hevelius reperit Aug. 6. esse tantum 6'. 5". inclusa coma, at Sept. 2. esse 9'. 7". Caput igitur initio longe minus apparuit quam in fine motus, at initio tamen in vicinia Solis longe lucidius extitit quam circa finem, ut refert idem Hevelius. Proinde toto hoc tempore, ob recessum ipsius à Sole, quoad lumen decrevit, non obstante accessu ad Terram. Cometa Anni 1618 circa Medium Mensis Decembris, & iste Anni 1680 circa finem ejusdem Mensis, celerrime movebantur, adeoque tunc erant in Perigæis. Verum splendor maximus capitum contingit ante duas fere septimanas, ubi modo exierant de radiis Solaribus; & splendor maximus

caudarum paulo ante, in majore vicinitate Solis. Caput Cometæ prioris, juxta observationes Cyfati, Decem. 1. majus videbatur stellis primæ magnitudinis, & Decem. 16. (jam in Perigæo exiltens) magnitudine parum, splendore seu claritate luminis plurimum defecerat. Jan. 7. Képlérus de capite incertus finem fecit observandi. Die 12. mensis Dec. conspectum & à Flammstedio observatum est caput Cometæ posterioris, in distantia novem gradum à Sole; id quod stellæ tertiæ magnitudinis vix concessum fuisset. Decem, 15 & 17 apparuit idem ut stellæ tertiæ magnitudinis, diminutum, utique splendor Nubium juxta Solem occidentem. Decem. 26. velocissimè motus, inque Perigæo propemodum exiltens, cecidebat ori Pegasi, Stellæ tertiæ magnitudinis. Jan. 3. apparebat ut Stellæ quartæ, Jan. 9. ut Stellæ quintæ, Jan. 13. ob splendorem Lunæ crescentis disparuit. Jan. 25. vix æquabat Stellas magnitudinis septimæ. Si sumantur æqualia à Perigæo hinc inde tempora, capita quæ temporibus illis in longinquis regionibus posita, ob æquales à Terra distantias, æqualiter lucere debuissent, in plaga Solis maxime splenduerè, ex altera Perigæi parte evanuerè. Igitur ex magna lucis in utroque situ differentia concluditur magna Solis & Cometæ vicinitas in situ priore. Nam lux Cometarum regularis esse solet, & maxima apparere ubi capita velocissime moventur, atque adeo sunt in Perigæis; nisi quatenus ea major est in vicinia Solis.

Coroll. (1.) Splendent igitur Cometæ luce Solis à se reflexa.

Coroll. (2.) Ex dictis etiam intelligitur cur Cometæ tantopere frequentant regionem Solis. Si cernerentur in regionibus longe ultra Saturnum deberent sæpius apparere in partibus Soli oppositis. Forent enim Terræ viciniore qui in his partibus versarentur, & Sol interpositus obscuraret cæteros. Verum percurrèdo historias Cometarum reperi quod quadruplo vel quintuplo plures detecti sunt in Hemisphærio Solem versum, quam

in Hemisphærio opposito, præter alios procul dubio non paucos quos lux Solaris obtexit. Nimirum in descensu ad regiones nostras neque caudas emittunt, neque adeo illustrantur à Sole, ut nudis oculis se prius detegendos exhibeant, quam sint ipso Jove propiores. Spatii autem tantillo intervallo circa Solem descripti pars longe major sita est à latere Terræ quod Solem respicit; inque parte illa majore Cometæ Soli ut plurimum viciniore magis illuminari solent.

Coroll. (3.) Hinc etiam manifestum est, quod cœli resistentia destituuntur. Nam Cometæ vias obliquas & nonnunquam cursui Planetarum contrarias secuti, moventur omnifariam liberrime, & motus suos etiam contra cursum Planetarum diutissime conservant. Fallor, si genus Planetarum sint, & motu perpetuo in orbem redeant. Nam quod Scriptores aliqui Meteora esse volunt, argumentum à capitum perpetuis mutationibus ducentes, fundamento carere videtur. Capita Cometarum Atmosphæris ingentibus cinguntur; & Atmosphære inferne densiores esse debent. Unde nubes sunt, non ipsa Cometarum corpora, in quibus mutationes illæ visuntur. Sic Terra si è Planetis spectaretur, luce nubium suarum proculdubio splenderet, & corpus firmum sub nubibus prope delitesceret. Sic cingula Jovis in nubibus Planetæ illius formata, situm mutant inter se, & firmum Jovis corpus per nubes illas difficiliter cernitur. Et multo magis corpora Cometarum sub Atmosphæris & profundioribus & crassioribus abscondi debent.

Orbem Cometæ Anni 1680 & 1682 spectanti & reliqua Phænomena in animo revolyenti haud difficulter constabit quod corpora Cometarum sunt solida, compacta, fixa ac durabilia ad instar corporum Planetarum. Nam si nihil aliud essent quam vapores vel exhalationes Terræ, Solis, & Planetarum, Cometa hicce in transitu suo per viciniam Solis statim dissipari debuisset. Est enim calor Solis ut radiorum densitas, hoc est reciproce ut quadratum distantie locorum à Sole. Ideoque cum di-

stantia Cometæ à Sole Dec. 8. ubi in Perihelio versabatur, esset ad distantiam Terræ à Sole ut 6 ad 1000 circiter, calor Solis apud Cometam eo tempore erat ad calorem Solis æstivi apud nos ut 1.000.000 ad 36, seu 28.000

ad 1. Sed calor aquæ ebullientis est quasi triplo major quam calor quem terra arida concipit ad æstivum Solem: ut expertus sum: & calor ferri candentis (si recte consector) quasi triplo vel quadruplo major quam calor aquæ ebullientis; adeoque calor quem terra arida apud Cometam in perihelio versantem ex radiis Solaribus concipere posset; quasi 2000 vicibus major quam calor ferri candentis. Tanto autem calore vapores & exhalationes, omnisque materia volatilis statim consumi ac dissipari debuissent.

Cometa igitur in perihelio suo calorem imensum ad Solem concepit, & calorem illum diutissime conservare potest. Nam globus ferri candentis digitum unum latus calorem suum omnem spatio horæ unius in aere consistens vix amitteret. Globus autem major calorem diutius conservaret in ratione diametri, propterea quod superficies (ad corpus mensuram per contactum aeris amittens refrigeratur) in illa ratione minor est pro quantitate materie sive caloris incluse. Ideoque globus ferri candentis sicut Terra æqualis, id est pedes plus minus 40000000 latus dies octo totidē, & idcirco annis 50.000,

vix refrigeraret. Suspicio tamen quod duratio Caloris in comæ hęc non sit in minore ratione quam ea diametri: & oportet rationem veram per experimenta investigari.

Notandum est quod Cometa Mense Decembri, ubi in Solem magis inclinebat, caudam emittebat longe maiorem & splendidiorem quam antea Mense Novembri ubi in Solem minus inclinatus refrigerat. Et universali consensu omnes maxime & rursusillimæ de Cometis opinantur, sicut aut maximum eorum per regionem Solis. Caudam hęc calidissimam Cometæ ad magnitudinem

dinem caudæ. Et inde colligere videor quod cauda nihil aliud sit quam vapor longe tenuissimus, quem caput seu Nucleus Cometæ per calorem suum emittit.

Cæterum de Cometarum caudis triplex est opinio, eas vel jubar esse Solis per translucida Cometarum capita propagatum; vel oriri ex refractione lucis in progressu ipsius à capite Cometæ in Terram: vel denique nubem esse seu vaporem à capite Cometæ jugiter surgentem & abeuntem in partes a Sole averfas. Opinio prima eorum est qui nondum imbuti sunt scientia rerum opticarum. Nam jubar Solis in cubiculo tenebroso non cernitur nisi quatenus lux reflectitur è pulverum & fumorum particulis per aerem semper volitantibus: adeoque in aere fumis crassioribus infecto splendidius est, & sensum fortius ferit; in aere clariore tenuius est & ægrius sentitur: in cœlis autem absque materia reflectente nullum esse potest. Lux non cernitur quatenus in jubare est, sed quatenus inde reflectitur ad oculos nostros.

Nam visio non fit nisi per radios qui in oculos impingunt. Requiritur igitur materia aliqua reflectens in regione Caudæ, ne cœlum totum luce Solis illustratum uniformiter splendeat. Opinio secunda multis premittitur difficultatibus. Caudæ nunquam variegantur coloribus: qui tamen refractionum solent esse comites inseparabiles. Lux Fixarum & Planetarum distincte ad nos transmissa demonstrat medium cœleste nulla vi refractiva pollere. Nam quod dicitur fixas ab Ægyptiis comatas nonnunquam visas fuisse, id quoniam rarissime contingit, ascribendum est nubium refractioni fortuitæ. Fixarum quoque radiatio & scintillatio ad refractiones tum Oculorum tum aeris tremuli referendæ sunt: quippe quæ admotis oculo Telescopiis evanescent. Aeris & ascendentium vaporum tremore fit ut radii facile de angusto pupilli spatio per vices detorqueantur, de latiore autem vitri objectivi apertura neutiquam. Inde est quod scintillatio in priori casu generetur, in posteriore autem cesset: & cessatio in posteriore casu demonstrat regularem

gularem transmissionem lucis per cœlos absque omni refractione sensibili. Nequis contendat quod caudæ non solcant videri in Cometis cum eorum lux non est satis fortis, quia tunc radii secundarii non habent satis virium ad oculos movendos, & propterea caudas fixarum non cerni: sciendum est quod lux fixarum plus centum vicibus augeri potest mediantibus Telescopiis, nec tamen caudæ cernuntur. Planetarum quoque lux copiosior est, caudæ vero nullæ: Cometæ autem sæpe caudatissimi sunt, ubi capitum lux tenuis est & valde obtusa; sic enim Cometa Anni 1680, Mense Decembri, quo tempore caput luce sua vix æquabat stellas secundæ magnitudinis, caudam emittebat splendore notabili usque ad gradus 40, 50, 60 longitudinis & ultra: postea Jan. 27 & 28 caput apparebat ut stella septimæ tantum magnitudinis, cauda vero luce quidem pertenui sed satis sensibili longa erat 6 vel 7 gradus, & luce obscurissima, quæ cerni vix posset, porrigebatur ad gradum usque duodecimum vel paulo ultra; ut supra dictum est. Sed 8. Feb. 9 & 10 ubi caput nudis oculis videri desierat, caudam gradus duos longam per Telescopium contemplatus sum. Porro si cauda oriretur ex refractione materiæ cœlestis, & pro figura cœlorum deflecteretur de Solis oppositione, deberet deflexio illa in iisdem cœli regionibus in eandem semper partem fieri, Atqui Cometa Anni 1680 Decemb. 28. hora 8½ P. M. Londini, versabatur in \times 8 gr. 41 cum latitudine boreali 28 gr. 6', Sole existente in ν 18 gr. 26'. Et Cometa Anni 1577 Dec. 29. versabatur in \times 8 gr. 41'. cum latitudine boreali 28 gr. 40'. Sole etiam existente in ν 18 gr. 26' circiter. Utroque in casu Terra versabatur in eodem loco & Cometa apparebat in eadem cœli parte: in priori tamen casu cauda Cometæ (ex meis & aliorum observationibus) declinabat angulo graduum 4½ ab oppositione Solis Aquilonem versus; in posteriore vero (ex Observationibus Tychonis) declinatio erat graduum 21 in austrum. Igitur repudiata cœlorum

cœlorum refractione, superest ut Phænomena Caudarum ex materia aliqua reflectente deriventur.

Caudas autem à capitibus oriri & in regiones à Sole averſas aſcendere confirmatur ex legibus quas obſervant. Ut quod in planis orbium Cometarum per Solem tranſeuntibus jacentes, deviant ab oppoſitione Solis in eas ſemper partes quas capita in orbibus illis progredientia relinquunt. Quod ſpectatori in his planis conſtituto apparent in partibus à Sole directe averſis; digrediente autem ſpectatore de his planis, deviatio paulatim ſentitur, & indies apparet major. Quod deviatio cæteris paribus minor eſt ubi cauda obliquior eſt ad orbem Cometæ, ut & ubi caput Cometæ ad Solem propius accedit; præſertim ſi ſpectetur deviationis angulus juxta caput Cometæ. Præterea quod caudæ non deviantes apparent rectæ, deviantes autem incurvantur. Quod curvatura major eſt ubi major eſt deviatio, & magis ſenſibilis ubi cauda cæteris paribus longior eſt: nam in brevioribus curvatura ægre animadvertitur. Quod deviationis angulus minor eſt juxta caput Cometæ, major juxta caudæ extremitatem alteram, atque adeo quod cauda convexo ſui latere partes reſpicit à quibus fit deviatio, quæque in recta ſunt linea à Sole per caput Cometæ in infinitum ducta. Et quod caudæ quæ prolixiores ſunt & latiores, & luce vegetiore micant, ſunt ad latera convexa paulo ſplendidiores & limite minus in diſtincto terminatæ quam ad concava. Pendent igitur Phænomena caudæ à motu capitis, non autem à regione cœli in qua caput conſpicitur; & propterea non ſiunt per refractionem cœlorum, ſed à capite ſuppeditantem materiam oriuntur. Etenim ut in aere noſtro fumus corporis cujuſvis igniti petit ſuperiora, idque vel perpendiculariter ſi corpus quieſcat, vel obliquè ſi corpus moveatur in latus; ita in cœlis ubi corpora gravitant in Solem, fumi & vapores aſcendere debent à Sole (uti jam dictum eſt) & ſuperiora vel rectà petere, ſi corpus fumans quieſcit; vel obliquè, ſi corpus progredi-

endo

endo loca semper deferit à quibus superiores vaporis partes ascenderant. Et obliquitas ista minor erit ubi ascensus vaporis velocior est: nimirum in vicinia Solis & juxta corpus fumans. Ex obliquitatis autem diversitate incurvabitur vaporis columna: & quia vapor in columnæ latere præcedente paulo recentior est, ideo etiam is ibidem aliquanto densior erit, lucemque propterea copiosius reflectet, & limite minus indistincto terminabitur. De caudarum agitationibus subitaneis & incertis, deque earum figuris irregularibus, quas nonnulli quandoque describunt, hic nihil adjicio; propterea quod vel à mutationibus aeris nostri, & motibus nubium caudas aliqua ex parte obscurantium oriantur; vel forte à partibus Viæ Lactæ, quæ cum caudis prætereuntibus confundi possint, ac tanquam earum partes spectari.

Vapores autem, qui spatiis tam immensis implendis sufficiant, ex Cometarum Atmosphæris oriri posse, intelligitur ex raritate aeris Nostri. Nam aer juxta superficiem Terræ spatium occupat quasi 850 vicibus majus quam aqua ejusdem ponderis, ideoque aeris columna Cylindrica pedes 850 alta ejusdem est ponderis cum aquæ columna pedali latitudinis ejusdem. Columna autem aeris ad summitatem Atmosphære assurgens æquat pondere suo columnam aquæ pedes 33 altam circiter; & propterea si columnæ totius aeræ pars inferior pedum 850 altitudinis dematur, pars reliqua superior æquabit pondere suo columnam aquæ altam pedes 32. Inde vero (ex Hypothesi multis experimentis confirmata, quod compressio aeris sit ut pondus Atmosphære incumbens, quodque gravitas sit reciproce ut quadratum distantie locorum à centro Terræ) computationem per Coroll. Prop. XXII. Lib. II. ineundo, inveniri quod aer, si ascendatur à superficie Terræ ad altitudinem semidiametri unius terrestris, rarior sit quam apud nos in ratione longe majori, quam spatii omnis infra orbem Saturni ad globum diametro digiti unius detriplexum. Ideoque globus aeris nostri digitum unum
latus

latus, ea cum raritate quàm haberet in altitudine semidiametri unius terrestris, impleret omnes Planetarum regiones ad usque sphæram Saturni & longe ultra. Proinde cum aer adhuc altior in immensum rarefcat; & coma seu Atmosphæra Cometæ, ascendendo ab illius centro, quasi decuplo altior sit quam superficies nuclei, deinde cauda adhuc altius ascendat, debebit cauda esse quam rarissima. Et quamvis, ob longe crassiorem Cometarum Atmosphæram, magnamque corporum gravitationem Solem versus, & gravitationem particularum Aeris & vaporum in se mutuo, fieri possit ut aer in spatiis cœlestibus inque Cometarum caudis non adeo rarefcat; perexiguam tamen quantitatem aeris & vaporum ad omnia illa caudarum phænomena abunde sufficere ex hac computatione perspicuum est. Nam & caudarum insignis raritas colligitur ex astris per eas transluentibus. Atmosphæra terrestris luce Solis splendens, crassitudine sua paucorum milliarium, & astra omnia & ipsam Lunam obscurat & extinguit penitus: per immensam vero caudarum crassitudinem, luce pariter Solari illustratam, astra minima absque claritatis detrimento transluere noscuntur. Neque major esse solet caudarum plurimarum splendor, quam aeris nostri in tenebroso cubiculo latitudine digiti unius duorumve, lucem Solis in jubare reflectentis.

Quo tempore vapor à capite ad terminum caudæ ascendit, cognosci fere potest ducendo rectam à termino caudæ ad Solem, & notando locum ubi recta illa Trajectoriam secat. Nam vapor in termino caudæ, si rectà ascendat à Sole, ascendere cœpit à capite quo tempore caput erat in loco intersectionis. At vapor non rectà ascendit à Sole, sed motum Cometæ, quem ante ascensum suum habebat, retinendo, & cum motu ascensus sui eundem componendo, ascendit oblique. Unde verior erit Problematis solutio, ut recta illa quæ orbem secat, parallela sit longitudini caudæ, vel potius (ob motum curvilineum Cometæ) ut eadem à linea caudæ di-

ELECTIONES

Quod si factum inveni quod vapor qui erat in
 ... 25. ascendere caperat à capite ante
 ... ascensu suo toto dies plus 45
 ... At cauda illa omnis quæ Dec. 10. ap-
 ... ascenderat ipatio dierum illorum duorum, qui à
 ... perihelii Cometæ elapsi fuerant. Vapor igitur
 ... in vicinia Solis celerrime ascende-
 ... motu per gravitatem suam semper retardato
 ... pergebat; & ascendendo augebat longitudinem
 ... cauda autem quamdiu apparuit ex vapore fere
 ... contabat qui à tempore perihelii ascenderat; &
 ... vapor, qui primus ascendit, & terminum caudæ com-
 ... non prius evanuit quam ob nimiam suam tam à
 ... Sole illustrante quam ab oculis nostris distantiam videri
 ... desinit. Unde etiam caudæ Cometarum aliorum quæ
 ... breves sunt, non ascendunt motu celeri & perpetuo à
 ... capitibus & mox evanescunt, sed sunt permanentes va-
 ... porem & exhalationum columnæ, à capitibus lentissi-
 ... multorum dierum motu propagatæ, quæ partici-
 ... motum illum capitum quem habuere sub initio,
 ... per coelos una cum capitibus moveri pergunt. Et hinc
 ... colligitur spacia cœlestia vi resistendi destitui;
 ... utpote in quibus non solum solida Planetarum & Co-
 ... metarum corpora, sed etiam rarissimi caudarum vapo-
 ... res motus suis velocissimos liberrime peragunt ac
 ... diutissime conservant.

Ascensum caudarum ex Atmosphæris capitum &
 progressum in partes à Sole averfas Keplerus ascribit
 actioni radiorum lucis materiam caudæ secum rapien-
 tiam. Et aerem longe tenuissimam in spatiis liberri-
 mus actioni radiorum cedere, non est à ratione prorsus
 alienum, non obstante quod substantiæ crassæ, impedi-
 tissimas in regionibus nostris, à radiis Solis sensibilibiter
 impelli nequeant. Alius particulas tam leves quam
 ... dant solum existimat, & materiam caudarum le-
 ... que levitatem suam à Sole ascendere. Cum
 ... gravitas corporum terrestrium sit ut materia in
 cor-

corporibus, adeoque servata quantitate materiæ intendi & remitti nequeat, suspicor ascensum illum ex rarefactione materiæ caudarum potius oriri. Ascendit fumus in camino impulsu aeris cui innatat. Aer ille per calorem rarefactus ascendit, ob diminutam suam gravitatem specificam, & fumum implicatum rapit secum. Quidni cauda Cometæ ad eundem modum ascenderit à Sole? Nam radii Solares non agitant Media quæ permeant, nisi in reflexione & refractione. Particulæ reflectentes ea actione calefactæ calefacient auram ætheream cui implicantur. Illa calore sibi communicato rarefiet, & ob diminutam ea raritatem gravitatem suam specificam qua prius tendebat in Solem, ascendet & secum rapiet particulas reflectentes ex quibus cauda componitur: Ad ascensum vaporum conducit etiam quod hi gyranter circa Solem & ea actione conantur à Sole recedere, at Solis Atmosphæra & materia cælorum vel plane quiescit, vel motu solo quem à Solis rotatione acceperint, tardius gyatur. Hæ sunt causæ ascensus caudarum in vicinia Solis, ubi orbis curviores sunt, & Cometæ intra densiorem & ea ratione graviorem Solis Atmosphæram consistunt, & caudas quam longissimas mox emittunt. Nam caudæ quæ tunc nascuntur, conservando motum suum & interea versus Solem gravitando, movebuntur circa Solem in Ellipsis pro more capitum, & per motum illum capita semper comitabuntur & iis liberrime adhærebunt. Gravitatis enim vaporum in Solem non magis efficiet ut caudæ postea decidant à capitibus Solem versus, quam gravitas capitum efficere possit ut hæc decidant à caudis. Communi gravitate vel simul in Solem cadunt, vel simul in ascensu suo retardabuntur, adeoque gravitas illa non impedit, quo minus caudæ & capita positionem quamcunque ad invicem à causis jam descriptis aut aliis quibuscunque facillime accipiant & postea liberrime servant.

Caudæ igitur quæ in Cometarum periheliis nascuntur, in regiones longinquas cum eorum capitibus abibunt,

bunt, & vel inde post longam annorum seriem cum illis-
dem ad nos redibunt, vel potius ibi rarefacti paulatim
evanescent. Nam postea in descensu capitum ad Solem
caudæ novæ breviusculæ lento motu à capitibus propa-
gari debebunt, & subinde, in Periheliis Cometarum
illorum qui adusque Atmosphæram Solis descendunt,
in immensum augeri. Vapor enim in spatiis illis liber-
rimis perpetuo rarefcit ac dilatatur. Qua ratione fit
ut cauda omnis ad extremitatem superiorem latior sit
quam juxta caput Cometæ. Ea autem rarefactione va-
porem perpetuo dilatatum diffundi tandem & spargi per
coelos universos, deinde paulatim in Planetas per gravi-
tatem suam attrahi & cum eorum Atmosphæris misceri
rationi consentaneum videtur. Nam quemadmodum
Mars ad constitutionem Terræ hujus omnino requi-
runtur, idque ut ex iis per calorem Solis vapores co-
piose satis excitentur, qui vel in nubes coacti decidunt
in pluvias, & terram omnem ad procreationem vegeta-
bilium irrigent & nutrant; vel in frigidis montium ver-
tices condensati (ut aliqui cum ratione philosophan-
tur) decurrant in fontes & flumina: sic ad conservati-
onem marium & humorum in Planetis Cometæ requiri
videtur; ex quorum exhalationibus & vaporibus con-
densatis, quicquid liquoris per vegetationem & putre-
factionem consumitur & in terram aridam convertitur,
concisuo suppleri & refici possit. Nam vegetabilia
omnia ex liquoribus omnino crescunt, dein magna ex
parte in terram aridam per putrefactionem abeunt, &
limus ex liquoribus putrefactis perpetuo decedit. Hinc
toties Terræ aride indies augetur, & liquores, nisi ali-
unde augmentum fumerent, perpetuo decrescere debe-
rent, ac tandem deficere. Porro suspicor spiritum il-
lum qui aeris nostri pars minima est sed subtilissima &
optima, & ad rerum omnium vitam requiritur, ex Co-
metis præcipue venire.

Atmosphæra Cometarum in descensu eorum in So-
lem excurrente in caudas diminuuntur, & (ea certe in
parte

parte quæ Solem respicit) angustiores redduntur: & vicissim in recessu eorum à Sole, ubi jam minus excurrunt in caudas, ampliuntur; si modo Phænomena eorum Hevelius recte notavit. Minimæ autem apparent ubi capita jam modo ad Solem calefacta in caudas maximas & fulgentissimas abiere, & nuclei fumo forsan crassiore & nigriore in Atmosphærarum partibus infimis circumdantur. Nam fumus omnis ingenti calore excitatus crassior & nigrior esse solet. Sic caput Cometæ de quo egimus, in æqualibus à Sole ac Terra distantis, obscurius apparuit post perihelium suum quam antea. Mense enim *Decem.* cum stellis tertiæ magnitudinis conferri solebat, at Mense *Novem.* cum stellis primæ & secundæ. Et qui utrumque viderant, majorem describunt Cometam priorem. Nam Juveni cuidam *Cantabrigiensi Novem.* 19. Cometa hicce luce sua quantumvis plumbea & obtusa æquabat Spicam Virginis, & clarius mirabatur quam postea. Et *D. Storer* literis quæ in manus nostras incidere, scripsit caput ejus Mense *Decembri*, ubi caudam maximam & fulgentissimam emittebat; parvum esse & magnitudine visibili longe cedere Cometæ qui Mense *Novembri* ante Solis ortum apparuerat. Cujus rei rationem esse conjectabatur quod materia capitis sub initio copiosior esset & paulatim consumeretur.

Eodem spectare videtur quod capita Cometarum aliorum, qui caudas maximas & fulgentissimas emisserunt, describantur subobscura & exigua. Nam Anno 1668 Mart. 5. St. nov. hora septima Vesp. *R. P. Valentinus Estancius, Brasilia* agens, Cometam videt Horizonti proximum ad occasum Solis brumalem, capite minimo & vix conspicuo, cauda vero supra modum fulgente, ut stantes in littore speciem ejus è mari reflexam facile cernerent. Speciem utique habebat trabis splendentis longitudine 23 graduum, ab occidente in austrum vergens, & Horizonti fere parallela. Tantus autem splendor tres solum dies durabat, subinde notabiliter decrescens; & interea decrescente splendore aucta est magnitudine cauda.

Unde etiam in Portugallia quartam fere cœli partem (id est gradus 45) occupasse dicitur, ab occidente in orientem splendore cum insigni protensa; nec tamen tota apparuit, capite semper in his regionibus infra Horizontem delitescente. Ex incremento caudæ & decremento splendoris manifestum est quod caput à Sole recessit, ei- que proximum fuit sub initio, pro more Cometæ anni 1680. Et similis legitur Cometa anni 1101 vel 1106. *cujus Stella erat parva & obscura (ut ille anni 1680) sed splendor qui ex ea exiit valde clarus & quasi ingens trabs ad orientem & Aquilonem tendebat*, ut habet *Helvetius ex Simeone Dunelmensi Monacho*. Apparuit initio Mensis Feb. circa vesperam ad occasum Solis brumalem. Inde vero & ex situ caudæ colligitur caput fuisse Soli vicinum. *A Sole*, inquit *Matthæus Parisiensis, distabat quasi cubito nunc, ab hora tertia [rectius sexta] usque ad horam nonam radium ex se longum emittens*. Talis etiam erat ardentissimus ille Cometa ab *Aristotele* descriptus Lib. I. Meteor. 6. *cujus caput primo die non conjectum est, eo quod ante Solem vel saltem sub radiis solaribus occidisset, sequente vero die quantum potuit visum est. Nam quam minima fieri potest distantia Solem reliquit, & mox occubuit. Ob nimium ardorem [caudæ scilicet] nondum apparebat capitis sparsus ignis, sed procedente tempore (ait Aristoteles) cum [cauda] jam minus flagraret, rediit est [capiti] Cometa sua facies. Et splendorem suum ad tertiam usque cœli partem [id est ad 60 gr.] extendit. Apparuit autem tempore hyberno, & ascendens usque ad cingulum Orionis ibi evanuit*. Cometa ille anni 1618, qui è radiis Solaribus caudatissimus emerfit, stellas primæ magnitudinis æquare vel paulo superare videbatur, sed majores apparere Cometæ non pauci qui caudas breviores habuere. Horum aliqui Jovem, alii Venerem, vel etiam Lunam æquasse traduntur.

Diximus Cometas esse genus Planetarum in Orbibus valde excentricis circa Solem revolvantium. Et quemadmodum è Planetis non caudatis, minores esse solent qui

qui in orbibus minoribus & Soli propioribus gyrantur, sic etiam Cometas, qui in Periheliis suis ad Solem propius accedunt, ut plurimum minores esse, & in orbibus minoribus revolvī rationi consentaneum videtur. Orbium vero transversas diametros & revolutionum tempora periodica ex collatione Cometarum in iisdem orbibus post longa temporum intervalla redeuntium determinanda relinquimus.

XXXIX.

EXPOSITA jamjam Philosophia Newtoniana, *Hab-
leianam Cometographiam*, Newtonianæ succenturiatam, & inædificatam, exponere conabimur. Et cum Opus hocce Cl. Halleii sit per se nobilissimum, at succinctius paulo atque obscurius traditum, utpote grandioris tantum operis prodromum; neque alibi in Tyronum usum facilius explicatum etiamnum extet, Integrum illud hoc in loco, verum perpetuo Commentario auctum atque illustratum exponere, & iterato in publicum dare volui. Præfatio quidem Historica eidem præfixa commentario non indiget; eandem tamen, nequid præclari hujusce operis hic loci desideretur, exscribere non gravabor. Sic vero se habet.

Astronomiæ Cometice Synopsis.

“ Veteres Ægyptii & Chaldæi, siqua Fides Dio-
“ doro Siculo, longa observationum se-
“ rie instructi, Cometarum *παλαιὰς* [sive
“ exortus] prænunciare valuerunt. Cum
“ autem iisdem artibus etiam Terræ Mo-
“ tus ac Tempestates prævidisse dicantur,
“ extra dubium est Astrologiæ potius calculo fa-
“ tidico, quam Astronomicis motuum Theoriis, eo-

*Astr. Philosoph.
Num. 297. pag.
1882, &c. An.
Domini. 1705.
Mense Martio.*

“ rum de his rebus scientiam referendam esse. Ac vix
 “ alia à Græcis, utriusque populi victoribus, reperta
 “ est apud eos doctrina; adeo ut eam, quam nunc eo
 “ usque proveximus, Astronomiam, Græcis ipsis, præ-
 “ sertim magno Hipparcho, uti inventoribus, accep-
 “ tam debeamus. Apud hos vero Aristotelis senten-
 “ tia, qui Cometas nihil aliud esse voluit quam vapo-
 “ res sublunares, vel etiam Meteora aerea, tantum ef-
 “ fecit, ut hæc Astronomicæ scientiæ pars longe sub-
 “ tilissima omnino neglecta manserit; cum nemini o-
 “ peræ pretium visum fuerit vagas & incertas fluitan-
 “ tium in æthere vaporum semitas adnotare, scriptisque
 “ mandare; unde factum ut ab illis nihil certi de motu
 “ Cometarum ad nos transmissum reperiatur.

“ Seneca autem Philosophus, perpensis duorum in-
 “ signium sui temporis Cometarum Phænomenis, non
 “ dubitavit iis loca inter corpora coelestia assignare, Sy-
 “ dera esse cum mundo duratura existimans, quanquam
 “ motus eorum legibus nondum compertis regi fateatur.
 “ Tandemque Vaticinio non irritò promittit aliquando
 “ futura secula, quibus hæc tam occulta *dies extraheret*
 “ *ac longioris ævi diligentia*: quibusque admirationi foret
 “ hæc *Veteres* nescire potuisse; postquam *Demon-*
 “ *straverit aliquis Naturæ* Interpretes *in quibus Cæli parti-*
 “ *bus Cometa errent, quanti, qualesque sint.* Ab hac
 “ autem Senecæ sententia in diversas partes abiit pene
 “ omnis Astronomorum Cohors; ac ipse Seneca, neque
 “ phænomena motus, quibus opinionem hanc tueretur,
 “ neque tempora adscribere dignatus est quæ posteris
 “ ad hæc definienda usui forent. Ac evolutis pluri-
 “ mis Cometarum historiis nihil omnino invenio quod
 “ huic negotio inservire possit ante annum à Christo
 “ nato 1337 quo Nicephorus Gregoras Historicus &
 “ Astronomus Constantinopolitanus nobis Cometæ se-
 “ mitam inter fixas satis accurate descripsit: tempora
 “ autem nimis laxè consignavit: ita ut non nisi
 “ quod abhinc quadringentis pene annis apparuerit lu-
 “ bri-

“ bricus & incertus hic Cometa Catalogo, quem damus,
 “ inferi mereatur. Dein Cometa Anni 1472 om-
 “ nium velocissimus ac terris proximus Regiomonta-
 “ num habuit Observatorem. Hic magnitudine ac
 “ Coma terribilis, unius diei spatio 40 gradus sub cir-
 “ culo cœli maximo emensus est, ac omnium primus
 “ est de quo observata idonea ad nos pervenere. Quot-
 “ quot autem Cometas considerarunt, usque ad tem-
 “ pora Tychonis Brahe, magni illius Astronomiæ re-
 “ stauratoris, eos sublunares esse autumarunt, adeoque
 “ parvi penderunt, utpote pro Vaporibus habitos. Anno
 “ autem 1577. (Tychone jam studio astrorum serio
 “ incumbente, comparatisque Machinis ingentibus pro
 “ dimetiendis cœli arcubus majori cum cura & certitu-
 “ dine quam Veteribus sperare fas erat) Emerfit Co-
 “ meta satis conspicuus; cui observando strenue sese ac-
 “ cinxit Tycho; multisque & fidis experimentis de-
 “ prehendit nulli, quæ sentiretur, Parallaxi diurnæ
 “ obnoxium fuisse; adeoque non tantum non fuisse
 “ Vaporem aereum, sed & etiam multo superiorem
 “ extisse Luna: imo nihil obstabat quin inter ipsos
 “ Planetas collocaretur; frustra interim contra obstre-
 “ pentibus Scholasticorum nonnullis.

“ Tychonis vero eximiam in observando industri-
 “ am excepit Kepleri sagacissimum & pene divinum
 “ ingenium. Hic Tychonis laboribus fretus, & Sy-
 “ stemata Mundi verum & Physicum adinvenit, ac sci-
 “ entiam Astronomicam in immensum auxit. Mon-
 “ strato scilicet Planetas omnes in planis per Solis Cen-
 “ trum transeuntibus revolvi, Curvasque Ellipticas de-
 “ scribere; ea lege, ut Areæ Sectorum Ellipticorum
 “ ad Centrum Solis in Ellipseos foco constituti tem-
 “ poribus, quibus describantur arcus, semper propor-
 “ tionales sint. Invenit etiam Distantias Planetarum à
 “ Sole esse in sesquialtera ratione temporum periodico-
 “ rum; sive Cubos Distantiarum esse ut Quadrata Tem-
 “ porum. Tanto autem artificio affulsere duo Cometæ;

“ quorum alter maxime illustris. Ex horum observa-
 “ tis concludit Keplerus, non uno parallaxis annuæ in-
 “ dicio Cometas inter Orbes Planetarum liberrime qua-
 “ quaversum ferri: motu quidem non multum à recti-
 “ lineo diverso; sed quem nondum definire licuit. Ac
 “ Hevelius, Tychonis æmulus, Kepleri vestigiis infi-
 “ stens eandem Hypothesim Motus rectilinei amplexus
 “ est; ipse plurium Cometarum Observator perquam
 “ subtilis. Cœlo tamen Calculum suum non penitus
 “ consentire questus est; Viamque Cometicam versus
 “ Solem incurvari ei suboluit. Tandem de summo
 “ cœlo lapsus est prodigiosus ille Cometa Anni 1680.
 “ quasi Casu perpendiculari Solem petens, & exinde
 “ pari velocitate assurgens: Hic per quatuor Menses
 “ continuos visus, insigni ac peculiari curvitate Or-
 “ bitæ ad investigationem Motus Theoriæ præ cæteris
 “ idoneus erat: instructis autem jampridem Regiis
 “ Observatoriis, Parisiensi & Grenovicensi, ac Astro-
 “ nomorum Clarissimorum curæ commissis, accidit ut
 “ hujus Cometæ Motus apparens, quantum forsan Mor-
 “ talibus fas est, accuratissime à Cassino & Flamstedio
 “ observaretur.

“ Non multo post, dum Geometrarum Princeps il-
 “ lustrissimus Newtonus operam dabat *Principiis Philo-*
 “ *sophia Mathematicis*; Non solum inventa Kepleri in
 “ Systemate Planetario locum habere demonstravit, ve-
 “ rum etiam Cometarum Phænomena omnia ex iisdem
 “ Principiis evidenter consequi. Id quod exemplo
 “ prædicti Cometæ Anni 1680 abunde illustravit;
 “ modumque docuit Geometrice construendi Orbitas
 “ Cometarum, Problemaque arduum, ac tanto Oedipo
 “ dignum summa cum omnium admiratione resolvit,
 “ Cometam autem hunc in orbe parabolico Solem cir-
 “ cumiisse probat; ita ut areæ ad centrum Solis æsti-
 “ matæ temporibus proportionales fuerint.

“ Tanti Viri vestigia insecutus eandem methodum
 “ calculo arithmetico accommodare aggressus sum,
 “ inquit

“ inquit Cl. Halleius, nec irrito conamine. Undique
 “ enim conquisitis Cometarum Observationibus, Ta-
 “ bellam immensi pene calculi fructum obtinui; exi-
 “ guum quidem, sed non ingratum Astronomis munus.
 “ Hi etenim numeri vim habent omnia quæ de motu
 “ Cometarum hæcenus observata sunt accuratissime re-
 “ præsentandi, ope solum Tabulæ Generalis insequentis:
 “ cui adornandæ nullis sane peperci laboribus, ut per-
 “ secta prodiret; utpote posteritati consecrata, ac cum
 “ scientia Astronomica duratura.

Hæcenus Cl. Halleius sine Interprete. Jam vero re-
 liquam Cometographiæ partem in membra disceptam
 ut Commentario illustremus res ipsa postulat.

Tabula generalis Constructio & Usus.

“ Ut Planetæ in Orbibus Ellipticis, ita Cometæ
 “ in Parabolicis, Solem in Foco communi situm am-
 “ biunt; ea lege, ut Areæ æquales æqualibus tempori-
 “ bus describantur. Quoniam vero Parabolæ omnes in-
 “ ter se similes sunt, si determinata aliqua pars Areæ
 “ datæ Parabolæ dividatur in partes quotlibet; in om-
 “ nibus Parabolis fiet similis divisio, sub iisdem angu-
 “ lis: atque distantia erunt proportionales. Ideoque
 “ una nostra Tabula pro Cometis omnibus sufficiet.
 “ Hæcenus Halleius.

Notandum autem Autorem Clarissimum non hic loci
 asserere trajectoryas Cometarum esse revera Parabolicas;
 sed id solum velle, eas esse ellipticas potius, uti post-
 modum liquebit; sed adeo eccentricas, ut pars illa or-
 bitarum ellipticarum quæ mundum Planetarium spe-
 ctat, & quæ circa Solem & Tellurem versatur, sive
 quam nos Terricolæ videre possumus, tantillum à lineæ
 parabolicæ parte curvata & congeneri discrepare, ut vice
 ellipsæus Parabola tuto & sine sensibili errore assumi pos-
 sit. Prius enim monitum ellipses omnium specierum
 esse posse, & concentricas in Circulos, infinite eccentricas

netæ, five distantiam ab Axe Ellipseos angularem, quam ejusdem *anomaliam veram* dicimus una cum *distantia à Sole* absoluta, imprimis quærimus; ita & in Cometis, similem angulum & distantiam ut primo investigemus est necesse. Notandum autem ex natura Parabolæ omnium Lineam SO esse Lateris recti dimidiam. SP ejusdem Lateris recti partem quartam, five ipsius SO dimidiam: atque ducta ad punctum quodvis ut C tangente CT , erectaque ad eandem lineam perpendiculari CR , axem secante, & dimissa ab eodem puncto C ad axem perpendiculari CR , axem secante CQ ; esse SC , SR , & ST inter se æquales: esse quoque lineas PQ , PT , inter se æquales; & lineam QR esse ipsi SO , five Lateris recti semissi æqualem. Quæ omnia ex Conicis sunt notissima. Pergat Author.

“ Jam data quavis Area $COPS$ oportet angulum CPS ,
 “ & distantiam CS , inquirere. Quoniam ob naturam
 “ Parabolæ recta RQ ubique æqualis est semilateri
 “ recto. Ponatur latus rectum $= 2$; adeoque $RQ =$
 “ 1 : ac sit recta $CQ = z$. erit itaque $PQ = \frac{1}{2} z z$;
 “ ac Segmentum Parabolicum $COP = \frac{1}{6} z z z$; Tri-
 “ angulum autem CSP erit $\frac{1}{4} z$. adeoque area mixti-
 “ linea $COPS$ erit $= \frac{1}{6} z^3 + \frac{1}{4} z = a$. ac $z^3 +$
 “ $3z = 12a$. Quare resoluta hac æquatione Cubica,
 “ z , five ordinatim applicata CQ innotescet. Hæc
 “ Halleius.

Observandum autem probe viam hic analyticam sterni inveniendæ anomalæ coæquatæ in parabola, ex data semper anomalia media, hoc est, area descripta, tempori descriptionis ubique proportionali. Neque sine analysi ex data area five anomalia media, angulus CST five anomalia coæquata directe inveniri potest. Quod vero ex hypothefi quod linea primo quærenda CQ (ex ea enim inventa angulus CST facile reperietur, uti mox patebit.) dicatur z , linea PQ æquabitur $\frac{1}{2} z z$ demonstratu est perfacile: nam ut $RQ = 1$, ad $CQ = z$, ita eadem $CQ = z$, ad QT , five $z z$, cujus pars dimi-

dimidia proinde OP æquabitur $\frac{1}{2} z z$. Quod vero segmentum Parabolicum COP ex eadem hypothesi recte exprimetur per $\frac{1}{12} z z z$ ex Conicis etiam facillime consequitur. Est enim area $COPSQ$, ad triangulum CPQ , sive CPT eidem æquale. ut 4 ad 3: atque adeo area parabolica COP ad CPQ ut 1 ad 3. & cum triangulum CPQ ex perpendiculari CQ sive z in dimidiam basin $\frac{1}{2} z z$ ducta, fit $\frac{1}{4} z z z$, erit ejus pars tertia necessario $\frac{1}{12} z z z$, æqualis areæ parabolicæ COP . Est quoque triangulum CSP , ex perpendiculari z in dimidiam basin $\frac{1}{2} z$, æquale $\frac{1}{4} z$: atque adeo summa arearum COP , & CPS , sive integra area $COPS$ temporis proportionalis erit æqualis summæ harum quantitatum, quæ dicitur a : sive orietur æquatio hæc $\frac{1}{12} z^3 * + \frac{1}{4} z * = a$: & multiplicando utrinque per 12. $z^3 + 3z = 12a$. Quæ est æquatio cubica, cujus termini secundus & quartus defunt. Inventa itaque hujus æquationis radice, sive ipsius z valore in numeris, per methodum, si placet, Halleianam alibi exhibitam, vel aliter, Lineæ CQ longitudo innotescet. *Q. E. I.*

Audiamus jam ipsum Authorem.

“ Proponatur jam area OPS in partes centenas dividenda. Hæc area duodecima pars est quadrati lateris recti: adeoque $12a$ æquantur quadrato illo $= 4$.
 “ Si itaque successive extrahantur radices æquationum $z^3 + 3z = 0,04 : 0,08 : 0,12 : 0,16 : \&c.$ habebuntur totidem z , sive ordinatim applicatæ CQ respective; ac divisa erit area SOP in partes centenas. Eodemque modo ultra locum O continuandus est calculus. Radix autem hujus æquationis cum RQ fit $= 1$. Tangens est tabularis anguli CRQ , sive dimidii anguli CSP ; adeoque angulus CSP datur. Ejus denique anguli CRQ secans RC media proportionalis est inter RQ , sive unitatem, & RT , quæ dupla est ipsius SC ; ut ex Conicis notissimum est. Quod si SP ponatur 1, adeoque latus rectum $= 4$, ut in Tabula nostra, ipsa RT erit
 “ distan-

“ distantia quæſita, duplum ſcilicet ipſius SC in pri-
 “ ore parabola. Ad hunc modum ſequentem Tabulam
 “ elaboravi, repræſentandis omnium Cometarum mo-
 “ tibus inſervientem: hætenus enim nullus ex Obser-
 “ vatis Parabolæ leges reſpuit. Hæc Author.

Quod vero area OPS ſit pars duodecima quadrati lateris recti hinc liquet; quod ex conicis area OPS ſit $\frac{2}{3}$ rectanguli OS in SP ; hoc eſt, rectanguli dimidii lateris recti, in ejuſdem partem quartam. Nam $\frac{2}{3}$ in $\frac{1}{2} = \frac{1}{3}$. Numeri autem quivis ut 4. 8. 12. 16. Si in ſecundo Decimalium loco ponantur, uti hic ſit, partes centenas rite expriment. Ideo autem angulo recto tanquam norma principali computationis contenti ſumus, quod periodo integra in parabolis caremus. Ob æquales vero SC , SR , angulus externus trianguli iſoſcelis CRS , duplo angulo CRS æquabitur. Datoque proinde per tabulas Tangentium angulo CRQ duplum ejus, ſive angulus CST , hoc eſt, *anomalía* Cometæ *cœquata* habetur. Pariter, dato jam angulo CST , ſi per auream regulam ſit, Ut $RQ = 1$, ad anguli iſtius ſecantem, ex iuſdem Tabulis deſumendam; ita iſta ſecans, ad tertiam proportionalem RT ; Hujus ſemiſſis RS æquatur ipſi SC , ſive diſtantiæ Cometæ à Sole, *Q. E. I.*

Novemb. 29°. 1708.

XL.

“ **R**ESTAT jam, inquit Halleius, præcepti calculi
 “ tradere, modumque ſupputandi locum Cometæ
 “ viſum ex his numeris exhibere. Cometæ autem in
 “ Parabola moventis Velocitas ubique, eſt ad Veloci-
 “ tatem Planetæ gyrantis in circulo circa Solem, ad ean-
 “ dem à Sole diſtantiã; ut $\sqrt{2}$, ad 1. ut conſtat ex
 “ Prin-

“ Principiis Phil. Nat. Math. Lib. I. Prop. 16. Coroll.
 “ 7. Si itaque Cometa in perihelio ad distantiam æqua-
 “ lem distantiae terræ à Sole supponatur, erit area diurna,
 “ quam describeret Cometa, ad aream quam descri-
 “ bit Terra, ut $\sqrt{2}$ ad 1 : ac proinde tempus annum,
 “ ad tempus quo Cometa talis describeret quadrantem
 “ Orbitæ suæ à Perihelio, ut 3.14159, &c. (hoc est,
 “ ut area circuli) ad $\sqrt{\frac{1}{2}}$. Hæc ille.

Quod velocitas in parabola sit ad velocitatem, pro
 eadem distantia, in circulo ut $\sqrt{2}$ ad 1.
Prop. XXII. vel ut 10 ad 7 fere, olim demonstravi-
mus. mus: sive potius ex natura curvaturæ

circularis & parabolicæ, & ratione subtenfarum anguli
 contactuum in hisce curvis, instar Corollarii, deduxi-
 mus. Tempus autem in circulo ecliptico annum, sive
 tempus revolutionis integræ per circuli aream integram,
 ex semiperipheriæ in radium ductu æstimandam, expo-
 situm; erit ad tempus descriptionis arcus quadrantalis in
 parabola, per parabolæ aream quadrantalem ex ductu $\frac{2}{3}$
 semilateris recti in ejusdem lateris sive radii quadrantem
 æstimandam, expositum; ut ipsæ areæ; sive ut altitu-
 dines rectangulorum ad communem basin: nisi quate-
 nus velocitas descriptionis in Parabola istam temporum
 rationem turbat, & minuit, in ratione 1 ad $\sqrt{2}$. ita-
 que vice $\frac{2}{3}$ adhibeatur $\sqrt{\frac{2}{3}}$: & duplicetur numerator
 propter numerum quadratum, scilicet binarium, uni-
 tatis duplum, hoc est, pro circulo adhibeatur ejus area
 3.14159. pro Parabola $\sqrt{\frac{1}{2}}$. atque ita facile intellige-
 tur ratiocinii Halleiani veritas. “ Pergat autem ille:
 “ Cometa igitur describeret quadrantem illum diebus
 “ 109. 14^h. 46', adeoque area illa parabolica, areæ
 “ POS analogæ, in centum particulas distributa, sin-
 “ gulis diebus competunt particulæ 0.912.280. cujus
 “ Logarithmus, nempe 9.960.128 in perpetuum usum
 “ servandus est. Tempora autem quibus Cometa in
 “ distantia majore vel minore quadrantes similes descri-
 “ beret, sunt ut revolutiones in circulis, hoc est, in
 “ sesqui-

“ ſefquiplicata ratione diſtantiarum; adeoque areæ di-
 “ urnæ, in partibus centefimis quadrantis æſtimatæ,
 “ (quas medii motus menſuras, inſtar graduum poni-
 “ mus) ſunt in ſingulis in ſubſefquialtera ratione diſtan-
 “ tiæ periheliæ à Sole.

Medius nempe motus diurnus 0.912.280 Logarith-
 mo *Negativo* — 0.039.872 ex antiquiore more expri-
 mendus, more hic loci novo *Positivo* 9.960.128. ad e-
 vitandas nempe characteriſticæ negativæ moras, expri-
 mitur: reſectio nimirum in additione denario, cum u-
 ſus venerit, ut formæ conſuetæ æquivalet. Recte au-
 tem hic notat Halleius in diverſis Parabolis quadrantem
 eodem quidem partium numero, nempe centenariio, ubi-
 que cenſeri; ita tamen ut partes iſtæ revera inæquales,
 & pro magnitudine Parabolæ majores, pro parvitate mi-
 nores ſint, & ea quidem ratione majores vel minores, non
 qua ipſæ à Sole diſtantiæ creſcunt, vel decreſcunt, ſed in
 ejusdem ſubſefquialtera: ita ut diſtantiarum Quadrata
 ſint inter ſe ut harum partium Cubi reciproce.

“ His neceſſario præmiſſis proponatur alicujus è Co-
 “ metis noſtris Locum viſum ad datum tempus ſuppu-
 “ tare. Primum itaque Solis locus ab æquinoctio in
 “ promptu ſit; ejusdemque diſtantiæ à Terra Loga-
 “ rithmus. 2°. Capiatur intervallum temporis inter
 “ tempus Perihelii & tempus datum, in diebus parti-
 “ busque diei decimalibus. Hujus numeri Logarithmo
 “ addatur Logarithmus conſtans 9.960.128. ac com-
 “ plementum Arithmeticum ſefquialterius Logarithmi
 “ diſtantiæ periheliæ à Sole. Summa, Logarithmus
 “ erit motus medii in prima columna tabulæ generalis
 “ quærendi. 3°. Cum motu medio capiatur in ta-
 “ bula correfpondens angulus à Perihelio; & Loga-
 “ rithmus pro diſtantià à Sole: ac in Cometis directis
 “ *adde*, in retrogradis *ſubduc*; ſi fuerit tempus poſt
 “ perihelium: vel in directis *ſubduc*, & in retrogradis
 “ *adde*; ſi fuerit ante Perihelium; angulum ſic inven-
 “ tum à loco, [ſubtrahe] vel ad locum Perihelii [adde]
 “ &

“ & habebitur Locus Cometæ in Orbita propria: & ad
 “ Logarithmum pro distantia ibidem inventum adda-
 “ tur Logarithmus distantiae periheliæ: Summa erit
 “ Logarithmus distantiae veræ Cometæ à Sole. 4°. Cum
 “ Loco Cometæ in Orbita, dato loco Nodi, Capiatur
 “ distantia Cometæ à Nodo; ac dato Inclinatione plani,
 “ dabuntur notissimis Trigonometriæ præceptis Locus
 “ Cometæ ad Eclipticam reductus, cum inclinatione
 “ sive Latitudine Heliocentrica; ac distantiae curtatæ
 “ Logarithmus. 5°. Ex his datis iisdem omnino re-
 “ gulis quibus loca Planetarum ex dato loco & distan-
 “ tia Solis, obtinebuntur Locus Visus, seu Geocentri-
 “ cus, cum Latitudine Visâ. Id quod exemplo uno
 “ vel altero operæ pretium erit illustrare. Hæc ille.
 Quod ad Locum Solis attinet, ejusque à Terra distan-
 tiam, utrumque calculo Astronomico reperire alibi do-
 cuimus. Distantiarum autem Logarithmos, incuria qua-
 dam illic omissos, ad calcem hic dabimus; ut huic nego-
 tio æque ac reliquis Astronomiæ usibus possit inservire.
 Ideo autem Logarithmus dierum additur dato unius
 diei Logarithmo, ut motus unius diei, per dierum nu-
 merum multiplicatus intelligatur; notum enim est ad-
 ditionem Logarithmorum, numerorum Logarithmis
 correspondentium multiplicationem inferre. Atque
 hæc suffecerint, modo Cometa in Perihelio suo ad di-
 stantiam Radio Orbis magni æqualem pertransire sup-
 ponatur. Sin, quod plerumque (si non semper) usu
 venire solet, ad majorem distantiam, uti nonnunquam
 fit; aut ad minorem, uti sæpius, Cometæ pertranseat;
 area ista tempori proportionalis augenda est vel minu-
 enda; idque in subsequaltera istius minimæ à Sole di-
 stantiæ ratione: ut ita demum area ista *anomaliam mediam*
 recte exponere possit. Unde priori Logarithmorum
 summæ addendus est istius distantiae sesquuplicatæ Lo-
 garithmus, & radius subducendus, juxta aureæ regulæ
 per Logarithmos administrandæ exigentiam: sive, quod
 perinde est, istius Logarithmi sesquialterius comple-
 men-

mentum Arithmeticum solummodo addendum. Neque mirum videri debet quod in distantis *minoribus addendo* Logarithmum, veram rationem adauctam atque eandem in *majoribus* distantis diminutam obtineamus. Multiplicatio enim per fractionem vel partes decimales non minus minuit summam, quam multiplicatio per numeros integros eandem auget. Et par est ratio additionis Logarithmicæ: uti facile notum. Observandum autem Logarithmos in tertia Tabulæ generalis columella consignatos non esse numerorum distantiarum à Sole præter radium five præter distantiam minimam ipsi radio addendorum, sed numerorum quorum multiplicatione distantiam istam veram obtineretur. Unde eorundem Logarithmi sibi invicem superadditi Logarithmum istius distantie à Sole integræ facile exhibebunt. Hisce rite intellectis calculus haud ægre administrabitur; nempe ut apud Hallicium sequitur.

EXEMPLUM I.

Queritur Locus Cometæ Anni 1684 Martii 1°. 7^h. 00'. P. M. Londini. Hoc est 96°. 19^h. 8'. post Perihelion ejus Novemb. 24°. 11^h. 52'. Celebratum.

Log. Dist. Perihel.	10.011.044		° . ' . "
Log. sesquialt. —	10.016.566	Perihel. Ω —	10.41.25
	—————	Ang. Correspond.	83.38. 5
Comp. Arith. —	9.983.434	Comet. in Orb. \times	17. 3.20
	9.960.128	Ω . II.	21.14.00
Log. Temp.	1.985.862	Com. à Node.	34.10.40
	—————	Red. ad Eclip.	32.19. 5
Log. Med. Mot.	1.929.424		—————
	—————	Com. Helioc.	8.18.54.55
Medius Motus.	851601	Incl. Bor.	11.46.50

Log.

PRAELECTIONES

Log. pro dist. 0 2 5 5. 3 9 6

Log. Perihel. 0 0 1 1. 0 4 4

Corr. Incl. 9 9 9 0. 7 5 4

Log. dist. Corr. 0 2 5 7. 1 6 7

Log. dist. E. 9 9 9 7. 9 1 8

° ' "

☉. ♋. — 21. 44. 45.

Corr. Fz. r. 29. 18. 30.

Lat. Fz. Bar. 3. 36. 15.

EXEMPLUM II.

QUAERITUR LOCUS COMETAE ANNI 1683 JULII 23°. 13^h.
 24°. 2. M. LUNARI. VEL 13°. 40'. T. æquat hoc est
 22°. 10'. corr. post Perihelion.

Log. Dist. Perihel. 3. 43. 43

Log. Cometæ — 3. 52. 514

Comp. Arcus 2. 57. 436

9. 960. 123

Log. Temp. 1. 310. 723

Log. Mex. Mtr. 1. 513. 557

Mexicus Mtr. 44. 498

° ' "

Perihel. II. — 25. 29. 30

Ang. Correspond. 56. 47. 20

Comet. in Orb. r. 28. 42. 10

☉. ♋. 23. 23. 00

Com. à ☉. 35. 19. 10

Red. ad Eclip. 4. 48. 30

Com. Helic. ♋. 28. 11. 30

Incl. Bar. 35. 2. 0

Log. pro dist. 0 1 1 1. 3 3 6

Log. Perihel. 9. 7 4 8. 3 4 3

Corr. Incl. 9. 9 1 3. 1 8 7

Log. dist. Corr. 9. 7 7 2. 8 6 6

Log. dist. ☉. 0. 0 0 6. 1 0 4

° ' "

☉ *Locus ♏.* 10. 41. 25.

Com. Visus ☉. 5. 11. 50.

Lat. Bar. — 28. 52. 00.

Jam vero, ut Calculus hicce Cometicus rite administretur, Notandum (1°) Logarithmum distantie minimæ, sive periheliæ, ea tantum de causa hic apponit, ut alterum Logarithmum, ejusdem sesquialterum, sive ad priorem ut 3 ad 2, rationis nempe sesquialteræ indicem, obtineamus. (2°) Hujus Logarithmi postremi complementum Arithmeticum Logarithmo constanti unius diei additum conficere Logarithmum integri temporis ante vel post perihelion. Per Logarithmos enim operando numeri ex. gr. in exemplorum priore sic sese habebunt: Logarithmus unius diei est 9.960.128. & dierum Logarithmus est 1.985.862. Hi soli simul additi Logarithmum mediæ motus conficerent, si modo distantia periheliæ esset unitatæ, sive radio Orbis magni æqualis: Sed cum augenda sit ista mediæ motus area in ratione istius distantie periheliæ sesquialterius, ad radium Orbis magni, addendus est Logarithmus iste sesquialter 0.016.566, ad priorem Logarithmum; & subtrahendus numeri denarii Logarithmus; sive, quod perinde est, addendum solummodo Logarithmi sesquialterius Complementum Arithmeticum: quod hoc in loco factitatum: Medius vero motus ex ejusdem Logarithmo jam dato facile innotescet. (3°) Dato jam motu medio, sive *anomaliam mediæ*, eidem in Tabula generali angulus correspondens est 83°. 38'. 5". (Inventis nimirum ubi opus, per auream regulam partibus ubique intermediis proportionalibus.) qui ex loco Perihelii apud Leonem 10°. 41'. 25". *subductus*, propter motum nempe Cometæ retrogradum, & post perihelion, dat Locum Cometæ in Orbita Propria, sive *Anomaliam Coæquasam*, apud Taurum 17°. 3'. 38". (4°) Locum hunc à Loco Nodi descendens apud Geminos 21°. 14'. 00". subtrahe: Reliqua erit distantia Cometæ à Nodo, 34°. 10'. 40". (5°) Ut jam Locum Cometæ in Orbita propria ad Eclipticam, pro Planetarum more, reducamus, resolvendum est Triangulum Sphæricum Rectangulum, atque ex dato Angulo &

Hypotenusa, invenienda sunt Latera reliqua. Nimirum pro reductione ad Eclipticam secundum Longitudinem Heliocentricam, sequens analogia sufficiet.

<i>Ut Radius</i>	—————	10.000.000
	°. '. ''.	
<i>Ad Co-sin. Ang.</i>	21.18.30.	9.969.248
<i>Ita Tangens</i> —	34.10.40.	9.831.890
<i>Ad Tangentem</i> —		9.801.138 = 32°.19'.54".

Pro Inclinatione five Latitudine Heliocentrica sequens analogia est adhibenda.

<i>Ut Radius</i>	—————	10.000.000
	°. '. ''.	
<i>Ad Sin.</i>	34.10.40.	9.749.553
<i>Ita Sin. Ang. Dat.</i>	21.18.30.	9.560.369
<i>Ad Sin. Ang. Quæsit.</i>	—	9.309.922 = 11° 46' 44"

(6°) Ut Logarithmum veræ Cometæ à Sole Distantiæ obtineamus, Logarithmum *pro distantia à Sole* in Tabula generali motui medio congruum Logarithmo distantiae minimæ, five Periheliæ addere oportebit: *viz.*
 $0.255.369 + 0.011.044 = 0.266.413$: & dein sequentem instituire analogiam.

<i>Ut Radius</i>	— —	10.000.000
<i>Ad Dist. à Sole</i>	--	0.266.413
<i>Ita Co-sin. Inclîn.</i>		9.990.754
<i>Ad Dist. Curr.</i>	--	0.257.167

Sive, quod eodem recidit, addendi sunt tres Logarithmi, & abjiciendus, Radius Logarithmus; uti fit in exemplis nostris. (7°) Ad Obtinendam Cometæ Longitudinem Geocentricam five Locum Visum in Ecliptica, hac methodo utendum. Longitudinem Cometæ Heliocentricam 1°. 18'. 54'. 55". subtrahere à vero So-

lis Loco in Ecliptica. $11^{\circ}. 21'. 44''. 45''$. restabit *Angulus Commutationis* $10^{\circ}. 2^{\circ}. 49'. 50''$. Cujus ad circum-
lum complementum est $1^{\circ}. 27^{\circ}. 10'. 10''$. five gra-
duum $57^{\circ}. 10'. 10''$. Hujus dimidium est $28^{\circ}. 35'. 5''$. Unde instituenda est hæc analogia.

Ut Dist. Telluris — 9.997.918
Ad Dist. Com. Curtat. 10.257.167
Ita Radius — 10.000.000 $^{\circ}. 1'. ''$
Ad Tangentem — 10.259.249 = 61. 10. 3.
Rejctis vero gradibus 45 rest. — 16. 10. 3. *Ergo*
Ut Radius — 10.000.000
Ad Tang. $16^{\circ}. 10'. 3''$. 9.462.265 $^{\circ}. 1'. ''$
Ita Tangens semisumma 9.736.294 = 28. 35. 5.
Ad Tang. semidifferentia 9.198.559 = 8. 58. 36.

Qua semidifferentia ex semisumma ablata, restant $19^{\circ}. 36'. 29''$. hoc est, *Orbis Parallaxis*. Hac autem Parallaxi à Loco Cometæ Heliocentrico hoc in casu subtracta, datur Locus ejusdem Geocentricus γ . $29^{\circ}. 18'. 26''$, paulo accuratius, opinor, quam calculus Hal-
leianus eundem exhibet. Quod si Cometæ Distantia à Sole Curtata minor sit distantia Telluris à Sole, uti fit in exemplorum altero, calculus est instituendus juxta morem pro Planetis inferioribus; (uti hic instituitur juxta morem pro superioribus.) Et semidifferentia angulorum, *elongationem à Sole* eo in casu exhibitura, Longitudini Solis in Ecliptica addenda est, vel ab eadem auferenda, ut Locum Cometæ Geocentricum habeamus.

(8^o) Ad Latitudinē Cometæ Geocentricam definiendam hæc analogia est adhibenda. (Angulo Elongationis ex aggregato semisummarum conflatō.)

Ut Sinus Anguli Commutationis 57.10.10. 9.924.423
Ad Sinum Anguli Elongationis — 37.33.41. 9.785.053
Ita Tangens Inclinationis — 11.46.44. 9.319.161
Ad Tangentem Latitudinis — (8.36.09) 9.179.791

“ Momento autem primi Exempli, *Londini* observatum est Cometam applicari ad Stellam secundam *Arietis*; ita us novem minutis illa borealior repertus sit, ac tribus minutis orientalis: Observante D^{no}. *Roberto Hookio*. In secundo autem Exemplo ipse, in vicinia *Londini*, instrumentis quibus olim Stellas Australes observaveram, Cometæ locum deprehendi $5^{\circ}. 11'. \frac{1}{2}$, cum Latitudine Boreali, $28^{\circ}. 52'$, consentiente ad amissam observatione *Grenovicensi* eodem pene momento facta.

“ Cometa autem Anni 1680, qui pene Solem attingit, (non enim triente semidiametri corporis Solaris à superficie ejus distabat in Perihelio) cum Latus rectum exiguum admodum sit, Tabula Generali haud coerceri potuit, ob immanem Motus medii velocitatem: præstat itaque in hoc, postquam inventus fuerit Motus medius, ex eodem, ope præcedentis æquationis $222 + 32 = 1, \frac{2}{5}$. *Mot. med.* Tangentem dimidii anguli à Perihelio elicere, una cum Logarithmo pro distantia à Sole. Quibus datis iisdem omnino regulis ac in cæteris procedendum est.

“ Ad hunc itaque modum Astronomico Lectori examinare licet numeros à me positos, quos summa cura ex observationibus quæ suppetebant exantlavi; neque enim, antequam probe ad incudem redacti fuerint, ac multorum annorum studio quantum fieri possit politi, in publicum prodeunt. Hoc autem specimen Astronomiæ Cometicæ, futuri operis Prodromum, editum esse volui; ne forte superveniente fato perirent lucubrationes nostræ, ob Calculi difficultatem non cuivis hominī denuo suscipiendæ. Monendus autem est Lector, quinque priores ordine Cometæ, quorum tertius & quartus est à *Petro Apiano* observatus, quintus vero à *Paulo Fabricio*, uti & decimus à *Messino* (ni fallor) anno 1596 conspectus, non eundem certitudinis gradum cum reliquis præ se ferre. Neque enim debitis organis nec cura ad hoc requisito

“ ob

“ observationes ipsæ peractæ sunt; adeoque inter se
 “ dissidentes nullo modo cum computo regulari conci-
 “ liari possunt. Cometam anni 1684 unus videt *Blan-*
 “ *chinus* observator *Romanus*: ultimum vero Anni sc.
 “ 1698 *Parisienses* soli conspexerunt, ejusque cursum
 “ insolito modo designarunt. Obscurus hic admodum,
 “ etiam si velox ac terris satis vicinus, nostros sane o-
 “ culos alioquin non incuriosos effugit. Insignes au-
 “ tem duos hac nostra ætate Cometas, alterum Anno
 “ 1689 Mense *Novembri* ortum, alterum Mense *Febru-*
 “ *ario* Anni 1702, Catalogo subungere non licuit,
 “ propter defectum observationum. Etenim versus
 “ mundi plagas Australes cursum dirigentes, ac in *Eu-*
 “ *ropa* vix conspiciui, contemplatores non habuere ne-
 “ gotio pares. Quod si forsân ex partibus *Indiciæ* ad-
 “ vectæ fuerint accuratæ observationum series ad hoc
 “ necessariæ; lubens calculum repetere, horumque Or-
 “ bitas, reliquorum ad modum, Numeris designandæ
 “ laborem suscipere non gravabor.

“ Quibus perpensis, ac collatis inter se cæteris ho-
 “ rum Cometarum motuum Elementis, videre est,
 “ nullo ordine dispositos esse Orbitas; neque ipsos;
 “ Planetarum more, Zodiaco comprehendi posse, qua-
 “ quaversum tam retrograde quam directe indifferen-
 “ ter latis; unde manifestum est eos motu vorticall
 “ nullo modo circumagi. Quinetiam distantie Perihe-
 “ liæ nunc majores nunc minores reperiuntur; unde pro-
 “ num est suspicari etiam multo plures esse Cometas,
 “ qui in partibus à Sole remotioribus, obscuri cauda-
 “ que destituti, adeoque nobis in conspectui, præterlabi
 “ possint.

“ Hactenus Cometarum Orbes consideravimus ut
 “ perfecte Parabolicos; quò supposito consequeretur
 “ Cometas, vi Centripeta versus Solem impulsos, à
 “ spatiis infinite distantibus descendere, casuque suo ve-
 “ locitatem tantam acquirere, ut iterum in spacia Mundi
 “ remotissima sese abdere possent, perpetuo nisi sursum

"rendentes, ac ad Solem nunquam reversuri. Cum au-
 "tem satis frequentes sint Cometarum advenus; ac
 "eorum nullus reperiatur motu ferri Hyperbolico, seu
 "velociore quam cadendo ad Solem acquirere debeat,
 "credibile est potius in Orbibus valde Excentricis re-
 "volvi eos circa Solem, ac post longissimas periodos
 "reverti. Sic enim Numerus eorum præfinitus esset,
 "ac fortasse non usque adeo magnus. Spatia autem
 "inter Solem Fixasque tanta sunt, ut Cometæ revol-
 "venti cum Periodo quantumvis longa satis loci sit.
 "Latus autem rectum Ellipsis est ad Latus rectum Pa-
 "rabolæ eandem Periheliam distantiam habentis, ut
 "distantia Aphelia in Ellipsi est ad Axem totum Ellip-
 "sis; Velocitates autem sunt in dimidiata ratione eo-
 "rundem: quapropter in Orbibus valde Excentricis
 "ratio hæc accedit proxime ad rationem æqualitatis.
 "Tantilla autem differentia, quæ intercedit ratione ma-
 "joris in Parabola velocitatis, facillime in situ Orbis de-
 "terminando compensatur. Hujus itaque Tabulæ Ele-
 "mentorum Motuum usus præcipuus est, atque etiam
 "propter quem illam construere operæ præmium duxi,
 "ut, si quando novus Cometa emerferit, possimus col-
 "latis elementis dignoscere an poterit esse aliquis ex an-
 "tiquis, necne; ac proinde Periodum Orbitæque Axem
 "determinare, reditumque prædicere. Ac sane multa
 "me suadent ut credam Cometam anni 1531 ab *Apiano*
 "observatum, eundem fuisse cum illo qui anno 1607
 "descriptus est à *Keplero & Longomontano*, quemque
 "ipse iterum reversum vidi ac observavi anno 1682.
 "Quadrant Elementa omnia, ac sola inæqualitas pe-
 "riodorum adversari videtur: hæc autem tanta non
 "est ut causis Physicis non possit attribui. *Saturni* enim
 "motus à cæteris, præsertim *Jove*, ita interturbatur,
 "ut per aliquot dies integros incertum sit hujus Planetæ
 "tempus Periodicum. Quanto magis talibus erroribus
 "obnoxius erit Cometa, qui quatuor pene vicibus al-
 "tius excurrit *Saturno*, cujusque velocitas, vel tantil-
 "lum

“ lum aucta, Orbem ab Elliptico in Parabolicum pos-
 “ sit immutare? Confirmatur etiam eundem esse potu-
 “ isse ex eo, quod anni 1456 æstate, conspectus fuerit
 “ Cometa eodem pene modo inter Solem & Terram
 “ transiens retrograde: quem, licet à nemine observa-
 “ tus fuerit Astronomice, ex periodo modoque transi-
 “ tus non diversum à prædictis extitisse conjicio. Unde
 “ ausim ejusdem reditum fidenter prædicere, anno scil.
 “ 1758. Quod si hoc evenerit, nulla amplius erit du-
 “ bitandi causa, quin redire debeant cæteri. Habebunt
 “ ergo Astronomi in hac arenâ quo se exerçant per
 “ multa Secula, priusquam tot tantorumque Corporum
 “ circa commune centrum Solis revolvantium numerus
 “ cognoscatur, ac motuum symptomata certis regulis
 “ coerceantur. Crediderim equidem Cometam etiam
 “ anni 1532, eundem fuisse cum illo, qui ab *Hevelio*
 “ observabatur iæunte anno 1661: sed observationes
 “ *Apiani*, quas solas de primo habemus, nimis rudes
 “ sunt, nec quicquam certi in re tam subtili ex iisdem
 “ elici potest. Justo volumine hæc omnia exequi mihi
 “ animus est, nec Astronomiæ promovendæ hac in re
 “ deero, si Deo O. M. visum fuerit vitam faculatef-
 “ que prorogare. Interim quicumque modum Con-
 “ struendi Cometarum Orbes per tres observationes ac-
 “ curate habitas addiscere cupit, sub finem libri de Sy-
 “ stemate Mundi, sive tertii *Philosophiæ Nat. Princip.*
 “ *Math.* magni ipsius Inventoris methodum inveniet:
 “ Quam postea Dignissimus Collega meus *D. Gregorius*,
 “ Lib. V. pereruditæ Astronomiæ suæ Physicæ & Geo-
 “ metricæ plene & luculenter illustravit.

“ Unicum autem non abs re erit nec injucundum,
 “ hic loci Lectorem monere Astronomum; nempe
 “ quod nonnulli ex his Cometis Nodos suos habeant
 “ adeo Orbi Terræ annuo vicinos, ut si forte accide-
 “ rit, tempore reditus Cometæ *Terram* occupare Loca
 “ in orbe suo Nodo proxima, dum Cometa incredibili
 “ cum Velocitate præterierit, Parallaxin etiam habitu-

" rus sit valde observabilem, quæque fuerit ad Solis
 " parallaxin in ratione data. Unde occasione talium
 " transituum oblata erit ansa, rara quidem sed optima,
 " determinandi Solis à Terra distantiam; quam hactenus
 " non nisi mediante parallaxi Martis Acronychii,
 " vel Veneris perigææ, triplo quidem solari majore, sed
 " quæ vix ullis instrumentis senriatur, laxè admodum
 " concludere licuit. Quem Cometarum usum suggestit
 " Clarissimus Geometra D. Nic. Facio. Cometa
 " etenim anni 1472 parallaxin habuit plusquam vigesies
 " Solari majorem. Ac si Cometa anni 1618 appulisset,
 " juxta medium Mensis Martii, ad Nodum ejus
 " Descendentem; vel si Cometa anni 1684 paulo citius
 " ad Nodum Ascendentem pervenisset, profecto
 " Terris admodum propinqui etiam adhuc magis notabiles
 " habuissent parallaxes: Inter omnes vero nullus
 " propiore appulsu Terris minatus est quam ille anni
 " 1680: Hic initio Calculo non amplius ad Boream
 " distabat ab Orbe nostro annuo, quam semidiametro
 " solari (sive Radio Lunaris Orbitæ uti existimo) idque
 " Novemb. 11°. 1^h. 6'. P. M. Quo tempore, si
 " Terræ quoad Longitudinem conjunctus fuisset, parallaxis
 " sane Lunari æqualis in Cometæ motu observari
 " potuisset. Hæc Astronomis dicta sunt. Quæ
 " vero ab hujusmodi allapsu, vel contactu vel denique
 " collisione Corporum cœlestium (quæ quidem omnino
 " non impossibilis est) consequi debeant, rerum
 " Physicarum studiosis discutienda relinquo,

*Comptarum omnium hactenus rite Observatorum, Motuum
in Orbe Parabolico Elementa Astronomica.*

Com. An.	Notus Ascend.	Inclin. Orbitæ.	Perihelion. gr. l. n.	Diffan. Perihel. a Sole.	Log. Diff. Perihelia a Sole.	Temp. equat. Perihelii.	Perihelion a Noto.
	gr. l. n.	gr. l. n.	gr. l. n.			d. h. m.	gr. l. n.
1337	11.24.21.0	32.11.0	5.79.0	46666	9.609236	Jun. 2. 6.25	46.22.0 Retrog.
1432	11.40.20	5.20.0	15.33.30	54273	9.734584	Feb. 28.22.23	123.47.10 Retrog.
1531	11.9.25.0	17.56.0	1.39.0	56700	9.735383	Aug. 24.21.18	107.46.0 Retrog.
1532	11.20.27.0	32.36.0	21.7.0	50910	9.700803	Octob. 19.22.12	30.40.0 Direct.
1550	11.25.42.0	32.6.30	8.50.0	46390	9.666424	April. 21.20.3	103.8.0 Direct.
1577	11.25.52.0	74.32.45	9.22.0	18342	9.263447	Octob. 26.18.45	103.30.0 Retrog.
1580	11.18.57.20	64.40.0	19.5.50	59028	9.775450	Nov. 28.15.00	90.8.30 Direct.
1585	11.7.42.30	6.4.0	8.51.0	109358	9.038890	Sept. 27.19.20	28.51.30 Direct.
1590	11.19.30.40	29.40.40	6.54.30	57661	9.766882	Jan. 29. 3.45	51.23.50 Retrog.
1596	11.12.30	55.12.0	11.8.16.0	51293	9.710053	Jul. 31.19.55	83.56.30 Retrog.
1607	11.20.21.0	17.2.0	2.15.0	58680	9.768490	Octob. 16. 3.50	108.05.0 Retrog.
1618	11.6.1.0	37.34.0	2.14.0	37975	9.579498	Octob. 29.12.23	73.47.0 Direct.
1632	11.28.10.0	79.28.0	11.8.18.40	84750	9.928140	Nov. 2.15.40	59.51.20 Direct.
1661	11.22.30.30	32.35.50	25.58.40	44851	9.651772	Jan. 16.23.41	33.28.10 Direct.
1664	11.21.14.0	21.18.30	10.41.25	102575	9.001104	Nov. 24.11.52	49.27.25 Retrog.
1665	11.18.02.0	76.05.0	11.54.30	10649	9.027305	April. 14. 5.15	156.73.0 Retrog.
1677	11.27.30.30	83.22.10	16.55.30	69739	9.883476	Feb. 20. 8.37	09.29.0 Direct.
1677	11.26.49.10	79.03.15	11.7.37.5	58059	9.448057	April. 26.00.37	99.12.5 Retrog.
1680	11.2.2.0	50.5.60	12.39.30	006123	1.781106	Dec. 8.00.6	19.22.30 Direct.
1682	11.21.16.30	17.46.0	2.52.49	48328	9.768877	Sept. 4.07.39	108.23.45 Retrog.
1683	11.23.23.0	83.11.0	12.29.30	96020	9.746343	Jul. 3. 2.50	87.53.30 Retrog.
1684	11.28.15.0	59.48.40	12.85.2.0	96015	9.928233	May. 29.10.16	29.23.00 Direct.
1686	11.20.34.40	31.21.40	17.00.30	32700	9.951188	Sept. 6.14.33	86.25.50 Direct.
1698	11.27.44.15	11.46.0	17.00.51.15	69129	9.839660	Octob. 8.10.57	3.7.0 Retrog.

*Hac Tabula vix indiget explicatione, cum ex Titulis satis
patent quid sibi velint Numeri. Distantie autem Perihelia
estimantur in ejusmodi partibus quales media distantia Ter-
re a Sole habet centies millenas.*

*Tabula Generalis pro supputando motu Cometae in Orbe
Parabolico.*

Med. mot.	Ang. à peri- helio.	Logar. pro dist. à Sole.	Med. mot.	Ang. à peri- helio.	Logar. pro dist. à Sole.
0	gr. ' "		0	gr. ' "	
1	1.31.40	0.000077	31	42.55.06	0.062400
2	3. 3.15	0.000309	32	44. 3.20	0.065838
3	4.34.43	0.000694	33	45.10.29	0.069319
4	6. 6. 0	0.001231	34	46.16.35	0.072839
5	7.37. 1	0.001921	35	47.21.36	0.076396
6	9. 7.43	0.002759	36	48.25.33	0.079984
7	10.38. 2	0.003745	37	49.28.27	0.083600
8	12. 7.54	0.004876	38	50.30.19	0.087244
9	13.37.17	0.006151	39	51.31. 8	0.090910
10	15. 6. 7	0.007564	40	52.30.56	0.094596
11	16.34.20	0.009115	41	53.29.44	0.098300
12	18. 1.54	0.010798	42	54.27.32	0.102019
13	19.28.47	0.012609	43	55.24.21	0.105752
14	20.54.54	0.014550	44	56.20.12	0.109490
15	22.20.14	0.016607	45	57.15. 6	0.113240
16	23.44.44	0.018783	46	58. 9. 3	0.116995
17	25. 8.22	0.021072	47	59. 2. 4	0.120756
18	26.31. 8	0.023470	48	59.54.11	0.124518
19	27.52.55	0.025969	49	60.45.25	0.128278
20	29.13.47	0.028570	50	61.35.45	0.132035
21	30.33.40	0.031263	51	62.25.14	0.135792
22	31.52.32	0.034045	52	63.13.52	0.139544
23	33.10.23	0.036916	53	64. 1.40	0.143291
24	34.27.12	0.039864	54	64.48.38	0.147029
25	35.42.59	0.042892	55	65.34.50	0.150762
26	36.57.41	0.045989	56	66.20.13	0.154482
27	38.11.20	0.049154	57	67.04.50	0.158192
28	39.23.54	0.052382	58	67.48.22	0.161890
29	40.35.23	0.055668	59	68.31.50	0.165578
30	41.45.47	0.059009	60	69.14.16	0.169254

Tabula Generalis pro Supputando.

Med. mot.	Angul. à perihelio.	Logar. pro dist. à Sole.	Med. mot.	Ang. à peri- helio.	Logar. pro dist. à Sole.
0	gr. ' . "		0	gr. ' . "	
61	69.55.58	0.172914	91	86.20.34	0.274176
62	70.36.56	0.176557	92	86.46.20	0.277239
63	71.17.16	0.180188	93	87.11.43	0.280284
64	71.56.56	0.183803	94	87.36.45	0.283306
65	72.35.57	0.187404	95	88.01.27	0.286308
66	73.14.15	0.190978	96	88.25.49	0.289293
67	73.51.59	0.194540	97	88.49.48	0.292252
68	74.29. 6	0.198085	98	89.13.32	0.295201
69	75.05.38	0.201614	99	89.36.54	0.298122
70	75.41.35	0.205122	100	90.00.00	0.301030
71	76.16.56	0.208612	102	90.45.14	0.306782
72	76.51.43	0.212080	104	91.29.18	0.312469
73	77.25.57	0.215529	106	92.12.14	0.318060
74	77.59.41	0.218963	108	92.54. 4	0.323587
75	78.32.54	0.222378	110	93.34.52	0.329042
76	79. 5.35	0.225769	112	94.14.40	0.334424
77	79.37.45	0.229142	114	94.53.30	0.339736
78	80. 9.23	0.232488	116	95.31.22	0.344979
79	80.40.34	0.235809	118	96. 8.22	0.350153
80	81.11.16	0.239127	120	96.44.30	0.355262
81	81.41.31	0.242416	122	97.19.48	0.360306
82	82.11.19	0.245684	124	97.54.17	0.365284
83	82.40.40	0.248933	126	98.28.00	0.370200
84	83. 9.34	0.252159	128	99.00.57	0.375052
85	83.38. 4	0.255366	130	99.33.11	0.379842
86	84. 6. 8	0.258552	132	100. 4.43	0.384576
87	84.33.49	0.261720	134	100.35.45	0.389252
88	85. 1. 5	0.264865	136	101. 5.48	0.393868
89	85.27.58	0.267989	138	101.35.22	0.398428
90	85.54.27	0.271092	140	102. 4.19	0.402930

Med. mot.	Ang. à peri- helio.	Logar. pro diff. à Sole.	Med. mot.	Ang. à peri- helio.	Logar. pro diff. à Sole.
0	gr. ' . "		0	gr. ' . "	
142	102.32.41	0.407380	204	113.37.25	0.523406
144	103.00.31	0.411784	208	114. 9.52	0.529705
146	103.27.47	0.416133	212	114.41.23	0.535886
148	103.54.31	0.420430	216	114.12.02	0.541958
150	104.20.43	0.424676	220	115.41.51	0.547922
152	104.46.22	0.428866	224	116.10.52	0.553781
154	105.11.33	0.433012	228	116.39. 7	0.559538
156	105.36.16	0.437110	232	117. 6.38	0.565199
158	106.00.32	0.441164	236	117.33.27	0.570762
160	106.24.23	0.445178	240	117.59.35	0.576233
162	106.47.47	0.449144	244	118.25. 5	0.581616
164	107.10.44	0.453060	248	118.49.57	0.586912
166	107.33.17	0.456936	252	119.14.14	0.592122
168	107.55.27	0.460772	256	119.37.56	0.597252
170	108.17.14	0.464208	260	120. 1. 6	0.602301
172	108.38.37	0.468318	264	120.23.44	0.607174
174	108.59.39	0.472030	268	120.45.52	0.612174
176	109.20.10	0.475705	272	121. 7.30	0.616998
178	109.40.40	0.479340	276	121.28.39	0.621750
180	110.00.40	0.482937	280	121.49.22	0.626438
182	110.20.20	0.486498	284	122. 9.38	0.631056
184	110.39.41	0.490022	288	122.29.28	0.635608
186	110.58.44	0.493512	292	122.48.54	0.640098
188	111.17.28	0.496965	296	123. 7.57	0.644525
190	111.35.55	0.500384	300	123.26.36	0.648893
192	111.54.05	0.503769	310	124.11.40	0.659559
194	112.11.58	0.507121	320	124.54.36	0.669880
196	112.29.34	0.510441	330	125.35.34	0.679876
198	112.46.55	0.513729	340	126.14.44	0.689568
200	113. 4.00	0.516984	350	126.52.12	0.698970

Med. mot.	Ang. à peri- helio.	Logar. pro diff. à Sole.	Med. mot.	Ang. à peri- helio.	Logar. pro diff. à Sole.
0	gr. ' "		0	gr. ' "	
360	127.28. 60	0.708104	820	141.49.24	0.970836
370	128. 2.33	0.716976	840	142.10.00	0.978397
380	128.35.38	0.725606	860	142.29.56	0.985771
390	129. 7.27	0.734006	880	142.49.10	0.992970
400	129.38. 40	0.742186	900	143. 7.48	1.000000
410	130. 7.34	0.750160	920	143.25.51	1.006871
420	130.36. 20	0.757930	940	143.43.21	1.013586
430	131. 3.30	0.765516	960	144.00.18	1.020155
440	131.30. 20	0.772918	980	144.16.46	1.026583
450	131.55.41	0.780148	1000	144.32.46	1.032876
460	132.20.30	0.787216	1500	149.26. 8	1.158188
470	132.44.32	0.794122	2000	152.26.15	1.246058
480	133. 7.50	0.800882	2500	154.32.26	1.313703
490	133.30.25	0.807494	3000	156. 7.25	1.368678
500	133.52.20	0.813969	3500	157.22.42	1.414974
520	134.34.18	0.826522	4000	158.24.36	1.454959
540	135.14. 0	0.838600	4500	159.16.30	1.490125
560	135.51.28	0.850187	5000	160. 1.12	1.521521
580	136.27. 60	0.861369	5500	160.40. 5	1.549874
600	137.00.57	0.872155	6000	161.14.24	1.575718
620	137.33.13	0.882575	6500	161.45.00	1.599440
640	138. 3.58	0.892649	7000	162.12.34	1.621417
660	138.33.21	0.902401	7500	162.37.34	1.641838
680	139. 1.29	0.911866	8000	163.00.23	1.660922
700	139.28.25	0.921012	8500	163.21.21	1.678824
720	139.54.16	0.929907	9000	163.40.42	1.695708
740	140.19. 5	0.938549	9500	163.58.38	1.711662
760	140.42.56	0.946951	10000	164.15.20	1.726784
780	141.05.55	0.955124	50000	170.52. 0	2.197900
800	141.28. 3	0.963082	100000	172.49.44	2.399655

[Post pag. 339. Astronom. nostr. desiderantur hæc Tabula.]

Tabula Logarithmorum Distantiarum Terræ à Sole.
Anomalia Terræ Media.

0	Sign. 0.	Sign. 1.	Sign. 2.	Sign. 3.	Sign. 4.	Sign. 5.	0
0	5.007289	5.006375	5.003778	5.000128	4.996381	4.993586	30
1	5.007286	5.006313	5.003669	4.999999	4.996267	4.993522	29
2	5.007284	5.006249	5.003559	4.999870	4.996154	4.993459	28
3	5.007280	5.006184	5.003447	4.999740	4.996042	4.993398	27
4	5.007273	5.006117	5.003334	4.999611	4.995931	4.993339	26
5	5.007264	5.006048	5.003220	4.999482	4.995822	4.993282	25
6	5.007253	5.005977	5.003105	4.999352	4.995714	4.993226	24
7	5.007240	5.005904	5.002989	4.999223	4.995607	4.993173	23
8	5.007225	5.005829	5.002872	4.999094	4.995501	4.993122	22
9	5.007208	5.005753	5.002755	4.998965	4.995397	4.993074	21
10	5.007189	5.005675	5.002636	4.998837	4.995294	4.993028	20
11	5.007167	5.005595	5.002516	4.998702	4.995193	4.992984	19
12	5.007144	5.005513	5.002396	4.998581	4.995094	4.992942	18
13	5.007119	5.005430	5.002275	4.998454	4.994996	4.992903	17
14	5.007092	5.005345	5.002153	4.998327	4.994899	4.992866	16
15	5.007062	5.005258	5.002030	4.998200	4.994804	4.992831	15
16	5.007030	5.005170	5.001907	4.998074	4.994711	4.992798	14
17	5.006997	5.005080	5.001787	4.997948	4.994619	4.992768	13
18	5.006961	5.004988	5.001659	4.997823	4.994529	4.992740	12
19	5.006923	5.004889	5.001534	4.997698	4.994441	4.992714	11
20	5.006883	5.004801	5.001408	4.997574	4.994354	4.992691	10
21	5.006842	5.004705	5.001282	4.997451	4.994269	4.992670	9
22	5.006798	5.004607	5.001155	4.997329	4.994186	4.992652	8
23	5.006752	5.004508	5.001028	4.997207	4.994105	4.992636	7
24	5.006704	5.004408	5.000900	4.997086	4.994025	4.992622	6
25	5.006654	5.004306	5.000772	4.996966	4.993947	4.992611	5
26	5.006602	5.004203	5.000644	4.996847	4.993871	4.992602	4
27	5.006548	5.004099	5.000515	4.996729	4.993798	4.992595	3
28	5.006492	5.003993	5.000384	4.996612	4.993726	4.992591	2
29	5.006434	5.003886	5.000257	4.996496	4.993656	4.992586	1
30	5.006375	5.003778	5.000128	4.996381	4.993588	4.992588	0
0	Sign. 11.	Sign. 10.	Sign. 9.	Sign. 8.	Sign. 7.	Sign. 6.	

[Ad pag. 332. Astron. Nostræ desiderantur hæc Tabellæ.]

Annis Christ. Curr.	Præces. Æquin.				Mensibus Anni Commun.	s. o. l. "			
	s.	o.	l.	"		s.	o.	l.	"
I	0.	5.	19.	20	Jan.	0.	0.	0.	0
1501	0.	16.	9.	20	Feb.	0.	0.	0.	4
1581	0.	27.	16.	0	Mart.	0.	0.	0.	8
1601	0.	27.	32.	40	April	0.	0.	0.	12
1621	0.	27.	49.	20	Mai.	0.	0.	0.	16
1641	0.	28.	6.	0	Jun.	0.	0.	0.	21
1661	0.	28.	22.	40	Jul.	0.	0.	0.	25
1681	0.	28.	39.	20	Aug.	0.	0.	0.	29
1701	0.	28.	56.	0	Sept.	0.	0.	0.	33
1721	0.	29.	12.	40	Octob.	0.	0.	0.	38
1741	0.	29.	29.	20	Nov.	0.	0.	0.	42
1761	0.	29.	46.	0	Decem.	0.	0.	0.	46
1781	0.	30.	2.	40	Pro Annis Expansis adi Col. 3. pag. 333.				
1801	0.	30.	19.	20					
1901	0.	31.	42.	40					
2001	0.	33.	6.	0					

F I N I S.

C O R R I G E N D A.

PAG. 47. Lin. 30. 31. Lege $29\frac{1}{10}$ bis. & dele $14\frac{2}{3}$ ad 1 bis. Pag. 53.
Lin. Ult. Nota quod ablato 4 de 6 restant 2 positive; unde pergit corpus
primum post occursum; & inde motus secundi additione obtinetur, $10 + 2 =$
12. Ubi vero restat nihil corpus primum quiescet. Ubi residuum est minus ni-
hilo, sive quantitas negativa corpus primum regredietur, & motus secundi
subtractione obtinebitur. Pag. 304. Lin. 8. Leg. Ut 1 ad 8. circiter Lin. 9.
Leg. ut 9 ad 8. circiter. Pag. 351. Lin. 12, 13. Leg. Numerorum pro ipsis di-
stantiis, unitate pro distantia minima ubique accepta. licet unitas ista sit valoris,
diversi, pro diversis distantis paribellis in priori Elementorum Tabula distincte
per Logarithmos consignatis.

Catalogus Librorum Impensis Benj. Took.

ARITHMETICA UNIVERSALIS sive de Compositione & Resolutione Arithmetica Liber. Cui accessit Hallesiana Æquationum Radices Arithmetice inveniendi methodus. In Usum Juventutis Academicæ.

PRÆLECTIONES ASTRONOMICÆ Cantabrigiæ in Scholis Publicis Habitz à GULIELMO WHISTON, A. M. & Matheseos Professore Lucasiano. Quibus Accedunt Tabulæ Plurimæ Astronomicæ Flamstedianæ Correctæ, Hallesianæ, Cassinianæ, & Streetianæ. In Usum Juventutis Academicæ.

TELLURIS *Theoria Sacra*: Orbis Nostri Originem & Mutationes Generales, quas aut jam subiit, aut olim subiturus est, Complectens. Libri duo Priores de Diluvio & Paradiso. Editio Tertiâ, recognita & contractâ. Authore T. BURNETIO.

A *New Theory of the Earth*, from its Original, to the Consumation of all Things: Wherein the Creation of the World in Six Days, the Universal Deluge, and the General Conflagration, *as laid down in the Holy Scriptures*, are shewn to be perfectly agreeable to Reason and Philosophy. With a large Introductory Discourse concerning the Genuine Nature, Stile, and Extent of the *Mosaic* History of the Creation. The *Second Edition*, with great Additions, Improvements and Corrections. By WILLIAM WHISTON, M. A. Professor of the *Mathematicks* in the University of Cambridge.

